



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

2417

245
9-61

2010

100284

243
7-61

Գ Ի Բ Ք

Ս Ա Ղ Մ Ո Ս Ա Ց

Դ Ա Ի Թ Ի

Տ Պ Ա Գ Բ Ե Ա Լ

Ի Հ Ա Յ Բ Ա Պ Ե Տ Ո Ի Թ Ե Ա Ն

Տ Ե Ա Ռ Ն Տ Ե Ա Ռ Ն Գ Է ՈՐ Գ Ա Յ

ԱԶԳԱՍԷՐ ԵՒ ՎԵՀԱՓԱՌ ԿԱԹՈՒՂԻԿՈՍԻ
ԱՄԵՆԱՅՆ ՀԱՅՈՑ

ԵՒ

Ի Պ Ա Տ Բ Ի Ա Ր Ք Ո Ի Թ Ե Ա Ն

ՍՐԲՈՅՆ ԵՐՈՒՍԱՂԻՄԱՅ

Տ Ե Ա Ռ Ն Տ Ե Ա Ռ Ն Ե Ս Ա Յ Ե Ա Յ

ՍՐԲԱԶԱՆ ԱՐՔԵՊԻՍԿՈՊՈՍԻ

ԵՒ

Ի Պ Ա Տ Բ Ի Ա Ր Ք Ո Ի Թ Ե Ա Ն

2012

ԿՈՍՏԱՆԴՆՈՒՊՈԼԻՍՈՅ


Տ Ե Ա Ռ Ն Տ Ե Ա Ռ Ն Մ Կ Բ Տ Չ Ի

ՍՐԲԱԶԱՆ ԱՐՔԵՊԻՍԿՈՊՈՍԻ

ԿՈՍՏԱՆԴՆՈՒՊՈԼԻՍ

Տ Պ Ա Գ Բ Ո Ւ Թ Ի Ի Ն Գ Բ Ա Վ Ա Ճ Ա Ռ Ն Յ Ո Վ Ս Ե Փ Ա Յ Գ Ա Վ Ա Յ Ե Ա Ն

—ՌՅԻԱ=1872—



11280




9394
40

2012





ՄԱՅՐ ՍԻՐՈՅ



Գ Ի Բ Ք

Ս Ա Ղ Մ Ո Ս Ա Ց Դ Ա Ի Թ Ի

Ս Ա Ղ Մ Ո Ս Ա:



ԲԱՆԵԱԼ է այր՝ որ ոչ գը-
նաց ՚ի խորհուրդս ամբա-
րըշտաց . ՚ի ճանապարհի
մեղաւորաց նա ոչ եկաց , և յաթո-
ւըս ժանտից ոչ նստաւ :

Այլ յօրէնս տեառն են կամք նո-
րա , և յօրէնս նորա խորհեցի նա
՚ի տուէ և ՚ի գիշերի . և եղիցի նա
որպէս ծառ , որ տնկեալ է ՚ի գնա-
ցրս ջուրց :

Որ զպտուղ իւր ՚ի ժամու տացէ , և
տերեւ նորա մի թափեցի . և զամե-
նայն զոր ինչ արասցէ , յաջողեցի նմա :
Ոչ այսպէս են ամբարիշտք , և ոչ այն-
պէս . այլ որպէս զփռչի , զոր հոսէ
հողմ ՚ի վերայ երեսաց երկրի :

Վասն այսորիկ ոչ յարիցեն ամբա-
րիշտք ՚ի գառաստան , և ոչ մեղա-
ւորք ՚ի խորհուրդս արգարոց :

Քանզի ճանաչէ տէր զճանապարհս
արգարոց . ճանապարհք ամբարըշ-
տաց կորիցեն :

ՏՈՒՔ Զ :

Ս Ա Ղ Մ Ո Ս Բ:

Անվերնագիր ՚ի յերրայեցոցն . երկրքին սորա
ընդ մի համար են :

Ընդէր խռովեցան հեթանոսք , և
ժողովուրդք խորհեցան ՚ի սնոտիս :
Յանդիման եղեն թագաւորք երկրի ,
և իշխանք ժողովեցան ՚ի միասին
վասն տեառն և վասն օծելոյ նորա :
Խզեցո՞ւք զկապանս նոցա , և ըն-
կեցո՞ւք ՚ի մէնջ զլուծ նոցա :
Բնակեալն յերկինս ծիծաղեցի զնո-
քօք , և տէր արհամարհեցէ զնոսա :
Յայնժամ խօսեցի ընդ նոսա բար-
կու թեամբ իւրով , եւ սրտմտու-
թեամբ իւրով խռովեցուցէ զնոսա :
Ես կացի թագաւոր ՚ի նմանէ , ՚ի
վերայ լերին սիօնի սրբոյ նորա՝ ՚ի
սրտմեղ զհրամանս տեառն :
Տէր ասաց յիս՝ որդի իմ ես դու ,
և ես այսօր ծնայ զքեզ :
Խնդրեա յինէն , և տաց քեզ զհե-
թանոսս ՚ի ժառանգութիւն , և իշ-

12012

խանութիւն քեզ ընդ ամենայն ծա-
գրս երկիրի:

Հովուեսցես զնոսա գաւազանաւ
երկաթեալ, և որպէս զանօթ բըր-
տի փշրեսցես զնոսա:

Արդ թագաւորք՝ զայս 'ի միտ ա-
ռէք. եւ խրատեցարուք ամենե-
քեան, ոյք դատէք զերկիր:

Ծառայեցէք տեառն երկիրդիւ, և
ցնծացէք առաջինորս դողութեամբ:

Ընկալարուք զխրատ նորա, զի մի
բարկասցի տէր, և կորնչիցիք 'ի ճա-
նապարհացն արդարութեան:

Ի ժամանակի՝ յորժամ բորբոքեսցի
բարկութիւն նորա:

Երանի՛ ամենեցուն՝ ոյք յուսաց-
եալ են 'ի տէր:

Տունք ծղ:

ՍԱՂՄՈՍ Գ.

Սաղմոս դաւթի. 'ի ժամանակի՝ զի փախուցեալ
էր նա յերեսաց աբիսողոմայ որդոյ իշբոյ:

Տէր՝ զի՞ բազում եղէն նեղիչք իմ,
և բազումք յարեան 'ի վերայ իմ:
Բազումք ասէին զանձնէ իմմէ, թէ
չի՞ք փրկութիւն սորա առ աստ-
ուած իւր:

Այլ դու տէր՝ օգնական իմ ես, փառք
իմ և բարձրացուցիչ գլխոյ իմոյ:

Զայնիւ իմով ես առ տէր կարդացի,
և լուաւ ինձ 'ի լեռնէ սրբոյ իւրմէ:

Ես ննջեցի և 'ի քուն եղէ, զարթ-
եայ՝ և տէր ընդունելի իմ է:

Ոչ երկեայց ես 'ի բիւրաւոր զօրաց
նոցա, ոյք շուրջանակի պատեալ

պաշարեալ պահէին զիս:

Արի տէր՝ և փրկեա զիս աստուած
իմ. զի դու հարեր զամենեսեան,

ոյք էին ընդ իս թշնամութեամբ
'ի տարապարտուց. և զատամունս

մեղաւորաց փշրեսցես:

Տեառնդ է փրկութիւն. 'ի վերայ
ժողովրդեան քո օրհնութիւն քո:

Տունք Ը: Գորգայս ի Ը:

ՍԱՂՄՈՍ Դ.

Ի կատարած օրհնութեան. Սաղմոսերգոչիւն
դաւթի:

Ի կարգալ իմում լուար ինձ աստ-
ուած ըստ արդարութեան. 'ի նե-
ղութենէ ինձ անգորր արարեր. ո-
ղորմեա ինձ և լուր աղօթից իմոց:

Որդէք մարդկան մինչեւ յերբ էք
խստասիրտք. ընդէր սիրէք զաներու-

թիւն, և խնդրէք զստութիւն:

Ծաներուք զի սքանչելիս արար տէր
սրբոյ իւրում. և տէր լուիցէ ինձ 'ի

կարգալ իմում առ նա:

Բարկանայք՝ և մի՛ մեղանչէք. զոր
ինչ ասէք 'ի սիրտս ձեր, յանկողինս

ձեր զղջացարուք:

Մատուցէք պատարագս արդարու-

թեան, և յուսացարուք 'ի տէր:

Բազումք ասէին թէ, ո՞ ցուցցէ մեզ
զբարութիւն տեառն. նշանեցաւ

առ մեզ լոյս երեսաց քոց. և ետուր
ուրախութիւն սրտից մերոց:

Ի պտղոյ ցորենոյ գինւոյ և ձիթոյ
իւրեանց լցուցեր զնոսա:

Խաղաղութեամբ յայս և 'ի սոյն նրն-
ջեսցուք և զարթիցուք. զի դու տէր

միայն առանձին յուսով քո բնա-
կեցուցեր զմեզ:

Տունք Ը:

ՍԱՂՄՈՍ Ե.

Ի կատարած վառն վիճակիցոցն. Սաղմոս դաւթի:

Բանից իմոց ունկնդիր տէր, և 'ի
միտ առ զաղաղակ իմ:

Նայեա 'ի ձայն աղօթից իմոց, թա-
գաւոր իմ և աստուած իմ:

Ես զքեզ աղաչեմ տէր ընդ առա-
ւօտս լուիցես ձայնի իմում. ընդ ա-

ռաւօտս պատրաստ եղէց յանդ իման
լինիլ առ քեզ:

Ոչ թէ դու աստուած կամիս զանօ-
րէնութիւն. և ոչ բնակին առ քեզ

չարք. և անօրէիք մի՛ բնակեսցին ա-
ռաջի աչաց քոց:



Ատեցեր զայնոսիկ ոյք գործեն զա-
նօրէնութիւն. կորուսանես զամե-
նեսեան ոյք խօսին զսուտ :

Զայր արիւնահեղ և զնենգաւոր պիղծ
առնես դու տէր. այլ ես ըստ բա-
զում ողորմութեան քում մտից 'ի
տուն քո, և երկիրս պազից 'ի տաճար
սուրբ քո երկիր զիւ քո :

Տէր՝ առաջնորդեա ինձ յարդարու-
թեան քում. վասն թշնամեաց իմոց
ուղիղ արա առաջի իմ զճանապարհ-
հրս քո :

Զի ոչ գոյ 'ի բերանս նոցա ճշմարտու-
թիւն. և սիրտք նոցա նանրեայք են :
Որպէս գերեզմանք բաց են կոկորդք
նոցա. և լի զուօք իւրեանց նենգա-
ւորք եղեն :

Դատեա զնոսա աստուած՝ զի անկցին
'ի խորհրդոց սրտից իւրեանց. ըստ բա-
զում ամբարշտութեան նոցա մեր-
ժեա զնոսա, զի դառնացուցին զքեզ :
Ուրախ լիցին ամենեքեան՝ ոյք յու-
սացեալ են 'ի քեզ. յաւիտեան ցըն-
ծասցեն. և բնակեցցիս դու 'ի նոսա :
Պարծեսցին 'ի քեզ սիրելիք անուան
քո, զի օրհնեսցես դու զարդարն.
տէր որպէս զինու հաճութեամբ քո
պսակեցեր զնոսա :

Տունք ժր :

ՍԱՂՄՈՍ 2.

Ի կատարած ընդ օրհնօրէան վասն ոչբերոր-
դաց. Սաղմոս դառի :

Տէր, մի՛ սրտմտութեամբ քով յան-
դիմաներ զիս, և մի՛ բարկութեամբ
քով խրատեր զիս :

Ոչորմեա ինձ տէր, զի հիւանդ եմ
ես. բժշկեա զանձն իմ, զի խռովե-
ցան ոսկերք իմ :

Անձն իմ յոյժ խռովեցաւ՝ և դու
տէր մինչեւ յերբ :

Դարձ տէր և փրկեա զանձն իմ. կե-
ցո զիս տէր ըստ ողորմութեան քում :
Զի ոչ ոք է որ 'ի մահու յիշէ զքեզ :

կամ 'ի դժոխս խոստովան առնիցի
առ քեզ :

Վաստակեցայ ես 'ի հեծութեան իւ-
մում. լուացի զամենայն գիշեր զմա-
հիճս իմ, և արտասուօք իմովք զան-
կողինս իմ թացի :

Խռովեցաւ 'ի սրտմտութենէ ակն իմ.
և մաշեցայ ես 'ի վերայ ամենայն թըշ-
նամեաց իմոց :

Ի բաց կացէք յինէն ամենեքեան,
ոյք գործէք զանօրէնութիւն :

Լուաւ տէր ձայնի լալոյ իմոց. լուաւ
տէր աղօթից իմոց. և տէր զխրնդ-
րուածս իմ ընկալաւ :

Ամաչեսցեն և խռովեսցին յոյժ ա-
մենայն թշնամիք իմ. դարձցին յետս
և ամաչեսցեն յոյժ վաղվաղակի և
խռովեսցին :

Տունք ժ : Գորդայս զ :

ՍԱՂՄՈՍ 3.

Սաղմոս դառի. զոր ասաց տեսն վասն բա-
նին քոսեայ որդոյ յիսկնայ :

Տէր աստուած իմ 'ի քեզ յուսա-
ցայ, փրկեա զիս, և յամենայն
հալածչաց իմոց ապրեցո զիս :

Գուցէ երբէք յափշտակիցէ որպէս
առիւծ զանձն իմ. ոչ ոք իցէ որ փրկի-
ցէ, և ոչ այն՝ որ ապրեցուցանիցէ :

Տէր աստուած իմ թէ արարի զայս. և
թէ իցեն անօրէնութիւնք 'ի ձեռս իմ.
Թէ հատուցի երբէք այնոցիկ, ոյք
հատուցին ինձ չար. անկեայց և ես
'ի թշնամեաց իմոց ընդունայն :

Հալածեսցէ ապա թշնամին զանձն իմ.
հասցէ և կոխեսցէ յերկիր զկեանս իմ,
և զփառս իմ 'ի հող բնակեցուցէ :

Արի տէր բարկութեամբ քով, և
բարձրլեր 'ի սպառիլ թշնամեաց իմոց :
Զարթիր տէր աստուած իմ 'ի հրա-
մանս քո՝ զոր պատուիրեցեր. և ժո-
ղովք ժողովրդոց շուրջ եղիցին զքեւ :
Վասն այսորիկ 'ի բարձունս դարձ



տէր . և տէր դատէ զժողովուրդս իւր .
Դատ արա ինձ տէր ըստ արդարու-
թեան իմում , և ըստ ամբօժութեան
իմում որ յիս :

Կատարեսցին չարիք ՚ի վերայ մեղաւո-
րաց , և յաջողեսցես դու արդարոյ :
Որ քննէ զսիրտս և զերիկամունս աստ
ուած արդար . յիրաւի է ինձ օգնու-
թիւն յաստուծոյ որ ասպրեցուցաւ
նէ զայնոսիկ , ոյք ուղիղ են սրտիւք :
Աստուած դատաւոր արդար՝ հզօր
և երկայնամիտ , որ ոչ ածէ զբար-
կու թիւն իւր զօրհանապազ :

Ապա թէ ոչ դառնայք առ նա , ըզ-
սուր իւր սրեալ է և զաղէղն իւր
լարեալ . և ՚ի նմա պատրաստեալ է
զանօթս մահու , և զնետս իւր այ-
րեցելովք է գործեալ :

Ահաւասիկ երկնեաց զանօրէնու-
թիւն . յղացաւ զցաւս , և ճնաւ զա-
նիրաւու թիւն :

Գուբն՝ զոր փորեաց և պեղեաց , ՚ի
նոյն անկցի ՚ի խորխորատ՝ զոր և գոր-
ծեաց :

Դարձցին ցաւք ՚ի գլուխ նորա . և ՚ի
վերայ գագաթան նորա անօրէնու-
թիւնք իւր իջցեն :

Խոստովան եղէց տեառն ըստ արդա-
րութեան նորա . և սաղմոս ասացից
անուան տեառն բարձրելոյ :

Տունք թէ :

ՍԱՂՄՈՍ Ը .

Ի կատարս ՚ի վերայ հեռանացն .
Սաղմոս դաշի :

Տէր տէր մեր , զի սքանչելի է ա-
նունքո ՚ի վերայ ամենայն երկրի :
Համբարձաւ մեծ վայելչութիւնք քո
՚ի վերոյ քան զերկինս . ՚ի բերանոց
մանկանց տղայոց և ստնդեայց հաս-
տատեցեր զօրհնութիւն :

Վասն թշնամեաց քոց տէր , զի եղծ-
ցի թշնամին և հակառակորդն :

Տեսից զերկինս զգործս մատանց քոց ,

զլուսին և զաստեղս՝ զորս դու հաս-
տատեցեր :

Ո՛վ է մարդ , զի յիշես դու զնա . կամ
որդի մարդոյ , թէ այց ինչ արասցես
դու նմա :

Փոքր ինչ խոնարհ արարեր զնա քան
զհրեշտակս քո . փառօք և պատուօք
պսակեցեր զնա , և կացուցեր զնա
՚ի վերայ ամենայն ձեռակերտաց քոց :
Ձամենայն ինչ հնազանդ արարեր ՚ի
ներքոյ ոտից նորա , զխաշն և զար-
ջառ՝ և զամենայն ինչ :

Եւս և զերէ վայրի , զթռչունս երկ-
նից , և զձկունս ծովու՝ որք շրջին
ընդ շաւիղս ծովու :

Տէր տէր մեր , զի սքանչելի է անուն
քո ՚ի վերայ ամենայն երկրի :
Տունք թէ : Գորդայս իզ :

ՍԱՂՄՈՍ Թ .

Ի կատարս վասն զաղմուսացն որդոյ .
Սաղմոս դաշի :

Գոհացայց զքէն տէր բողբոլ սր-
տիւ իմով . պատմեցից զամենայն
սքանչելիս քո :

Ուրախ եղէց և ցնծացայց ՚ի քեզ .
սաղմոս ասացից անուան տեառնդ
բարձրելոյ :

Ի դառնալ յետս թշնամեաց իմոց ,
տկարասցին և կորիցեն յերեսաց քոց :

Արարեր զգատաստանս իմ և զիրա-
ւունս . նստար յաթոռ՝ դատաւոր
արդարութեան :

Սաստեցեր ՚ի հեթանոսս , և կորեաւ
ամբարիշտն . զանուանս նոցա ջնջե-
ցեր յաւիտեանս յաւիտենից , և թըշ-
նամւոյն զէն պակասեաց մինչ իսպառ :
Ձքաղաքս աւերեցեր , և կորեաւ
յիշատակ նոցա աղաղակաւ :

Աստուած կայ՝ և մնայ յաւիտեան .
պատրաստ արար զաթոռ իւր ՚ի դա-
տաստանի :

Ինքն դատէ զաշխարհս արդարու-



Թեամբ, և զժողովուրդս իւր ուղ-
ղու թեամբ:

Եղև տէր ապաւէն տնանկի, օգնա-
կան ՚ի նեղութեան ՚ի դէպ ժամանակի:
Յուսասցին ՚ի քեզ ամենեքեան՝ ոյք
զիտեն զանուն քո. զի ոչ թողցես
զայնոսիկ, ոյք խնդրեն զքեզ տէր:
Սաղմոս ասացէք տեառն՝ որ բնա-
կեայն է ՚ի սիօն. պատմեցէք ՚ի հե-
թանոսս զգործս նորա:

Ի խնդրել զարիւն նոցա՝ յիշեաց. և ոչ
մոռացաւ տէր զաղաղակս տնանկաց:
Ողորմեա ինձ տէր՝ և տես զխոնար-
հութիւն իմ ՚ի թշնամեաց իմոց. ո՛ր
բարձր արարեր զիս ՚ի դրանց մահու:
Որպէս պատմեցից զամենայն օրհնու-
թիւնս քո ՚ի դրունս դստեր սիօնի,
և ցնծացայց ՚ի փրկութեան քում:
Ընկան հեթանոսք յապականու-
թեան իւրեանց՝ զոր արարին, և ոչ
րոգայթ՝ զոր թագուցին, առցէ զո-
տրս նոցա:

Ճանաչի տէր յառնել զդատաստանս
իւր. և ՚ի գործս ձեռաց իւրեանց
կապեցցին մեղաւորք:
Դարձցին մեղաւորք անդրէն ՚ի դը-
ժոխս, և ամենայն հեթանոսք որք
մոռացան զաստուած:

Ոչ իսպառ մոռանայ տէր զաղքատն.
Համբերութիւն տնանկաց մի՛ կորի-
ցէ իսպառ:

Արի տէր՝ և մի՛ զօրասցի մարդ. դա-
տեսցին հեթանոսք առաջի քո:

Կացո տէր օրէնսդ իր ՚ի վերայ նոցա, և
ծանիցեն հեթանոսք՝ թէ մարդիկ են:

Ընդէ՛ր տէր՝ կացեր ՚ի հեռաստանէ.
անտես արարեր ՚ի դէպ նեղութեան
ժամանակի:

Յամբարտաւանիլ ամբարշտին, այրի
աղքատն. արդելցին ՚ի խորհուրդս
իւրեանց, զոր և խորհեցան:

Ձի գովի մեղաւորն ՚ի ցանկութիւն
անձին իւրոյ. որ զրկէն, և նա գովի:
Իսկ ընդէ՛ր բարկացայց մեղաւորն

զաստուած, ըստ բազում բարկու-
թեան իւրում, թէ ոչ խնդրի:

Ոչ է աստուած առաջի աչաց նորա.
պիղծ են ճանապարհք նորա յամե-
նայն ժամ:

Բարձրեալ են իրաւունք յերեսաց
նորա. ՚ի վերայ ամենայն թշնամեաց
իւրոց տիրեսցէ:

Ասաց ՚ի սրտի իւրում, թէ ոչ սա-
սանեցայց ազգէ յազգ առանց չարի:

Անիծիւք և դառնութեամբ և նեն-
գութեամբ լի է բերան նորա, և ՚ի
ներքոյ լեզուի նորա ցաւք և վաս-
տակք:

Նստի դարանեալ ընդ մեծամեծս ՚ի
գաղտնիս՝ սպանանել զանբիծն:

Աչք նորա ՚ի տնանկս հային. դարա-
նի ՚ի գաղտնիս, որպէս զառիւծ ՚ի մոր-
ւոջ իւրում:

Դարանի յափշտակել զաղքատն. յա-
փրշտակել զաղքատն, և ձգել զնա:
Յորոգայթ իւր խոնարհեցուցէ ըզ-
նա. խոնարհեցի և անկցի ՚ի տիրել
իւրում ՚ի վերայ տնանկաց:

Ձի ասաց ՚ի սրտի իւրում՝ թէ մո-
ռացաւ աստուած. դարձոյց զերեսս
իւր, զի մի՛ տեսցէ իսպառ:

Արի տէր աստուած իմ. բարձր եղիցի
ձեռն քո, և մի՛ մոռանար զտնանկս:
Իսկ ընդէ՛ր բարկացայց ամբարիշտն
զաստուած. զի ասաց ՚ի սրտի իւրում
թէ ոչ քննի:

Տեսանես դու զնա ՚ի ցաւս, և ՚ի սրտմը-
տութիւնս հայիս. ՚ի քեզ թողեալ է
աղքատն, և որբոյն դու ես օգնական:
Խորտակեցի բազուկ մեղաւորի և
չարի. խնդրեցցին մեղք նորա, և նա
մի՛ գտցի:

Տէր թագաւոր յաւիտեանս յաւի-
տենից. կորիցեն հեթանոսք յերկրէ
նորա:

Ձցանկութիւն տնանկաց լուաւ տէր.
՚ի պատրաստութիւն սրտից նոցա հա-
յեցաւ ակն քո:

Գաս առնել որրոյն և անանկի. զի մի եւս յաւելցի մարդ ՚ի մեծարաւ նել իւրում ՚ի վերայ երեսաց երկրի:

Տունք Բ:

ՍԱՂՄՈՍ Ժ.

Ի կատարած. Մաղմու դարի:

Ի տէր յուսացայ. որպէս ասիցէք ջանձն իմ, փոփոխեաց ՚ի լերինս որպէս ճնճղուկ:

Զի ահա մեղաւորք լարեցին զաղեղունս իւրեանց. սխառաստ արարին զնեա ՚ի կատարձս, ձգել ընդ խաւար այնոցիկ՝ ոչք ուղիղ են սրտիւք:

Զի զոր դու շինեցեր, նորա աւերեցին. իսկ արդարն զի՛ արար:

Տէր ՚ի տաճար սուրբ իւրում. տէր յերկինս յաթոռ իւրում:

Աչք նորա ՚ի անանկս հային, և արտեւանունք նորա քննեն զորդիս մարդկան:

Տէր քննէ զարդարն և զամբարիշտն. որ սիրէ զմեզս, ասէ զանձն իւր:

Տեղացի ՚ի վերայ մեղաւորաց որո՞ղայ՞ ՚ի հուր և ծծումք. այս միբիկ՝ բաժին բաժակի նոցա:

Արդար է տէր՝ և զարդարութիւն սիրէ. և զուղղութիւն տեսանեն երեսք նորա:

Տունք Ե:

ՍԱՂՄՈՍ ԺԱ:

Ի կատարած ՚ի վերայ ուրերորդին. Մաղմու դարի:

Ապրեցո զիս տէր, զի նուաղեաց սուրբ. նուաղեցան ճշմարտութիւնք յորդուոց ՚ի մարդկանէ:

Ի նանիր խօսեցաւ այր ընդ ընկերի իւրում. շրթամբք նենդաւորք սրտէ ՚ի սիրտ խօսեցաւ:

Սատակէ տէր զամենայն շրթունս նենդաւորս և զլեզուս մեծարանս:

Ոչք ասացին. զլեզուս մեր մեծս աւրացուք: շրթունք մեր առ մեզ են, և արդ մեր ո՞վ է տէր:

Վասն տառապանաց աղբատին և հեծութեան անանկին, այժմ յարեաց ասէ տէր. եղից զիրկութիւն իմ, և համարձակեցայ ՚ի նոսա:

Բանք տեառն են բանք սուրբ, որպէս զարծաթ ընտրեալ և փորձեալ յերկրէ, սրբեալ և սպարդեալ եօթնագաւակի ՚ի հողոյ:

Գու տէր սրահեցեր զմեզ, և ապրեցուցեր զմեզ յազգէ յայսմանէ մինչեւ յաւիտեան:

Շուրջանակի ամբարիշտք շրջին. ըստ բարձրութեան քում մեծս արասցես դու զորդիս մարդկան:

Տունք Ը:

ՍԱՂՄՈՍ ԺԲ:

Ի կատարած. Մաղմու դարի:

Մինչեւ յերբ տէր՝ մտանաս զիս խաղառ, մինչեւ յերբ դարձուցանես զերեսս քո յինէն:

Մինչեւ յերբ գնեմ զխորհուրդս յանձըն իմ. և ջաւք սրտի խնոյզաւուրս:

Մինչեւ ջերբ բարձրանայ թշնամին ՚ի վերայ իմ. նայեա և լուրինձ տէր աստուած իմ:

Լոյս սուր տէր աչաց խնոց, զի մի երբէք ննջեցից ՚ի մահ:

Մի ասացէ թշնամին թէ յաղթեցի նմա. կամ նեղիչք իմ ցնծացեն, թէ ես սասանեցայց:

Ես յորոմութիւնս քո տէր յուսացայ, ցնծացաւ սիրտ իմ ՚ի փրկութեան քում. որհնեցից զտէր զբարերարդ իմ:

Տունք Գ:

ՍԱՂՄՈՍ ԺԳ:

Ի կատարած. Մաղմու դարի:

Ասաց անդգամն ՚ի սրտի իւրում, թէ ոչ դոյ աստուած:

Ապահանեցան և սղծեցան յանօրէնութեան իւրեանց. և ոչ դք է՝ որ առնէ զբաղցրութիւնս:

Տէր յերկնից նայեցաւ յամենայն որ
դիտ մարդ կան, տեսանել թէ իցէ՞ որ
խնայաւորն, որ խնդրիցէ զաստուած:

Ամենեքեան խոտորեցան ՚ի միասին
և անպիտանացան:

Ոչ որ է որ առնէ դարբի, և չէ որ
մինչեւ ՚ի մի:

Որպէս ոչ ծանիցեն ամենեքեան, ոչ ք
զործեն զանօրէնութիւն:

Ոչ ք ուտէին զժողովուրդ իմ որպէս
կերակուր հացի, և առ տէր ոչ կար
զացին:

Անդ երկիցեն զերկիւղ՝ ուր ոչ իցէ
երկիւղ, զի տէր է յազգս արդարոց:

Զխորհուրդ ազքատին յամօթ արա
րին, զի տէր է յոյս նորա:

Ո՞տացէ ՚ի սիօնէ զփրկութիւն իսրա
յէլի: ՚ի դարձուցանել տեսան զգե
րութիւն ժողովրդեան իւրոյ, ցնծաւ
ցէ յակոր՝ և ուրախ եղիցի իսրայէլ:

Տուր ժ: Գորոցս Կ:

Ս Ա Ղ Մ Ո Ս Ժ Գ

Ի կատարած. Մարմնս դառի:

Տէր ո՞վ կացցէ ՚ի խորանի քում,
կամ ո՞վ բնակեցէ ՚ի լեռան
սուրբ քո:

Որ զնայ անբիժ՝ զործէ զարդարու
թիւն, խօսի զճշմարտութիւն ՚ի սրբ
տի իւրում:

Որ ոչ նենգաւորեաց լեզուաւ իւ
րով, և չար բնկերի իւրում ոչ արար:
Նախատինս ՚ի մերձաւորաց նա ոչ
առնու, արհամարհեալ է առաջին
րա չարագործն:

Զերկիւղածս տեսան փառաւոր առ
նէ. որ երգնու բնդ բնկերի իւրում,
և ոչ ստէ:

Զարծաթ իւր ՚ի վարձու ոչ տայ, և
կաշառս ՚ի վերայ իրաւանց ոչ առ
նու. որ զայս արասցէ, նա մի՞ սա
սանեցի յախտեան:

Տուր Գ:

Ս Ա Ղ Մ Ո Ս Ժ Ե

Յարձանագիր. Մարմնս դառի:

Պահեա զիս աստուած իմ զի ես ՚ի
քեզ յուսացայ, ասացի տեսան,
տէր իմ ես դու, և բարիք իմ ինձ
՚ի քէն են:

Սրբոց քոց՝ որք են յերկրի քում,
սքանչելի արարեր զամենայն կամս
իմ ՚ի նոսա:

Յաճախեցին հիւանդութիւնք նո
ցա, յետ այսորիկ ապա փաղաղեցին:

Ոչ ժողովեցայց ՚ի ժողովս նոցա յար
եանց, և ոչ յիշեցից զանուանս նո
ցա ՚ի չրթունս իմ:

Տէր բաժին ժառանգութեան իմոյ՝ և
բաժակի իմոյ դու ես, որ այսրէն դար
ձուցանես զժառանգութիւն իմ յիս:

Վիճակք ելին ինձ բնդ բնտիրս, և ժա
ռանգութիւն իմ հաճոյ եղեւ ինձ:

Օրհնեցից զտէր՝ որ խնայաւորն արար
զիս, մինչ ՚ի զիշերի եւս իրատեցին
զիս երիկամունք իմ:

Յառաջագոյն տեսանէի զտէր առա
ջի իմ յամենայն ժամ, զի է բնդ աջ
մէ իմմէ, զի մի՞ սասանեցայց:

Վասն այսորիկ ուրախ եղեւ սիրտ
իմ, և ցնծացաւ լեզու իմ, եւս և
մարմին իմ բնակեցի յուսով:

Զի ոչ թողցես զանձն իմ ՚ի դժոխս,
և ոչ տացես սրբոց քում տեսանել
զապահանութիւն:

Յուցեր ինձ զճանապարհս քո կենաց,
լցուցեր զիս ուրախութեամբ երե
սաց քոց ՚ի քաղցրութենէ վայելչու
թեան աջոց քոց մինչ իսպառ:

Տուր ժա:

Ս Ա Ղ Մ Ո Ս Ժ Զ

Աղօթք. Մարմնս դառի:

Լուր տէր արդարութեան, և նայեա
՚ի խնդրուածս իմ, ունկն դիր աղօթից
իմոց, զի ոչ չրթամբք նենգաւորօք:
Յերեաց քոց իրաւունք ինձ եղեն,
և աչք իմ տեսցեն զուղղութիւն:

Փորձեցեր զսիրտ իմ, և քննեցեր ՚ի գիշերի, փորձեցեր զիս՝ և ոչ գտաւ յիս անիրաւութիւն:

Եթի խօսեցցի բերան իմ զգործս որդւոց մարդկան, վասն բանից շրթանց քոց ևս պահեցից զճանապարհս խիստս, Հաստատեալ զչաւիղս իմ ՚ի ճանապարհի քում, զի մի գայթակղեցցին զնոցք իմ:

Ես առ քեզ տէր կարգացի՝ զի լուար ինձ աստուած, խնայրհեցոս առ իս զունկն քո և լուր բանից ինոց:

Աքանջելի արարեր զողորմութիւնս քո, ո՛ր փրկես զայնասիկ ոչք յուսալցեալ են ՚ի քեզ, յայնցանե ոչք հաւ կառակ կան աջոց քո:

Պահեա զիս որպէս բիր ական, բնդ հովանեալ թեւոց քոց ծածկեցես զիս յերեսաց ամբարշտաց, ոչք տառապեցուցին զիս:

Թշնամիք զանձն իմ պաշարեցին, և ՚ի ճարդս իւրեանց արդելին, և բերանք նոցա խօսեցան զամբարտաւանութիւնս:

Մերժեցին զիս, և այժմ զարձեալ պատեցան զինեւ, ուչ եղին խնայրհեցուցանել զիս յերկիր:

Համարեցան ինձ որպէս առիւծ զի պատրաստի յորս, և որպէս կորիւն առիւծու զի նստի զարանեալ:

Արի տէր՝ ժամանեա նոցա և խափանեա զնոսա, փրկեա զանձն իմ յամբարշտաց ՚ի սրոյ՝ և ՚ի ձեռաց թրշնամւոցն:

Տէր կորս զնոսա յերկրէ, բաժանեա և խափանեա զնոսա ՚ի կեանս իւրեանց:

Պաղանկոք քովք լցան որովայնք նոցա, յաղեցան կերակրովք, և թաղին զմնացուածս տղայոց իւրեանց:

Ես արդարութեամբ երեւեցայ երեսաց քոց, և յաղեցայ յերեւիլ փառաց քոց

Յուդ. 14: Գորգոս. 10:

ՍԱՂՄՈՍ ԺԷ

Ի կատարս՝ ՚ի վերայ պատերազմոց՝ նահապետի ճառացի տեանն Գաւթի, զոր խօսեցաւ բնդ տեանն զրանս օրհնարեալն, յաւուր յորում փրկեաց զիս տէր ՚ի ձեռաց ամենայն բշխակաց, և ՚ի ձեռաց սաւուղայ, և սաւ:

Սիրեցից զքեզ՝ տէր զօրութիւնս իմ, տէր հաստատիչ իմ, ապաւեն իմ և փրկիչ իմ:

Աստուած օգնական իմ և ևս յուսամ ՚ի նա, ապաւեն իմ, եղջիւր փրկիչութեան իմոց բնդունելի իմ է:

Օրհնելով կարգացից առ տէր, և ՚ի թշնամեաց ինոց ապրեցայ:

Շուրջ եղեն զինեւ երկունք մահու, և ուղիք անօրէնութեան խռովեցուցին զիս:

Վիշտք զժոխոց պաշարեցին զիս, և ժամանեցին ինձ որովայնք մահու:

Ինեղութեան խնամ ևս առ տէր կարգացի, և առ աստուած իմ ազգակեցի:

Լուա ինձ ՚ի տաճարէ սրբոց իւրմէձայնի աղօթից ինոց, և աղաղակ իմ առաջի նորա, մայրէ յականջս նորա:

Խռովեցաւ և զողաց երկիր, և հիմունք լերանց սասանեցան և խռովեցան, զի բարկացաւ ՚ի վերայ նոցա աստուած:

Ալ ծուխ ՚ի բարկութենէ նորա, և հուր յերեսաց նորա բորբոքեցաւ, և փայլատակունք հասան ՚ի նմանէ:

Խնայրհեցայ զերկինս և էջ, և մեղ ՚ի ներքոյ սոխոց նորա:

Ալ ՚ի քրտիլէս և թռեաւ, սրացաւ նա ՚ի թեւս հողմոց:

Աղ զիսաւար ՚ի ծածկոյթ իւր, և շուրջ զնախաւ են յարկք իւր, և խաւարս յին ջուրք մինչեւ յամբս օդոց:

Ի փայլատակել նորա առաջի նոցա, ամոք անցուցին զկարկուտ, և զկայծակուն հուր:

Արտաց տէր յերկնից, և բարձրեալն



Եւ զձայն իւր 'ի կարկուտ եւ 'ի կոյճ
ճակունտ հուր :

Առարկեաց զբարձր իւր եւ զբուկեաց
զնոսա : յաճախեաց զփայլատակունտ
իւր : եւ խռովեցոյց զնոսա :

Արեւեցան աղբերք ջուրց : եւ յայտ
նեցան հիմունք աշխարհի :

Ի սասակ քուժիլ տեր : եւ 'ի շնչել
հոգւոյ բարկութեան քո :

Առարկեաց 'ի բարձանց եւ բնկարա
զիս : բնկարա զիս 'ի ջուրց բազմաց :
Փրկեաց զիս տեր 'ի թշնամեաց խնոց
հզօրաց : եւ յաստեղեաց խնոց՝ զի հզօրք
եղեն քան զիս :

Ժամանեցին ինձ աւուրք շարշա
րանաց խնոց : եղև տեր հզօրիչ իմ :
եւ եհան զիս յանդորր : եւ փրկեաց
զիս տեր՝ զի կամեցաւ զիս :

Հաստեաց ինձ տեր բառ արդարու
թեան խնամ : բառ ամբժու թեան ի
մում | հաստեաց ինձ :

Եւ սրահեցից զճանապարհս տեառն :
եւ ոչ ամբարշտեցայց յաստուճոյ իմիլ :

Ամենայն իրաւունք նորա առաջի իմ
են : եւ զարդարութիւն իւր ոչ 'ի
բացեաց արար յինն :

Մղց եւ ես ամբիժ բնդ նմա : եւ զգու
շացայց յանօրէնութենէ իմիլ :

Հաստեաց ինձ տեր բառ արդարու
թեան խնամ : բառ սրբութեան ձե
ռաց խնոց առաջի աշաց խնոց :

Ընդ սրբոյն սուրբ եղիցիս : բնդ առն
ամբժի ամբիժ եղիցիս : բնդ բնարեալ
սրն բնարեալ եղիցիս : եւ զթիւրան
կործանեացես :

Գաւ զժողովուրդս խանարհս կեցու
ցանես : եւ զաշս ամբարտաւանից
զաւ խանարհեցուցանես :

Գաւ լուսաւ որ առնես զճրագ իմ տեր
աստուած իմ : լոյս արա ինձ 'ի խաւարի :
Քեւ փրկեցայց 'ի փորձութենէ : աւ
առուճով իմով անցից բնդ սրբիտար :

Աստուած իմ : ամբիժ են ճանա
պարհք քո եւ բանք տեառն բնարեալ

են : եւ սպաւեն ամենեցուն որք
յուսան 'ի նա :

Ղասն զի սով է աստուած բաց 'ի
տեառնէ : կամ սով է աստուած բաց
յաստուճոյ մերմէ :

Աստուած : որ զկեցուցեր ինձ զը
րութիւն : եւ եղեր յամբժութեան
զճանապարհս իմ :

Հաստատեցեր զոտս իմ որպէս զեղջե
րութի : եւ 'ի վերայ բարձանց կացու
ցեր զիս :

Ասուցեր զձեռս իմ 'ի սրտերազմ :
եւ արարեր զբազուկ իմ որպէս զա
ղեղն հաստ : եւ ետուր ինձ զգաշա
սրանութիւն փրկութեան քոյ :

Աջ քո բնկարա զիս : եւ խրատ քո
կանդնեաց զիս խաղառ : եւ խրատ քո
ուսուցէ զիս :

Ընդ արձակեցեր զզնացս իմ 'ի ստորե
թիմէ : եւ ոչ տկարացան շաւիղք իմ :
Հարածեցից զթշնամիս իմ եւ հասից
նոցա : եւ ոչ դարձայց 'ի նոցանէ՝ մին
չեւ սպառեցից զնոսա :

Տեղեցից զնոսա : եւ այլ մի կարասցեն
կեալ : եւ անկցին 'ի ներքոյ ոտից խնոց :
Չկեցուցեր ինձ զօրութիւն 'ի սա
տերազմի : եւ զչարութեարն 'ի վերայ
իմ՝ ներքոյ իմ արարեր :

Զթշնամիս իմ հարածահամա արարեր :
եւ զաստիս իմ սաստակեցեր :

Ազաղակեցին : եւ ոչ որ էր որ փրկէր
զնոսա : կարդացին առ տեր՝ եւ ոչ
լուաւ նոցա :

Մանրեցից զնոսա որպէս փոշի առա
ջի հողմոց : եւ որպէս կաւ գուհայ
կոխեցից զնոսա :

Փրկեաց զիս տեր 'ի հակառակու
թենէ ժողովրդոց : եւ կացուցէ զիս
զլուս հեթանոսաց :

Ժողովուրդ՝ զոր ոչ գիտէի ծառայեաց
ինձ : եւ 'ի լուր ականջաց լուաւ ինձ :

Արդիք օտարաց ստեցին ինձ : որդիք
օտարաց մաշեցան : եւ կաղացան 'ի
շաւղաց իւրեանց :

Կենդանի է տէր և օրհնեալ է աստուած. և բարձր եղիցի աստուած փրկուածեան իմոյ:

Աստուած է որ խնդրէ զվրէժ իմ, և հնազանդ առնէ զժողովուրդս ընդ ինեւ:

Փրկիչ իմ 'ի թշնամեաց իմոց բարկացողաց. յայնցանէ որք յարուցեալ են 'ի վերայ իմ՝ բարձր արարեր զիս, և յառնէ անիրաւէ փրկեցեր զիս:


Վասն այսորիկ խոստովանեղէց քեզ 'ի հեթանոսս, և անուան քում սաղմոս ասացից:

Մեծ արարեր զփրկուածիւն թագաւորի նորա. առնել ողորմութիւն ընդ օծելոյ նորա դաւթի, և ընդ զաւակի նորա ազգէ մինչեւ յազգ:

Տունք ծ:

Կանոնս Գորգայս է: Սաղմոս ժէ:

Տունք մլԸ:



ՕՐՀՆՈՒԹԻՒՆ ՄՈՎՍԷՍԻ ԵՒ ՈՐԴՈՅՆ ԻՍՐԱԵԼԻ ԵՒՆԻՑ ԺԵ:

Օրհնեսցուք զտէր, զի փառօք է փառաւորեալ:

Զհեծեալս և զերթալարս ընկէց 'ի ծով. օգնական ընդունելի իմ տէր, և եղեւ ինձ 'ի փրկուածիւն:

Սա է իմ աստուած, և փառաւոր առնեմ զսա. աստուած հօր իմոյ, և բարձր արարից զսա:

Տէր խորտակէ զպատերազմունս, և տէր է անուն նորա:

Զընտիրս արանց և զընտիրս սպառազինաց, զկառս և զերթալարս և զամենայն զօրութիւնս փարաւոնի ընկէց 'ի ծով:

Ծով ծածկեաց զնոսա. ընկան յանդունդս խորոց իբրեւ զվէմս:

Աջ քո տէր՝ փառաւորեալ է զօրութեամբ իւրով. և աջ քո տէր՝ խորտակեաց զթշնամիս քո:

Եւ մեծութեամբ փառաց քոց մանրեցեր զհակառակորդս քո. առաքե-

ցեր զբարկութիւն սրտմտութեան քոյ, և եկեր զնոսա որպէս զեղէգն: Հոգւով զօրութեան սրտմտութեան քո սպառաւեցան ջուրք. դիզան՝ կացին որպէս պարիսպ քարեայ ջուրք ծովուն, և պաղեցան դիզան ալիք ջուրցն 'ի մէջ ծովուն:

Ասաց թշնամին. ասէ, հալածեցից՝ հասից՝ հարից, բաժանեցից զաւարն, և լցուցից 'ի նոցանէ զանձն իմ:

Ի սուր իմ արկից զնոսա. տիրեսցէ և բարձրացի 'ի վերայ նոցա աջ իմ:

Առաքեցեր զհողմն քո, և ծածկեաց զնոսա ծով. ընկղմեցան, և իջին որպէս կասպար 'ի ջուրս սաստիկս:

Ո՞ նմանի քեզ յաստուածս տէր, կամ ո՞վ նմանիցի քեզ՝ փառաւորեալդ 'ի սուրբս:

Աքանջելի փառաւորեալ՝ որ առնես զնշանս և զարուեստս, ձգեցեր ըզձեռն քո, և եկուլ զնոսա երկիր:

Առաջնորդեցեր արդարութեամբ ժողովրդեան քո այսմ, զոր և փրկեցեր:

Մխիթարեցեր զնոսա զօրութեամբ քով 'ի բանակետղ սրբութեան քո. լուան ազգ ք և բարկացան, և երկունք կալան զբնակիչսն փղշտացւոց:

Յայնժամ փութացան դատաւորք եղովմայ, և իշխանք մովաբացւոց:

Կալաւ զնոսա դողումն. հալեցան ամենայն բնակիչք քանանացւոց:

Անկցի 'ի վերայ նոցա ահ և դողումն. և 'ի զօրութենէ բազկի քո քարացին:

Մինչեւ անցցէ ժողովուրդ քո տէր. մինչեւ անցցէ ժողովուրդ քո այս՝ զոր ստացար:

Տարեալ տնկեսցես զնոսա 'ի լերին ժառանգութեան քոյ, 'ի պատրաստութիւն բնակութեան ժառանգութեան քոյ:

Զոր ստացար 'ի սկզբանէ տէր, ստացար սրբութեամբ՝ զոր սպատրաստեցին ձեռք քո. տէր թագաւոր յաւիտեանս յաւիտենից, և եւս:



Չի եմուտ փարաւոն կառօք և երիւ
վարօք և ընտիր սպառազինօք 'ի մէջ
ծովուն :

Եւ էա՞ծ 'ի վերայ նոցա տէր զջուրս
ծովուն . և որդիքն խորայելի գնացին
ընդ ցամաք 'ի մէջ ծովուն :
Փառք հօր և որդւոյ և :

Մ Ա Ղ Թ Ա Ն Ք

Քրիստոս է իմ աստուած , և փառաւ
ւոր առնեմ զսա . աստուած հօր ի
մոյ , և բարձր արարից զսա :

Մարդասէր տէր , վասն սրբուհւոյ
անարատի մօր քոյ և կուսի , և վասն
խաչի քո սպտուականի , ընկալ
զաղաչանս մեր , և կեցո զմեզ :

Քարոզ եւ աղօթք եր-նէ-ւ և իբրեւ կանոնացն :

Վասն 'ի վերուստ խաղաղութեան
և փրկութեան անձանց մերոց զտէր
աղաչեսցուք : Տէր ողորմեա :

Վասն լսելի լինելոյ տեառն աստու
ծոյ ձայնի աղաչանաց մերոց , զտէր ա :

Վասն քաւիչ և ներող լինելոյ աստու
ծոյ 'ի վերայ մեղաց մերոց , զտէր ա :

Վասն թողոյ մեզ զամենայն յանցանս
մեր զկամայ և զակամայ , զտէր ա :

Վասն զի մի՛ ընդ խոտանսն գտանիւ
ցիմք յաւուրն սրատասխանատուու
թեան , զտէր աղաչեսցուք :

Վասն հոգւոցն հանգուցելոց՝ որք
ճշմարիտ և ուղիղ հաւատով 'ի քրիս
տոս ննջեցին , զտէր աղաչեսցուք :

Եւ եւս՝ միաբան վասն ճշմարիտ և
սուրբ հաւատոյս մերոյ , զտէր աղա :

Չանձինս մեր և զմիմեանս տեառն
աստուծոյ ամենակալին յանձն ա
րասցուք :

Ողորմեաց մեզ տէր աստուած մեր
ըստ մեծի ողորմութեան քում . ա
սասցուք ամենեքեան միաբանու
թեամբ :

Տէր ողորմեա . տէր ողորմեա . տէր
ողորմեա :

Ա Ղ Թ Ք

Տէր տուրն ջեան՝ և գոյացուցիչ գիշե
րոյ որ արարեր զտիւ 'ի զբօսանս բա
րեգործութեան 'ի փրկութիւն ան
ձանց մերոց , և զգիշեր 'ի հանգիստ
քնոյ տկարացեալ բնութեան մերոյ :
Իսկ այժմ՝ զարթուցեալ բացեր զբե
րանս մեր յօրհնաբանութիւն՝ ահա
ւոր և փառաւորեալ անուանդ քում
սրբոյ : Ընկալ և այժմ՝ զաղաչանս մեր ,
և յաջողեա մեզ ուղիղ հաւատով
և առաքինասէր վարուք 'ի նոյն սաչ
տօն քո կանխել միշտ , և նովին կանո
նիւս անդադար փառաւորել զհայր և
զորդի և զսուրբ հոգիդ այժմ և միշտ
և յաւիտեանս յաւիտենից . ամէն :

Խաղաղութիւն ամենեցուն :

Աստուծոյ երկրպագեսցուք :

Չ քեզ , որ յամենայնի գթած և մար
դասէր տէրդ ես , աղաչեմք հանա
սպազ , զի զօրացուսցես զմեզ օր ըստ
օրէ կալ 'ի կարգի կրօնաւորութեան
մերում : Թեթեւացո տէր՝ զքաղցր
լուծ քո՝ զոր եզեր 'ի վերայ մեր . զի
կարասցուք կալ 'ի սպտուիրանի քում ,
և զհաճոյսն առնել առաջի քո յամե
նայն ժամ 'ի տուէ և 'ի գիշերի : Հրեշ
տակային երգակցութեամբ զքեզ
օրհնել , զքեզ գովել , և քեզ գո
հութիւն և փառս մատուցանել ա
մենազօր տէրութեանդ այժմ և միշտ
և յաւիտեանս յաւիտենից . ամէն :

Մ Ա Ղ Թ Ա Ն Ք

Սաղմոսիւք և օրհնութեամբ և եր
գօք հոգեւորօք անդադար փառաւո
րեմք զհայր և զորդի և զսուրբ հոգիդ
այժմ և միշտ և յաւիտեանս յա
ւիտենից . ամէն :

Օրհնեալ տէր մեր յիսուս քրիստոս .
ամէն :

Հայր մեր որ յերկինս :



Լուսնի փայլումը և տեսնելու խոստովանելու
գուրդն քո:



ՍԱՂՄՈՍ ԺԸ.

Ի կատարած. Մաղմուս դաշի:

Երկինք պատմեն զիառս աստուծոյ, և զարարածս ձեռաց նորա պատմէ հաստատութիւն:

Օր աւուր բղխէ զբան, և գիշեր գիշերի ցուցանէ զգիտութիւն:

Ոչ են բանք և ոչ են խօսք, որոց ոչ լին ձայնք նոցա:

Ընդ ամենայն երկիր ել բարբառ նոցա, և մինչեւ ՚ի ծագս աշխարհի են խօսք նոցա:

Յարեւու եհար զխորան իւր. և ինքն որպէս փեսայ՝ զի ելանէ յառագաստէ իւրմէ. և ցնծայ նա որպէս հըսկայ յընթանալ զճանապարհս իւր: Ի ծագաց երկնից են ելք նորա. և հանգիստ նորա մինչեւ ՚ի ծագս նորուն. և ոչ որ իյէ, որ թագիցէ ՚ի տասրոյ նորա:

Օրէնք տեառն ամբիծ են, և դարձուցանեն զհոգիս. վկայութիւն տեառն հաւատարիմ է, և իմաստուն առնէ զտղայս:

Արդարութիւն տեառն ուղիղ է, և ուրախ առնէ զսիրտս. պատուիրանք տեառն լոյս են, և լոյս տան աչաց. երկիւղ տեառն սուրբ է, և մնայ յաւիտեան:

Դատաստան տեառն ճշմարիտ է, և արդար է ՚ինոյն

Յանկալի է նա քան զոսկի և քան զականս պատուականս բազումս. քաղցր է նա քան զմեղու խորխիս: Քանզի ծառայ քո պահեսցէ զայս. ՚ի պահել նմա զհատուցումն բազում: Զյանցուածս իւր ո՞վ կարէ առնուլ ՚ի միտ. ՚ի գաղտնեաց իմոց սուրբ աւրա զիս տէր, և յօտարէն պահեա զճառայս քո:

Ապա թէ ոչ տիրեսցեն ինձ, յայնժամ ամբիծ եղէց, և սուրբ եղէց ՚ի մեղաց մեծաց:

Եղիցին քեզ հաճոյ բանք բերանոյ իմոյ, և խորհուրդք սրտի իմոյ առաջի քո յամենայն ժամ. տէր օգնական իմ և վրկիչ իմ:

Տուր թգ:

ՍԱՂՄՈՍ ԺԹ.

Ի կատարած. Մաղմուս դաշի:

Լուսիցէ քեզ տէր յաւուր անձկութեան. օգնական եղիցի քեզ անունն աստուծոյ յակոբայ:

Առաքեսցէ քեզ տէր օգնութիւն ՚ի սրբութենէ իւրմէ, և ՚ի սիօնէ ընկալցի զքեզ:

Յիշեսցէ տէր զամենայն պատարագս քո, և զուխտս քո ընդունելի արասցէ: Տացէ քեզ տէր ըստ սրտի քում. և

զամենայն խորհուրդս քո նա կատարեցցէ :
 Գնձասցուք մեք 'ի փրկութեան քում :
 յանուն աստուծոյ մերոյ մեք մեծք
 և զիցուք :
 Լցուցէ տէր զամենայն խնդրուածս
 քո . այժմ ծանեաք , զի կեցոյց տէր
 զօժեալ իւր :
 Լուաւ ամա յերկնից 'ի սրբութենէ
 իւրմէ , 'ի զօրութիւն փրկութեան
 աջոյ իւրոյ :
 Սորա կառօք և սորա երիւարօք . այլ
 մեք զանուն տեառն աստուծոյ մերոյ
 կարգասցուք :
 Սորա խափանեցան և անկան . մեք
 յարեաք և ուղիղք եղաք :
 Տէր կեցո զթագաւորն , և լուր մեզ
 յաւուր յորում կարգասցուք առ քեզ :
 Տունք թ :

ՍԱՂՄՈՍ Ի

Ի կատարած . Սաղմոս դաւթի :

Տէր 'ի զօրութեան քում ուրախ եղիցի
 թագաւորն . 'ի փրկութեան քում
 ցնձասցէ յոյժ :
 Զցանկութիւն սրտի նորա ետուր
 նմա , և զկամս շրթանց նորա ոչ ար
 գելեր 'ի նմանէ :
 Ժաման արարեր զնա յօրհնութիւն
 քաղցրութեան քոյ , և եղեր 'ի գլ
 լուխ նորա սրակ 'ի քարէ պատուա
 կանէ :
 Կեանս խնդրեաց 'ի քէն , և ետուր
 նմա ընդ երկայն աւուրս՝ յաւիտ
 եանս յաւիտենից :
 Մեծ են փառք նորա 'ի փրկութեան
 քում . զփառս մեծփայլելութեան
 քո զիցես 'ի վերայ նորա :
 Տայես զնա յօրհնութիւն յաւիտեա
 նքս յաւիտենից , և ուրախ արասցես
 զնա յուրախութեան երեսաց քոյ :
 Թագաւոր յուսացաւ 'ի տէր . յողոր
 մութենէ քարձրելոյն նա մի՛ սասա
 նեցի :

Գտցի ձեռն քո 'ի վերայ թշնամեաց
 քոյ , և աջ քո զտցէ զամենայն ա
 տելիս քո :
 Գիցես զնոսա որպէս հնոց 'ի հուր՝ 'ի
 Ժամանակի երեսաց քոյ :
 Տէր բարկութեամբ իւրով խռովե
 ցուցէ զնոսա . և հուր կերիցէ զնոսա :
 Պտուղ նոցա յերկրէ կորիցէ , և զա
 լակ նոցա յորդուոց 'ի մարդկանէ :
 Խոտորեցան 'ի քէն չարութեամբ .
 խորհեցան զխորհուրդ . զոր ոչ կա
 րասցեն հաստատել :
 Արասցես զնոսա հալածեալս . 'ի մը
 նացուածս քո սրատրաստեցես զե
 րեսս նոցա :
 Բարձր լեր տէր 'ի զօրութեան քում .
 օրհնեցուք , և սաղմոս ասացուք
 'ի զօրութեան քում :
 Տունք թգ : Գորգոյս Լ :

ՍԱՂՄՈՍ ԻԱ

Ի կատարած վասն առաջօրին օգնականութեանց . Սաղմոս դաւթի :

Աստուած աստուած իմ՝ նայե
 եաց առ իս . ընդ է՛ր թողեր՝ զիս .
 հեռի եղեր՝ 'ի փրկութենէ իմմէ վա
 սրն բանից յանցանաց իմոց :
 Աստուած իմ , 'ի տուէ կարգացի առ
 քեզ , և ինձ ոչ լուար . 'ի գիշերի ,
 և ինձ ոչ անսացեր :
 Գու 'ի սուրբս բնակեալ ես . և գով
 եալդ խորայելի :
 Ի քեզ յուսացան հարբն մեր . յու
 սացան 'ի քեզ , և փրկեցեր զնոսա :
 Առ քեզ աղաղակեցին և կեցին , 'ի
 քեզ յուսացան , և ոչ ամաչեցին :
 Այլ ես որդն եմ . և ոչ եմ մարդ .
 նախատինք մարդկան , և արհամար
 հանք ժողովրդոց :
 Ամենեքեան որք տեսանէին զիս , ար
 համարհէին զինեւ . խօսէին շրթամբ
 և շարժէին զգլուխս իւրեանց :



Յուսացաւ ՚ի տէր , և փրկեցէ զնա .
 կեցուցէ զնա , զի կամի զնա :
 Գուես՝ որ հաներ զիս յարգանդէ .
 յոյս իմ ՚ի ստեանց մօր իմոյ .
 Իբեզ անկայ ևս յարգանդէ , յորո-
 վայնէ մօր իմոյ գուես աստուած իմ :
 Մի՛ ՚ի բացեաց առնիր յինէն՝ զի նե-
 զու թիւնք մերձեալ են , և ոչ որ է՝
 որ օգնէ ինձ :
 Շուրջ եղեն զինեւ զուարակք բա-
 զումք , և ցուլք գէրք սրաշարեցին զիս :
 Բացին ՚ի վերայ իմ զբերանս իւրեանց ,
 որպէս առ իւժ՝ զի մանչէ և յափշտակէ :
 Ես որպէս զջուր հեղայ , և ցրուե-
 ցան ամենայն ոսկերք իմ , և եղև
 սիրտ իմ որպէս մոմ հալեալ ՚ի մէջ
 որովայնի իմոյ :
 Զորացաւ որպէս խեցի զօրութիւն
 իմ . լեզու իմ ՚ի քիմս իմ կցեցաւ ,
 և ՚ի հող մահու իջուցին զիս :
 Շուրջ եղեն զինեւ շուրք բազումք ,
 և ժողովք չարաց սրաշարեցին զիս :
 Ծակեցին զձեռս իմ և զոտս իմ , և
 թուեցին զամենայն ոսկերս իմ . նո-
 քա հայեցան և տեսին զիս :
 Բաժանեցին զհանդերձս իմ ՚ի մէջ
 իւրեանց , և ՚ի վերայ սրատուձանի
 իմոյ միժակս արկանէին :
 Գուտէր մի՛ հեռի առներ զօգնու-
 թիւն քո յինէն . և տէր յօգնել ինձ
 նայեաց :
 Փրկեա ՚ի սրոյ զանձն իմ , և ՚ի ձե-
 ոաց շանց զմիամօրութիւն իմ :
 Փրկեա զիս ՚ի բերանոյ առ իւժու ,
 յեղջերէ միեղջերութի զխանարհու-
 թիւն իմ :
 Պատմեցից զանու՛ն քո եղբարց իմոց .
 և ՚ի մէջ եկեղեցւոյ օրհնեցից զբեզ .
 Երկիւղածք տեսա՛ն օրհնեցէք զտէր .
 և ամենայն զաւակն յակօբեան փա-
 ոաւոր արասցեն զնա :
 Երկիցէ ՚ի տեսանէ ամենայն զաւակն
 խրայելի , զի ոչ արհամարհեաց և ոչ
 անարդեաց տէր զազօթս ազբաափ , և

ոչ դարձոյց զերեսս իւր յինէն . այլ ՚ի
 կարգալ իմում առ նա՝ լուաւ ինձ :
 Իբէնէ գովութիւն իմ տէր , յեկե-
 զեցիս մեծս օրհնեցից զբեզ :
 Զուխտս իմ կատարեցից առաջի ա-
 մենայն երկիւղածաց նորա :
 Կերիցեն անանկք և յազեցին . օրհ-
 նեցեն զտէր՝ ոյք ինդրեն զնա :
 Կեցցեն սիրտք նոցա յաւիտեանս յա-
 ւիտենից . յիշեցեն , և դարձցին առ
 տէր ամենայն ծագք երկրի :
 Երկիրսրազցեն նմա ամենայն տոհմք
 ազանց . զի տեսա՛ն է արքայութիւն ,
 և նա տիրէ ՚ի վերայ ամենայն հե-
 թանոսաց :
 Կերին և երկիրսրազցին նմա ամենայն
 սրարարք երկրի . առաջի նորա անկ-
 ցին ամենեքեան՝ որք իջանեն ՚ի հող :
 Անձն իմ նովաւ կեայ . և զաւակ իմ
 ծառայեցէ նմա :
 Պատմեցի տեսա՛ն ազգ՝ որ գալոցն
 է . պատմեցեն զարդարութիւն նո-
 քա ժողովրդեան , որ ճնանեւոցն է՝
 զոր արար տէր :


Տուք Խ :

ՍՍՂՄՈՍ ԻԲ.

Ի կատարած. Մարմնս դարբի:

Տէր հովութեցէ զիս , և ինձ ինչ ոչ
 սրակասեցի :
 Ի վայրի գալարւոջ՝ անդ բնակեցոյց զիս ,
 և առ ջուրս հանգստեան սնոյց զիս :
 Գարձոյց զանձն իմ առ իս , և առաջ
 նորդեաց ինձ ՚ի ձանապարհս արդա-
 րութեան փասն անուան իւրոյ :
 Թեպէտ և զնացից ևս ՚ի մէջ ստուե-
 րաց մահու , ոչ երկեաց ՚ի չարէ , զի
 գուտէր ընդ իս ևս :
 Յուպ քո և զաւազան՝ նորա մխի-
 թարեցեն զիս :
 Պատրաստ արարեր առաջի իմ զսե-
 զան՝ ակն յանդիման նեղչաց իմոց :
 Օծեր իւղով զղլուխ իմ . բաժակ քո
 որպէս անասակ արբեցոյց զիս :

5324
40
X



Ողորմութիւն քո տէր զհետ իմ եւ
կեսցէ զամենայն աւուրս կենաց ի
մոց, բնակել ինձ ի տան տեառն ընդ
երկայն աւուրս:

Տուր Ե:

ՍԱՂՄՈՍ ԻԳ.

Սաղմոս դաւթի, միաշարարան:

Տեառն է երկիր լին իւրով, աշխարհ
և ամենայն բնակիչք նորա:

Նա ինքն ի վերայ ծովու հիմունս
էարկ նմա, ի վերայ գետոց սպառ
րաստեաց զնա:

Ո՛վ ելցէ ի լեառն տեառն, կամ ո՛վ
կացցէ ի տեղւոջ սրբութեան նորա,
Որ սուրբ է ձեռք և ամբիձ սրտիւ,
որ ոչ է առ զնանրութիւն յանձն
իւր, և ոչ երդուաւ ընդ ընկերի իւ
րում նենդութեամբ:

Սա առցէ զոգնութիւն ի տեառնէ,
զողորմութիւն յաստուծոյ փրկչէ
իւրմէ:

Այս ազգ է՝ որ խնդրէ զտէր, խնդրէ
տեսանել զերեսս աստուծոյ յակօրաց,
Համբարձէք իշխանք զգրունս ձեր ի
վեր, համբարձցին գրունք յաւիտե
նից, և մոցէ թագաւոր փառաց,
Ո՛վ է սա թագաւոր փառաց, տէր
հզօր զօրութեամբ իւրով, տէր հը
զօր ի սրատերազմի:

Համբարձէք իշխանք զգրունս ձեր ի
վեր, համբարձցին գրունք յաւիտե
նից, և մոցէ թագաւոր փառաց,
Ո՛վ է սա թագաւոր փառաց, տէր
զօրութեանց, սա ինքն է թագաւոր
փառաց:

Տուր Ժ: Գորգոյս Ժ:

ՍԱՂՄՈՍ ԻԳ.

Ի կատարած, Սաղմոս դաւթի:

Առ քեզ տէր համբարձի զանձն
իմ, աստուած իմ ի քեզ յու
սացայ, մի՛ ամաշեցից, և մի՛ ծիծա
ղեսցին զնեւ թշնամիք իմ:

Ամենեքեան որք համբերեն քեզ,
մի՛ ամաշեցեն, այլ ամաշեցեն ա
նօրէնք յունայնութեան իւրեանց,
Զճանապարհս քո տէր ցոյց ինձ, և
զչաւիղս քո ուսո ինձ:

Առաջնորդեա ինձ ի ճշմարտութեան
քում և ուսո զիս, զի դու ես ասա
ուած փրկիչ իմ, և ես քեզ համբե
րի զօրհանապաղ:

Յիշեա տէր զգթութիւնս քո և զօ
ղորմութիւնս քո, որք են յաւիտենից,
Զմեղս մանկութեան իմոյ և զանդի
տութեան իմոյ մի՛ յիշեր, այլ յիշ
եա զիս տէր ըստ ողորմութեան քում
փաան քաղցրութեան քո, զի քաղցր
և ուղիղ ես:

Վասն այսորիկ օրէնսդ էտ առնես
զմեղաւորս ի ճանապարհի, առաջ
նորդ ես հեզոց ի դատաստանի, և ու
սուցանես հեզոց զճանապարհս քո:

Ամենայն ճանապարհք տեառն ողոր
մութեամբ և ճշմարտութեամբ են
այնոցիկ, ոյք խնդրեն զուխտ և բղ
փկայութիւն նորա:

Վասն անուան քո տէր քաւեա զմեղս
իմ, զի քաղում եղեն, ո՛վ է մարդ որ
երկնչի ի տեառնէ, օրէնսդ էտ առնէ
զնա ի ճանապարհի յոր և հաճեցաւ:

Անձն նորա ի բարութեան հանդիցէ,
և զաւակ նորա ժառանգեսցէ զերկիր,
Զօրութիւն է տէր երկիր զածաց իւ
րոց, և զկտակարանս իւր ուսուցա
նէ նոցա:

Աչք իմ յամենայն ժամ առ տէր են,
և նա հանէ յորոգացիմէ զոսս իմ,
Նայեա առիս և ողորմեա ինձ, զի
միամօր և աղքատ եմ ես:

Նեղութիւնք սրտի իմոյ բազում եղեն
յոյժ, եւ ի վշտաց իմոց հան զիս,
Տես զխոնարհութիւն իմ և զփաստակ
իմ, և թող ինձ զամենայն զմեղս իմ,
Տես զթշնամիսն իմ, զի քաղում ե
ղեն, ասելութեամբ՝ որք ի նանիր
ատեցին զիս:



Պահեա զանձն իմ և փրկեա զիս . և մի՛ յամօթ եղէց, զի յուսացայ 'ի քեզ .
Ամբիձք և ուղիղ կցորդք եղեն ինձ .
և ես քեզ համբերի . փրկեա աստ ուսած զխորայել յամենայն նեղու-
թեանց նորա .

Յուճք ԺԶ :

ՍՍՂՄՈՍ ԻԵ

Ի կառարած Մարնու դառի :

Դատ արա ինձ տէր՝ զի ես յամբը-
ծութեան իմում գնացի, 'ի տէր յու-
սացայ՝ զի մի՛ եղէց հիւանդ .
Փորձեա զիս տէր և քննեա զիս . փոր-
ձեա զերիկամունս իմ և զսիրտ իմ .
Ողորմութիւն քո տէր առաջի աչաց
իմոց . և հաճոյ եղէց ճշմարտու-
թեան քում .

Ոչ նստայց ես յաթոս նանբաց, և
ընդ անօրէնս ես ոչ մտից .

Ատեցի ես զժողովս շարաց, և ընդ
ամբարիշտս ես ոչ նստայց .

Լուացից սրբութեամբ զձեռս իմ,
և շուրջ եղէց զսեղանով քով տէր .

Լսել ինձ զձայն օրհնութեան քո և
սրատմել զամենայն սրանչելիս քո .

Տէր սիրեցի զխոյնութիւն տան քո,
և զտեղի յարկի փառաց քոց .

Մի՛ կորուսաներ ընդ ամբարիշտս
զանձն իմ, և մի՛ ընդ արս արիւնա-
հեղս զկեանս իմ .

Որոց ձեռք խրեանց յանօրէնու-
թեան են . և աջ նոցա լի է կաշառօք .

Ես յամբժութեան իմում գնացի .
փրկեա զիս տէր և ողորմեա ինձ .

Ոտն իմ կացցէ յուղղութեան, յե-
կեղեցիս մեծս օրհնեցից զքեզ .

Յուճք ԺԷ :

ՍՍՂՄՈՍ ԻԶ

Մարնու դառի մինչև օճեալ էր :

Տէր բաց իմ և կեանք իմ՝ ես յուսմէ՞
երկեաց . տէր ստաւէն կենաց իմոց՝
ևս յուսմէ՞ գողացայց .

Ի մերձենալ առիս շարաց ուտել բղ-
մարմին իմ . նեղիչք իմ և թշնամիք
իմ՝ նորա տկարացան և անկան .
Թէ սրատրաստեցի 'ի վերայ իմ սրտե-
րազմ, ոչ երկիցէ սիրտ իմ . և թէ
յարիցէ 'ի վերայ իմ ճակատամարտ,
սակայն և այսուիկ 'ի քեզ տէր յու-
սացայ .

Զմի խնդրեցի 'ի տեսանէ՞ և զոյն ա-
զաչեմ, բնակիլ ինձ 'ի տան տեսան
զամենայն աւուրս կենաց իմոց .

Տեսանել ինձ զխոյնութիւն տես-
աբն, և հրամանատայ 'ի տաճարի նորա .

Մածկեաց զիս 'ի խորանի իւրում
յաւուր շարի . ընդ յարկաւ արար
զիս 'ի ծածկոյթ խորանի իւրում .

Ի վիմէ բարձր արարեր զիս, և այժմ
բարձր արա զղլուխ իմ 'ի վերայ
թշնամեաց իմոց .

Շուրջ եղէց՝ և մատուցից 'ի խորանի
նորա սրատարագ օրհնութեան . օրհ-
նեցից և սաղմոս ասացից տեսան .

Լուր տէր ձայնի իմում, զի կարդացի
առ քեզ . ողորմեա ինձ և լուր ինձ, զի
քեզ ասաց սիրտ իմ . և խնդրեցին
երեսք իմ, զերեսս քո տէր խնդրեցին .

Մի՛ դարձուցաներ զերեսս քո յի-
նէն, և մի՛ խոտորիք բարկութեամբ
'ի ծառայէ քումմէ .

Օգնական իմ լեր տէր, մի՛ անարդեր
զիս, և մի՛ թողուր զիս աստուած
փրկիչ իմ .

Հայր իմ և մայր իմ թողին զիս, և
տէր իմ ընկալաւ զիս .

Օրէնագետ արա զիս տէր 'ի ճանա-
պարհի քում . և առաջնորդեա ինձ
'ի շաւիղս քո ուղիղս .

Ղասն թշնամեաց իմոց, մի՛ մատներ
զիս 'ի ձեռս նեղչաց իմոց .

Յարեան 'ի վերայ իմ վկայք մեղաց,
և ստեցին ինձ յանօրէնութեան իւր-
եանց .

Հաւատացի՝ տեսանել զբարութիւն
տեսան յերկրին կենդանեաց, համ

բեր տեառն և քաջալերեաց . զօրաս-
ցի սիրտ քո և համբեր տեառն :

Տուր թղ : Գորդաց խղ :

ՍԱՂՄՈՍ Ի Է

Սաղմոս դարբի :

Սաքեզ տէր կարգացի աստուած
խմ , մի լուեր յինէն , մի երբէք
լուսցես յինէն . նմանիցիմ այնոցիկ
ոյք իջանեն ՚ի դուք :

Լուր տէր ձայնի խնդրուածաց խնոց
յաղաչել ինձ առ քեզ , ՚ի համբառ-
նալ ձեռաց խնոց ՚ի տաճար սուրբքո
Մի համարիր ընդ ամբարիշտս զանձն
իմ . և մի ընդ այնոսիկ՝ ոյք գործեն
զանօրէնութիւն , կորուսաներ զիս :
Ոյք խօսէին զխաղաղութիւն ընդ
ընկերս իւրեանց , և չարութիւն է
՚ի սիրտս նոցա :

Տուր նոցա տէր ըստ գործոց նոցա .
և ըստ անօրէնութեան դնացից նո-
ցա հատո նոցա :

Ըստ գործոց ձեռաց նոցա հատո նո-
ցա՝ զհատուցումն նոցա նոցին :

Ոչ խնայան նորա զգործս տեառն , և ոչ
՚ի գործս ձեռաց նորա հայեցան . կոր-
ծանեցես զնոսա , և այլ մի շինեսցին :

Օրհնեալ է տէր՝ զի լուաւ ձայնի
աղօթից խնոց . տէր օգնական իմ և
պաշտպան իմ :

Ինչա յուսացաւ սիրտ իմ . օգտեցաւ
և զուարճացաւ մարմին իմ . և ես
կամօք խնովք խոստովան եղէց նմա :

Տէր զօրութիւն ժողովրդեան իւրոյ ,
ապաւէն փրկութեան օձերոյ իւրոյ .
Փրկեա զժողովուրդս քո , և օրհնեա
զժառանգութիւնս քո . հովուեա և
բարձրացո զնոսա մինչեւ յաւիտեան :

Տուր թա :

ՍԱՂՄՈՍ ԻԸ

Սաղմոս դարբի . օրմնորեանց նաւահարունաց
տաճարին :

Մատուցէք տեառն՝ օրդիք աստու-
ծոյ , մատուցէք տեառն զօրդ իս խոյոց :

Մատուցէք տեառն զփառս և զպա-
տիւ . մատուցէք տեառն զփառս ան-
ուան նորա . և երկիրպագէք տեառն
՚ի սրահ սրբութեան նորա :

Չայն տեառն ՚ի վերայ ջուրց՝ և աստ-
ուած փառաց օրոտաց . և տէր ինքն
՚ի վերայ ջուրց բազմաց :

Չայն տեառն զօրութեանց , և ձայն
տեառն մեծփայելչութեանց :

Չայն տեառն փշրէ զմայրս , և ման-
րէ տէր զմայրսն լիբանանու :

Մանրեցէ զնոսա օրպէս զմատաղա-
տունկն լիբանանու . որ սիրելին է
օրպէս զօրդ իս մինդջերուի :

Չայն տեառն հատանէ զբոց ՚ի հրոյ .
ձայն տեառն շարժէ զանասպատն , և
խառվեցուցանէ տէր զանասպատն կա-
ղէս :

Չայն տեառն հաստատէ զեղջերուս .
և յայտնի առնէ զանտառս :

Ի տաճարի նորա ամենեքեան ասաս-
ցեն զփառս նորա :

Տէր զջրհեղեղս նստուցանէ և ցա-
ծուցանէ . թագաւորեցէ տէր յա-
ւիտեան :

Տէր զօրութիւն ժողովրդեան իւրոյ
տացէ . և օրհնեցէ զժողովուրդ իւր
՚ի խաղաղութիւն :

Տուր թա :

ՍԱՂՄՈՍ ԻԹ

Սաղմոս դարբի . ՚ի նոյն :

Բարձր առնեմ զքեզ տէր , զի ընկա-
լար զիս , և ոչ ուրախ արարեր ըզ-
թշնամին իմ յիս :

Տէր աստուած իմ՝ կարգացի առ քեզ ,
և բժշկեցեր զիս . տէր հաներ ՚ի դը-
ժօխոց զանձն իմ և փրկեցեր զիս յայն-
ցանէ՝ որք իջանեն ՚ի դուք :

Սաղմոս ասացէք տեառն սուրբք նո-
րա , և խոստովան եղերուք յիշա-
տակի սրբութեան նորա :

Արտմտութիւն է ՚ի բարկութեան
նորա . և կեանք են ՚ի կամաց նորա :

Ընդ երեկոյս հանդիցեն լալիք. աւ
 աւաւտու եղիցի ուրախութիւնս :
 Ես ասացի ՚ի բարեկենդանութեան իւ
 մում, թէ ոչ սասանեցայց յաւիտեանս :
 Տէր ՚ի կամս քո ետուր գեղոյ իմոյ
 զօրութիւնս. դարձուցեր զերեսս քո
 յինէն, և ես եղէ խոռովեալ :
 Առ քեզ տէր կարգացի, և առ աստ
 ուած իմ աղաղակեցի. զի՞նչ օգուտ
 է քեզ յարենէ իմմէ, թէ իջանեմ
 ես յապահանութիւնս :
 Մի՞թէ հող խոստովան առնիցի առ
 քեզ. կամ պատմեսցէ՞ զճշմարտու
 թիւնս քո :
 Լուաւ ինձ տէր և ողորմեցաւ,
 և տէր եղեւ ինձ օգնական :
 Գարձոյց զսուգ իմ յուրախութիւնս,
 եզերծ յինէն զքուրձ, և ինձ զգե
 ցոյց զուրախութիւնս :
 Որպէս սաղմոս ասացեն քեզ փառք
 իմ, և այլ մի՞ եւս զղջացայց. տէր
 աստուած իմ յաւիտեան խոստովան
 եղէց քեզ :

Տունք ժր. Գորշայս ԸԳ :

Ս Ա Ղ Մ Ո Ս Է :

Ի կատարած. և անատակոչիւն գոյնքեան.
 Սարկոս դառքի :

Ի քեզ տէր յուսացայ, մի՞ ամաչե
 ցից յաւիտեանս. յարգարութեան
 քում փրկեա և ապրեցո զիս :
 Խոնարհեցո առ իս զուենին քո. վաղ
 վաղեա կեցուցանել զիս :
 Լեր իմ աստուած պաշտպան և տուն
 ապաւինի ապրեցուցանել զիս. զի
 հզօրիչ իմ և ապաւէն իմ գու ես :
 Վասն անուան քո տէր առաջնորդե
 ցեր ինձ, և սնուցեր զիս. և հան
 ցես զիս յորոգայթէ յոյամանէ՝ որ
 թագուցաւ ինձ :
 Գու ես պաշտպան իմ տէր, և ՚ի ձե
 ուրս քո յանձն առնեմ զհողի իմ :
 Փրկեցեր զիս տէր աստուած ճշմար

տութեամբ քով. ասեցեր զայնոսիկ՝
 ոյք պահեն զերկիւղ ՚ի սնտախ :
 Ես ՚ի տէր յուսացայ, ցնձացայց և
 ուրախ եղէց ՚ի փրկութեան քում :
 Զի հոյեցար ՚ի խոնարհութիւն իմ, և
 փրկեցեր ՚ի վշտաց զանձն իմ, և ոչ
 մատնեցեր զիս ՚ի ձեռս նեղչաց իմոց.
 և կացուցեր յանդորրու զոտս իմ :
 Ողորմեա ինձ տէր, զի նեղեալ եմ
 ես. խոռովեցաւ ՚ի սրտմտութենէ
 ակն իմ, անձն իմ և փոր իմ :
 Պակասեցան ՚ի ցաւոց կեանք իմ, և
 ամբ իմ յոգւոց ելաներոյ :
 Աղքատացաւ ՚ի տկարութենէ զօ
 րութիւն իմ. և ոսկերք իմ խոռ
 վեցան :
 Քան զամենայն թշնամիս իմ եղէ ես
 նախատ դրացեաց իմոց, յոյժ ահ և
 երկիւղ ծանօթից իմոց :
 Ամենեքեան ոյք տեսանէին զիս, ար
 տաքս փախչէին յինէն :
 Մոռացեալ եղէ ես որպէս մեռեալ
 ՚ի սրտէ. և եղէ ես որպէս զանօթ
 կորուսեալ :
 Զի լուայ ես զբամբասանս բազմաց՝
 որք շուրջ էին զինեւ. ՚ի ժողովիլ նո
 ցա ՚ի միասին, առնուլ զանձն իմ խոր
 հեցան. այլ ես ՚ի քեզ տէր յուսացայ :
 Ասացի՞ գու ես աստուած իմ, և ՚ի
 ձեռս քո է ժառանգութիւն իմ :
 Փրկեա զիս ՚ի ձեռաց թշնամեաց իւ
 մոց, և ՚ի հալածչաց իմոց :
 Երեւեցո զերեսս քո ՚ի ծառայս քո.
 ապրեցո զիս տէր ըստ ողորմութեան
 քում. տէր՝ մի՞ յամօթ եղէց, զի կար
 դացի առ քեզ :
 Ամաչեսցեն ամբարիշտք, և իջեն ՚ի
 դժօխս. համբ եղիցին շրթունք նեն
 դաւորք՝ ոյք խօսէին զարգարոյ զա
 նիրաւութիւնս, յամբարտաւանիլ և
 յանգոսնել իւրեանց :
 Որպէս զի բազում է ողորմութիւն
 քաղցրութեան քոյ տէր, զոր պահե
 ցեր երկիւղածաց քոց :

Արարերդու այնոցիկ՝ ոչք յուսացեալ
 են ՚ի քեզ, առաջի որդւոց մարդկան։
 Ամրացուցեր զնոսա ՚ի ծածկոյթ երե-
 սաց քոց, ՚ի խռովութենէ մարդկան։
 Ծածկեցեր զնոսա ՚ի խորանի քում,
 ՚ի հակառակութենէ լեզուաց։
 Օրհնեալ է տէր, զի սքանչելիս արար
 զողորմութիւն իւր ՚ի քաղաք ամուր։
 Ես ասացի ՚ի զարմանալ իմում, թէ
 ընկեցայ ուրեմն յերեսաց աչաց քոց։
 Վասն այսորիկ լուար ձայնի աղօթից
 իմոց, յաղաղակել իմում առ քեզ։
 Սիրեցէք զտէր ամենայն սուրբք նո-
 րա, զի ստուգութիւն խնդրէ տէր,
 և հատուցանէ այնոցիկ՝ որք առա-
 ւել առնեն զամբարտաւանութիւն։
 Քաջալերացարուք, և զօրացին սիրտք
 ձեր, ամենեքեան՝ ոչք յուսացեալ
 էք ՚ի տէր։

Տունք ԷԷ՝

ՍՍԱՄՈՍ ԼԱ.

Խնաստոքիւն. Սաղմոս դաւթի։

Երանի, ում թողութիւն եղեւ մե-
 ղաց, և ծածկեցան ամենայն յան-
 ցանք նորա։
 Երանի առն՝ որում ոչ համարի տէր
 զմեղս նորա, և ոչ գոյնենգութիւն
 ՚ի բերան նորա։
 Լռեցի ես՝ և մաշեցան ամենայն ու-
 կերք իմ, առ աղաղակել ինձ առ տէր
 զօրհանապաղ ՚ի տուէ և ՚ի գիշերի։
 Ծանրացաւ ձեռն քո ՚ի վերայ իմ,
 դարձայ ՚ի թշուառութիւն՝ զի հա-
 րան յիս փուշք։
 Զմեղս իմ ցուցից քեզ, և զանօրե-
 նութիւնս իմ ոչ ծածկեցից ՚ի քէն։
 Ասացի՝ թէ պատմեցից ինձէն զմեղս
 իմ, և դու թողցես զամենայն ամ-
 բարչտութիւնս մեղաց իմոց։
 Վասն այսորիկ յաղօթս կացցեն առ
 քեզ ամենայն սուրբք ՚ի ժամ ըն-
 դունելի։
 Բայց միայն ՚ի ջուրցն հեղեղաց բազ-

մաց, որք առ նոսա ինչ ոչ մերձեցին։
 Դու ես ապաւեն իմ ՚ի նեղութենէ
 յայսմանէ, որ շուրջ եղեն զինեւ։
 Յնծութիւն իմ, փրկեա զիս յայնցա-
 նէ՝ ոչք պաշարեցին զիս։
 Խմաստուն արարից զքեզ՝ և խելա-
 մուտ ՚ի ճանապարհ՝ յոր և գնացես.
 և հաստատեցից ՚ի վերայ քո զաչս իմ։
 Մի լինիք որպէս զձիս և զջորիս, զի
 ոչ գոյ ՚ի նոսա իմաստութիւն. ՚ի
 սանձս և ՚ի դանդանաւանդս ձմլես-
 ցես զկզակս նոցա՝ որք առ քեզ ինչ
 ոչ մերձեցին։
 Բազում տանջանք են մեղաւորաց.
 Բայց ոչք յուսան ՚ի տէր, ողորմու-
 թիւն տեառն շուրջ եղիցի զնոքօք։
 Ուրախ եղերուք և ցնծացէք արդարք.
 ՚ի տէր պարծեցարուք ամենեքեան՝
 ոչք ուղիղ էք սրտիւք։

Տունք ԺԳ. Գորդայս խք. Գառնի Կոթ

*Հարցոյ անց. — Ես իմ խոսքս
 որի 3 ՔԱԻՐ
 իմ քոյն*

ՍՍԱՄՈՍ ԼԲ.

Սաղմոս դաւթի։

Ցնծացէք արդարք ՚ի տէր. ուղղոց
 վայելէ օրհնութիւն. խոստովան
 եղերուք տեառն օրհնութեամբ.
 տասնաղեաւ սաղմոսարանաւ սաղմոս
 ասացէք նմա։
 Օրհնեցէք զտէր յօրհնութիւն նոր՝
 զի բարի է. սաղմոս ասացէք նմա
 օրհնութեամբ։
 Ուղիղ են պատգամք տեառն, և ա-
 մենայն գործք նորա հաւատովք են.
 և սիրէ զողորմութիւն և զիրաւունս
 տէր։
 Ողորմութեամբ տեառն լի եղեւ եր-
 կիր, և բանիւ տեառն երկինք հաս-
 տատեցան, և հոգւով բերանոյ նո-
 րա ամենայն զօրութիւնք նոցա։
 Թողովեաց որպէս ՚ի տիկ զջուրս ծո-
 վու. և գնէ ՚ի խորս զգանձս իւր։
 Երկիցէ ՚ի տեառնէ՝ ամենայն երկիր.



և 'ի նմանէ դողացցին ամենայն բնա-
կիչք աշխարհի :

Չի նա՛ս ասաց՝ և եղեն . ինքն հրա-
մայեաց՝ և հաստատեցան :

Տէր ցրուէ զխորհուրդս հեթանո-
սաց . անարգէ տէր զխորհուրդս ժո-
ղովրդոց . և արհամարհէ տէր զխոր-
հուրդս իշխանաց :

Խորհուրդ տեառն յաւիտեան մնայ ,
և խորհուրդ սրտի նորա ազգէ մին-
չեւ յազգ :

Երանի ազգի՛ որոյ տէր աստուած
օգնական է նմա . ժողովուրդ զոր
ընտրեաց 'ի ժառանգութիւն իւր :

Յերկնից նայեցաւ տէր յամենայն որ-
դիս մարդկան , 'ի պատրաստ բնակու-
թենէ իւրմէ հայեցաւ յամենայն
բնակիչս աշխարհի :

Ո ստեղծ առանձին զսիրտս նոցա , 'ի
միտ առնու զամենայն գործս նոցա :

Ոչ թէ 'ի բազում զօրս իւր ապրեա-
ցի թագաւոր , և ոչ հսկայ 'ի բա-
զում զօրութեան իւրում :

Սուտ է ձի 'ի փրկութեան իւրում .
'ի բազում զօրութեան իւրում ոչ
ապրեցուցանէ զհեծեալն :

Աչք տեառն 'ի վերայ երկիւղածաց
իւրոց . և ոյք յուսան յողորմու-
թիւն նորա :

Փրկել 'ի մահուանէ զանձինս նոցա ,
և կերակրել զնոսա 'ի սովու :

Անձինք մեր համբերեսցեն տեառն ,
զի օգնական և պաշտպան մեր է :

Ինա ուրախ եղիցին սիրտք մեր , և
յանուեն սուրբ նորա յուսացուք :

Եղիցի ողորմութիւն քո տէր 'ի վե-
րայ մեր , որպէս յուսացաք 'ի քեզ :

Տուեք ժք :

ՄԱՂՄՈՍ ԼԳ.

Սարմու դարձի . 'ի ժամանակի զի այրագունեաց
զերեսս իւր առաջի աքիսեղեքայ . եւ ապա աք-
ձակեաց զնա , եւ զնաց :

Օրհնեցից զտէր յամենայն ժամ , յա-

մենայն ժամ օրհնութիւն նորա 'ի
բերան իմ :

Ի տէր պարծեսցի անձն իմ , լուիցեն
հեզք , և ուրախ եղիցին :

Մեծ արարէք զտէր ինեւ . և բարձր
արասցուք զանուն նորա 'ի միասին :

Խնդրեցի 'ի տեառնէ և լուաւ ինձ .
յամենայն նեղութենէ իմմէ փրո-
կեաց զիս :

Մատիք առ տէր՝ և առէք զլոյս . և
երեսք ձեր մի՛ ամաչեսցեն :

Այս աղքատ կարդաց առ տէր , և
տէր լուաւ սմա . յամենայն նեղու-
թենէ սորա փրկեաց զսա :

Բանակք հրեշտակաց տեառն շուրջ
են զերկիւղածութիւն իւրովք , և պա-
հեն զնոսա :

Ճաշակեցէք և տեսէք՝ զի քաղցր է
տէր . երանեալ է այր՝ որ յուսայ 'ի նա :

Երկերուք 'ի տեառնէ ամենայն սուրբք
նորա . զի ոչինչ է պակասութիւն
երկիւղածաց նորա :

Մեծամեծք աղքատացան և քաղցեան .
բայց ոյք խնդրեն զտէր՝ մի՛ պակասես-
ցի 'ի նոցանէ ամենայն բարութիւն :

Եկայք որդեակք իմ լուարուք ինձ ,
և զերկիւղ տեառն ուսուցից ձեզ :

Ո՛վ է մարդ՝ որ կամի զկեանս . սիրէ
զաւուրս իւր տեսանել 'ի բարու-
թեան :

Լռեցո զլեզու քո 'ի չարութեանէ , և
չրթունք քո մի՛ խօսեսցի զնենգու-
թիւն :

Խոտորեա 'ի չարէ և արա զբարի ,
խնդրեա զխաղաղութիւն և երթ
զհետ նորա :

Աչք տեառն 'ի վերայ արդարոց , և ա-
կանջք նորա 'ի վերայ աղօթից նոցա :

Երեսք տեառն 'ի վերայ չարադործաց ,
սատակել յերկրէ զյիշատակս նոցա :

Կարդացին արդարքն առ տէր , և
տէր լուաւ նոցա . յամենայն նեղու-
թենէ նոցա փրկեաց զնոսա :

Մերձ է տէր առ այնոսիկ՝ որք մաշ-

եալ են սրտիւք . և զխոնարհս հոգւ
ւով կեցուցանէ :

Բազում նեղութիւնք են արդարոց .
յամենայնէ փրկէ զնոսա տէր . և
պահէ զամենայն ոսկերս նոցա , և մի
ի նոցանէ մի փշրեացի :

Մահ մեղաւորին չար է . բայց որ
ատէ զարդարն , զղջացի :

Փրկէ տէր զանձինս ծառայից իւ
րոց , մի զղջացին ամենեքեան՝ ոյք
յուսացեալ են ի նա :

Տունք իս : Գորդայս իս :

ՍՍՂՄՈՍ ԼԳ .

ի կառարած Սաղմոս դաւթի :

Դատեա տէր զայնոսիկ՝ ոյք դա
տեն զիս . մարտիր ընդ այնոսիկ՝
որք մարտնչին ընդ իս :

Առ զզէն և զասպար քո , և արի յօգ
նել ինձ . հան զսուր քո ընդ դէմ հա
լածչաց իմոց , արգել զնոսա . և ասա
դու ցանձն իմ՝ թէ փրկութիւն քո
ես եմ :

Ամաչեացեն և յամօթ լիցին՝ ոյք
խնդրէին զանձն իմ . դարձցին յետս և
ամաչեացեն , ոյք խորհէին ինձ չար :
Եղիցին նոքա որպէս փոշի առաջի հոգ
մոյ , և հրեշտակ տեառն նեղեացէ
զնոսա :

Եղիցին ճանապարհք նոցա ի խաւար
և ի գայթակղութիւն , և հրեշտակ
աստուծոյ հալածեացէ զնոսա :

Ի նանիր թագուցին ինձ որոգայթ
յապականութեան իւրեանց , և ի
նանիր նախատեցին զանձն իմ :

Հացէ ի վերայ նոցա որոգայթ՝ զոր
ոչ գիտացին , և որսն՝ զոր թագու
ցին , առցէ զոտս նոցա , և յորոգայթ
ի նոյն անկցին :

Այլ անձն իմ ցնծացէ ի տէր , ու
րախ եղիցի ի փրկութեան նորա . և
ամենայն ոսկերք իմ ասացեն , տէր՝
ո՞նձան է քեզ :

Ձի փրկեաց զաղքատն ի ձեռաց հը
ղորի , զաղքատն և զտնանկն յայնցա
նէ՝ որք յափշտակեն զնա :

Յարեան ի վերայ իմ վկայք չարաց . և
զոր ինչ ոչ գիտէի՝ հարցանէին ցիս :
Հատուցին ինձ չար փոխանակ ընդ
բարւոյ . անժառանգել զանձն իմ
խորհեցան յորդւոց ի մարդկանէ :

Ես ի նեղել նոցա քուրձ զգենուի ,
խոնարհ առնէի պահօք զանձն իմ .
և աղօթք իմ ի ծոց իմ դարձցին :

Որպէս զեղբայր և զընկեր՝ այսպէս
հաճոյ լինէի . որպէս զսգաւոր և
զտրտում , այնպէս խոնարհ առնէի :
Ի վերայ իմ ուրախ եղեն՝ և ժողովե
ցան . ժողովեցան յիս տանջանք , և
ես ոչ ծանեայ . ցրուեցան , և ոչ
զղջացան :

Փորձեցին զիս՝ և արհամարհեցին
արհամարհանօք . կրճտեցին ի վերայ
իմ զատամուկնս իւրեանց . տէր երբ
տեսցես :

Ի բաց արա զանձն իմ ի խորաման
կութենէ նոցա , և յառիւծուց ըզ
միամօրութիւն իմ :

Խոստովան եղէց քեզ տէր՝ յեկեղե
ցիս մեծս , և ի ժողովս բազմաց օրհ
նեցից զքեզ :

Մի ուրախ եղիցին յիս թշնամիք
իմ , ոյք ատէին զիս ի տարասպար
տուց , ակնարկի առնէին յիս աչօք
իւրեանց :

Ընդ իս զխաղաղութիւն խօսէին . և
ինքեանք բարկութեամբ զնենգու
թիւն խորհէին :

Բացին ի վերայ իմ զբերանս իւրեանց
և ասացին՝ այո՛ այո՛ տեսին աչք մեր :
Տեսեր տէր՝ և մի լուեր . տէր՝ մի ի
բացեայ առնիր յինէն :

Զարթիր և հայեաց տէր՝ յիրաւունս
իմ . աստուած իմ և տէր իմ ի դա
տաստանս իմ . և իրաւ արա ինձ ըստ
արդարութեան քում , տէր աստ
ուած իմ :



Մի՛ ուրախ եղիցին յիս թշնամիք իմ,
և մի՛ ասասցեն ՚ի սիրտս իւրեանց՝
Թէ՛ վա՛յ վա՛յ անձանց մերոց, զի ընկ
լուզաք զնա :

Ամաչեսցեն և յամօթ լիցին՝ ոչք
խնդան ընդ չար իմ. զգեցցին զամօթ
և զանարգանս՝ ոչք մեծաբանեն ՚ի
վերայ իմ :

Յնծասցեն և ուրախ լիցին ՚ի քեզ ա-
մենեքեան. ոչք կամին ընդ արդա-
րութիւն իմ :

Ասասցեն յամենայն ժամ, մեծ է
աստուած. և ոչք կամին զխաղաղու-
թիւն ծառայի քո :

Լեզու իմ խօսեսցի զարդարութիւ-
նքս քո, զօրհանապազ զգովութիւ-
նքս քո :

Տունք ի է :

Ս Ա Ղ Մ Ո Ս Լ Ե .

Ի կատարած, ճառայի տեառն. Սաղմոս դաւթի :

Ասէ՛ անօրէնն ՚ի մեղանչել ընդ միտս
իւր, թէ՛ չէք երկիւղ աստուծոյ ա-
ռաջի աչաց նորա :

Նենդեաց առաջինորա, գտանել զա-
նօրէնութիւն, և ատել զնա :

Բանք բերանոյ նորա անօրէնութիւն
և նենդութիւն են :

Ոչ կամեցաւ նա իմանալ զբարի. զա-
նօրէնութիւն խորհեցաւ յանկողնի
իւրում :

Եկաց նա յամենայն ճանապարհ, որ
ոչ է բարի. և ՚ի չարէ նա ոչ ձանձ-
րացաւ :

Տէր՝ յերկինս է ողորմութիւն քո.
Ճշմարտութիւն քո մինչեւ յամպս :

Արդարութիւն քո որպէս լերինք
աստուած. իրաւունք քո որպէս խորք
բազումք, զմարդիկ և զանասուն կե-
ցուցանես զու տէր :

Որպէս զի բազում արարեր զողորմու-
թիւն քո աստուած. այլ որդիք մարդ-
կան ՚ի հովանի թեւոց քոց յուսասցին :

Արբեսցին նորա ՚ի պարարտութենէ

տան քո. և զուղիս փափկութեան
քո տացես ըմպել նոցա :

Ի քէն է տէր աղբիւր կենաց. և լու-
սով երեսաց քոց տեսանեմք զոյս :

Ծագեա զողորմութիւնս քո՝ ոչք ճա-
նաչեն զքեզ, զարդարութիւնս քո՝
ոչք ուղիղ են սրտիւք :

Մի՛ եկեսցեն ՚ի վերայ մեր ոտք ամ
բարտաւանից, և ձեռք մեղաւորաց
մի՛ գողացուցեն զմեզ :

Անդ անկցին ամենեքեան՝ ոչք գոր-
ծեն զանօրէնութիւն. մերժեսցին և
այլ մի՛ կարասցեն հաստատիլ :

Տունք ժգ : Գորդայս խ :

Կանոնս Գորդայս է : Սաղմոս ժը : Տունք մղ :



ՕՐՀՆՈՒԹՅՈՒՆ ՄԵՆԻՆ ՄՈՎՍԷՍԻ ԱՍՏՈՒԱԾԱՏԵՍ

ՄԱՐԳԱՐԷԻ :

Բ. Օրինաց լր :

Նայեցարուք երկինք և խօսեցայց.
լուիցէ երկիր զպատգամս բերա-
նոյ ՚իմոյ :

Ընդունելի լիցի որպէս անձրեւ բար-
բառ իմ, և իջցեն որպէս ցօղ սլառ
գամք իմ :

Որպէս անձրեւ ՚ի վերայ սիզոյ, որպէս
տարափ ՚ի վերայ խոտոյ, զի զանուն
տեառն կարգասցուք, և տուք օրհ-
նութիւն տեառն աստուծոյ մերոյ :

Աստուած՝ որոյ ճշմարտութեամբ են
գործք նորա, և ամենայն ճանա-
պարհք նորա իրաւամբք են :

Աստուած հաւատարիմ է, և ոչ գոյ
՚ի նմա անիրաւութիւն. արդար և
ճշմարիտ է տէր :

Մեղան՝ և ոչ նմա՝ որդիքն արատոյ,
ճնունդք խոտորեալք և թիւրեալք :

Ոչ այդ այն է՝ զոր տեառն հատու-
ցանէլք զուք՝ ժողովուրդք յիմարք
և ոչ իմաստունք :

Ոչ սա ինքն է հայր քո՝ որ ստացաւ
զքեզ, արար՝ և ստեղծ զքեզ :



Յուշ լիցին քեզ աւուրքն յախտե-
նից . խնայարուք զամս ազգաց մին
չեւ յազգս :

Հարցչիր դու ցհարս քո , և սրատուե-
ցեն քեզ ցծերս քո , և ասասցեն քեզ .
Ի ժամանակի՞ յորժամ բաժանեաց
բարձրեալն զազգս ամենայն . որպէս
սիսեաց նա զորդիան ազամայ :

Կացոց սահմանս հեթանոսաց ըստ
թուոյ հրեշտակաց աստուծոյ :

Եղեւ բաժին տեառն ժողովուրդ
իւր յակոր , և միճակ ժառանգու-
թեան իւրոյ խարայել :

Բաւտիան եղեւ նմա յանապատի , ՚ի
ծարաւ տօթոյ յանջրդւոջ սրաշտպա-
նեաց զնա :

Խրատեաց զնա , և սրահեաց որպէս
բիր ական . որպէս զարծուի ՚ի թեւս
իւր ընկալաւ զնա , և որպէս ՚ի վե-
րայ ձագուց իւրոյ զթացաւ :

Տարածեաց զթեւս իւր , և ընկալաւ
զնա . և բարձեալ բերէր զնա ՚ի վե-
րայ միջնողաց իւրոյ :

Տէր միայն ամէր զնոսա , և ոչ գոյր
ընդ նոսա աստուած օտար :

Էած եհան զնոսա ՚ի զօրութիւնս
երկրի , և կերակրեաց զնոսա արդեամբ
անդաստանայ :

Ղիկեցոց նոցա մեզր ՚ի միմէ , և իւղ
յապառած միմէ :

Իւղ կախուց և կաթն մաքեաց ,
ճարպով հանդերձ խոյոց որթուց՝
ցլուց և նոխազաց :

Չարարտութիւն երկիւրեանց ցորե-
նոյ , և զարիւն խաղողոյ էարբ զինի :

Եկեր յակովբ և յագեցաւ , և ան-
գուշեաց զսիրելին :

Պիրացաւ ստուարացաւ ըյնացաւ .
եթող զտէր աստուած զարարիչ իւր ,
և յետս եկաց յաստուծոյ վրկչէ
իւրմէ :

Բարկացուցին զիս օտարտախք իւր-
եանց , և կռովք իւրեանց զառնա-
ցուցին զիս :

Չահեցին զիւաց՝ և ոչ աստուծոյ .
դիցն՝ զորս ոչ զիտէին , նորք և առ-
ժամայնք , զորս բնաւ ոչ ճանաչէին
հարբ նոցա :

Թողին զտէր՝ որ ծնաւ զնոսա . մտա-
ցան զաստուած՝ որ կերակրեաց զնոսա .
Ետես տէր և նախանձեցաւ , և սրբաւ
մըտեցաւ ՚ի վերայ ուստերաց և զըս-
տերաց նոցա , և ասէ :

Գարձուցից զերեսս իմ ՚ի նոցանէ , և
ցուցից նոցա զինչ լինելոց իցէ յա-
սրս ժամանակի :

Չի ազգ մի թիւր են նորա՝ և որդիք
անհաւանք . նորա նախանձեցուցին
զիս ՚ի չաստուածս իւրեանց , և դառ-
նացուցին զիս ՚ի կուռս իւրեանց :

Արդ և ես նախանձեցուցից զնոսա
յազգ անպիտան . և անմիտ ազգաւ
զկձեցուցից զնոսա :

Փառք հօր և որդւոյ և :

ՄԱՂԹԱՆՔ

Տուք փառս աստուծոյ , տուք օրհ-
նութիւն մարդասիրին թագաւորին
յաւխտենից , որ վրկէ զճառայս իւր
և կեցուցանէ :

Մարդասէր տէր , փառն սրբուհւոյ
անարատի մօր քոյ և կուսի , և փառն
խաչի քոյ սրատուականի , ընկալ զա-
ղաչանս մեր և կեցո զմեզ :

Քարոզ եւ աղօթք Արևիտ Դոմին և Տէր Գրգորի
կանոնացն :

Վասն ՚ի դիշերի և ՚ի տուրնջեան և
յամենայն ժամու խօսիլ մեզ զբան
տեառն զտէր աղաչեսցուք .
Տէր ողորմեա :

Վասն չանկանելոյ մեզ ՚ի փորձու-
թիւն , սրում ոչ կարեմք հանդուր-
ժել , զտէր աղաչեսցուք :

Վասն ամբիժ և անդաստապարտ կալ
մեզ առաջի ահեղ ատենին քրիստո-
սի , զտէր աղաչեսցուք :

Վասն առաջնորդելոյ մեզ ՚ի նաւա
հանգիստն կենաց անխախտանից , ըզ
տէր աղաչեսցուք :

Վասն արժանի լինելոյ մեզ վերին
կոչմանն և երկնից արքայութեանն ,
զտէր աղաչեսցուք :

Վասն հոգւոյն հանգուցելոյ՝ որք
ճշմարիտ և ուղիղ հաւատով ՚ի քը
րիատոս ննջեցին , զտէր աղաչեսցուք :

Եւ եւս միաբան վասն ճշմարիտ և
սուրբ հաւատոյս մերոյ , զտէր աղա
ջանձինս մեր և զմիմեանս տեառն
աստուծոյ ամենակալին յանձն ա
րասցուք :

Ողորմեաց մեզ տէր աստուած մեր
լստ մեծի ողորմութեան քում , ա
սասցուք ամենեքեան միաբանու
թեամբ :

Տէր ողորմեա , տէր ողորմեա , տէր
ողորմեա :

ԱՂՕԹՔ

Ի գիշերի և ՚ի տուրնջեան և յամե
նայն ժամու գրեզ աղաչեմք , և ՚ի քէն
խնդրեմք մարդասէր տէր , Առք մեզ
աստուած փրկիչ մեր , խոնարհեսցի
ու նկն քո ՚ի խնդրուածս մեր , զի մի
ունայն լիցին վաստակք ծառայից քոյ
սյլ համարեա զաշխատութիւնս մեր
՚ի գործ արդարութեան և ՚ի պտուղ
աստուած պաշտութեան ընկալ տէր՝
զազօթս և զերկրպագութիւնս մեր ,
և հատտ մեզ զողորմութիւն քո ա
ռատապէս , ծածկեա զմեզ ընդ հո
վանեալ ամենազօրաջոյ քո , զօրացս
զմեզ տէր՝ զօրութեամբ սուրբ հոգ

ւոյդ , սրահեա զմեզ որպէս բիր ա
կան , և արա առ մեզ նշան բարի
՚ի գովեստ և ՚ի փառարանութիւն ա
նուանդ քում սրբոյ , Ձի ՚ի քո փառս
կատարի ամենայն արարածոց մշանջե
նաւոր փառարանութիւն ՚ի բար
ձունս , հօր և որդւոյ և հոգւոյն
սրբոյ , այժմ և միշտ և յաւիտեանս
յաւիտենից , ամէն :

Խաղաղութիւն ամենեցուն ,
Աստուծոյ երկրպագեսցուք :

Հովիւ քաջ՝ հովիւ բարի և յաւիտե
նական , նայեաց և այց արա բանաւոր
հօտի քո , զոր ժողովեցեր առ քեզ
զթութեամբ քով , Ձի քո առաջի
կամբ տէր , և առ ՚ի քէն ողորմու
թեանցդ և զթութեանցդ ակն ու
նխմք , Ձամենեւեան օրհնեա , զամենե
սեան իմաստնացո , զամենեւեան լու
սաւորեա , և ամենեցուն սարգեւեա
զերկնից արքայութիւնդ , Վասն զի
դու ես տէր կենաց և աստուած ողոր
մութեանց , և քեզ վայելէ փառք իշ
խանութիւն և սրատիւ , այժմ և միշտ
և յաւիտեանս յաւիտենից , ամէն :

ՄԱՂԹԱՆՔ

Ի գիշերի և ՚ի տուրնջեան և յամե
նայն ժամու անդադար փառաւո
րեմք զհայր և զորդի և զսուրբ հո
գիդ , այժմ և միշտ և յաւիտեանս
յաւիտենից , ամէն :

Օրհնեալ տէր մեր յիսուս քրիստոս ,
Հայր մեր որ յերկինս :





Ծագեացի յառտը ևորս արդարութիւն
բողոքն խաղաղութիւն միևչեւ կատա-
րեացի յուսին:



ՍՍՂԾՈՍ 12.

Մաղնու դաշի:

Մի՛ նախանձիր ընդ չարս, և մի՛ ընդ այնոսիկ՝ ոյք գործեն զանորէնու թիւն:

Զի որպէս խոտ վաղվաղակի ցամաքեացին, որպէս զգալարի խոտոյ վաղվաղակի անցցեն:

Յուսա՛ ՚ի տէր, և արա զքաղցրութիւն. բնակեա յերկրի, և հովուեսցիս ՚ի մեծութեան նորա:

Ժտեա ՚ի տեառնէ, և նա տացէ քեզ զխնդրուածս սրտի քո. յայտնեա առաջի տեառն զճանապարհս քո, և յուսա ՚ի նա:

Նա արասցէ և հանցէ որպէս զլոյս զարդարութիւնս քո, և զիրաւունս քո որպէս զօրհասարակ:

Հնազանդ լեր տեառն՝ և ծառայեա նմա. և մի՛ նախանձիր ընդ այնոսիկ՝ որոց առակեալ իցեն ճանապարհք իւրեանց ընդ մարդոյ՝ որ գործէ զանորէնու թիւն:

Լուեա ՚ի բարկութենէ, և հանգիր ՚ի սրտմտութենէ, և մի՛ նախանձիր ընդ չարս:

Զի չարք վաղվաղակի սատակեացին. բայց ոյք համբերեն տեառն, նոքա ժառանգեացեն զերկիր:

Փոքր մի և այլ ոչ եւս իցէ ամբարիշտն. խնդրեացես զտեղի նորա, և ոչ գտցես:

Այլ որ հեզքն են՝ նոքա ժառանգեացեն զերկիր, և փափկացին ՚ի բազում խաղաղութեան իւրեանց: Սպասէ մեղաւորն արդարոյ, և կըրճըտէ ՚ի վերայ նորա զատամուկնս իւր. այլ տէր ծիծաղեցի զնովա:

Քանզի յառաջագոյն տեսանէ, զի հասեալ է օր նորա:

Սուր հանին մեղաւորք, և լարեցին զաղեղունս իւրեանց՝ հարկանել զաղքատն և զտնանկն, սպանանել զայն՝ որ խոնարհն է սրտիւ:

Սուրք նոցա մտցեն ՚ի սիրտս նոցա, և աղեղունք նոցա վիշրեացին:

Լաւ է սակաւիկ ինչ արդարոյ, քան զբազում մեծութիւն մեղաւորաց. և բազուկք ամբարշտաց խորտակեացին: Հաստատէ տէր զարդարս, և ճանաչէ զաւուրս ամբժից, ժառանգութիւն նոցա յաւիտեան եղիցի:

Մի՛ ամաչեացեն նոքա ՚ի ժամանակս չարութեան. այլ յաւուրս սովու յաղեացին:

Ահա՛ մեղաւորք կորիցեն. այլ թըռնամիք տեառն ՚ի փառաւորիլ և ՚ի բարձրանալ իւրեանց սակասեացին որպէս ծուխ՝ զի սպակասի:

Փոխ առնու մեղաւորն, և ոչ հատուցանէ, այլ որ արդարն է, ողորմի և տայ: Այք օրհնեն զտէր, ժառանգեացեն

զերկիր . և ոյք անիծանեն , սատա
կեցցին 'ի նմանէ :

Ի տեառնէ ուղղին գնացք առն . ըզ
ճանապարհս նորա նա կամի յոյժ :
Թէսէտ և գայթակղեցցի , նա մի կոր
ծանեցցի , զի տէր ձեռնկալու է նորա :
Մանուկ էի ես և ծերացայ , և ոչ տե
սի զարդարն արհամարհեալ , և ոչ
զաւակ նորա թէ մուրանայ հաց :
Զօրհանապազ ողորմի և տայ փոխ .
զաւակ նորա օրհնեալ եղիցի յաւիտ
եան :

Խոտորեա 'ի չարէ և արա զբարի . և
բնակեցցիս յաւիտեանս յաւիտե
նից 'ի նմա :

Տէր սիրէ զիրաւունս , և ոչ ընդ վայր
հարկանէ զսուրբս իւր . այլ յաւի
տեան պահէ զնոսա :

Անօրէնք հալածեցցին 'ի միասին , և
զաւակք ամբարշտաց սատակեցցին :

Այլ արդարք ժառանգեցեն զեր
կիր , և բնակեցցին յաւիտեանս յա
ւիտենից 'ի նմա :

Բերան արդարոյ խորհի զիմաստու
թիւն . և լեզու նորա խօսեցցի զի
րաւունս :

Օրէնք աստուծոյ իւրոյ են 'ի սրտի
իւրում , և մի գայթակղեցցին զը
նացք նորա :

Հայի մեղաւորն ընդ արդար , և խընդ
րէ սպանանել զնա . այլ տէր ոչ թո
ղու զնա 'ի ձեռս նորա , և ոչ դատա
պարտէ զնա յորժամ դատէ զնա :
Համբեր տեառն և պահեա զճանա
պարհս նորա . և բարձր արասցէ ըզ
քեզ 'ի ժառանգել զերկիր , և զսա
տակումն մեղաւորաց տեսցես :

Տեսի զամբարիչտն վերացեալ և բարձ
րացեալ որպէս զմայրսն լիբանանու :

Անցի և ահա ոչ էր . խնդրեցի , և
ոչ գտաւ տեղի նորա :

Պահեա զամբծութիւն , և տես զուղ
ղութիւն . զի գոն մնացուածք առն
խաղաղարարի :

Անօրէնք հալածեցցին 'ի միասին . և
զաւակք ամբարշտաց կորիցեն :

Փրկութիւն արդարոյ 'ի տեառնէ է .
վերակացու է նոցա 'ի ժամանակս
նեղութեան :

Օգնեցէ նոցա տէր , և փրկեցէ զնո
սա . ապրեցուցէ 'ի մեղաւորաց , և
կեցուցէ զնոսա զի յուսացան 'ի նա :

Տունք Ը՛ փայլ-չ Տոյ

ՍՍՂՄՈՍ ԼԷ

Սաղմոս դառի . առ 'ի յիշատակ շաքարո :

Տէր մի սրտմտութեամբ քով յան
դիմաներ զիս , և մի բարկութեամբ
քով խրատեր զիս :

Զի նետք քո հարան յիս , և յիս
հաստատեցաւ ձեռնքո :

Ոչ գոյ բժշկութիւն մարմնոյ իմոյ յե
րեսաց բարկութեան քոյ :

Ոչ է խաղաղութիւն ոսկերաց իմոյ
յերեսաց մեղաց իմոյ :

Անօրէնութիւնք իմ բարձրացան
քան զգլուխ իմ , որպէս բեռն ծանր
ծանրացան 'ի վերայ իմ :

Նեխեցան և փտեցան վէրք իմ յե
րեսաց անզգամութեան իմոյ :

Տառապեցայ և խոնարհ եղէ մինչեւ
յոյժ , զօրհանապազ տրտում գնայի ,
զի անձն իմ լի եղեւ չարչարանօք ,
և ոչ գոյ բժշկութիւն մարմնոյ իմոյ :
Չարչարեցայ և խոնարհ եղէ մինչեւ
յոյժ , մանչէի առ հեծութեան սրբ
տի իմոյ :

Տէր առաջի քո է ամենայն ցանկու
թիւն իմ , և հեծութիւն իմ 'ի քէն
ոչ ծածկեցաւ :

Սիրտ իմ խռովեցաւ յիս , և եթող
զիս զօրութիւն իմ . լոյս աչաց իմոյ ,
և այս ոչ եղեւ ընդ իս :

Բարեկամք իմ և մերձաւորք իմ ա
ռաջի իմ մերձեցան և կացին , և մեր
ձաւորք իմ հեռի եղեն յինէն :

Բռնադատէին զիս և խնդրէին զանձն
իմ . ոյք խորհէին չար 'ի վերայ իմ ,

խորհեցան զանօրէնութիւն, և զնեն
 գութիւն զօրհանասպազ խորհեցան :
 Այլ ես որպէս խուլ զի ոչ լսէ, որ
 պէս համր՝ որ ոչ բանայ զբերան իւր :
 Եղէ ես որպէս մարդ՝ որ ոչ լսէ, և
 ոչ գոն խօսք ՚ի բերան նորա :
 Ես ՚ի քեզ տէր յուսացայ, և գու
 լուիցես ինձ տէր աստուած իմ :
 Ասացի՛ թէ մի՛ ուրախ եղիցին յիս
 թշնամիք իմ. ՚ի սասանիլ ոտից իմոց՝
 ՚ի վերայ իմ մեծամեծս խօսեցան :
 Ես ՚ի տանջանս պատրաստեմ, և ցաւք
 իմ առաջի իմ են յամենայն ժամ :
 Զանօրէնութիւնս իմ պատմեցից,
 և հոգացայց վասն մեղաց իմոց :
 Իսկ արդ թշնամիք իմ կենդանի են, և
 զօրացեալք են քան զիս. և բազումք
 էին՝ ոչ քատէին զիս ՚ի տարապարտուց :
 Ոյք հատուցին ինձ չար փոխանակ
 ընդ բարւոյ. չարախօսէին զինէն, զի
 ես երթայի զհետ արդարութեան :
 Մի՛ թողուր զիս տէր աստուած իմ,
 և մի՛ ՚ի բացեայ առնիր յինէն. հայեաց
 յօգնել ինձ՝ տէր փրկութեան իմոյ :

Տուր իս :

ՍԱՂՄՈՍ ԼԸ.

Ի կառարած. յիդիքովմայ օրննոչքիւն.
 Սաղմոս դաշքի :

Ասացի՛ թէ պահեցից զճանապարհս
 իմ, զի մի՛ մեղայց լեզուաւ իմով :
 Եղի պահապան բերանոյ իմոյ՝ ՚ի հա
 կառակիլ մեղաւորին առաջի իմ :
 Լուռ եղէ և խոնարհեցայ. լռեցի ՚ի
 բարութեանէ, և ցաւք իմ նորոգե
 ցան յիս :
 Զեռաւ սիրտ իմ ՚ի փորի իմում, և
 ՚ի խորհուրդս իմ վառեցաւ հուր :
 Խօսեցայ լեզուաւ իմով և ասացի. ցոյց
 ինձ տէր զկատարած իմ, և զթիւ ա
 լուրց իմոց՝ քանի՞օն է, զի գիտացից
 թէ ո՞րչափ ինչ պակասեալ է յինէն :
 Ահա չափով եղեր զաւուրս իմ, և
 կար զօրութեան իմոյ որպէս ոչինչ է

առաջի իմ. սակայն ամենեւին ըն
 դունայն է ամենայն մարդ մտեղի :
 Ապաքէն որպէս ՚ի պատկերի շրջի
 մարդ, սակայն ՚ի զուր խռովի. գան
 ձէ՛ և ոչ գիտէ ո՞ւմ թողովէ :
 Իսկ արդ ո՞վ է համբերութիւն իմ,
 թէ ոչ գու տէր. կամ կար զօրու
 թեան իմոյ, թէ ոչ ՚ի քէն :
 Յամենայն անօրէնութեանէ իմմէ փրը
 կեցեր զիս, և նախատինս անդգամաց
 արարեր զիս :
 Լուռ եղէ և ոչ բացի զբերան իմ,
 զի գու արարեր :
 Ի բաց արա յինէն զտանջանս իմ, զի ՚ի
 զօրութեանէ ձեռին քո ես պակասեցայ :
 Աշտամբութեամբ վասն մեղաց խրա
 տեցեր զմարդ, մաշեցեր որպէս սար
 դիոստայն զանձն նորա. սակայն ըն
 դունայն է ամենայն մարդ :
 Լուր տէր աղօթից իմոց, ունկն դիր
 ինդրուածաց իմոց, արտասուաց իմոց
 մի՛ լռեր :
 Պանդուխտ եմ ես առաջի քո, նժդէհ
 և անցաւ որ որպէս ամենայն հարբ իմ :
 Թոյլ արա ինձ զի հանգեայց մինչէւ
 երթեալ իցեմ, և այլ ոչ ևս գտանիցիմ :

Տուր թե :

ՍԱՂՄՈՍ ԼԹ.

Ի կառարած. Սաղմոս դաշքի :

Համբերելով համբերի տեառն, և նա
 յեցաւ առ իս, և լուաւ աղօթից իմոց :
 Եհան զիս ՚ի գբոյ տառապանաց, ՚ի
 կաւոյ և ՚ի տղմոյ :
 Հաստատեաց ՚ի վերայ վիմի զոտս իմ,
 և ուղղեաց զգնացս իմ :
 Էարկ ՚ի բերան իմ օրհնութիւն նոր,
 զօրհնութիւն տեառն աստուծոյ մե
 լոյ :
 Տեսցեն բազումք և երկիցեն, և յու
 սասցին ՚ի տէր. երանեալ է այր՝ որոյ
 անուն տեառն յոյս է նորա :
 Ոչ հայեցաւ նա ՚ի նանրութիւն, և
 ոչ ՚ի մոլութիւն սուտ :

Բազում արարեր դու տէր աստուած
իմ զսքանչելիս քո. և խորհրդոց քոց՝
ոչ ոք է որ նմանիցի քեզ:

Պատմեցի և խօսեցայ, և բազումք
եղեն քան զթիւս. ընդ զոհս և ընդ
սպտարագս ոչ հաճեցար լսելիս հաս-
տատեցեր ինձ. զողջակէզս և զվասն
մեզացն ոչ խնդրեցեր:

Յայնժամ ասացի թէ ահա ափիկ դամ
ես. ՚ի դլուխս գրոց գրեալ է վասն իմ:
Առնել զկամս քո աստուած իմ կամե-
ցայ, և զօրէնս քո ՚ի մէջ որովայնի իմոյ:
Աւետարանեցից զարդարութիւնս
քո յեկեղեցիս մեծս. ահա զչրթունս
իմ ոչ արդելից ՚ի քէն:

Տէր դու գիտացեր՝ զի զարդարու-
թիւնս քո ոչ ծածկեցի ՚ի սրտի իմում,
զճշմարտութիւնս քո և զփրկու-
թիւնս քո:

Ասացի և ոչ թաղուցի զողորմու-
թիւնս քո, և զճշմարտութիւնս քո
՚ի ժողովրդենէ մեծէ:

Այլ դու տէր մի՛ հեռի առներ զգը-
թութիւնս քո յինէն. զի ողորմու-
թիւն քո և ճշմարտութիւն քո յա-
մենայն ժամ ընկալցի զիս:

Շուրջ եղեն զինեւ չարք՝ որոց ոչ գոյր
թիւ. հասին ինձ անօրէնութիւնք
իմ, և ես ոչ կարացի տեսանել:

Բազում եղեն քան զհեր զլսոյ իմոյ,
և սիրտ իմ եթող զիս:

Կամեաց տէր՝ փրկել զիս, և տէր
յօգնել ինձ նայեաց:

Ամաչեացեն և յամօթ լիցին՝ ոյք խընդ-
րէին զանձն իմ բառնալ զսա. դարձ-
ցին յետս և ամաչեացեն՝ ոյք խոր-
հէին ինձ չար:

Կրեացեն զամօթ առ ժամայն վաղվա-
զակի, ոյք ասէին ինձ վաչ վաչ:

Յնձացեն և ուրախ լիցին ՚ի քեզ ամե-
նեքեան, ոյք խնդրեն զքեզ տէր:

Ասացեն յամենայն ժամ՝ մեծէ աստ-
ուած, և ոյք սիրեն զփրկութիւնս քո:

Ես աղքատ և տնանկ եմ, աստուած

խորհեա զիս. օգնական և սաշտոյան
իմ ես, և դու աստուած իմ մի՛ յա-

մենար: *Կարգապ Եր*

Տունք իր: Գորշայս ծը:

2. 075 ՍՍՂԾՈՍ Խ.

ի կատարած. Մաղմուս դարբի:

Երանի որ խորհի զաղքատն՝ և ըզ-
տնանկն. յաւուր չարի փրկէ զնա
տէր:

Տէր փրկէ զնա և կեցուցանէ, և բա-
նելի առնէ զնա ՚ի վերայ երկրի, և
ոչ մատնէ զնա ՚ի ձեռս թշնամեաց
իւրոց:

Տէր օգնական է նմա ՚ի մահիձս ցաւոց
իւրոց. զամենայն անկողինս նորա դար-
ձուցանէ ՚ի հիւանդութենէ նորա:

Ես ասացի տէր ողորմեա ինձ. բժշկեա
զանձն իմ, ես մեղայ քեզ:

Թշնամիք իմ ասացին ինձ չար. երբ իցէ
զի մեռցի, և կորիցէ անուն նորա:

Մտանէր տեսանել զնանրութիւն.
խօսէր ՚ի սրտի իւրում, և ժողովէր
զանօրէնութիւն յանձն իւր:

Արտաքս ելանէր և զնոյն խօսէր. զե-
նէն շնջէին ամենայն թշնամիք իմ:

Խորհեցան չար ՚ի վերայ իմ. բան ա-
նօրէնութեան եղին ՚ի վերայ իմ:

Միթէ որ ննջիցէ, այլ ոչ եւս յաւելցի
յառնել. քանզի և այրն խաղաղու-
թեան իմոյ, յոր և եսն յուսացայ:

Որ ուտէր զհաց իմ, յաճախեաց առ-
նել ինձ խաբէութիւն:

Այլ դու տէր ողորմեա ինձ և կանդ-
նեա զիս, և ես հատուցից նոցա:

Յայսմ ծանեայ՝ թէ հաճեցար ընդիս,
զի մի՛ ուրախ եղիցին յիս թշնամիք իմ:

Այլ զիս յամբժութեան իմում ըն-
կալար, և հաստատեցեր զիս առաջի
քո յաւիտեան:

Օրհնեալ տէր աստուած իսրայելի յա-
ւիտեանս յաւիտենից. եղիցի եղիցի:

Տունք ծղ:

ՍԱՂՄՈՍ ԽԱ.

Ի կատարած. ինաստուրբիան որդանցն կորիսայ. Սաղմոս դարբի:

Որպէս փափաքէ եղջերու յաղբերս ջուրց, այնպէս փափաքէ անձն իմ առ քեզ աստուած:

Ծարաւի է անձն իմ առ քեզ աստուած, հզօր և կենդանի. երբ եկից երեւեցայց երեսացդ աստուածոյ:

Եղեն ինձ արտասուք իմ կերակուր ՚ի տուէ և ՚ի դիշերի, և այն զի ասէ ին զիս զօրհանասրազ թէ ո՛ւր է աստուած քո:

Չայս որպէս յիշէի, տառապէր յիս անձն իմ. քաջալերէի, զի մտից ընդ յարկաւ սքանչելեաց տանն աստուածոյ:

Ի ձայն ցնծութեան խոստովանութեան և ՚ի ձայն բարեկենդանութեան:

Արդ ընդէր տրտում ես անձն իմ, կամ ընդէր խռովես զիս. յուսա առ աստուած, խոստովանեա նմա՝ փրկիչ երեսաց իմոց աստուած է:

Անձն իմ յոյժ խռովեցաւ. փասն այսորիկ յիշեցի զքեզ յերկրէն յորդա նանու, ՚ի հերմոնէ լեռնէ փոքուէ:

Խորք խորոց կարգացին առ քեզ, ՚ի ձայն սահանաց քոց:

Ամենայն զբօսանք քո, և ակբ քո անցին ՚ի վերայ իմ:

Ի տուէ սլատու իրեաց տէր զողորմութիւն իւր, ՚ի դիշերի զօրհնութիւն նոր. և աղօթք իմ առ աստուած փասն կենաց իմոց:

Ասացի աստուածոյ՝ ընդուենող իմ ես. ընդէր մերժեցեր զիս. ընդէր տրտում գնամ ես ՚ի նեղել թշնամուց իմոց:

Ի փշրիլ ոսկերաց իմոց նախատեցին զիս թշնամիք իմ, յասել ցիս զօրհանասրազ, թէ ո՛ւր է աստուած քո:

Արդ ընդէր տրտում ես անձն իմ, կամ ընդէր խռովես զիս. յուսա առ աստուած, խոստովանեա նմա՝ փրկիչ երեսաց իմոց աստուած է:

Տունք ԺԳ:

ՍԱՂՄՈՍ ԽԲ.

Սաղմոս դարբի:

Դատ արա ինձ աստուած, և իրաւարա ինձ ՚ի դատաստանի իմում:

Յազգէ որ ոչ է սուրբ, ՚ի մարդոյ մեղաւորէ նենգաւորէ փրկեա զիս:

Գու աստուած հզօրիչ իմ ես. ընդէր մոռացար զիս, ընդէր տրտում գնամ ես ՚ի նեղել թշնամուց իմոց:

Առաքեա տէր զոյս քո և զճճարտութիւն քո, զի առաջնորդեցցեն ինձ, և հանցեն զիս ՚ի լեռն սուրբ և ՚ի յարկս քո:

Մտից առաջի սեղանոյ աստուածոյ առ աստուած, որ ուրախ առնէ զմանկու թիւն իմ:

Խոստովան եղէց քեզ օրհնութեամբ աստուած աստուած իմ:

Արդ ընդէր տրտում ես անձն իմ, կամ ընդէր խռովես զիս. յուսա առ աստուած, խոստովանեա նմա՝ փրկիչ երեսաց իմոց աստուած է:

Տունք է: Գորդայս ԸԳ, փառք:

ՍԱՂՄՈՍ ԽԳ.

Ի կատարած. ինաստուրբեան որդանցն կորիսայ. Սաղմոս դարբի:

Աստուած՝ ահանջօք մերովք լուաք, զոր հարքն մեր սլատուցին մեզ:

Չգործն զոր գործեցեր յաւուրս նոցա, յաւուրսն առաջինս:

Չեռն քո խլեաց զհեթանոսս՝ և զնոսա տնկեցեր. չարչարեցեր զժողովուրդս քո, և հաներ զնոսա:

Չի ոչ թէ սրով իւրեանց ժառանգեցին զերկիր, և ոչ բազուկ նոցա փրկեաց զնոսա:

Այլ աջ քո և բազուկ քո և լոյս երեսաց քոց, զի հաճեցար դու ընդ նոսա: Գու ինքն ես՝ թաղաւոր իմ և աստուած իմ, որ հրամայեցեր զփրկութիւնսն յակովբոյ:

Handwritten notes and a cross symbol on the right margin.



Քեւ զթշնամիս մեր հարցուք, և անուամբք բով արհամարհեցուք զյարուցեալսն ՚ի վերայ մեր:

Ոչ թէ յաղեղն իմ յուսացեալ եմ, և ոչ սուր իմ կեցուցանէ զիս:

Այլ դու փրկեցեր զմեզ ՚ի թշնամեաց մերոց և զատելիս մեր յամօթ արարեր:

Աստուծով պարծեցուք զօրհանապաղ, և անուան նորա խոստովանեղիցուք յաւիտեան:

Բայց արդ մերժեցեր և անարդեցեր զմեզ, և ոչ ելեր աստուած ընդ զօրս մեր:

Գարձուցեր զմեզ յետս քան զթըշնամիս մեր, և ատելիք մեր յափշտակեցին զմեզ:

Ետուր զմեզ որպէս զոչխար ՚ի զէնու մն, և ընդ հեթանոսս ցրուեցեր զմեզ:

Վաճառեցեր զժողովուրդս՝ քո առանց գնոյ, և ոչ գոյ թիւ աղաղակի մերոյ:

Արարեր զմեզ նախատինս դրացեաց մերոց, ծաղր և այսին կատականաց այնոցիկ՝ որք շուրջ էին զմեօք:

Արարեր զմեզ յառակս հեթանոսաց ՚ի շարժել զզուրկս ժողովրդոց:

Զօր ամենայն նախատինք իմ առաջի իմ են, և ամօթ երեսաց իմոց ծածկեաց զիս:

Ի ձայնէ նախատորդին և չարախօսի, յերեսաց թշնամւոյն և հալածչի:

Այս ամենայն եկին ՚ի վերայ մեր, և մեք զքեզ ոչ մոռացաք, և ոչ ստեցաք ուխտի քում, և ոչ դարձաք յետս սրտիւք մերովք:

Գարձուցեր զչաւիղս մեր ՚ի ձանապարհաց քոց, խոնարհ արարեր զմեզ ՚ի տեղի չարչարանաց, և ծածկեցին զմեզ ստուերք մահու:

Թէ մոռացեալ իցէ մեր զանուն աստուծոյ մերոյ, կամ ձգեալ իցէ զձեռքս մեր յաստուածս օտարս:

Սակայն աստուած խնդրէ զայս, զի նա քննէ զգաղտնիս սրտից մերոց:

Վասն քո մեռանիսք զօրհանապաղ, համարեցաք որպէս զոչխար ՚ի զէնու մն:

Զարթիր ընդէր ննջես տէր, արի և մի՛ մերժեր զմեզ իսպառ:

Զմէ՞ դարձուցանես զերեսս քո ՚ի մէնջ, մոռանաս զաղքատութիւն և զնեղութիւնս մեր:

Խոնարհ եղեն մինչեւ ՚ի հող անձինք մեր, և յերկիր կցեցան մէջք մեր:

Արի տէր օգնեա մեզ, և փրկեա զմեզ վասն անուան քո:

Տուր ինչ:

ՍՍՂԾՈՍ ԽԳ

Ի կատարած գաւառացիոց ժամանակաց, որդւոցն Կորիսայ իմաստոքեան. Սաղմոս օրհնութեան վասն սիրելոյն:

Բողոքեցէ սիրտ իմ զպատգամս քո բարի, և ասացից զգործս իմ թաղաւորի:

Լեզու իմ որպէս գրիչ արագագիր գորի, գեղեցիկ տեսլեամբք քան զամենայն որդւոց մարդկան:

Սիւսեցան շնորհք ՚ի շրթանց քոց, վասն այսորիկ օրհնեաց զքեզ աստուած յաւիտեան:

Ա՞՞ զսուր ընդ մէջ քո հզօր, վայելչութեան և գեղոյ քոյ:

Լարեա ուղղեա և թագաւորեա վասին ճշմարտութեան հեղութեան և արդարութեան, և առաջնորդեացէ քեզ սքանչելապէս աջ քո:

Նեաք քո սրեալ են հզօր, և ժողովուրդք ՚իներքոյ քո անկցին, ՚ի սիրտս թշնամեաց թագաւորի:

Աթոռ քո աստուած յաւիտեանս յաւիտենից, գաւազան ուղղութեան գաւազան արքայութեան քո:

Սիրեցեր զարդարութիւն, և ատեցեր զանօրէնութիւն:

Վասն այսորիկ էօ՞՞ զքեզ աստուած

աստուած քո իւզով ուրախութեան,
առաւել քան զընկերս քո:

Չմուռս և ստաշխն և կասիայ 'ի ըզ
դեստէ քումմէ, 'ի տաճարաց փղոս
կրէից, ուստի ուրախ արարին զքեզ
դստերք թագաւորաց 'ի պատիւ:
Կացցէ դշխոյ ընդ աջմէ քումմէ, 'ի
հանդերձս ոսկեհուռս զարդարեալ
և պաճուճեալ:

Լուր դուսար և տես, խոնարհեցո
զունկն քո. մտա զժողովուրդ քո և
զտուն հօր քո. զի ցանկացաւ թա
գաւոր զեզոյ քո:

Սա ինքն է տէր քո՝ երկիրագացես
սմա, և դուսար ծուրայ երկիրագա
ցէ սմա. և պատարագօք զերեսս
սորա պաշտեսցեն մեծամեծք 'ի ժո
ղովրդոց:

Ամենայն փառք դստեր թագաւորի
'ի ներքոյ, 'ի վերջաւորս ոսկեհուռս
զարդարեալ և պաճուճեալ:

Տարցին թագաւորի կուսանք զհետ
նորա, և զընկերս նորա տարցին նմա:

Ածցեն ցնծութեամբ և ուրախու
թեամբ, և տարցին 'ի տաճար թա
գաւորի, և փոխանակ հարց քոց ե
զիցին որդիք քո:

Կացուցես զնոսա իշխանս ընդ ամե
նայն երկիր, և յիշեսցի անուն քո
ընդ ամենայն ազգս ազգաց:

Վասն այսորիկ ժողովուրդք խոստո
ւան եզիցին առ քեզ յաւիտեան, և
յաւիտեանս յաւիտենից:

Տունք ժը:

Ս Ա Ղ Մ Ո Ս Խ Ե .

Ի կատարած. որդւոցն կորիսայ 'ի վերայ գաղտ
նեաց. Սաղմոս դաւթի:

Աստուած մեր ապաւէն և զօրու
թիւն. օգնական 'ի վերայ նեղու
թեանց, որք դաին զմեզ յոյժ:

Վասն այսորիկ ոչ կերիցուք մեք 'ի
խռովիլ երկրի, 'ի փոփոխիլ լերանց 'ի
սիրտս ծովու:

Գոչեցին և խռովեցան ջուրք նոցա.
խռովեցան լերինք 'ի զօրութեանէ նորա
Գնացք զետոց ուրախ առնեն զքա
ղաքն աստուծոյ. և սուրբ արար ըզ
յարկս իւր բարձրեալն:

Աստուած 'ի մէջ նոցա, և նորա մի՛ սա
սանեսցին. օգնեսցէ նոցա աստուած
'ի վաղորդայնէ մինչեւ 'ի վաղորդայնս
Խռովեցան հեթանոսք, և խոնարհե
ցան թագաւորութիւնք. ետ զձայն
իւր բարձրեալն, և խռովեցաւ երկիրս
Տէր զօրութեանց ընդ մեզ. ընդ ու
նելի է մեր աստուած յակօբայ:

Նկայք և տեսէք զգործս աստուծոյ,
որ արար զնշանս և զարուեստս 'ի
վերայ երկրի:

Նհար զպատերազմ 'ի ծագաց մինչեւ
'ի ծագս երկրի. զազեզունս փշրեաց,
զզէնս խորտակեաց, և զասպարս սյ
րեաց հրով:

Կանխեսցէք և ծաներուք, զի ես եմ
աստուած. բարձրեղէց 'ի հեթանոսս,
և բարձրացայց 'ի վերայ երկրի:

Տէր զօրութեանց ընդ մեզ, ընդ ու
նելի է մեր աստուած յակօբայ:

Տունք ժա: Գորդայս ծը:

Ս Ա Ղ Մ Ո Ս Խ Զ .

Ի կատարած. փասն որդւոցն կորիսայ.
Սաղմոս դաւթի:

Տափս հարէք ամենայն հեթա
նոսք, ազազակեցէք առ աստ
ուած 'ի ձայն ցնծութեան:

Տէր բարձրեալ և ահարկու, թագա
ւոր մեծ 'ի վերայ ամենայն երկրի:
Հնազանդ արար զժողովուրդս ընդ
մեզ, և զհեթանոսս 'ի ներքոյ ոտից
մերոց:

Ընտրեաց զմեզ իւր 'ի ժառանգու
թիւն, զզեզեցիւթիւն յակօբայ՝
զոր և սիրեաց:

Համբարձաւ աստուած օրհնու
թեամբ, և տէր մեր ձայնիւ փողոյ:



Սաղմոս ասացէք աստուծոյ մերում.
սաղմոս ասացէք թագաւորին մերում,
սաղմոս ասացէք :

Թագաւոր մեծ 'ի վերայ ամենայն
երկրի աստուած է, սաղմոս ասա-
ցէք նմա իմաստութեամբ :

Թագաւորեաց աստուած 'ի վերայ հե-
թանոսաց. աստուած նստաւ յա-
թոռ սրբութեան իւրոյ :

Իշխանք ժողովրդոց ժողովեցան առ
աստուած արբահամու. զի աստու-
ծոյ զօրութիւնք յերկրէ յոյժ համ-
բարձան :

Տուր թ :

ՍԱՂՄՈՍ ԽԷ.

Սաղմոս օրննօրեակն որդոցն կորիսայ. երկրորդ
շարքոս :

Մեծ է տէր, և օրհնեալ է յոյժ 'ի
քաղաք աստուծոյ մերոյ, 'ի լեառն
սուրբ նորա :

Հաստարմատ ցնծացէ ցնծութեամբ
ամենայն երկիր. լերինք սիօնի, կող-
մանք հիւսիսոյ՝ քաղաք թագաւորին
մեծի :

Աստուած 'ի տաճարի իւրում յայտ-
նի, 'ի ժամանակի որպէս օդնական
լինէր նոցա :

Ահաւասիկ թագաւորութիւնք երկ-
րի ժողովեցան, և անցին 'ի միասին :
Ինքեանք տեսին այսպէս և զարմա-
ցան. խռովեցան սասանեցան, և դռ-
ղումն կալաւ զնոսա :

Անդ երկունք որպէս 'ի ճննդեան, և
հողմն սաստիկ փշրեցէ զնաւս 'ի
թարսիս :

Որպէս լուաք, սոյնպէս և տեսաք 'ի
քաղաք տեառն զօրութեանց 'ի քա-
ղաք աստուծոյ մերոյ :

Աստուած հիմունս էարկ նմա յա-
ւիտեան. ընկալաք աստուած զ՞
զորմութիւն քո 'ի մէջ ժողովրդ-
եան քոյ :

Ըստ անուան քում աստուած, սոյն

պէս և օրհնութիւն քո ընդ ամե-
նայն տիեզերս, և արդարութեամբ
լի է աջ քո :

Ուրախ եղիցի լեառն սիօն, և ցրն-
ծացեն դստերք յուդայ վասն իրա-
ւանց քոց տէր :

Շրջեցարուք զսիօնիւ, պաշարեցէք
զնա և պատեցէք զաշտարակս նորա :

Գիք զսիրտս ձեր 'ի վերայ զօրու-
թեանց նորա. բաժանեցէք զամուրս
նորա, զի պատմել կարասջիք յազգ-
յայլ :

Սա է աստուած, աստուած մեր յա-
ւիտեանս յաւիտենից. և սա հով-
ուեսցէ զմեզ մինչեւ յաւիտեան :

Տուր թգ :

ՍԱՂՄՈՍ ԽԸ.

Ի կատարած որդոցն կորիսայ. Սաղմոս օրննօր-
եակն դասի :

Լուարուք զայս ամենայն ազգք. ուն-
կընդիր լերութք ամենեքեան՝ ոյք բը-
նակեալ էք յաշխարհի :

Ծնունդք երկրի և որդիք մարդկան,
'ի միասին մեծամեծք և տնանկք :

Բերան իմ խօսեցցի զիմաստութիւն,
և խորհուրդ սրտի իմոյ զհանձար :
Խօնարհեցուցից յառակումն զունկն
իմ. բացից առակաւ զբերան իմ, և
խօսեցայց զառակս 'ի սկզբանէ :

Ընդէր բնաւ երկնչիմ ես յաւուր
չարի, զի անօրէնութիւնք գնացից
իմոց շուրջ եղեն զինեւ :

Յուսացեալք 'ի զօրութիւն իւրեանց,
'ի բազում մեծութեան իւրեանց
պարծեսցին :

Եղբայր ոչ փրկէ՝ և ոչ փրկէ մարդ,
և ոչ տայ աստուծոյ զփրկանս իւր.
և ոչ զգինս փրկանաց անձին իւրոյ :

Վաստակեա յաւիտեան, և կեցցես
մինչ իսպառ, և ոչ տեսցես զասպա-
կանութիւն :

Յորժամ տեսցես՝ թէ իմաստունք մե-
ռանին, 'ի միասին անզգամք և ան-

միտք կորիցեն, և թողցեն օտարաց
զմեծութիւն իւրեանց :

Գերեզմանք նոցա տունք նոցա եղի-
ցին յաւիտեան, և յարկք նոցա ազ-
գէ մինչեւ յազգ, և կարդացցին ան-
ունք նոցա 'ի հողս իւրեանց :

Մարդ 'ի պատուի էր և ոչ խմացաւ,
հաւասարեցաւ անասնոց անբանից
և նմանեցաւ նոցա :

Այս ճանապարհ է դայթակղու-
թեան նոցա նոցին . յետ այսորիկ բե-
րանօք իւրեանց հաճեցցին :

Որպէս խաշն 'ի դժոխս մատնեցցին,
և մահ հովուեցցէ զնոսա, և տիրես-
ցեն նոցա ուղիղք ընդ առաւօտս :

Օգնութիւնք նոցա մաշեցցին 'ի դը-
ժոխս, և 'ի փառաց իւրեանց անկցին :

Բայց սակայն աստուած փրկեցցէ
զանձն իմ 'ի ձեռաց դժոխոց, յոր-
ժամ ընդունին զիս :

Մի՛ երկնչիր յորժամ մեծանայ մարդ,
և յորժամ բազում լինին փառք տան
նորա :

Ձի ոչ թէ 'ի մեռանիլն իւրում առցէ
ընդ իւր զամենայն, և ոչ թէ իջցեն
փառք տան նորա ընդ նմա :

Այլ անձն նորա 'ի կեանս իւրում
օրհնեցցի, և խոստովան եղիցի քեզ
յորժամ բարի արասցես դու նմա :

Մտցէ նա մինչեւ յազգ հարց իւրոց
մինչեւ յաւիտեան զլոյս մի՛ տեսցէ :

Մարդ 'ի պատուի էր և ոչ խմացաւ,
հաւասարեցաւ անասնոց անբանից
և նմանեցաւ նոցա :

Տունք ի . Գորղայս խբ :

ՍԱՂՄՈՍ ԽԹ.

Սաղմոս դարբի :

Աստուած աստուծոց տէր խօ-
սեցաւ, և կոչեաց զերկիր յա-
րեւելից մինչեւ 'ի մուտս արեւու :
Ի սիօնէ մեծալայելութիւն փրկու-
թեան գեղոյ նորա :

Աստուած մեր յայտնապէս եկեացէ,
և աստուած մեր մի՛ դադարեցցէ :
Հուր առաջի նորա բորբոքեցցի, և
շուրջ զնովաւ մրրիկ յոյժ :

Կոչեցցէ զերկինս 'ի վերուստ և զեր-
կիր 'ի դատել զժողովուրդ իւր, ժո-
ղովել առ ինքն զսուրբս իւր, և ոյք
զնեն զպատարագս ուխտից 'ի վերայ
սեղանոյ նորա :

Պատմեցցեն երկինք զարդարութիւն
նորա . զի աստուած դատաւոր է :

Լուր ժողովուրդ իմ և խօսեցայց
ընդ քեզ, և խորայել՝ քեզ փկայեցից .
զի աստուած աստուած քո ես եմ :

Ոչ թէ վասն պատարագաց քոց կըշ-
տամբեմ զքեզ . զի ողջակէզք քո ա-
ռաջի իմ են յամենայն ժամ :

Ոչ ընդունիմ 'ի տանէ քումմէ զուա-
րակս, և ոչ 'ի հօտից քոց նոխազս :

Իմ է ամենայն գազան անտառի, երէ-
լերանց և ամենայն անասուն :

Գիտեմ ես զամենայն թռչունս երկ-
նից . գեղեցկութիւն վայրի ընդ իս է :
Թէ քաղցեայց, քեզ ինչ ոչ ասացից .
զի իմ է աշխարհ լրիւ իւրով :

Ոչ ուտեմ ես զմիս զուարակաց քոց,
և ոչ զարիւն նոխազաց քոց ըմպեմ :

Մատո աստուծոյ պատարագ օրհ-
նութեան, կատարեա բարձրելոյն
զուխտս քո :

Կարդացցես առ իս յաւուր նեղու-
թեան քո, ես փրկեցից զքեզ և դու
փառաւոր արասցես զիս :

Սակայն մեղաւորին ասէ աստուած .
Իսկ դու ընդէ՛ր բնաւ պատմես զար-
դարութիւն իմ, կամ առնուս զուխտ
իմ 'ի բերան քո :

Ձի դու ատեցեր զխրատ իմ . մերժե-
ցեր և յետս ընկեցեր զամենայն բանս
բերանոյ իմոյ :

Թէ տեսանէիր զգողս՝ ընթանայիր ընդ
նոսա, և ընդ շունս գնէիր զբաժին քո :
Բերան քո յաճախէր զչարութիւն,
և լեզու քո նիւթէր զնենգութիւն :



Նստեալ զեղբօրէ քու մէջ չարախօսէիր, և ՚ի վերայ որդւոյ մօր քո դընէիր զգայթակղութիւն:

Զայս ամենայն արարեր, և լռեցի քեզ. կարծեցեր անօրէնդ ՚ի մտի քում, թէ և ես քեզ նմանիցեմ:

Արդ յանդիմանեցից և կացուցից զայս ամենայն առաջի քո. իմացարուք ամենեքեան՝ որոց մոռացեալ իցէ զաստուած:

Գուցէ երբէք յափշտակիցիք, և ոչ որ իցէ՝ որ վրկիցէ:

Պատարագ օրհնութեան փառաւոր արասցէ զիս. և անդ է ճանապարհ, ուր ցուցից նմա զվրկութիւն աստուծոյ:

Տունք Իգ:

ՍԱՂՄՈՍ Ծ.

Ի կառարած Սաղմոս դաշի. ՚ի ժամանակի զի եկն առ նա Նաբակ մարգարէ, իբրեւ զի մտեալ էր նա առ Բերսաբէ:

Ողորմեա ինձ աստուած ըստ մեծի ողորմութեան քում. ըստ բազում գթութեան քում քաւեա զանօրէնութիւնս իմ:

Առաւել լուա զիս յանօրէնութենէ իմէ, և ՚ի մեղաց իմոց սուրբ արա զիս: Զանօրէնութիւնս իմ ես ինձէն գիտեմ, և մեղք իմ առաջի իմ են յամենայն ժամ:

Քեզ միայն մեղայ տէր, և չար առաջի քո արարի:

Որպէս արդար եղիցիս ՚ի բանս քո, և յաղթող ՚ի դատել գաս:

Անօրէնութեամբ յղացաւ, և ՚ի մեղքս ճնաւ զիս մայր իմ:

Գու տէր զճշմարտութիւն սիրեցեր, զանյայտս և զճածկեալս իմաստութեամբ քով յայտնեցեր ինձ:

Յօղեա յիս մշտկաւ, և սուրբ եղէց. լուա և քան զձիւն սպիտակ եղէց:

Լսելի արա ինձ զցնծութիւն և զուրախութիւն, և ցնծասցեն ոսկերք իմ տառապեալք:

Դարձո զերեսս քո ՚ի մեղաց իմոց, և զամենայն անօրէնութիւնս իմ քաւեա յինէն:

Սիրտ սուրբ հաստատեա յիս աստուած, և հոգի ուղիղ նորոգեա ՚ի փորի իմում:

Մի ընկենուր զիս տէր յերեսաց քոց, և զհոգի քո սուրբ մի հաներ յինէն:

Տուր ինձ ցնծութիւն վրկութեան քոյ, և հոգւով պետութեան քոյ հաստատեա զիս:

Ուսուցից անօրինաց զճանապարհս քո, և ամբարիշտք առ քեզ դարձցին:

Փրկեա զիս յարենէ աստուած՝ աստուած վրկութեան իմոյ. ցնծասցէ լեզու իմ յարդարութեան քում:

Տէր եթէ զչրթունս իմ բանաս, բերան իմ երգեսցէ զօրհնութիւնս քո:

Թէ կամեցեալ էիր, պատարագս մատուցանէաք. բայց դու ընդ ողջակէզս իսկ ոչ հաճեցար:

Պատարագ աստուծոյ հոգի խոնարհ. զսիրտ սուրբ և զհոգի խոնարհ աստուած ոչ արհամարհէ:

Բարի արա տէր կամօք քովք սիօնի. և շինեսցին պարիսպքն երուսաղէմի:

Յայնժամ հաճեսցիս ընդ պատարագս արդարութեան. յորժամ ուխտից պատարագս հանցեն ՚ի սեղան քո զուարակս:

Տունք Ի:

ՍԱՂՄՈՍ ԾԱ.

Ի կառարած իմաստոռքեան. Սաղմոս դաշի. ՚ի ժամանակի զի եկն դովկէ եղովմայ, պատմեաց սաւռուղայ. քէ աւաւասիկ դաշիք ՚ի յոսանն արիմելքայ է:

Զի՞ պարծի ՚ի չարութեան հզօր զանօրէնութիւն. զօրհանապաղ զանիրաւութիւն խորհեցաւ ՚ի լեզու իւրում:

Որպէս զածելի սուր՝ սրեաց զնենգութիւն, սիրեաց զչարութիւն քան զբարութիւն, զանօրէնութիւն քան զիսոսս արդարութեան:

Սիրեաց նա զամենայն խօսս կործանման, և զլեզուս նենգաւորս:

Վասն այսորիկ աստուած կործանեացէ զնա խապառ, խլեացէ և հանցէ զնա յարկաց իւրոց, և զարմատս նորա յերկրէն կենդանեաց:

Տեսցեն արդարք և երկիցեն, զնովաւ ծիծաղեցին և ասացեն:

Այս այր է, որ ոչ արար զաստուած իւր օգնական, այլ յուսացաւ սա՛ ի բազում մեծութիւն իւր, և զօրացաւ ՚ի նանրութեան իւրում:

Այլ ես որպէս ձիթենի պտղալից ՚ի տան աստուծոյ, յուսացայ յողորմութիւն աստուծոյ յաւիտեան՝ և յաւիտեանս յաւիտենից:

Խոստովան եղէց քեզ տէր յաւիտեան զի արարեր, և համբերից անուանքում, զի քաղցրես առաջի սրբոց քոց:

Տունք Ը: Գորշայս ԺԲ:

ՍԱՂՄՈՍ ԾԲ.

Ի կատարած, վասն մաղաղեքայ, իմաստոյրիւնի դարքի:

Ասաց անզգամն ՚ի սրտի իւրում թէ ոչ գոյ աստուած, ասրակա նեցան և պղծեցան յանօրէնութեան իւրեանց, և ոչ ոք է որ առնէ ըզքաղցրութիւն:

Աստուած յերկնից նայեցաւ յամենայն որդիս մարդկան, տեսանել թէ իցէ՞ ոք իմաստուն՝ որ խնդրիցէ զաստուած:

Ամենեքեան խոտորեցան ՚ի միասին, և անպիտանացան:

Ոչ ոք է որ առնէ զբարի, և չէ ոք մինչեւ ՚ի մի:

Որպէս ոչ ծանիցեն ամենեքեան, ոյք գործեն զանօրէնութիւն:

Ոյք ուտէին զժողովուրդ իմ որպէս կերակուր հացի, և առ աստուած ոչ կարդացին:

Անդ երկիցեն զերկիւղ՝ ուր ոչ իցէ

երկիւղ, զի աստուած ցրուեացէ զուկերս մարդահաճոյից:

Ամաչեցեն և յամօթ լիցին, զի աստուած անարգեաց զնոսա:

Ո՞ տացէ ՚ի սիօնէ զփրկութիւն իւրացէ լի, ՚ի դարձուցանել տեառն զգերութիւն ժողովրդեան իւրոյ, ցնծացէ յակոբ, և ուրախ եղիցի ի սրայէլ:

Տունք Թ:

ՍԱՂՄՈՍ ԾԳ.

Ի կատարած, ընդ օրննոյրիւնս իմաստոյրիւնի դարքի ՚ի ժամանակի զի եկին զիսացիքն, և ասնն ցարշոյ, ահաւասիկ դարձիք քաղցրեալ նստի առ մեզ:

Աստուած յանուանքում կեցո զիս, և ՚ի զօրութեան քում իրաւ արա ինձ:

Աստուած լուր աղօթից իմոց, ունկն դիր բանից բերանոյ իմոյ:

Օտարք յարեան ՚ի վերայ իմ, և հզօրք խնդրեցին զանձն իմ, և ոչ համարեցան զքեզ աստուած առաջի իւրեանց:

Ահա աստուած օգնական իմ, և տէր ընդ ունոզ հոգւոյ իմոյ:

Ի դարձուցանել զչարն ՚ի թշնամիս իմ, ճշմարտութեամբ քով սատակեալ զնոսա:

Ես կամօք իմովք պատարագս մատուցից քեզ, և խոստովան եղէց անուանքում տէր, զի բարի է:

Յամենայն նեղութենէ իմմէ փրկեցեր զիս, և ՚ի թշնամիս իմ ետես ակն իմ:

Տունք Է:

ՍԱՂՄՈՍ ԾԴ.

Ի կատարած, ընդ օրննոյրիւնս իմաստոյրեան, Սաղմոս դարքի:

Ունկն դիր աստուած աղօթից իմոց, և մի՛ անտես առներ զխնդրումս իմ: Նայեա առիս և լուր ինձ զի տրտմեցայ ես ՚ի ձանձրանալ իմում, և խռովեցայ:

Ի ձայնէ թշնամւոյն և ՚ինեղել մեղաւորին խոտորեցան յիս անիրաւութեամբ, բարկութեամբ ոխս պահէին ինձ:

Սիրտ իմ խռովեցաւ յիս, և երկիր-ը
մահու անկաւ 'ի վերայ իմ:

Ահ և դողումն եկն 'ի վերայ իմ, և
ծածկեաց զիս խաւար:

Ասացի տայր որ ինձ զթեւս որպէս
զաղաւնոյ. զի թռչէի վերանայի,
և հեռացեալ դադարէի յանաստի:

Ակն ունէի աստուծոյ՝ որ փրկէր զիս
'ի կարճատու թե՛նէ, 'ի զայրանալոյ,
և 'ի մրրկեալ նեղսրտու թե՛նէ:

Ընկրտ տէր և բաժանեա զլեզուս նո-
ցա. զի տեսի զանօրէնու թիւն և
զհակառակու թիւն 'ի քաղաքի:

Ի տուէ և 'ի գիշերի շուրջ եղեն
զպարսպօք նորա, անօրէնու թիւնք,
չարիք և մեղք են 'ի մէջ նոցա. և ոչ
սլակասեաց 'ի հրապարակաց նոցա
վաչիս և նենգու թիւն:

Զի թէ թշնամւոյն նախատեալ էր,
համբերէի արդեօք. կամ ատելոյն
մեծաբանեալ էր 'ի վերայ իմ, թագ-
չէի արդեօք 'ի նմանէ:

Իսկ դու մարդ հաւասար իմ, առաջ
նորդ իմ և ծանօթ իմ:

Ապաքէն 'ի նոյն քաղցրացուցեր ինձ
և քեզ կերակուր. զի գնայաք միա-
բանու թեամբ 'ի տան աստուծոյ:

Եկեացէ մահ 'ի վերայ նոցա, և կեն-
դանւոյն իջցեն 'ի դժոխս. զի չարու-
թիւն է 'ի բնակու թեան նոցա և 'ի
մէջ նոցա:

Ես առ աստուած կարգացի, և նա
լուաւ ինձ յերեկոյս, 'ի վաղորդայն
և 'ի հասարակ աւուր:

Պատմեցի և ասացի, լուիցէ ձայնի
իմում. փրկեացէ խաղաղու թեամբ
զանձն իմ 'ի մերձաւորաց իմոց, զի
կարեօք հասին 'ի վերայ իմ:

Լուիցէ աստուած և խոնարհ արաս-
ցէ զնոսա, որ յառաջն է քան ըզ-
յաւիտեանս:

Զի ոչ գոյր նոցա փոխանակ. և ոչ
երկեան յաստուծոյ:

Զգեաց զձեռն իւր 'ի հատուցանել

նոցա. և նորա պղծեցին զօրէնս նորա:
Բաժանեցան 'ի սրտմտու թե՛նէ երե-
սաց նորա. և եհաս 'ի սիրտս նոցա:
Կակուղ էին բանք նոցա քան զձէթ,
և ինքեանք որպէս սլաք:

Ընկեա 'ի տէր զհոգս քո, և նա կե-
րակրէ զքեզ. և ոչ տայ յաւիտեան
սասանու թիւն արդարոյ:

Գու աստուած իջուսցես զնոսա 'ի
գուբ ապականու թեան, արք արիւ-
նահեղք և նենգաւորք մի՛ հասա-
րակեցեն զաւուրս իւրեանց. այլ
ես 'ի քեզ տէր յուսացայ:

Տունք իբ: Գորշայս 12:
Կանոնս Գորշայս է: Սաղմոս ժթ: Տունք յի:

ՕՐՀՆՈՒԹԻՒՆ ՄԵՆԻՆ ՄՈՎՈՒՄԻ ԱՍՏՈՒԱԾԱՏԵՍ
ՄԱՐԳԱՐԷԻ
Բ. Օրինաց 18:

Զի հուր բորբոքեցաւ 'ի բարկու-
թե՛նէ իմմէ. այրեացէ և իջցէ
մինչ 'ի դժոխս ներքինս:

Կերիցէ զերկիր և զամենայն բոյսս
երկրի նոցա. վառեցին հրով, և բոր-
բոքեցին հիմունք լերանց նոցա:

Կուտեցից զչարիս ամենայն 'ի վերայ
նոցա, և նետիւք իմովք սպառեցից
զնոսա:

Մաշեալք և հիւժեալք 'ի սովոյ,
զազանաբեկ գէշ անկեալ ամենայն
թռչնոց երկնից:

Լարս առանց բժշկու թեան արձակե-
ցից 'ի վերայ նոցա՝ զզազանս անա-
սլատի, որք այսր և անդր քարչես-
ցեն զնոսա ընդ երկիր:

Արտաքուստ մանկակոտորս արասցէ
զնոսա սուր, և 'ի ներքուստ շտեմա-
րանաց նոցա անտի արհաւիրք ահից:
Չերիտասարդս նոցա կուսանօք հան-
դերձ, և զտղայս հաստատելովք ձե-
րովք հանդերձ:

Ասացի թէ ցրեցից զնոսա. և դադա-
րեցուցից զվիշատակս նոցա յազգաց:

Թէ ոչ վասն բարկու թեան սրտմտու
թեան թշնամւոյն, զի մի՛ երկայնա
կեացք եղիցին, և մի՛ բարձրացին
սլարտացեալ թշնամիքն, և ասաս
ցեն:

Թէ ձեռն մեր բարձր է, և բազուկ
մեր հզօր, և ոչ տէր աստուած ա
րար զայս ամենայն:

Ձի ազգ մի խորհրդակորոյս են նո
քա, և ոչ գոյ ՚ի նոսա իմաստութիւն,
և ոչ խորհեցան ՚ի միտ առնուլ զայս
ամենայն. և արդ ընկալցին զամօթ
յանձինս իւրեանց:

Չարմանք մի մեծ այս են. զի արդ մին
զհազարս հալածեսցէ, կամ երկուք
զբիւրս շարժեսցեն:

Թէ ոչ տեառն աստուծոյ մատնեալ
էր զնոսա, և տուեալ իցէ զնոսա ՚ի
ձեռս թշնամեաց նոցա:

Ձի ոչ են դիք նոցա որպէս զաստուած
մեր. այլ թշնամիք մեր վատախոր
հուրդք:

Յայգւոյն սողոմայ էր որթ նոցա, և
տունկ նոցա ՚ի գոմորայ:

Խաղող նոցա խաղող դառնութեան,
և ողկոյզ նոցա ՚ի դառնութեան լեղ
ւոյ:

Սրտմտութիւն բարկութեան վիշա
պաց զինի նոցա. սրտմտութիւն իժից՝
անհնարին առանց բժշկութեան:

Ոչ այս ամենայն ժողովեալ է առ իս,
և կնքեալ սրահի ՚ի դանձի իմուս:

Յաւուր վրիժուց հատուցման հա
տուցից նոցա, ՚ի ժամանակի յորում
հարցի զբարի ոտն նոցա:

Մերձ է օր կորստեան նոցա. հասեալ
է պատրաստութեամբ տէր ՚ի վերայ
նոցա:

Դատէ տէր զժողովուրդ իւր, և ՚ի
ճառայս իւր միսիթարի:

Ձի ետես զնոսա լքեալս, լուծեալս
և մատնեալս ՚ի դերութիւն:

Եւ ասիցէ տէր, ո՞ւր են դիքն ձեր՝
յորս յուսացեալ էիք դուք ՚ի նոսա:

զորոց զճարպս սպանդիցն ուտէիք,
և ըմպէիք զգինի զոհիցն:

Արդ յարիցեն օգնեսցեն, և եղիցին
ձեզ թիկունք:

ՆՈՐԻՆ ՄՈՎՍԷՍԻ

Ծաներուք և տեսէք՝ զի ես եմ, և
ոչ գոյ այլ աստուած բաց յինէն:

Ես սպանանեմ, և ես կեցուցանեմ.
հարկանեմ, և ես բժշկեմ. և ոչ ոք
իցէ՝ որ հանիցէ զձեզ ՚ի ձեռաց իմոց:
Համբարձի յերկինս զձեռս իմ. երդ
ուայ աջով իմով և ասացի՝ թէ կեն
դանի եմ ես յաւիտեան:

Սրեցից որպէս փայլակն զսուսեր իմ,
և ՚ի խնդիր վրիժուց արձակեցից զաջ
իմ:

Հատուցից զհատուցումն թշնամեաց
իմոց. և ատելեաց իմոց հատուցից
զհատուցումն նոցա նոցին:

Արբեցուցից զնետս իմ յարենէ նոցա,
և սուր իմ կերիցէ միս՝ յարենէ վի
րաւորելոց գերելոց գլխոց իշխանաց՝
թշնամեաց նոցա:

Ուրախ եղիցին երկինք նովաւ, և եր
կիրպաղցեն նմա ամենայն որդիք աս
տուծոյ:

Ուրախ եղերուք հեթանոսք ընդ ժո
ղովրդեան նորա, և զօրացուսցեն
զնա ամենայն հրեշտակք աստուծոյ:
Խնդրելով խնդրեցաւ վրէժ արեան
որդւոց նոցա, և հատուցումն թըշ
նամեաց նոցա հատուցաւ նոցա:

Հատուցումն ատելեաց նոցա հատու
ցաւ նոցա. և սրբեսցէ տէր զերկիր
ժողովրդեան իւրոյ:

Փառք հօր և որդւոյ և:

ՄԱՂԹԱՆՔ

Դու ես տէր մեր, դու ես քրիստոս
փրկիչ մեր, զքեզ օրհնեն անձինք մեր:
Մարդասէր տէր, վասն սրբուհւոյ

անարատի մօր քոյ և կուսի, և վասն
խաչի քո պատուականի, տէր ընկալ
զաղաչանս մեր, և կեցո զմեզ:

Քարոզ և աղօթք՝ Մի նախնիք և խոստովանանքս:

Վասն ուղղելոյ զգնացս մեր 'ի ճա-
նապարհս խաղաղութեան, զտէրա-
ղաչեսցուք: Տէր ողորմեա:

Վասն ցրելոյ 'ի մէնջ զամենայն խոր-
հուրդս չարին, զտէր աղաչեսցուք:

Վասն պարգեւելոյ մեզ առողջ խոր-
հուրդս և առաքինի վարս, զտէր ա-

Վասն պահելոյ զմեզ ընդ հովանեաւ
ամենազօր աջոյն իւրոյ, զտէր աղա:

Վասն խորտակելոյ զհակառակորդն
վաղվաղակի ընդ ոտիւք մերովք, զտէր

Վասն հոգւոցն հանգուցելոց՝ որք
ճշմարիտ և ուղիղ հաւատով 'ի քը-

րիստոս ննջեցին, զտէր աղաչեսցուք:

Եւ եւս միաբան վասն ճշմարիտ և
սուրբ հաւատոյս մերոյ, զտէր աղա:

Չանձինս մեր և զմիմեանս տեառն
աստուծոյ ամենակալին յանձն արաս-

ցուք:

Ողորմեաց մեզ տէր աստուած մեր
ըստ մեծի ողորմութեան քում. ա-

սասցուք ամենեքեան միաբանու-
թեամբ:

Տէր ողորմեա. տէր ողորմեա. տէր
ողորմեա:

ԱՂՕԹՔ

Տէր երկնի և երկրի՝ արարիչ ամե-
նայն արարածոց երեւելեաց և անե-
րեւութից: Առ քեզ կարգամք յա-
մենայն ժամ. զի ընդ ամենայն տեղիս
է տէրութիւն քո, և արքայութիւն
քո ամենեցուն տիրէ: Մերհեա մեզ
երկիւղիւ 'ի պաշտօն քո կանխել հա-
նապաղ, սիրել զքեզ 'ի բոլոր սրտէ
և 'ի բովանդակ մտաց, և յամենայն
զօրութենէ մերմէ պահել զպատ-
ուիրանս քո: Համբառնալ առ քեզ

զձեռս մեր 'ի սրբութիւն առանց
բարկութեան և երկմտութեան. և
գտանել 'ի քէն զնորհս և զողորմու-
թիւն, և զառաքինասէր գործոցն
յաջողութիւն: Վասն զի դու ես
տէր կենաց և աստուած ողորմու-
թեանց. և քեզ վայելէ փառք իշխա-
նութիւն և պատիւ, այժմ և միշտ
և յաւիտեանս յաւիտենից. ամէն:

Խաղաղութիւն ամենեցուն,
Աստուծոյ երկիրպագեսցուք:


Քում ամենազօր և յաղթող տէրու-
թեանդ կրկնի ամենայն ծունր յերկր-
պագութիւն, և փառաւորի յամենե-
ցունց թագաւորութիւն քո: Նայեա
յերկրպագութիւնս մեր, և ուսո
մեզ առնել զարդարութիւն ճշմար-
տութեան: Վասն զի դու ես աստ-
ուած խաղաղութեան, որ բարձեր
զթշնամութիւն 'ի միջոյ, և արարեր
զխաղաղութիւն յերկինս և յերկրի.
հեռաւորաց և մերձաւորաց աւե-
տարանեցեր զնոր պարգեւս քոյին
բարեացդ: Որում և զմեզ մեծի շը-
նորհացդ արժանաւորս արասցես՝ դա-
սելով ընդ ճշմարիտ երկրպագուս
քո, աստուած մեր և տէր մեր և
փրկիչ Յիսուս քրիստոս: Որ ես օրհ-
նեալ ընդ հօր և ընդ սուրբ հոգ-
ւոյդ, այժմ և միշտ և յաւիտեանս
յաւիտենից. ամէն:

ՄԱՂԹԱՆՔ

Յերգս օրհնութեան և 'ի ձայն սաղ-
մոսաց անդադար փառաւորեմք զհայր
և զորդի և զսուրբ հոգիդ, այժմ և
միշտ և յաւիտեանս յաւիտենից.
ամէն:

Օրհնեալ տէր մեր յիսուս քրիստոս.
ամէն:

Հայր մեր որ յերկինս:





Չայն տեսնն 'ի վերայ չորրց և աստ-
 ուան փառաց որոտաց և տէր ինքն
 'ի վ'այ չորրց բազմաց:



ՍԱՂՄՈՍ ԾԵ.

Ի կատարած. վասն ժողովրդեանն, որ 'ի սրբոյն հեռացեալ էին. 'ի ժամանակի զի կարսն զևս աշխարհիքն 'ի Գէր. Յարձանագիր. Սաղմոս դաշրի:

ՈՂՈՐՄԵԱ, ինձ աստուած, զի կոխեաց զիս մարդ. զօրհանապաղ պատերազմունք նեղեցին զիս: Կոխեցին զիս թշնամիք իմ զօրհանապաղ. բազումք էին՝ ոյք մարտնչէին ընդ իս 'ի բարձանց:

Ի տուէ ես ոչ երկեացց, զի 'ի տէր յուսացայ. աստուծով գովեցից ըզբանս իմ՝ յաստուած յուսացայ՝ և ոչ երկեացց. զի՞ արասցէ ինձ մարդ:

Զօրհանապաղ զբանս իմ անարգեցին. զինէն էին խորհուրդք նոցա 'ի չարութեան:

Պանդուխտք եղիցին, և թաքթաքութք շրջեսցին. նոքա գարշապարի իմում սպասեսցեն, որպէս և սպասէին անձին իմոյ:

Որպէս առ ոչնչէ մերժեսցես զնոսա, բարկութեամբ զժողովուրդս հնազանդեցուցես:

Աստուած զկեանս իմ պատմեցից քեզ. եղից զարտասուս իմ առաջիքո, որպէս խոստացար դու ինձ:

Դարձցին թշնամիք իմ յետս իւրեանց, յաւուր յորում կարդացից առ քեզ:

Ահա ծանեայ զի աստուած իմ ես դու. զաստուած օրհնեցից 'ի բանս իմ, և զտէր գովեցից 'ի խօսս իմ.

յաստուած՝ յուսացայ և ոչ երկեացց, զի՞ արասցէ ինձ մարդ:

Յինէն են ուխտք իմ, զոր տացքեզ օրհնութեամբ աստուած աստուած իմ:

Փրկեցեր զանձն իմ 'ի մահուանէ, զաչս իմ յարտասուաց, և զոտս իմ 'ի գայթակղութենէ. հաճոյ եղէց առաջի տեառն յերկրին կենդանեաց:

Տունք ժա:

ՍԱՂՄՈՍ ԾԶ.

Ի կատարած մի աստուածներ. Սաղմոս դաշրի յարձանագիր. 'ի ժամանակի զի փախուցեալ և քաղուցեալ էր ևս յերեսաց Սաշուղայ յայրի՝ անդ:

Ողորմեա ինձ աստուած՝ ողորմեա ինձ, զի 'ի քեզ յուսացաւ անձն իմ:

Ի հովանի թեւոց քոց յուսացայց, մինչեւ անցցէ անօրէնութիւն:

Ազաղակեցի առ աստուած բարձրեալ, առ աստուած բարերար իմ:

Առաքեաց յերկնից և կեցոյց զիս. եդ 'ի նախատինս, որք կոխէին զիս:

Առաքեաց աստուած զողորմութիւն և զճշմարտութիւն իւր, և փրկեաց զանձն իմ 'ի միջոյ գազանաց, զի նընջէի ես խռովեալ:

Որդւոց մարդկան ատամունք իւրեանց զէն և նետք են, և լեզուք նոցա որպէս զսուր սուսերի:

Բարձրեալ էս դու յերկինս աստուած
և յամենայն երկրի են փառք քո :
Որոգայթ պատրաստեցին ոտից իմոց ,
խոնարհ արարին զանձն իմ . փորե-
ցին առաջի իմ խորխորատ , և ան-
կան ինքեանք ՚ի նոյն :

Պատրաստ է սիրտ իմ աստուած ,
պատրաստ է սիրտ իմ օրհնել և սաղ-
մոս ասել քեզ փառք իմովք :

Չարթիւք փառք իմ , զարթիւք սաղմո-
սիւք և օրհնութեամբ , և էս զար-
թեայց առաւօտուց :

Խոստովան եղէց քեզ ՚ի ժողովուրդս
տէր , և սաղմոս ասացից քեզ յազինս :

Մեծ եղեւ մինչեւ յերկինս ողորմու-
թիւն քո , մինչեւ յամպս ճշմար-
տութիւն քո :

Բարձրեալ էս դու յերկինս աստուած
և յամենայն երկրի են փառք քո :

Տունք ժգ :

ՍԱՂՄՈՍ ԾԷ

Ի կատարած . մի սպասկաներ . յարձանագիր .
Սաղմոս դարձի :

Թէ արդարեւ զարդարութիւն խօ-
սէիք , և ուղիղս դատէիք որդիք
մարդկան :

Քանզի և արդ իսկ ՚ի սրտի ձերում
զանօրէնութիւն գործէք յերկրի . զա-
նիրաւութիւն ձեռք ձեր նիւթեն :
Օտար եղեն մեղաւորք ՚ի մօրէ . խաբե-
ցան յարգանդէ , և խօսեցան զսուտ :
Սրտմտութիւն նոցա ըստ նմանու-
թեան օձի . որպէս իժի և քարբի ,
զի խցեալ է զականջս իւր :

Զի մի լուիցէ նա զձայն թուլչի ճար-
տարի , և մի առցէ զդեղ ՚ի դեղա-
տուէ իմաստնոյ :

Աստուած փշրեցէ զատամունս նո-
ցա ՚ի բերանս իւրեանց , և զժանիս
առիւծուց խորտակեաց տէր :

Անարգ եղիցին նոքա որպէս ջուր՝
զի հեղանի . ՚ի լարել աղեղան նորա
տկարացին որպէս մոմ զի հալի ,
և սպառեցին :

Անկաւ հուր՝ և ոչ տեսին զարեւ ,
մինչեւ ՚ի միտ առեալ էր զփուշս
իւրեանց . որպէս գժնիկ բարկու-
թեամբ կենդանւոյն կիզցէ զնոսա :
Ուրախ եղիցի արդարն՝ յորժամ տես-
ցէ զհատուցումն . և զձեռս իւր լը-
ւասցէ յարեան մեղաւորի :

Եւ ասացէ մարդ . Թէ արդարեւ
գուցէ պտուղ արդարոյ , և է աստ-
ուած որ դատի զնոսա յերկրի :

Տունք ժ : Գորդայս լգ :

ՍԱՂՄՈՍ ԾԸ

Ի կատարած . մի սպասկաներ . յարձանագիր .
Սաղմոս դարձի . ՚ի ժամանակի զի սառք-
եաց Սառոռ , և սառչարեաց գոռն և որս ,
զի սպանցէ զնա :

Փրկեա զիս ՚ի թշնամեաց իմոց աստ-
ուած , յայնցանէ ոյք յարուց-
եալ են ՚ի վերայ իմ , ասրեցո զիս :
Փրկեա զիս յայնցանէ , ոյք գործեն
զանօրէնութիւն . յարանց արիւնա-
հեղաց ասրեցո զիս :

Որսալ զանձն իմ կամեցան , և հա-
սին ՚ի վերայ իմ հզօրք :

Ոչ մեղք իմ և ոչ յանցանք . առանց
մեղաց ընթացայ և ուղիղ եղէ :
Չարթիր ընդ առաջ իմ , և տես դու
տէր զօրութեանց աստուած խորա-
յիւի :

Նայեաց և այց արա ամենայն հե-
թանոսաց . մի ողորմիր ամենեցուն ,
ոյք գործեն զանօրէնութիւն :

Դարձցին ընդ երեկոյս . սովեցին որ-
պէս շունք , և շրջեցին զբաղաբաւ :
Նոքա զօղանջեցեն բերանօք իւր-
եանց , և սուր է ՚ի շրթունս նոցա :
Իսկ արդ ո՞վ լուաւ զայս . զի դու
տէր ծիծաղեցիս զնոքօք , և արհա-
մարհեցես զամենայն հեթանոսս :
Չզօրութիւն իմ առ քեզ պահեցից ,
զի աստուած օգնական իմ է :

Աստուած իմ , ողորմութիւն նորա

կանխեսցէ առ իս . և աստուած իմ
 ցուցցէ ինձ 'ի թշնամիս իմ :
 Մի սպանաներ զնոսա , զի մի մո-
 ոասցին զժողովուրդս քո :
 Յրուեա զնոսա զօրութեամբ քով ,
 և ընկճեա զնոսա , զի դու ես պաշտ-
 պան իմ տէր :
 Մեղք բերանոյ նոցա և բանք շըր-
 թանց նոցա , ընկցին նոքա յամբար-
 տաւանութեան իւրեանց :
 Յանէծս և 'ի ստութիւնս մատնես-
 ցին . 'ի կատարածի բարկութեան ըս-
 պառեսցին , և մի գտցին :
 Գիտասցեն՝ զի աստուած տիրէ յա-
 կոբայ և ամենայն ծագաց երկրի :
 Դարձցին ընդ երեկոյս . սովեսցին որ-
 պէս շունք , և շրջեսցին զբաղաբաւ :
 Նոքա սիւռեսցին յուտել . ապա թէ-
 ոչ յագեսցին , տրանջեսցեն :
 Ես օրհնեցի զօրհնութիւնս տեա-
 ուրն , և ցնծացայց առաւօտուց յո-
 ղորմութեան քում :
 Զի եղեր իմ պաշտպան և տուն ա-
 պաւինի , յաւուր նեղութեան իմոյ
 օգնական իմ :
 Քեզ սաղմոս ասացից՝ աստուած ապա-
 ւէն իմ , աստուած ողորմութեան իմոյ :
 Տունք իս :

ՍՍՂՄՈՍ ԾԹ.

Սաղմոս դաւիթի . արձանագիր . 'ի կառարած՝ զա-
 ռանցելոց ժառանգիսց առ ոչունակ . 'ի ժամա-
 նակի զի հրձիգ արար նա զճիշագետու եւ զս-
 սորեստանն Սոփոդայ , և 'ի դարձին հարկանէր
 Յովաբ զձորն աղտից յերկրտաւանն հագարս :
 Աստուած մերժեցեր և աւերեցեր
 զմեզ . բարկացար , և զթասցիս 'ի մեզ :
 Շարժեցեր զերկիր , և խռովեցու-
 ցեր զսա . բժշկեա զհարուածս սո-
 րա , զի սասանեցաւ :
 Յուցեր ժողովրդեան քում խստու-
 թիւն . և ետուր ըմպել մեզ գինի
 յիմարութեան :
 Ետուր երկիւղածաց քոց նշան , զի
 ապրեսցին յերեսաց աղեղան :

Որպէս փրկեցան սիրելիք քո . կեցո
 աջով քով , և լուր մեզ :
 Աստուած խօսեցաւ 'ի սրբութեանէ
 իւրմէ . ցնծացայց՝ բարձր եղէց , բա-
 ժանեցից զսիւքէմ , և հովիտսն յար-
 կաց չափեցից :
 Իմ է գաղայադ , և իմ է մանասէ .
 եփրեմ հզօրիչ գլխոյ իմոյ :
 Յուդա թագաւոր իմ . մովաբ աւա-
 զան յուսոյ իմոյ :
 Յեղովմէ ուղղեցից զգնացս իմ , և
 ինձ այլազգիք հնազանդ եղեն :
 Ո՞ տացէ զիս 'ի քաղաք ամուր , կամ
 ո՞վ առաջնորդեսցէ ինձ մինչեւ ցեղոմ :
 Եթէ ոչ դու աստուած , որ մերժե-
 ցեր զմեզ , և ոչ ելեր աստուած
 ընդ զօրս մեր :
 Տուր մեզ օգնութիւն 'ինեղութեան ,
 զի ընդունայն է փրկութիւն մարդոյ :
 Աստուծով արասցուք զօրութիւն ,
 և նա արհամարհեսցէ զայնոսիկ՝ ոյք
 նեղեն զմեզ :
 Տունք ժգ :

ՍՍՂՄՈՍ Կ.

Ի կառարած . ընդ օրմնոքիւն . Սաղմոս դաւիթի :
 Լուր աստուած աղօթից իմոյ , և
 նայեա տէր յաղօթո իմ :
 Ի ծագաց երկրի կարդացի առ քեզ ,
 մինչ 'ի վաստակիլ սրտի իմոյ :
 Ի վիմէ բարձր արարեր զիս . առաջ
 նորդեցեր ինձ , և իմ եղեր յոյս , և
 աշտարակ հզօր եղեր ինձ յերեսաց
 թշնամոյն :
 Բնակեցայց ես 'ի յարկս քո յաւիտ-
 եան , և ծածկեցայց ընդ հովանեաւ
 թեւոց քոց :
 Դու աստուած լուսր աղօթից իմոյ .
 ետուր ժառանգութիւն , ոյք երկրն
 չին յանուանէ քումմէ :
 Աւուրս յաւուրս յաւելեր թա-
 գաւորի ամաց նորա , աւուրս ազ-
 գաց մինչեւ յազգս :
 Կայ և մնայ յաւիտեան առաջի աս-

տուճոյ ողորմութիւն և ճշմարտութիւն, ոյք խնդրեն 'ինձանէ:

Այսպէս սաղմոս ասացից անուանքում յաւիտեանս յաւիտենից, և տաց քեզ զաղօթս իմ օր ըստ օրէ:

Տունք Ը: Գորշայս խր:

ՍԱՂՄՈՍ ԿՍ:

Ի կատարած. 'ի վերայ իդիդովնայ. Սաղմոս դաշրի:

Բայց միայն աստուծոյ հնազանդ լեր անձն իմ, զի 'ինձանէ է ինձ փրկութիւն:

Նա է աստուած իմ և փրկիչ իմ, ապաւէն իմ. զի մի սասանեցայց առաւել:

Մինչեւ յերբ յառնէք 'ի վերայ մարդոյ՝ սպանանել ամենեքեան, որպէս յորմոյ թիւրեւոյ և 'ի ցանկոյ մերժելոյ:

Բայց միայն զպատիւ իմ խորհեցան մերժել յինէն, և ընթացան 'ի ծարաւս իւրեանց:

Բերանօք իւրեանց օրհնէին, և սրբտիւք անիծանէին:

Բայց սակայն աստուծոյ հնազանդ լեր անձն իմ, զի 'ինձանէ է ինձ համբերութիւն:

Նա է աստուած իմ և փրկիչ իմ, ապաւէն իմ. զի մի սասանեցայց:

Յաստուծոյ է զօրութիւն իմ և փառք իմ. աստուած օգնութեան իմոյ, յոյս իմ առ աստուած է:

Յուսացարուք 'ինա ամենայն ժողովք ժողովրդոց. սփռեցէք առաջի նորա զսիրտս ձեր, զի աստուած օգնական է մեր յաւիտեանս ժամանակաց:

Սակայն ընդունայն են որդիք մարդկան, սուտ են որդիք մարդկան. 'ի կշիռս իւրեանց մեղանչեն, և ինքեանք յունայնութեան են 'ի միասին:

Մի՛ յուսայք յանիրաւութիւն, յավշտակութեան մի՛ ցանկայք, և մեծութիւն թէ առիւ գայցէ, մի՛ յօժարեցին սիրտք ձեր:

Միանգամ խօսեցաւ աստուած, և երկուս զայս լուաք:

Յաստուծոյ է զօրութիւն, և քո տէր ողորմութիւն. և դու հաստուցանես իւրաքանչիւր ըստ գործոց նոցա:

Տունք Ժգ:

ՍԱՂՄՈՍ ԿԲ:

Սաղմոս դաշրի. մինչդեռ նստեր նս յանաստի սիւնի հրէաստանի:

Աստուած աստուած իմ, ես առ քեզ առաւօտ առնեմ. ծարաւեաց առ քեզ հոգի իմ, քանի՛ պատիկ եւս և մարմին իմ:

Որպէս երկիր անասատ և անջուր, ուր ոչ գոյ 'ինձա ճանապարհ:

Այսպէս 'ի սուրբս երեւեցայց քեզ, տեսանել ինձ զզօրութիւն քո և ըզփառս քո:

Վասն զի լաւ է ինձ ողորմութիւն քո քան զկեանս իմ. և չրթունք իմ գովեսցեն զքեզ:

Այսպէս օրհնեցից զքեզ 'ի կեանս իմ, և յանուն քո համբարձից զձեռքս իմ:

Որպէս 'ի ճարպոյ պարարտութենէ լցցի անձն իմ, չրթամբք ցնծութեան օրհնեսցէ զքեզ բերան իմ:

Ձի թէ յիշէի զքեզ յանկողնի ի մում, ընդ առաւօտս կանխեալ խօսէի ընդ քեզ:

Ձի եղեր իմ օգնական, 'ի հովանի թեւոց քոց ցնծացայց:

Եկն զկնի քո անձն իմ, և զիս ընկալաւ աջ քո. և նորա 'ինանիր խրնդրեցին զանձն իմ:

Մտցեն 'իներբոյ անգնդոց երկրի. մատնեսցին 'ի ձեռս սրոյ, և բաժինք աղուխուց եղիցին:

Թագաւոր յուսացաւ 'ի տէր. գովեսցին ամենեքեան՝ ոյք երդնուն նովաւ. խցցին բերանք այնոցիկ՝ ոյք խօսէին զանիրաւութիւն:

Տունք Ժա:



ՍՍՂՄՈՍ ԿԳ.

Ի կատարած. Սաղմոսս դառքի:

Լուր աստուած աղօթից իմոց յազաչել ինձ առ քեզ. յերկիւղէ թըշնամուոյն փրկեա զանձն իմ:

Մածկեսցես զիս 'ի ժողովոց չարաց, 'ի բազմութենէ՝ ոյք գործեն զանօրէնութիւն:

Ոյք սրեցին որպէս սուսեր զլեզուս իւրեանց. լարեցին զաղեղունս իւրեանց յիրս դառնութեան:

Ձգել 'ի գաղտնիս այնոցիկ՝ ոյք ուղիղ են սրտիւք. յանկարծակի ձգեսցեն 'ի նոսա, և մի՛ երկիցեն:

Ոյք զօրացուցին յանձինս իւրեանց զբանս չարութեան. խորհեցան թագուցանել ինձ որոգայթ, և ասացին ոչ տեսանէ զայս տէր:

Քննեցին զանօրէնութիւնս, պատրաստեցան 'ի քննել զքննութիւնս:

Մատիցէ այր 'ի խորութիւնս սրտի իւրոյ, և բարձր եղիցի աստուած:

Նետք տղայոց եղեն վէրք նոցա. տկարացան 'ի նոսա լեզուք նոցա, և խռովեցան ամենեքեան՝ ոյք հայէին ընդ նոսա:

Երկեալ ամենայն մարդ 'ի պատմել զգործս աստուծոյ. և զարարածս նորա 'ի միտ առին:

Ուրախ եղիցի արդար 'ի տէր, և յուսացի 'ի նա. նովաւ գովեսցին ամենեքեան, ոյք ուղիղ են սրտիւք:

Տունք Ժ. Գորղայս 19:

ՍՍՂՄՈՍ ԿԴ.

Ի կատարած. Սաղմոսս դառքի: Օրհնօքիան Երեմիայի՝ Եղնկիէի և ժողովրդեանն, յորժամ 'ի սրանդատութենէն կամէին երանել:

Քեզ վայելէ օրհնութիւն աստուած 'ի սիօն, և քեզ տացին աղօթք յերուսաղէմ:

Լուր աղօթից իմոց, զի առ քեզ ամենայն մարմին եկեսցէ:

Բանք անօրինաց զօրացան 'ի վերայ մեր, և և զամբարշտութիւնս մեր դու քաւեսցես:

Երանի զոր ընտրեցեր և ընկալար, և բնակեսցին 'ի դաւիթս քո:

Լցցուք մէք 'ի բարութենէ տան քո, սուրբ է տաճար քո սքանչելի արդարութեամբ:

Լուր մեզ աստուած փրկիչ մեր, յոյս ամենայն ծագաց երկրի, և որ 'ի ծով հեռի:

Ո պատրաստէ զլերինս զօրութեամբ իւրով, և զգեցեալ է զօրութիւնս:

Ո խռովեցուցանէ զմեծութիւն ծովու, և զձայնալեաց նորացածուցանէ. Խռովեսցին հեթանոսք, և երկիցեն բնակիչք երկրի 'ի նշանաց քոց:

Յերս առաւօտու և ընդ երեկոյս զուարճացին. հայեցար յերկիր՝ արբեցուցեր զնա, և բազում արարեր զմեծութիւն նորա:

Գետն աստուծոյ լի եղեւ ջուրք. պատրաստ արարեր զկերակուր նորա, զի այսպէս է պարարտութիւնս Զակոս նորա արբեցուցեր, և բազում արարեր զարմտիս նորա:

Իցօղել նորա զուարթ եղիցի բոյս նորա. օրհնեսցի պսակ տարւոյ քաղցրութեան քոյ:

Դաշտք քո լցցին սրարարտութեամբ, պարարտացին գեղեցկութիւնք անասպատի:

Բլուրք զցնծութիւն զգեցցին, և զգեցցին խոյք մաքեաց:

Հովիտք բազում արասցեն զցորեան, աղաղակեսցեն և օրհնեսցեն:

Տունք ԺԳ:

ՍՍՂՄՈՍ ԿԵ.

Ի կատարած. Սաղմոսս դառքի, յարութեան:

Աղաղակեցէք առ աստուած ամենայն երկիր. սաղմոս ասացէք անուան նորա, և տուք զփառս օրհնութեան նորա:



Ասացէք աստուծոյ, որպէս զի ահեղ
են զործքքս. ՚ի բազում զօրութեան
բում ստեցինք քեզ թշնամիքքս :

Ամենայն երկիր երկիրսրացենք քեզ
սաղմսս ասացենք քեզ, և սաղմսս
ասացենք անուանքումք :

Եկոյք և տեսէք զգործս աստուծոյ,
որպէս զի ահեղ են խորհրդովքան
զամենայն որդւոց մարդկան :

Ո գործոց զճոյն ՚ի ցամաք, և ընդ
դեռս անցին ոսանաւորք :

Անդ ուրախ եղիցուք մեք ՚ինա, որ տի
րեն զօրութեամբ իւրով յաւխտենից :

Աչք նորս ՚ի հեթանոսս հային, որք
զառնացուցին զնա, մի բարձրաց
ցին յանձինս իւրեանց :

Օրհնեցէք հեթանոսք զաստուած
մեր, լսելի արարէք զձայն օրհնու
թեան նորս :

Այն որ ետ զանձն իմ ՚ի կեանս, և
ոչ ետ զողութիւն ոտից իմոց,

Փորձեցեր զմեզ աստուած և քննե
ցեր, որպէս և քննի արձամբ :

Իջուցեր զմեզ յորոգայթ, եղեր զնե
զութիւն ՚ի թիկունս մեր, և անցու
ցեր զմարդիկ ՚ի վերայ զլիսոց մերոց :

Անցար մեք ընդ հաւր և ընդ ջուր,
և հաներ զմեզ ՚ի հանդիսս :

Մտից ՚ի տունքոյ սրասարազօր, տաց
քեզ զուխտ իմ, զոր խոստացան
քեզ շրթունք իմ, զոր բերան իմ իա
սեցաւ ՚ի նեղութեան :

Չողջակեզս ուղղալիցս մասուցից
քեզ խոյովք և խնկովք, և քեզ մա
տուցից զուարակս և նոխազս :

Եկոյք լուարուք ինձ և սրամեցից
ձեզ ամենեքեան՝ ոյք երկնչիք յաւ
տուծոյ, զոր ինչ արար անձին իմոյ :

Անա բերանով իմով կարգացի, և
բարձր արարի զնա լեզուաւ իմով :

Չմեզս թէ տեսանէի ՚ի սրտի իմում,
մի թէ լսէր ինձ տէր :

Վասն այսորիկ լուաւ ինձ աստուած
և նայեցաւ ՚ի ձայն իմոց բուածոց իմոց :

Օրհնեալ է աստուած՝ որ ոչ ՚ի բաց
եաց արար զազօթս իմ, և ոչ զոգոր
մութիւն իւր յինէն :

Տուք ձք :

ՍԱՂՄՈՍ ԿԶ

Ի կատարած ընդ օրձնարքինս Մարմնս երգոց :

Աստուած ողորմեա մեզ և օրհնեա
զմեզ, երեսեցո զերեսսքս ՚ի մեզ,
և ողորմեա մեզ :

Ճանաչել յերկրի զճանապարհսքս,
յազինս ամենայն զիրկութիւնսքս :

Խոստովան եղիցին առ քեզ ժողո
վութիւնք աստուած, խոստովան եղի
ցին առ քեզ ժողովութիւնք ամենայն :

Ուրախ եղիցին և ցնծացեն ազինք,
զի դու գատես զժողովութիւնս ուղ
ղութեամբ, և ազգաց երկրի դու
առաջնորդես :

Խոստովան եղիցին առ քեզ ժողո
վութիւնք աստուած, գոհացին զբէն
ժողովութիւնք ամենայն :

Երկիր ետ զպտուղ իւր, և օրհնեաց
զմեզ աստուած աստուած մեր :

Աստուած մեր օրհնեացէ զմեզ, և
՚ի նմանէ երկիցեն ամենայն ծագք
երկրի :

Տուք է : Գորգոյս իր :

ՍԱՂՄՈՍ ԿԷ

Ի կատարած Մարմնս դարբի :

Յարիցէ աստուած՝ և ցրուեցին ա
մենայն թշնամիք նորս, իախի
ցեն ստեղծք նորս յերեսաց նորս :

Որպէս պահասի ճուխ՝ պահասեցին,
որպէս հալի մամ առաջի հրոյ, այնպէս
կորիցեն մեզաւորք յերեսաց աս
տուծոյ :

Արդարք ուրախ եղիցին և ցնծացեն
առաջի նորս, և զուարճացին յուրա
խութեան իւրեանց :

Օրհնեցէք զաստուած մեր և սաղմսս



առայելք անուան նորա : ճանապարհ
արարելք այնմիկ՝ որ նաաի ընդ արեւ
մուտս , և տէրէ անուան նորա :

Յնծասցեն առաջինորա , և խոսիւն
ցին յերեսաց նորա :

Որ հայրն է որբոց և դատաւոր աչ
բեաց , աստուած 'ի տեղոջ սրբու
թեան իւրոյ :

Աստուած բնակեցուցանէ զմիակրօնս
'ի տան , և հանէ զկապեարս քաջու
թեամբ իւրով , սոյնպէս և զգառնա
ցոզս՝ որք բնակեալ են 'ի դերեզմանս :

Աստուած ընդ երանելի քո առաջի
ժողովրդեան քո , ընդ անցանելի քո
ընդ անապատ՝ երկիր շարժեցաւ :

Քանզի և երկիրք ցօղեացին յերեսաց
աստուծոյ 'ի սինայէ առաջի աստու
ծոյ խորայելի :

Անձրեւ կամաց պատրաստեցեր աստ
ուած ժառանգութեան քում , թէ
պէտ և հիւանդացաւ , սակայն դու
հաստատեցեր զնա , և զազանք քո
բնակեացին 'ի նմա :

Պատրաստ արարեր քաղցրութեամբ
քով աղքատի աստուած , տէր տա
ցէ զբան , ոչք աւետարանեն զօրու
թեամբ քաղմուտ :

Թագաւոր զօրութեանց սիրելոյ ,
զեղեցիւ թիւն տան քո բաժանեալ
յաւարի , թէ պէտ և ննջեացիք 'ի մէջ
փեճակաց :

Թեւք ազաւնոյ արձամատապատ , և
թիկնամէջ նորա 'ի դոյն սակոյ :

Ի դու մարել երկնաւ որին զթագաւորս
'ի վերայ նորա , ձիւնասցին 'ի սաղմոն :

Լեառն աստուծոյ լեառն պարարտ ,
լեառն մածեալ լեառն պարարտ , և
զի՞նչ կարծէք լերինք հպարտացեալք :

Լեառն , ընդ որ հաճեցաւ աստուած
բնակել 'ի նմա , քանզի և տէր իսկ
բնակեացի 'ի նմա խորտ :

Կառք աստուծոյ բիւրասպատիկք ,
հազարք ուղղիչք , և տէր 'ի նոսա 'ի
սինէ սրբութեան իւրոյ :

ՍԷ 'ի բարձունս և դերեաց զգերու
թիւն , էտա աւար՝ բաշխեաց պար
զեւս և ետ որդւոց մարդկան , քան
զի թերահաւատոց եւս բնակեալ
եղիցին 'ի նմա :

Տէր աստուած օրհնեալ՝ օրհնեալ
տէր զօրհանապաղ , առաջնորդեացէ
մեզ աստուած փրկիչ մեր :

Աստուած մեր աստուած կենարար ,
և 'ի տեառնէ են ելք մահու :

Բոցց սակայն աստուած փշրեացէ բզ
զբուխս թշնամեաց մերոց , և զհերն
կարճնովին , ոչք զնան յանօրէնու
թեան իւրեանց :

Ասաց տէր՝ 'ի խորոց անդնոց դար
ձուցից , և 'ի միջոյ ժանեաց զայն 'ի
դուրս կորզեցից :

Որպէս թացցի ոսն քո յարեան , և լե
զուք շանց բոց յարենէ թշնամեաց բոց :

Սրեւեցան զնացք քո աստուած ,
զնացք աստուծոյ թագաւորին մե
րոյ սրբոյ :

Կանխեցին իշխանք հանել զօրհնու
թիւն 'ի մէջ կուսանաց և զովաց ,
Յեկեղեցիս օրհնեցէք զաստուած ,
և զտէր յաղբերացն խորայելի :

Անդ բենիամին 'ի տղայութեան զար
մանալի , իշխանք յուղայ առաջնորդք
նորա՝ իշխանք զարուզանի , և իշխանք
նեփթաղիմայ :

Հրանայեա աստուած զօրութեամբ
քով , զօրացս զայս , զոր հաստատե
ցեր 'ի մեզ :

Ի տաճարէ քում մէ յերուսաղեմ
քեզ մատուցեն թագաւորք զպա
տարագս :

Սաստեա 'ի գազան եղեզան , 'ի ժո
ղովս զուարակաց և 'ի դասս երնջոց :

Թատեացին այնորիկ՝ ոչք ընտրեալ են
արձամով , զրուեա զհեթանոսս ,
ոչք կամին ընդ պատերազմ :

Յկեացեն հրեշտակք յեղիպատտ ,
հնդիկք յառաջագոյն ձեռնաու լե
ցին առ աստուած :

Թագաւորութիւնք երկրի օրհնեցէք
զաստուած, և սաղմոս ասացէք
տեառն:

Ճանապարհ արարէք այնմիկ, որ նրա
տի յերկինս երկնից ընդ արեւելս:

Ահա տացէ զձայն իւր 'ի ձայն զօրութեան,
և տուք զփառս աստուծոյ:

Ի վերայ խորայելի մեծփայերըութիւն
նորա, և զօրութիւն նորա մինչեւ
յամպս երկնից:

Աքանջելի է աստուած 'ի վերայ սրբ
բոց իւրոց, աստուած խորայելի:

Նա տացէ զօրութիւն հաստատու
թեան ժողովրդեան իւրոց, օրհնեալ
է աստուած:

Յո՛ւք ք:

ՍԱՂՄՈՍ ԿԸ:

Ի կատարած. Մաղմու դարբի.
Վասն զասանցեցողի:

Վեցո զիս աստուած, զի հասին ջուրք
յանձն իմ, ընկրոց ևս 'ի խորս անդըն
դոց, ուր ոչ գոյ ինձ հանգիստ:

Սկի ևս 'ի խորս ծովու, և չբժանք
ընկզմեցին զիս:

Վաստակեցայ ևս առ աղաղակել, և
կերկերեցաւ կոկորդ իմ:

Նուաղեցան աչք իմ առ յուսալ ինձ
առ տէր աստուած իմ:

Բազումք եղեն քան զհէր գլխոյ իմոց,
ոչք ասեին զիս 'ի տարապարտուց:

Զօրացան յիս թշնամիք իմ և ասե
լիք իմ 'ի նանիր, ինչ զոր ոչ յափրշ
տակեալ էի, տու ձէի նոցա:

Աստուած գու ծանեար զանդգաւ
մութիւն իմ, և յանցանք իմ 'ի քէն
ոչ ծածկեցան:

Մի' ամաշեացեն ժամս իմ, ոչք համ
բերեն քեզ տէր տէր զօրութեանց,
մի' սրատկառեացին ժամս իմ, ոչք
խնդրեն զքեզ աստուած խորայելի:

Վասն քո համբերի նախատանաց, և
ծածկեաց ամօթ զերեսս իմ:

Օտար եղէ ևս յեղբարց իմոց, և հիւր
որդւոյ մօր իմոց:

Նախանձ տան քո եկեր զիս, և նա
խատինք նախատչաց բոց անկան 'ի
վերայ իմ:

Խոնարհեցուցի պահօք զանձն իմ, և
եղեն ինձ այս նախատինք, արարի զհան
դերձս իմ քուրձ, և եղէ առակ նոցա:

Զինէն խորհէին, ոչք նստեին առ
գրունս, զիս այսին առնէին, ոչք ըմ
պէին զգինի:

Ես յաղօթս կայի առ քեզ տէր 'ի
ժամանակ ընդունելի:

Աստուած 'ի բազում ողորմութեան
քում լուր ինձ, 'ի ճշմարտութիւն
փրկութեան քո:

Ապրեցո զիս 'ի կաւոյ, զի մի' ընկ
րաց, ապրեցայ ևս յատելեաց իմոց,
և 'ի խորոց ջուրց բազմաց:

Մի' ընկընեն զիս սրտոյտք ջուրց, և մի'
ընկզմեացեն զիս անգունդք խորոց, և
ջրհոր մի' կախուսցէ զբերան իւր 'ի
վերայ իմ:

Լուր ինձ տէր, զի քաղցր է ողորմու
թիւն քո, ըստ բազում գթութեան
քում հայեալիս, և մի' դարձուցաւ
ներ զերեսս քո 'ի ծառայել քում մէ, զի
նեղեալ եմ ևս, վաղվաղակի լուր ինձ:

Հայեալ յանձն իմ և փրկեալ զիս, և
փան թշնամեաց իմոց ապրեցո զիս:

Զի գու գիտես զնախատինս իմ, զա
մօթ իմ և զսրատկառանս իմ:

Առաջի քո ևն ամենայն նեղիչք ան
ձին իմոց, նախատանաց համբեր
սիրտ իմ և թշուառութեան:

Սկի ունէի' թէ որ տրամեացի ընդ
իս, և ոչ որ էր, և մխիթարիչ ինձ
որ ոչ գտաւ:

Ետուն 'ի կերակուր ինձ լեղի, և 'ի
ծարաւ իմ արբուցին ինձ քացախ:

Սղեցին սեղանք նոցա առաջի նոցա
յորոգայթ, 'ի հաստուցումս և 'ի
գայթակղութիւն:

Խաւարեացին աչք նոցա, զի մի' տեւ
ցեն, և զթիկունս նոցա հանապաղ
կորացո:

Արկցես 'ի վերայ նոցա զբարկու թիւն
քո . և սրտմտու թիւն բարկու թեան
քոյ հասցէ 'ի վերայ նոցա :

Մղկցին բնակու թիւնք նոցա աւե-
րակ . և 'ի հարկս նոցա մի որ իցէ
որ բնակիցէ :

Ձի զոր դու հարկք՝ հարածեցին . և
'ի վերս ցաւոց խնոց յաւելին :

Գիր զմեզս 'ի վերայ մեզաց նոցա . զի
մի՛ մտցեն յարդարու թիւն քո :

Ջնջեացին նորա 'ի դպրու թենէ քու միւ-
կենաց . և ընդ արդարս քո մի՛ դրեացին :

Աղբատ և ցաւած եմ ես . փրկու-
թիւն քո աստուած ընկալցի զիս :

Օրհնեցից զանուն աստուծոյ խնոց
օրհնու թեամբ . և բարձր արարից
զիս դո՛վու թեամբ :

Հաճոց եղիցի աստուծոյ քան զոր թ մա-
տաղ . որ բերէ զեղջիւրս և զկճզակս :

Տեացեն աղբատք և ուրախ եղիցին .
խնդրեցէք զաստուած . և կեցցեն
անձինք ձեր :

Ձի լուաւ տէր տնանկաց . և զկապ-
եալս իւր ոչ արհամարհեաց :

Օրհնեացեն զիս երկինք և երկիր .
ծով և ամենայն որ զեռաց 'ի նոսա :

Աստուած փրկէ զսիօն . և շինեացին
քաղաքք հրէաստանի . շինեացեն բը-
նակեացեն և ժառանգեացեն 'ի նմա :

Չաւակ ծառայից քոյ հաստատեցի
անդ . և ոչք սիրեն զանուն քո . բը-
նակեացեն 'ի նմա :

Ցուք ւ :

ՍՍՂԹՈՍ ԿԹ.

Ի կատարած Սաղմոս դաւթի . առ 'ի յիշատակ
փրկերոյ զիս տեսնի :

Աստուած յօղնել ինձ նայեաց . և
տէր իրնկերել ինձ փու թոց :

Ամաշեացեն և յամօթ լիցին՝ ոչք
խնդրէին զանձն իմ . դարձցին յետս և
ամաշեացեն՝ ոչք խորհէին ինձ շար :

Գարձցին առ ժամայն ամաշեցեալք .
ոչք ասէին ինձ վաշ վաշ :

Յնծացեն և ուրախ լիցին 'ի քեզ
ամենեքեան . ոչք խնդրեն զքեզ տէր :

Ասացեն յամենայն ժամ մեծ է աստ-
ուած . և ոչք սիրեն զփրկու թիւնս քո :

Ես աղբատ և տնանկ եմ . աստուած
օղնեա ինձ . օղնական և փրկիչ իմ
ես . և դու տէր իմ՝ մի՛ յամենար :

Ցուք 2 : Գորգոցս խո :

ՍՍՂԹՈՍ 3.

Ի կատարած . որդոցն յովնադարայ . յետ ա-
սալնոյ զերուրեանն . Սաղմոս դաւթի :

Ի քեզ տէր յուսացայ . մի՛ ամա-
շեցից յախտեան . յարդարու-
թեան քում փրկեա և ապրեցո զիս :

Խոնարհեցո առ իս զունկն քո և կե-
ցո զիս :

Լեր իմ աստուած ապաւէն . և տեղի
ամուր կեցուցանել զիս . զի հաստա-
տու թիւն իմ և ապաւէն իմ դու ես :

Աստուած իմ . փրկեա զիս 'ի ձեռաց
մեզաւորի . 'ի ձեռաց անօրինի և ա-
նիրաւի :

Գու ես համբերու թիւն իմ տէր .
տէր յոյս իմ 'ի մանկու թենէ իմմէ :

Ի քեզ հաստատեցայ ես յարգան-
դէ . յորովայնէ մօր խնոց դու ես ա-
պաւէն իմ . և առ 'ի քեն է օղնու-
թիւն իմ յամենայն ժամ :

Որպէս զի նշաւակ եղէ ես բազմաց .
և դու օղնական իմ և հղօրիչ իմ :

Լցցի բերան իմ դո՛վու թեամբ . որ
պէս օրհնեցից զփառս քո . զօրհա-
նապաղ զմեծ վայելչու թիւնս քո :

Մի՛ ընկենուր զիս տէր 'ի ժամանակս
ձերու թեան . 'ի պահասիլ զօրու-
թեան խնոց մի՛ թողուր զիս :

Ասացին թշնամիք իմ ինձ . և որք
պաշարեցին զանձն իմ . խորհեցան 'ի
միասին և ասացին :

Աստուած եթող զիս . հարածեցուր
և հասցուր նմա . զի ոչ որ է որ փր-
կէ զիս :



Աստուած իմ, մի հեռի առնիր յի
նէն, և աստուած յօգնել ինձ նայեաց:
Ամաչեսցեն և սակասեսցին՝ ոյք չա
րախօս կային զանձնէ իմմէ. զգեց
ցին դամօթ և զպատկառանս՝ ոյք
խնդրէին ինձ չար:

Ես յամենայն ժամ յուսացայց, և
յաւելից յօրհնութիւնս քո:

Բերան իմ պատմեսցէ զարդարու
թիւնս քո, զօրհանապազ զգովու
թիւնս քո:

Որպէս ոչ թէ իարդախուութիւն ինչ
գիտէի գսրութեան. այլ մտից ՚ի զօ
րութիւնս տեառն. և տէր յիշեցի
զարդարութիւնս քո միայն:

Աստուած իմ ուսուցեր զիս ՚ի ման
կութենէ իմմէ. և ցարդ եւս պատ
մեցից զարդարութիւնս քո:

Մինչեւ յալեւորիլ և ՚ի ծերանալ,
աստուած իմ մի թողուր զիս:

Մինչեւ պատմեսցի բազուկ քո ազ
գի ամենայնի որ գալոցն է:

Չզօրութիւնս քո և զարդարութիւ
նքս քո մինչեւ ՚ի բարձունս զոր ա
րարեր մեծամեծս. աստուած ո՞նք
ման է քեզ:

Որչափ ցուցեր ինձ նեղութիւն բա
զում և չարչարանս, դարձեալ միսի
թարեցեր զիս, և ՚ի խորոց անդրն
դոց երկրի հաներ զիս:

Յաճախեցեր զզօրութիւնս քո, դար
ձար և միսիթարեցեր զիս, և ՚ի խո
րոց երկրի միւսանգամ հաներ զիս:

Արդ և ես խոստովան եղէց քեզ ՚ի
պատրաստութիւն սաղմոսաց ճշմա
րիտոյ աստուած. սաղմոս ասացից քեզ
օրհնութեամբ սուրբդ իտրայէլի:

Յնձացեն շրթունք իմ յորժամ սաղմոս
ասիցեմ քեզ, և անձն իմ զոր փրկեցեր:

Եւս և լեզու իմ զօրհանապազ խօ
սեսցի զարդարութիւնս քո:

Ի ժամանակի որպէս յամօթ լիցին և
ամաչեսցեն, ոյք խնդրէին ինձ չար:

Տուր իշ:

ՍՍՂՄՈՍ ՀՄ:

Ի Մոդոնն սաղմոս:

Աստուած զիրաւունս քո արքայի
տուր, և զարդարութիւնս քո որ
դւոյ թագաւորի:

Գատել զժողովուրդս քո արդարու
թեամբ, և զաղքատս քո իրաւամբք:

Առցեն լերինք զխաղաղութիւն ժո
ղովրդեան, և բլուրք զարդարութիւնս
Իրաւ արասցէ աղքատաց ժողովըր
դեան, և կեցուցէ զորդիս տնան
կաց, և խոնարհեցուցէ զամբար
տաւանս:

Կացցէ և մնացէ ընդ արեւու յառաջ
քան զլուսին ազգէ մինչեւ յաղդ:

Իջցէ որպէս զանձրեւ ՚ի վերայ գեղ
ման, որպէս ցօղ զի ցօղէ յերկիր:

Ծագեսցի յաւուրս նորա արդարու
թիւն, բազում խաղաղութիւն՝ մին
չեւ կատարեսցի լուսին:

Տիրեսցէ նա ՚ի ծովէ մինչեւ ՚ի ծով,
՚ի գետոց մինչեւ ՚ի ծագս աշխարհի:

Առաջի նորա նախ հնդկիք անկցին,
և թշնամիք նորա հող կերիցեն:

Թագաւորք թարսսի և կղզեաց պա
տարագս մատուցեն նմա. թագա
ւորք արաբայ և սաբայ սրատարագս
բերցեն նմա:

Երկիրսրագցեն նմա ամենայն թագա
ւորք երկրի, և ամենայն ազգք ծա
ռայեսցեն նմա:

Չի փրկեաց զաղքատն ՚ի ձեռաց հը
ղօրի. զաղքատն և զտնանկն, որոյ ոչ
է իւր օգնական:

Անխայեսցէ նա յաղքատն և ՚ի տնան
կրն, և զանձինս տնանկաց կեցու
ցէ. ՚ի վաշխից չարաց փրկեսցէ զան
ձինս նոցա:

Պատուական է անուն նորա առաջի
նոցա. կեցցէ, և տացի նմա յոսկւոյն
արաբացւոց:

Յաղօթս կացցեն առ նա յամենայն
ժամ, և զօրհանապազ օրհնեսցեն զնա:

Եղիցի հաստատութիւնն ընդ ամենայն երկիր, և ՚ի վերայ գլխոց լերանց, Բարձրացի քան զլիբանանս պտուղ նորա. և ծաղկեացի ՚ի քաղաքի տեառն որպէս խոտ երկրի:

Եղիցի անուն տեառն օրհնեալ յաւիտեան. զի յառաջ քան զարեւ է անուն նորա:

Ի նա օրհնեացին ամենայն ազգք երկրի, և ամենայն ազինք երանիցեն նմա: Օրհնեալ տէր աստուած խաբարելի որ առնէ սքանչելիս միայն. և օրհնեալ է անուն սուրբ փառաց նորա յաւիտեան. լցցի փառօք նորա ամենայն երկիր. Եղիցի եղիցի:

Տունք ՚ի Գորշայս խղ:

Կանոնս Գորշայս է: Սաղմոս Ժէ: Տունք մէ:



ԱՂՕԹՔ ԱՆՆԱՅԻ ՄՕՐՆ ՍԱՄՈՒԷԼԻ

Ա. Թագ. Բ.

Հաստատեցաւ սիրտ իմ ՚ի տէր, և բարձրացաւ եղջիւր իմ յաստուած փրկիչ իմ:

Ընդարձակեցաւ բերան իմ ՚ի վերայ թշնամեաց իմոց. ուրախ եղէց ՚ի փրկութեան քում:

Ձի ոչ գոյ սուրբ որպէս զտէր, և ոչ արդար որպէս զաստուած մեր, և չիք սուրբ բաց յաստուծոյ մերմէ:

Մի՛ պարծիք և մի՛ խօսիք զամբարտաւանս, և մի՛ ելցէ ընդ բերանս ձեր բան հպարտ մեծաբանութեան:

Աստուած գիտութեանց՝ տէր աստուած պատրաստէ իւրով իմաստութեամբ զգիտութիւն յարարածս իւր: Հզօրաց հաստ աղեղունք թուլացան, և տկարք վառեցան զօրութեամբ:

Յագք և լիք հացիւ նուաղեցան. և քաղցեալք լցին զերկիր:

Ամուլն ծնաւ եօթն, և բազմածինքն նուաղեցաւ ՚ի ծննդոց:

Տէր մեռուցանէ և տէր կեցուցաւ

նէ, իջուցանէ ՚ի դժոխս և հանէ: Տէր աղքատացուցանէ և տէր մեծացուցանէ. խոնարհ առնէ զամբարտաւանս մինչեւ յերկիր, և բարձր առնէ զտառապեալս յազբեւաց:

Նստուցանէ զնոսա իշխանս ընդ իշխանս ժողովրդեան, և զաթոռ փառաց ժառանգեցուցանէ նոցա:

Կատարէ զուխտս ուխտաւորաց, և օրհնեաց զամս արդարոց:

Ձի ոչ թէ իւրով զօրութեամբ զօրանայ հզօր. այլ տէր տկար առնէ զհակառակորդս իւր, տէր սուրբ է:

Մի՛ պարծեացի խորհրդականն ՚ի խորհուրդս իւր. և մի՛ պարծեացի հզօրն ՚ի զօրութիւն իւր. և մի՛ պարծեացի մեծն ՚ի մեծութեան իւրում:


Այլ որ պարծին՝ ՚ի տէր պարծեացի. ՚ի խորհուրդս գիտութեան զտէր ճանաչել:

Առնել զիրաւունս և գործել զարդարութիւն ՚ի վերայ երեսաց երկրի:

Տէր ել յերկինս և որոտաց. և ինքն դատէ առանց բարբառելոյ:

Տայ զօրութիւն թագաւորաց մերոց. և բարձր առնէ զեղջիւր օծելոյ իւրոյ:

Փառք հօր և որդւոյ և:



Մ Ա Ղ Թ Ա Ն Ք

Բարձրացաւ եղջիւր իմ յաստուած փրկիչ իմ. հաստատեցաւ սիրտ իմ ՚ի տէր տերամբ և հաւատով:

Մարդասէր տէր, վասն սրբուհւոյ անարատի մօր քոյ և կուսի, և վասն խաչի քո սրատուականի, տէր ընկալ զաղաչանս մեր և կեցո զմեզ:

Քարոզ և աղօթք՝ Ուրբե և ՚ի Ներսէս կանոնացն:

Վասն գտանելոյ մեզ զչնորհս և զողորմութիւն ՚ի բարերար տեառնէ մերմէ, զտէր աղաչեացուք:

Տէր ողորմեա:

Վասն փրկելոյ զմեզ 'ի զբարտու-
թենէ մարդկան և յորոգայթից սա-
տանայի, զտէր աղա:

Վասն ամենայն անձանց քրիստոնէից
և տանց հաւատացելոց, զտէր աղա:

Վասն որք 'ի լերինս յայրս և 'ի փա-
պարս բնակեալ են սուրբ հարքն մեր,
զտէր աղա:

Վասն որք սաղմոսիւք և օրհնու-
թեամբ կատարեն զամենայն ժամա-
նակս կենաց իւրեանց, զտէր աղա:

Վասն հոգւոցն հանգուցելոց՝ որք
ճշմարիտ և ուղիղ հաւատով 'ի քը-
րիստոս ննջեցին, զտէր աղա:

Եւ եւս՝ միաբան վասն ճշմարիտ և
սուրբ հաւատոյս մերոյ, զտէր աղա:

Զանձինս մեր և զմիմեանս տեառն
աստուծոյ ամենակալին յանձն արաս-
ցուք:

Քեզ տեառնդ յանձն եղիցուք:

Ողորմեաց մեզ տէր աստուած մեր
ըստ մեծի ողորմութեան քում. ա-
սասցուք ամենեքեան միաբանու-
թեամբ:

Տէր ողորմեա. տէր ողորմեա. տէր
ողորմեա:

ԱՂՕԹՔ

Գոհանամք զքէն տէր աստուած մեր,
որ զարթուցեր զմեզ 'ի հանգստենէ
քնոյ շնորհիւ ողորմութեան քո:
Զարթո զմիտս մեր արդարութեամբ
առ քեզ տէր աստուած մեր, զի տես-
ցեն աչք մեր զփրկութիւն քո: Ե-
կեսցէ և բնակեսցէ առ մեզ աստ:

ուածութիւն քո, և ողորմութիւն
քո հովանի և պահապան լիցի 'ի վե-
րայ պաշտօնէից քոց: Եւ զմեզ զծա-
ռայքս քո արժանի, արա 'ի տուէ և
'ի գիշերի և յամենայն ժամու միշտ
խորհիլ 'ի սէր պատուիրանաց քոց:
Եւ գոհանալով փառաւորել զհայր
և զորդի և զսուրբ հոգիդ այժմ և
միշտ և յաւիտեանս յաւիտենից.
ամէն:

Խաղաղութիւն ամենեցուն:
Աստուծոյ երկիրպագեսցուք:

Վենդանարար զօրութիւն և աղբիւր
անմահութեան, դու ես քրիստոս
աստուած փրկիչ մեր: Որ շնորհեցեր
մեզ 'ի մէջ գիշերի յառնել և խոստո-
վան լինիլ առ քեզ վասն իրաւանց և
արդարութեան քո: Եւ այժմ աղա-
չեմք զքեզ տէր աստուած մեր, արա
զմեզ արթունս և պատրաստս 'ի ժամ
առաւօտու ընդ սուրբս քո: Եւ ընդ
նոսին գոհանալով փառաւորել զքեզ
ընդ հօր և ընդ հոգւոյդ սրբոյ այժմ
և միշտ և յաւիտեանս յաւիտենից.
ամէն:


ՄԱՂԹԱՆՔ

Գոհութեամբ և ճշմարիտ խոստո-
վանութեամբ անդադար փառաւո-
րեմք զհայր և զորդի և զսուրբ հո-
գիդ այժմ և միշտ և յաւիտեանս
յաւիտենից. ամէն:

Օրհնեալ տէր մեր յիսուս քրիստոս.
ամէն:

Հայր մեր որ յերկինս:







Իրակեցին զձեռս իմ և զոտս իմ. և բռնեցին զաւնկւայն ոսկերս իմ. և որս ևս յեցան և տեսին զիս:



ՍԱՂՄՈՍ ՀԲ.

Սաղմոս յասարի . օրհնութեան :

Իբրեւ զի բարի է իսրայելի աստուած, և ոյք ուղիղ են սրտիւք : Բայց զի իմ փոքր մի եւս սասանեալ էին ոտք . սակաւիկ մի և գայթակղեալ էին գնացք իմ :

Նախանձեցայ ես ընդ անօրէնս . զխաղաղութիւն մեղաւորաց որպէս տեսանէի , զի ոչ գոյր վրէպ մահու նոցա : Հաստատուն են տանջանք նոցա . 'ի վաստակս մարդկան չեն նոքա , և ըստ մարդկան ոչ տանջեսցին :

Վասն այսորիկ կալաւ զնոսա ամբարտաւանութիւն . արկին զիւրեամբք զամբարշտութիւն և զանիրաւութիւն իւրեանց :

Ելցէ որպէս 'ի ճարպոյ անիրաւութիւն նոցա . զի գնացին նոքա ըստ խորհրդոց սրտից իւրեանց :

Խորհեցան և խօսեցան չարութեամբ . և զասիրատութիւն 'ի բարձունս խորհեցան :

Եղին յերկինս զբերանս իւրեանց , և զլեզուս իւրեանց ածէին զերկրաւ : Վասն այսորիկ ժողովուրդ իմ գարձցի այսրէն . և աւուրք իմ լի կատարեալ գտցին 'ի նոսա :

Ասացին զիմարդ գիտաց աստուած . կամ գուցէ՞ արդեօք գիտութիւն առ 'ի բարձրելոյն :

Ահա մեղաւորք են և յաջողեալ է նոցա . կան և ունին զմեծութիւն աշխարհի :

Ասացի՛ 'ի զուր ուրեմն արդարացուցի զսիրտ իմ , լուացից սրբութեամբ զձեռս իմ . և եղէ ես խոշտանկեալ զօրհանասպաղ . և կշտամբանք իմ ընդ առաւօտս :

Թէպէտ և ասէի՛ թէ այսպէս պատմեցից՝ ահաւասիկ յազգ որդւոց քոյ՝ որոց և ուխտեցից :

Ի մտի եզի , թէ սակայն և այս ջան է առաջի իմ , մինչեւ մտից 'ի սրբութիւնն աստուծոյ և 'ի միտ առից զկատարած նոցա :

Սակայն վասն նենգութեան նոցա տարագիր արասցես զնոսա , և կործանեսցես զնոսա յամբարտաւանութեան իւրեանց :

Իսկ զիմարդ եղեն յաւեր յանկարծակի . սատակեցան պակասեցան կորեան վասն անօրէնութեան իւրեանց , և եղեն որպէս երազք զարթուցելոց :

Տէր 'ի քաղաքի քում զպատկերս նոցա անարգեսցես , զի հուր բորբոքեցաւ 'ի սրտի իմում , և երիկամունք իմ այլագունեցան :

Ես արհամարհեալ եղէ , և ոչ գիտացի . որպէս զանասուն համարե-

ցայ առաջի քո, և ես յամենայն ժամ
ընդ քեզ եմ:

Կալար զաջոյ ձեռանէ իմմէ, 'ի խոր-
հուրդս քո առաջնորդեցեր ինձ, և
փառօք ընկալար զիս:

Ձի՛նչ կայ իմ բնաւ յերկինս, կամ 'ի
քէն զի՛նչ եւս խնդրեցից յերկրի:

Նուաղեցաւ սիրտ իմ և մարմին իմ,
աստուած սրտի իմոյ, բաժին իմ
աստուած յաւիտեան:

Ահաւասիկ ոյք հեռի արարին զան-
ձինս իւրեանց 'ի քէն՝ կորիցեն. սա-
տակեսցես զամենեսեան՝ ոյք ապրս-
տամբ եղեն 'ի քէն:

Ինձ մերձենալ առ աստուած բարի
է, և գնել առ տէր զյոյս իմ:

Պատմել զամենայն օրհնութիւնս
քո, 'ի դրունս դստեր սիօնի:

Տունք իդ:

ՍԱՂՄՈՍ ՀԳ.

Ինաստոքիւն յաստի:

Ընդէր մերժեցեր աստուած իսպառ.
բարկացաւ սրտմտութիւն քո 'ի վե-
րայ խաչին արօտի քո:

Յիշեա զժողովուրդ քո՝ զոր ստացար
'ի սկզբանէ. փրկեցեր զվիճակ ժա-
ռանգութեան քո:

Լեռն սիօն այս՝ ուր բնակեցար դու
'ի սմա. համբարձ զձեռն քո 'ի վերայ
ամբարտաւանութեան նոցա իսպառ:

Որ ինչ անիրաւեցաւ թշնամին 'ի սրբ-
բութեան քում. պարծեցան ատելիք
քո 'ի մէջ բարեկենդանութեան իւ-
րեանց:

Եղին զնշանս իւրեանց 'ինշանս, և
ինքեանք ոչ ծանեան զելլ 'ի վերուստ:

Որպէս յանտառի փայտատօք կոտորե-
ցին զգրունս նորա, 'ի միասին փայ-
տատօք և մրձօք կործանեցին զնա:

Այրեցին 'ի հուր զսրբութիւն քո
յերկրի. պղծեցին զխորան անուան քո:
Ասացին 'ի սիրտս իւրեանց ազգք նո-
ցա 'ի միասին, եկայք լուցուցուք

զամենայն տօնս աստուծոյ յերկրէ:
Նշանս մեք ինչ ոչ տեսաք, և ոչ եւս
գուցէ մարգարէ, և զմեզ ոք ոչ
ճանաչիցէ:

Մինչեւ յերբ աստուած՝ նախատե-
թշնամին, բարկացուցանէ հակառա-
կորդն զանուն սուրբ քո:

Ընդէր դարձուցանես զձեռն քո, և
զաջ քո 'ի միջոյ ծոցոյ քումմէ իսպառ:

Աստուած թագաւոր մեր յառաջ քան
զյաւիտեանս, որ արարեր զփրկու-
թիւն 'ի մէջ երկրի:

Դու հաստատեցեր զօրութեամբ
քով զծով, դու խորտակեցեր զգլուխ
վիշապին 'ի վերայ ջուրց:

Դու փշրեցեր զգլուխ վիշապին, և
ետուր զնա կերակուր զօրացն հընդ-
կաց:

Դու բղխեցուցեր զաղբիւրս և զվը-
տակս. դու ցամաքեցուցեր զգետս
սաստիկս:

Քո է տիւ և քո է գիշեր. զլոյս և
զարեւ դու արարեր. և դու հաստա-
տեցեր զամենայն սահմանս երկրի.

զգարուն և զամառն դու ստեղծեր:
Այս յուշ լիցի քեզ՝ զի թշնամին նա-
խատեաց զտէրդ. ժողովուրդ անըզ-

գամ բարկացոյց զանուն սուրբ քո:
Մի՛ մատներ զազանաց զանձն՝ որ
խոստովան առնի առ քեզ, և զան-
ձինս տնանկաց քոց մի՛ մոռանար

իսպառ:
Հայեաց յուխտ քո, զի լցան տունք
տալէլոց յերկրի անիրաւութեամբ:

Մի՛ դարձցի տնանկն ամաչեցեալ-
այլ աղբատք և տնանկք օրհնեսցեն
զանուն սուրբ քո:

Արի աստուած և դատեա զդատաս-
տանս քո. յիշեա զնախատինս՝ որ յա-
նըզգամէն զօրհանապազ:

Մի՛ մոռանար զձայն սլաշտօնէից քոց.
ամբարտաւանութիւն ատելեաց քոց
վերասցի հանապազ:

Տունք իբ: Գորգայս խզ:

ՍԱՂՄՈՍ ՀԴ.

Ի կատարած. մի' սպասկաներ. ընդ օրհնոչքիւնս:
Սաղմոս յասարի. երգ առ ասորեստանեայս:

Խոստովան եղիցուք առ քեզ աստուած,
խոստովան եղիցուք և կարգասցուք զանուն սուրբ քո:

Պատմեցից զամենայն սքանչելիս քո. յորժամ ժամ առից, ես ուղիղ դատեցից:

Մաշեցաւ երկիր և ամենայն բնակիչք նորա, ես հաստատեցի զսիւնս նորա:

Ասացի անօրինաց, թէ մի' անօրինիք. և մեղաւորաց, թէ մի' բարձրացուցանէք զեղջիւրս ձեր:

Մի' համբառնայք ՚ի բարձունս զեղջիւրս ձեր, և մի' խօսիք զաստուծոյ անիրաւութիւն:

Զի ոչ յարեւելից և ոչ յարեւմտից և ոչ յանապատէ լեռանց. այլ աստուած զատաւոր է:

Զայս խոնարհ առնէ, և զսոյն բարձրացուցանէ. բաժակ ՚ի ձեռին տեառն գինի լի անապակ արկեալ. և խոնարհեցուցանէ յայսմանէ յայս:

Սակայն մրուր նորա ոչ սպառեցի. և արբցեն զնա ամենայն մեղաւորք երկրի:

Ես ցնծացայց յաւիտեան. սաղմոս ասացից աստուծոյ յակոբայ:

Զամենայն եղջիւրս մեղաւորաց վիրշրեցես. և բարձր եղիցի եղջիւր արդարոյ:

Տուրք ժ:

ՍԱՂՄՈՍ ՀԵ.

Ի կատարած, ընդ օրհնոչքիւնս. մի' սպասկաներ:
Սաղմոս յասարի. երգ առ ասորեստանեայս:

Յայտնի է ՚ի հրէաստանի աստուած. և յիսրայէլ մեծ է անուն նորա:

Եղեւ ՚ի խաղաղութեան տեղի նորա. և բնակութիւն նորա ՚ի սիօն:

Անդ խորտակեաց տէր զզօրութիւն աղեղան, զզէն զսուր և զճակատաւ մարտ:

Լուսատու ես դու սքանչելապէս լեռանցն յաւիտենից. խռովեցին ամենեքեան որք անմիտք են սրտիւք. ննջեցին զքունս իւրեանց, և ինչ ոչ գտին:
Ամենայն արք ՚ի մեծութեան ձեռաց իւրեանց. ՚ի սաստէքումս աստուած յակոբայ ննջեցին, և ոյք հեծեալ էին ՚ի ձիս:

Դու ահաւոր ես, և ո՞վ կարէ կալ առաջիքո. որպէս երեւեցար դու յերկնից, յայտնի եղեւ բարկութիւն քո:

Երկիր երկեաւ և սարսեցաւ ընդ յառնելն աստուծոյ ՚ի դատաստան, ընդ ապրեցուցանել զամենայն հեզս երկրի:

Խորհուրդ մարդկան խոստովան առնին առ քեզ. և ծածկեալք իմաստութեամբ օրհնեցեն զքեզ:

Ուխտս դիք և կատարեցեք տեառն աստուծոյ մերոյ, ամենեքեան որք շուրջ էք զնովաւ:

Մատուցէք պատարագս ահաւորին. ո՞քաղէ զհոգիս իշխանաց, ահաւոր է նա քան զամենայն թագաւորս երկրի:

Տուրք ժ:

ՍԱՂՄՈՍ ՀԶ.

Ի կատարած. վասն իդիդովմայ.
Սաղմոս յասարի:

Զայնիւ իմով ես առ տէր կարգացի. ձայնիւ իմով առ աստուած, և նա յեցաւ առ իս:

Յաւուր նեղութեան իմոյ զաստուած խնդրեցի ձեռօք իմովք. և ՚ի դեշերի առաջի նորա ոչ խաբեցայ:

Ոչ կամէր միսիթարել անձն իմ. յիշեցի զաստուած՝ և ուրախ եղէ. հոգայի, և նուաղիւր յիս հոգի իմ:

Ժամանեցին սպահուց աչք իմ. խռովեցայ և ոչ խօսեցայ. խորհեցայ զաւուրսն զառաջինս, և զամսն յաւիտենից յիշեցի:

Խօսեցայ ՚ի գիշերի ընդ սրտի իմում. հոգայի՛ և տառապէր յիս հոգի իմ:

Միժէ յաւիտենից մերժեցէ՞ զիս տէր, և ոչ եւս յաւելցի 'ի հաճիլ և եւս:

Կամ իսպառ արդեցի՞ զողորմութիւն իւր յինէն. կամ կատարեաց զբան իւր ազգէ մինչեւ՝ յազգ:

Կամ մոռացի՞ զթալ աստուած իմ և եւս. կամ արդեցի՞ զգթութիւն իւր բարկութեամբ իւրով:

Ասացի՞ թէ այժմ սկսայ. այս է նորոգումն աջոյն բարձրելոյն:

Յիշեցի զգործս տեառն 'ի սկզբանէ. յիշեցի զսքանչելիս նորա:

Խորհեցայ յամենայն գործս քո, և 'ի ձեռագործս քո խորհեցան:

Աստուած՝ 'ի սրբութեան են ճանապարհք քո. ո՞վ է աստուած մեծ՝ որ պէս զաստուած մեր. դու ես աստուած, որ առնես զսքանչելիս:

Յուցեր ժողովրդեան քում զզօրութիւն քո. փրկեցեր բազկաւ քով զժողովուրդս քո, զորդիսն յակոբայ և յովսէփու:

Տեսին զքեզ ջուրք աստուած, տեսին զքեզ ջուրք՝ և երկեան. խորք խոռվեցան 'ի ձայնէ ջուրց բազմաց:

Չայնետուն ամպք. քանզի և նետք քո գնան 'ի ձայնէ որոտալոյ քո անուի:

Երևեցան փայլատակունք քո տիեզերաց. խռովեցաւ և դողաց երկիր:

Ի ծովու են ճանապարհք քո, և շաւիղք քո 'ի ջուրս բազումս. և հետք քո ոչ երեւին:

Առաջնորդեցեր որպէս խաշին ժողովրդեան քո, 'ի ձեռն մովսէսի և ահարօնի:

Տունք ժը: Գորշայս ԼԷ:

ՍՍՂՄՈՍ ՀԷ

Իմաստոսքիւն յաստի:

Նայեցարուք ժողովուրդք յօրէնս իմ. խոնարհեցուցէք զունկն ձեր 'ի բանս բերանոյ իմոյ:

Բացից առական զբերան իմ, և խօսեցայց զառակս 'ի սկզբանէ:

Որպէս լուաք՝ և ծանեաք զայս, և հարբն մեր պատմեցին մեզ:

Ոչինչ ծածկեցաւ յորդւոց նոցա յազգ յայլ, պատմել զօրհնութիւնս տեառն, զզօրութիւն և զսքանչելիս իւր զոր արար:

Հաստատեաց զվկայութիւն իւր առ յակոբ, և օրէնս եգ 'ի վերայ իսրայելի:

Որ ինչ միանգամ պատուիրեաց հարցն մերոց, ցուցանել զայս որդւոց իւրեանց, զի ծանիցեն յազգ յայլ:

Որդէք որք ծնանին յարիցեն, և պատմեսցեն զայս որդւոց իւրեանց. զի դիցեն առ աստուած զյոյսս իւրեանց և մի՛ մոռացին զգործս աստուծոյ:

Զպատուիրանս նորա խնդրելով խընդրեսցեն. և մի՛ եղիցին որպէս և հարբրն իւրեանց:

Ազգ չար և դառնացող, ազգ որ ոչ ուղղեաց զսիրտ իւր, և ոչ հաստատեաց առ աստուած զհոգի իւր:

Որդէք եփրեմի լիաձիգք և պնդաձիգք, յաւուր պատերազմի կապարձրս դարձուցին:

Ոչ կացին նոքա յուխտի, տեառն, և ըստ իրաւանց նորա ոչ կամեցան գնալ Մոռացան զերախտիս նորա, և զըսքանչելիսն՝ զոր եցոյց նոցա:

Առաջի հարցնոցա զոր արար զսքանչելիս իւր, յերկրին եգիպտացւոց և 'ի դաշտին տայանու:

Էհերձ զծովն՝ և անցոյց զնոսա. և կացոյց զջուրսն որպէս 'ի տիկս:

Առաջնորդեաց նոցա ամպով 'ի տուէ, և զամենայն գիշեր 'ի լոյս հրոյ:

Էհերձ զվէմն յանապատին, և ետըմ պել նոցա որպէս 'ի խորոյ մեծէ:

Եհան զջուրսն 'ի վիմէն. և հոսեաց որպէս զգետս զջուրսն:

Սակայն յաւելին 'ի մեղանչել, և եւս բարկացուցին զբարձրեալն յանջրդի: Փորձեցին զաստուած 'ի սիրտս իւր:



եանց , 'ի խնդրել զկերակուր անձանց
իւրեանց :

Տրտնջեցին զաստուծոյ և ասացին .
միթէ կարո՞ղ իցէ աստուած պատ-
րաստել սեղան յանապատի :

Քանզի հարկանէր զվէ՛մն՝ և հոսէին
ջուրք , և վտակք խաղային 'ի նմանէ :

Աղէ՛ հաց եւս կարասցէ տալ նա
մեզ . կամ պատրաստեսցէ՞ սեղան ժո-
ղովրդեան իւրոյ :

Վասն այսորիկ լուաւ զայս տէր և
յապաղեաց . հուր բորբոքեցաւ 'ի
յակովք , և բարկու թիւն ել 'ի վե-
րայ իսրայելի :

Զի ոչ հաւատացին յաստուած , և
ոչ յուսացան 'ի փրկութիւն նորա :
Հրաման ետ ամսոց 'ի վերուստ , և
զդրունս երկնից եբաց , և տեղեաց
'ի նոսա զմանանայ 'ի կերակուր :

Զհաց երկնից ետ նոցա , զհաց հը-
րեշտակաց կերան մարդիկ , և իջոց
'ի նոսա զկերակուր 'ի լիութիւն :

Եհան զհողմն հարաւոյ , և էած զօ-
րութեամբ իւրով զհիւսիսիւ :

Տեղեաց 'ի նոսա միս որպէս զհող-
որպէս զաւազ ծովու զթռչունս թե-
ւաւորս :

Էարկ 'ի մէջ բանակի նոցա , և շուրջ
զվրանօք նոցա :

Վերան և յագեցան յոյժ . և զցանկու-
թիւն նոցա ետ նոցա . և ոչինչ կարօտ
եղէն 'ի ցանկութենէ իւրեանց :

Մինչդեռ կերակուրք 'ի բերանս իւր-
եանց էին , բարկութիւն յաստուծոյ
ել 'ի վերայ նոցա :

Սպան զբազումս 'ի նոցանէ , և զըն-
տիր ընտիրս իսրայելի սատակեաց :

Յայսմ ամենայնի մեղան և եւս . և ոչ
հաւատացին սքանչելեաց նորա :

Պակասեցան յունայնութեան աւուրք
նոցա , և ամբ նոցա փութապէս անցին :

Յորժամ սպանանէր զնոսա՝ խնդրէին
զնա . դառնային և առաւօտ առնէ-
ին առ աստուած :

Յիշեցին՝ զի աստուած օգնական էր
նոցա . աստուած բարձրեալ փրկիչ
էր նոցա :

Սիրեցին զնա բերանօք իւրեանց , և
լեզուօք իւրեանց ստեցին նմա . և
սիրտք նոցա ոչ էին ուղիղք ընդ նմա ,
և ոչ հաւատացին ուխտի նորա :

Այլ նա ինքն գթած էր . քաւէր ըզ-
մեզս նոցա , և ոչ ապականէր :

Յաճախէր դարձուցանել զբարկու-
թիւն իւր . և ոչ բորբոքէր զամենայն
սրտմտութիւն իւր :

Յիշեաց՝ թէ մարմին են նոքա . հոգի
որ ելանէ , այլ ոչ եւս դառնայ :

Քանիցս անգամ դառնացուցին զնա
յանապատի . և բարկացուցին զբարձ-
րեալն յանջրդի :

Դարձան և փորձեցին զաստուած ,
և զսուրբն իսրայելի զայրացուցին :

Ոչ յիշեցին զձեռն նորա , յաւուր
յորում փրկեաց զնոսա 'ի ձեռաց
նեղչաց նոցա :

Որպէս արար զնշանս և զարուեստս
իւր յերկրին եգիպտացւոց . և 'ի
դաշտին տայանու :

Դարձոց յարիւն զգետս նոցա , և
զանձրեւս նոցա՝ զի մի՛ արբցեն :

Առաքեաց 'ի նոսա շանաճանձ և ե-
կեր զնոսա . և գորտիւ ապական-
եաց զնոսա :

Ետ ժանկոյ զպտուղս նոցա , և զվաս-
տակս նոցա մարախոյ :

Եհար կարկտիւ զայգիս նոցա , և
զթղենիս նոցա եղեմամբ :

Մատնեաց 'ի կարկուտ զանասունս
նոցա . և զստացուածս նոցա հրով
դատեաց :

Առաքեաց 'ի նոսա զսրտմտութիւն
բարկութեան իւրոյ , զսրտմտութիւն
զբարկութիւն և զնեղութիւն :

Առաքեաց 'ի նոսա տանջանս 'ի ձեռն
հրեշտակի չարի . և դիմեցոց 'ի նոսա
զսրտմտութիւն բարկութեան իւրոյ :

Ոչ անխայեաց 'ի մահուանէ զանձինս

նոցա . և զանասունս նոցա ՚ի մահ
մատնեաց :

Եհար զամենայն անդրանիկս եգիպտացւոց , զսկիզբն ամենայն վաստակոց նոցա ՚ի յարկս քամայ :

Հորդան ետ որպէս խաչին ժողովրդդ հեան իւրոյ . և եհան զնոսա որպէս զհօտ յանապատ :

Առաջնորդեաց նոցա յուսով , և ոչ երկեան , և զթշնամիս նոցա ծով ծածկեաց :

Եհան զնոսա ՚ի լեառն սրբութեան իւրոյ , ՚ի լեառն այն՝ զոր ստացաւ աջ նորա :

Մերժեաց յերեսաց նոցա զհեթանոսըս , և վիճակեցոյց ՚ի նոսա զվիճակ ժառանգութեան իւրոյ , և բնակեցոյց ՚ի յարկս նոցա զազգն իսրայելի : Փորձեցին դառնացուցին զաստուած բարձրեայն , և զվկայութիւն նորա ոչ պահեցին :

Դարձան խոտորեցան որպէս և հարբըն իւրեանց . դարձան և եղեն որպէս զաղեղն թիւր :

Դարձեալ բարկացուցին զնա ՚ի բազինս իւրեանց , և դրօշելովք իւրեանց նախանձ արկին նմա :

Լուաւ աստուած , և արհամարհեաց զնոսա , և անարդեաց յոյժ զիսրայել : Մերժեաց յիւրմէ զխորանն ՚ի սելով , զխորանն՝ զոր բնակեցոյց ՚ի մէջ մարդկան :

Մատնեաց ՚ի գերութիւն զզօրութիւնս նոցա , և զգեղս նոցա ՚ի ձեռս թշնամեաց նոցա :

Արգել ՚ի սուր զժողովուրդ իւր . և զժառանգութիւն իւր անտես արար : Չերիտասարդս նոցա եկեր հուր . և վասն կուսանաց նոցա ոչ ոք սգացաւ : Քահանայք նոցա անկան ՚ի սուր . և զայրիս նոցա ոչ ոք էր որ լայր :

Չարթեաւ որպէս ՚ի քնոյ տէր , որպէս հզօր զի թափէ զգինի :

Եհար յետս զթշնամիս իւր , և նա

խատինս յաւիտենից արար զնոսա : Մերժեաց նա զխորանն յովսեփու , և զազգն եփրեմի նա ոչ ընտրեաց :

Այլ ընտրեաց նա զազգն յուդայ . զլեառն սիօն , զոր և սիրեաց :

Շինեաց որպէս միեղջերուի զսրբութիւն նորա , յերկրի հաստատեաց զնա յաւիտեան :

Ընտրեաց զդաւիթ ծառայ իւր , և ընկալաւ զնա ՚ի հօտէ խաչանց . ՚ի վերջին ծնելոցն ընկալաւ զնա :

Հովուել զյակոբ ծառայ իւր , և զիսրայել ժառանգութիւն իւր :

Արածէր զնոսա իմաստութեամբ սրբտի իւրոյ . յանմեղութիւն ձեռաց իւրոց առաջնորդէր նոցա :

Տուք հգ :

ՍՍՂԾՈՍ ՀԸ .

Սաղմոս յաստի :

Աստուած մտին հեթանոսք ՚ի ժառանգութիւն քո . պղծեցին զտաճար սուրբ քո :

Արարին զերուսաղէմ որպէս զհիւղս մրգապահաց . արկին զդիակունս ծառայից քոց դէշ թռչնոց երկնից , և զմարմին սրբոց քոց զազանաց երկրի : Հեղին զարիւն նոցա որպէս ջուր շուրջ զերուսաղէմաւ . և ոչ ոք էր որ թաղէր զնոսա :

Եղաք մեք նախատինք դրացեաց մերոց . ծաղր և այսին կատականաց այնոցիկ , որ շուրջ էին զմեօք :

Մինչեւ յերբ տէր՝ բարկանաս դու իսպառ . բորբոքեսցի որպէս հուր նախանձ քո :

Հեղ զբարկութիւն քո ՚ի վերայ ազգաց՝ որք զքեզ ոչ ճանաչեցին . ՚ի վերայ թագաւորաց՝ որք զանուն քո ոչ կարդացին . զի կերին զյակոբ և զտեղի նորա աւերեցին :

Մի՛ յիշէր զմեղս մեր զառաջինս . վաղվաղ եկեսցէ առ մեզ ողորմութիւն քո տէր , զի աղքատացաք յոյժ :

Օգնեա մեզ աստուած փրկիչ մեր,
 վասն փառաց անուան քո:
 Տէր փրկեա՛ զմեզ և քաւեա՛ զմեզս
 մեր վասն անուան քո:
 Մի՛ երբէք ասասցեն՝ ՚ի հեթանոսս,
 թէ՛ ո՛ւր է աստուած նոցա:
 Այլ յայտնի ինչ լիցի ՚ի վերայ հե-
 թանոսաց առաջի աչաց մերոց, առ
 ՚ի խնդրել զլրէժ արեան ծառայից
 քոց՝ որ և հեղաւ:
 Մտցէ առաջի քո հեծու թիւն կա-
 սելոց. ըստ մեծութեան բազկի քո
 շահեա դու զորդիս սպանելոց:
 Հատո գրացեաց մերոց եօթնապատիկ
 ՚ի ծոց նոցա, զնախատինս իւրեանց
 զոր նախատեցին զքեզ տէր:
 Մէք ժողովուրդք և խաչն արօտի քոյ՝
 խոստովան եղիցուք առ քեզ յաւիտ-
 եան. ազգէ յազգ սլատմեսցուք զօրհ-
 նութիւնս քո:

Տունք ժո:

ՍԱՂՄՈՍ ՀԹ.

Ի հատարած. ՚ի վերայ զառանցելոցն վրայո-
 բիւն. Մաղմուս յաստիայ ՚ի վերայ
 երոխտացոցն:

Որ հովուեսդ իսրայելի՛ նայեաց, որ
 առաջնորդես որպէս խաչին յովսե-
 փու:

Որ նատիս ՚ի քրովբէս՝ յայտնեաց ա-
 ռաջի եփրեմի, բենիամինի և մա-
 նասէի:

Զարթո զզօրութիւնս քո, և եկ ՚ի
 կեցուցանել զմեզ:

Աստուած զօրութեանց դարձո զմեզ
 երեւեցո զերեսս քո ՚ի մեզ, և կեց-
 ցուք:

Տէր աստուած զօրութեանց, մինչեւ
 յերբ բարկանաս յաղօթս ծառայից
 քոց:

Զամբեցեր մեզ հաց արտասուաց, և
 արբուցեր մեզ արտասուս չափով:

Արարեր զմեզ նախատինս գրացեաց
 մերոց, այսին կատականաց թշնամ-
 եաց մերոց:

Աստուած զօրութեանց դարձո զմեզ,
 երեւեցո զերեսս քո ՚ի մեզ և կեցցուք:

Այգի յեզխպտոսէ փոխեցեր. հա-
 ներ զհեթանոսս՝ և զնոսա տնկե-
 ցեր, և առաջնորդեցեր նմա:

Հաստատեցեր զարմատս նորա՝ և ե-
 լից զերկիր. ծածկեաց զլերինս հո-
 վանի նորա, և բարունակ նորա ըզ-
 մայրս աստուծոյ:

Զգեաց զօրթ իւր մինչեւ ՚ի ծով,
 մինչեւ ՚ի դետս են շառաւիղք նորա:

Ընդէր քակեցեր զցանկ նորա, և կը-
 թեն զնա անցաւորք ճանապարհի:

Ապականեաց զնա խոզ անտառի, և
 երէվայրի արածեցաւ ՚ի նմա:

Աստուած զօրութեանց, դարձ հայ-
 եաց յերկնից և տես. այց արա այգ-
 ւոյս այսմիկ, և դարման տար սմա՝
 զոր տնկեաց աջ քո:

Ի վերայ որդւոյ մարդոյ՝ զոր զօրացու-
 ցեր զնա ՚ի քեզ. այրեցեալ ՚ի հուր և
 աւերեալ, ՚ի սաստէ քումմէ կորիցէ:

Եղիցի ձեռն քո ՚ի վերայ առն, աջ
 քո ՚ի վերայ որդւոյ մարդոյ, զոր զօ-
 րացուցեր զնա ՚ի քեզ:

Ոչ եւս ՚ի բացեայ եղիցուք մեք ՚ի
 քէն. կեցուսցես դու զմեզ, և զա-
 նուն քո տէր կարդասցուք:

Աստուած զօրութեանց, դարձո ըզ-
 մեզ. երեւեցո զերեսս քո ՚ի մեզ, և
 կեցցուք:

Տունք ժո:

ՍԱՂՄՈՍ Զ.

Ի հատարած. փսսն հնձանաց. Մաղմուս յաստի-
 հիկերորդ շաքարոց:

Յնձացէք առ աստուած օգնական է
 մեր. ազաղակեցէք առ աստուած
 յակոբայ:

Առէք սաղմոս, և տուք օրհնութիւն.
 սաղմոս ասացէք նմա ՚ի ձայն քաղց-
 րութեան:

Փող հարէք ՚ի զլուխս ամսոց, յաւուր
 նշանաւորի տարեկանաց մերոց:

Հրաման է այս խորայելի, և իրա-
ւունք են աստուծոյ յակորայ :
Վկայութիւնն յովսեփու՝ զորեդ ընդ
նմա. որպէս ելանէր նա յերկրէն եգիպտ-
տացւոց, լեզու զոր ոչ գիտէր լուաւ :
Իբաց արար ՚ի բեռանց զթիկունս
նորա, և զձեռս նորա յորթ և ՚ի
թի ծառայելոյ :

Ի նեղութեան կարգացեր առ իս՝ և
փրկեցի զքեզ. լուայ քեզ ՚ի գաղտ-
նութենէ մրկին, և փորձեցի զքեզ
՚ի վերայ ջուրցն հակառակութեան :
Լուր ժողովուրդ իմ՝ և վկայեմ քեզ,
և խորայել թէ լուիցես ինձ :

Մի եւս եղիցին քեզ աստուածք առ-
ժամայնք, և մի՛ երկիրպագանիցես
դու աստուծոյ օտարի :

Ես եմ տէր աստուած քո՝ որ հանի
զքեզ յերկրէն եգիպտացւոց. բաց
զբերան քո՝ և լցից զդա :

Ժողովուրդ իմ ոչ լուաւ ձայնի իմում,
և խորայել յիս ինչ ոչ նայեցաւ :
Բարձի թողի զնոսա երթալ զհետ կա-
մաց սրտից իւրեանց, զի գնացին նո-
քա ըստ կամս անձանց իւրեանց :
Ձի թէ ժողովրդեան իմոյ լուեալ էր
ինձ, կամ խորայելի զձանապարհս իմ
գնացեալ էր :

Որպէս ոչինչ խոնարհ արարեալ էր
իմ զթշնամիս նորա, և ՚ի վերայ նեղ-
չաց նորա արկեալ էր զձեռն իմ :
Թշնամիք տեառն ստեցին նմա, և ե-
ղիցին ժամանակք նոցա յաշխարհի :
Վերակրեաց զնոսա ՚ի պարարտութե-
նէ ցորենոյ, և ՚ի վիմէ մեղր յադե-
ցոյց նոցա :

Տունք ժո

ՍԱՂՄՈՍ 20.

Մաղմոս յասափ :

Աստուած եկաց ՚ի ժողովս աստու-
ծոց, և ՚ի միջի նոցա դատէր զնոսա :
Մինչեւ յերբ դատէք անիրաւու-
թեամբ, և ակն առնուք մեղաւորաց :

Դատ արարէք որբոյն և այրւոյ. իրա-
ւունս արարէք տնանկին և խոնարհի :
Ապրեցուցէք զաղքատն և զտնանկն,
՚ի ձեռաց մեղաւորի փրկեցէք զնոսա :
Ոչ իմացան և ոչ ՚ի միտ առ ին, ՚ի խա-
ւարի գնացին, և շարժեցան ամե-
նայն հիմունք երկրի :

Ես ասացի թէ աստուածք իցէք, կամ
որդիք բարձրելոյն ամենեքեան :

Գուք ահաւադիկ որպէս զմարդիկ
մեռանիք, և որպէս զմի յիշխանաց
անկանիք :

Արի աստուած, և դատեա զերկիր,
զի դու ժառանգեսցես զամենայն հե-
թանոսս :

Տունք Ը : Գորշոյս ծր :

ՍԱՂՄՈՍ 21.

Օրննոքիւն. Մաղմոս յասափ :

Աստուած ո՞ քեզ նմանիցի. մի՛
լուեր և մի՛ դադարիր աստուած :
Ձի ահա թշնամիք քո գոչեցին, և
ատելիք քո համբարձին զգլուխ իւր-
եանց :

Ի վերայ ժողովրդեան քո խորաման-
կեցին զգիտութիւն, խորհեցան ՚ի
վերայ սրբոց քոց և ասացին :

Եկայք սատակեսցուք զնոսա յազգաց,
և մի՛ յիշեսցին անուն խորայելի և եւս :
Խորհեցան միաբանութեամբ ՚ի միա-
սին, և վասն քո ուխտ արարին :
Բանակք եղովմայեցւոց և իսմայե-
լացիք, մովաբ և հազարացիք :

Գեբաղ՝ ամօն՝ ամաղէկ, և այլազգիքն
ամենայն բնակչօքն հանդերձ ծուրայ :
Նա և ասուր եկեալ էր ընդ նոսա.
ամենեքեան սոքա զօրավիգն էին
որդւոցն զովտայ :

Արա զնոսա որպէս զմադ իամ, որպէս
զսիսարայ, և որպէս զաբին ՚ի ծոր-
ծորսն կիսօնի :

Սատակեցան նոքա յականս դովրայ,
և եղեն որպէս զաղբ երկրի :



Արա զիշխանս նոցա որպէս զորէքն ,
զէքն , զզէքէէ , և զսաղմանա , և զա-
մենայն իշխանս նոցա :

Ոյք ասացին՝ ժառանգեցուք ՚ի
մեզ զսրբութիւն աստուծոյ :

Աստուած իմ՝ արա զնոսա որպէս զա-
նիւ , և որպէս զեղէզն առաջի հողմոյ :

Որպէս հուր՝ զի այրէ զանտառս . որ-
պէս բոց՝ զի կիզու զէրինս :

Այսպէս հալածեցես զնոսա մրրը-
կաւ քով , և բարկութեամբ քով խը-
ռովեցուցես զնոսա :

Լից զերեսս նոցա անարգանօք , և
խնդրեցեն զանուն քո տէր :

Ամաչեցեն և խռովեցին յաւիտեա-
նրս յաւիտենից , և ամօթալից կռ-
րիցեն :

Ծանիցեն զի անուն քո տէր է , և
դու միայն բարձրեալ ես ՚ի վերայ
ամենայն երկրի :

Տունք ժգ :

ՍԱՂՄՈՍ ԶԳ.

Ի կատարս . վասն հնձակացն . որդոցն կոր-
խայ . Սաղմոս դաշի :

Որպէս սիրելիք են յարկք քո տէր
զօրութեանց , ցանկայ և փափաքի
անձն իմ ՚ի դաւիթս քո :

Սիրտ իմ և մարմին իմ ցնծացեն առ
աստուած կենդանի :

Քանզի ճնձղուկ եղիտ իւր տուն , և
տատրակ զբոյն ուր դիցէ զձագս իւր :

Սեղան քո տէր զօրութեանց , թա-
ղաւոր իմ և աստուած իմ :

Երանի ամենեցուն՝ որ բնակեալ են
՚ի տան տեառն , յաւիտեանս յաւի-
տենից օրհնեցեն զքեզ :

Երանեալ է այր՝ որոյ օգնութիւն
իւր ՚ի քէնէ . ելս եդ ՚ի մտի իւրում
՚ի հովտէս տրտմութեան ՚ի տեղւոջ՝
յորում ուխտեաց :

Չօրհնութիւն ստացի՝ որ զօրէնս
զնէ , գնացէ նա ՚ի զօրութենէ ՚ի
զօրութիւն , և երեւեցի աստուած
հրեշտակաց ՚ի սիօն :

Տէր աստուած զօրութեանց՝ լուր
աղօթից իմոց . ունկն դիր աստուած
յակորայ :

Ընդունող ես դու մեր , տես աստ-
ուած և նայեաց յերեսս օծելոյ քո :

Վասն զի լաւ է ինձ մի օր ՚ի դաւի-
թրս քո , քան զհազարս :

Ընտրեցի ես ընդ աղբ գալ ՚ի տան
աստուծոյ առաւել , քան բնակա-
նալ ՚ի յարկս մեղաւորաց :

Չողորմութիւն և զճմարտութիւն
սիրէ տէր աստուած մեր , զչնորհս
և զիառս տացէ :

Տէր ոչ սրակաս առնէ զողորմութիւն
իւր յայնցանէ , որ գնան յամբժութեան :

Տէր աստուած զօրութեանց , երան-
եալ է այր՝ որ յուսա ՚ի քեզ :

Տունք ժգ :

ՍԱՂՄՈՍ ԶԴ.

Ի կատարս . որդոցն կորխայ . Սաղմոս դաշի :

Հաճեցար տէր ընդ երկիր քո , և դար-
ձուցեր զգերութիւն յակորայ :

Թողեր զանիրաւութիւն ժողովրդ-
եան քոյ , և ծածկեցեր զամենայն
մեղս նոցա :

Լռեցուցեր զամենայն սրտմտութիւ-
նրս քո , և դարձար ՚ի բարկութենէ
սրտմտութեան քո :

Դարձ առ մեզ աստուած փրկիչ մեր ,
և դարձո զսրտմտութիւնս քո ՚ի մէնջ :

Մի յաւիտեան բարկանար մեզ տէր ,
և մի՛ ձգեր զբարկութիւն քո ազգէ
մինչեւ յազգ :

Աստուած դու դարձեալ կեցուս-
ցես զմեզ , և ժողովուրդ քո ուրախ
եղիցի ՚ի քեզ :

Յոյց մեզ տէր զողորմութիւնս քո ,
և զփրկութիւնս քո տուր մեզ :

Լուսք զի՛նչ խօսի տէր աստուած
մեր , խօսեցի զխաղաղութիւն ժո-
ղովրդեան իւրոյ առ սուրբս իւր , և
առ այնոսիկ՝ ոյք դարձեալ են առ
նա սրտիւք :

Սակայն մերձ է առ երկիւղածս իւր
 փրկութիւնն նորա. բնակիլ փառաց
 նորա յերկրի մերում:
 Աղորմութիւնն և ճշմարտութիւն պա-
 տահեցին. արդարութիւնն և խա-
 ղաղութիւնն համբուրեցին:
 Ճշմարտութիւնն յերկրէ բուսաւ,
 արդարութիւնն յերկնից երեւեցաւ:
 Տէր տացէ զքաղցրութիւնն, և եր-
 կիր մեր տացէ զստուղ իւր. ար-
 դարութիւնն առաջի նորա գնասցէ,
 զիցէ ՚ի ճանապարհի զգնացս իւր:

Տունք ժր: Գորգայս խղ:

Ս Ա Ղ Մ Ո Ս Զ Ե

Սաղմոս դարբի. աղօթք երեկոյի:

Խոնարհեցո տէր զունկն քո և լուր
 ինձ, զի աղքատ և տնանկ եմ ես:
 Պահեա զանձն իմ սուրբ տէր. և
 փրկեա զճառայս քո աստուած իմ,
 որ ՚ի քեզ յուսացայ:
 Աղորմեա ինձ տէր, զի առ քեզ ա-
 ղաղակեցի զօրհանապաղ. ուրախ ա-
 րա զանձն ծառայի քո, զի առ քեզ
 տէր համբարձի զանձն իմ:
 Զի դու տէր քաղցր և ուղիղ ես.
 Բազում ողորմ առ ամենեւեան, որք
 կարդան առ քեզ:
 Աւնկնդիր տէր աղօթից իմոց, և նայ-
 եա ՚ի ձայն ինդրուածաց իմոց:
 Յաւուր նեղութեան իմոց կարդացի
 առ քեզ, և լուար ինձ:
 Աչ որ է նման քեզ յաստուածս տէր,
 և ոչ որ է որպէս զգործս քո:
 Զամենայն ազգս զոր արարեր՝ եկեւ-
 ցեն և երկիրպագցեն առաջի քո, և
 փառաւոր արասցեն զանուն քո յա-
 լիտեան:
 Մեծ ես դու տէր, և առնես սքան-
 չելիս, և դու միայն ես աստուած:
 Առաջնորդեա ինձ ՚ի ճանապարհի
 քում, և գնացից ՚ի ճշմարտութեան

քում, և ուրախ եղիցի սիրտ իմ
 յերկնչիլ յանուանէ քումմէ:
 Խոստովան եղէց առ քեզ տէր աստ-
 ուած իմ բողոքով սրտիւ իմով. փա-
 ռաւոր արարից զանուն քո յալիտ-
 եան:

Մեծ եղեւ ՚ի վերայ իմ ողորմութիւնն
 քո տէր, և փրկեցեր զանձն իմ ՚ի
 դժոխոց ներքնոց:

Աստուած՝ անօրէնք յարեան ՚ի վերայ
 իմ, և ժողովք հզօրաց ինդրեցին
 զանձն իմ, և ոչ համարեցան զքեզ
 աստուած առաջի իւրեանց:

Այլ դու տէր աստուած իմ՝ զթած
 ես և ողորմած, երկայնամիտ բա-
 ղում ողորմ և ճշմարիտ, նայեա առ իս
 և ողորմեա ինձ:

Տուր զօրութիւնն ծառայի քո, կեցո
 զորդի աղախնոյ քո, և արա առ իս
 նշան բարութեան:

Տեսցեն ատելիք իմ և ամաչեցեն,
 զի դու տէր օգնեցեր ինձ և մխի-
 թարեցեր զիս:

Տունք ժր:

Ս Ա Ղ Մ Ո Ս Զ Զ

Սաղմոս օրննոքեան. որդեոցն կորխայ:

Հիմունք նորա ՚ի լեառն սուրբ նորա.
 սիրէ տէր զդրունս սիօնի առաւել
 քան զամենայն յարկան յակոբայ:
 Փառաւորեալն խօսեցաւ վասն քո, ա-
 հաւադիկ քաղաքդ աստուծոյ:

Յիշեցի զուահաբ և զբաբիլոն՝ ոյք ճա-
 նաչեն զիս. ահա այլազգիք և ծուր
 և ժողովուրդք հնդկաց, սոքա ե-
 ղեն անդ:

Սիօնի ասի մայր, և մարդ ծնաւ ՚ի նը-
 մա. և ինքն հիմունս էարկ ՚ի նմա
 բարձրեալն:

Տէր պատմեցէ զրովք ժողովրդեան,
 իշխանացս այսոցիկ՝ ոյք եղին անդ:
 Արպէս զի ուրախ լիցին ՚ի քեզ ամե-
 նեքեան, որոց բնակութիւնն ՚ի քէն է:

Տունք զ:



ՍՍՂՄՈՍ ԶԷ.

Ի կատարած . վասն մաղաղեքայ իմաստոքիսն .
զի ետ պատասխանի ետևն իմաստոք
քեանք իսրայելի :

Տէր աստուած փրկուածեան իմոյ , 'ի
տուէ կարդացի և գիշերի առաջի քո :
Մտցեն աղօթք իմ առաջի քո տէր , խո
նարհեսցի ունկն քո 'ի խնդրուածս իմ :
Զի լցաւ չարչարանօք անձն իմ , և կեանք
իմ 'ի գժոխս մերձեցաւ , և համարեցայ
ես ընդ այնոսիկ , որք իջանեն 'ի գուբ :
Եղէ ես որպէս մարդ առանց օգնա
կանի , և 'ի մեռեալս ազատ :
Որպէս զվիրաւորս , որք ննջեն 'ի գե
րեզմանս :
Զորս դու ոչ յիշեցեր , նորա 'ի ձե
ռանէ քու մէջ մերժեցան :
Եդին զիս 'ի գբի ներքնումն 'ի խա
ւարի և 'ի ստուերս մահու :
Յիս հաստատեցաւ սրտմտու թիւն քո ,
զամենայն զբօսանս քո աներ 'ի վե
րայ իմ :
Հեռի արարեր յինէն զճանօթս իմ ,
և եդին զիս նշաւակ իւրեանց :
Մատնեցայ և ոչ ելանէի , աչք իմ
տկարացան յաղքատութենէ :
Աղաղակեցի առ տէր զօրհանապազ ,
և համբարձի առ քեզ զձեռս իմ :
Մի թէ մեռելոց առնիցես զսքանչե
լիս քո , կամ բժիշկք յարուցեալ
խոստովան առնիցին առ քեզ :
Մի թէ պատմեսցէ՞ որ երբէք 'ի գե
րեզմանի զողորմութիւնս քո , կամ
զճմարտութիւնս քո 'ի կորստեան :
Մի թէ ճանաչիցին 'ի խաւարի սքան
չելիք քո , կամ արդարութիւն քո
յերկիր մոռացեալ :
Ես առ քեզ տէր աղաղակեցի , առաւօ
տու աղօթք իմ ժամանեցեն առ քեզ :
Ընդէր տէր մերժես զանձն իմ , կամ
դարձուցանես զերեսս քո յինէն :
Տնանկ և վաստակաւոր եմ ես 'ի ման
կու թենէ իմմէ . 'ի բարձրութենէ
խոնարհեցայ և ասլեցայ :

Յիս հաստատեցաւ բարկութիւն
քո , արհաւիրք քո խռովեցուցին զիս :
Երջեցան զինեւ որպէս ջուր , զօր ա
մենայն պաշարեցին զիս 'ի միասին :
Հեռի արարեր յինէն զբարեկամս իմ
և զճանօթս իմ վասն թշուառու
թեան իմոյ :

Տունք ի : Գորդայս խր :

ՍՍՂՄՈՍ ԶԸ.

Իմաստոքիսն Ենսևայ յեզրայելացոց :
Չողորմութիւնս քո տէր յաւիտ
եան օրհնեցից , ազգէ յազգ պատ
մեցից զճմարտութիւնս քո բերա
նով իմով :
Ասացեր՝ թէ աշխարհս ողորմու
թեամբ շինեսցի , յերկինս պատրաստ
եղիցի ճմարտութիւն քո :
Եդի ուխտ ընտրելոց իմոց , երգուայ
դաւթի ծառայի իմոյ :
Յաւիտեան հաստատեցից զզաւակ
քո , և շինեցից ազգէ յազգ զաթոռ քո :
Խոստովան եղիցին երկինք սքանչել
եաց քոց տէր , և ճմարտութիւն քո
յեկեղեցիս սրբոց :
Ո՞վ է յամպս որ հաւասարիքեզ , կամ
ո՞վ նմանիցի տեառն յորդիս աստուծոյ :
Աստուած փառաւորեալ է 'ի խոր
հուրդս սրբոց իւրոց , մեծ և ահաւոր
'ի վերայ այնոցիք որք շուրջ են զնովաւ :
Տէր աստուած զօրութեանց , ո՞նմանի
քեզ . հզօր ես դու տէր , և ճմար
տութիւն քո շուրջ է զքեւ :
Դու տիրես զօրութեանց ծովու , և
զխռովութիւն ալեաց նորա դու ցա
ծուցանես :
Դու խոնարհեցուցանես որպէս վիրա
ւորս զամբարտաւանս , 'ի զօրութիւն
բազկի քո ցրուեցեր զթշնամիս քո :
Քո են երկինք և քո է երկիր , զաշ
խարհս լիւ իւրով դու հաստատե
ցեր , զհիւսիս և զհարաւ դու ա



րարեր, թափօր և հերմօն յանուն
քո ցնծասցեն:

Քո է բազուկ և քո է զօրութիւն,
զօրասցի աջ քո, և բարձր եղիցի
ձեռն քո:

Յարդարութիւն և յիրաւունս հաս-
տատեալ է աթոռ քո, ողորմութիւն
և ճշմարտութիւն գնասցեն առաջի
երեսաց քոց:

Երանի ժողովրդեան որ գիտեն զօր-
նութիւնս քո տէր. ՚ի լոյս երեսաց
քոց գնասցեն, և յանուն քո ցնծաս-
ցեն զօրհանապաղ, և յարդարու-
թեան քում բարձր եղիցին:

Պարծանք զօրութեանց մերոց դու-
ես տէր, և ՚ի կամս քո բարձր ե-
ղիցի եղջիւր մեր:

Ի տեսունէ է օգնութիւն սրբոյն իս-
րայելի թագաւորին մերոյ:

Յայնժամ խօսեցար տեսեամբ ընդ
որդիս քո և ասացեր. եղից զօգնու-
թիւն իմ ՚ի վերայ հզօրին, և բարձր
արարից զընտրեալն ՚ի ժողովրդենէ
իմմէ:

Գտի զդաւիթ ծառայ իմ, և իւղով
սրբով իմով օծի զնա:

Ձեռն իմ ընկալցի զնա, և բազուկ
իմ զօրացուցէ զնա:

Մի մեղիցէ նմա թշնամի, և որդի
անօրէնութեան մի չարչարեցէ զնա:

Հարից առաջի նորա զթշնամիս նո-
րա, և զատելիս նորա ՚ի պարտու-
թիւն մատնեցից:

Ճշմարտութիւն իմ և ողորմութիւն
իմ ընդ նմա, և յանուն իմ բարձր ե-
ղիցի եղջիւր նորա:

Եղից ՚ի ծովու զձեռն նորա, և ՚ի
վերայ գետոց զաջ նորա:

Նա կարգացէ առ իս հայր իմ ես
դու, աստուած ընդունող վրկու-
թեան իմոյ:

Ես անդրանիկ արարից զնա, և բարձր
քան զամենայն թագաւորս երկրի:
Յաւիտեան պահեցից նմա զողորմու-

թիւն իմ, և ուխտ իմ հաւատարիմ
ընդ նմա:

Հաստատեցից յաւիտեանս յաւիտե-
նից զզաւակ նորա, և զաթոռ նորա
որպէս զաւուրս երկնից:

Թէ թողցեն որդիք նոցա զօրէնս իմ,
և յիրաւունս իմ ոչ կամեցին գնալ:
Թէ զարդարութիւնս իմ անարգես-
ցեն, և զպատուիրանս իմ ոչ պա-
հեցեն:

Հարից դաւազանաւ զանօրէնութիւ-
նրս նոցա, և տանջանօք զանիրաւու-
թիւնս նոցա:

Բայց ողորմութիւն իմ ոչ արգելից
՚ի նոցանէ, և ոչ նենգեցից ճշմարտու-
թեան իմում, և ոչ անարգեցից
զուխտ իմ. և ինչ որ ելանէ ընդ շըր-
թունս իմ, զայն ոչ արհամարհեցից:

Միանգամ երգուայ ՚ի սրբութիւն
իմ, թէ դաւթի ես ոչ ստեցից:

Ջաւակ նորա յաւիտեան կացցէ. և
աթոռ նորա որպէս զարեգակն ա-
ռաջի իմ, և որպէս զլուսին զի հաս-
տատեալ է յաւիտեան վկայ հաւա-
տարիմ յերկինս:

Իսկ արդ դու մերժեցեր և անարգե-
ցեր, և ընդ վայր հարեր զօծեալ քո:
Դարձուցեր զուխտ ՚ի ծառայէ քում
մէ. սղծեցեր յերկրի զսրբութիւն
նորա:

Քակեցեր զամենայն պարիսպս նորա,
և եղեր զամուրս նորա ՚ի դողումս:

Յախշտակեցին զնա անցաւորք ճանա-
պարհի. և եղեւ նա նախատ դրաց-
եաց իւրոց:

Բարձր արարեր զաջ նեղչաց նորա. և
ուրախ արարեր զամենայն թշնամիս
նորա:

Դարձուցեր զօգնութիւն ՚ի սրոյ նո-
րա, և ոչ ընկալար զնա ՚ի պատերազմի:

Անարգեցեր զսրբութիւն նորա, և
զաթոռ նորա յերկիր կործանեցեր:

Նուազ արարեր զաւուրս ժամանա-
կաց նորա, և հեղեր զնովաւ զամօթ:

Մինչեւ յերբ դարձուցանես զերեսս
քո խապառ . բորբոքեսցի որպէս հուր
բարկու թիւն քո :

Իսկ արդ յիշեալ և տես՝ թէ ուլ է իմ
հանգիստ . մի թէ ՚ի զո՞ւր ինչ ստեղ-
ծեր զամենայն որդիս մարդկան :

Ո՞վ է մարդ՝ որ կեցցէ և ոչ տեսցէ
զմահ , կամ փրկեսցէ զանձն իւր ՚ի
ձեռաց դժոխոց :

Ո՞ւր են ողորմու թիւնք քո տէր ա-
ռաջինք , զոր երդուար դաւ թի ճրչ
մարտու թեամբ քով :

Յիշեա զնախատինս ծառայի քոյ , զոր
ընկալայ ՚ի ծոց իմ յազգաց բազմաց :

Զոր նախատեցին թշնամիք քո տէր .
նախատեցին փոխանակ օծելոյ քոյ :

Օրհնեալ տէր աստուած յաւիտեանս
յաւիտենից . եղիցի եղիցի :

Տունք խը :

Կանոնս Գորգայս է : Սաղմոս ժգ : Տունք յխը :

ՕՐՀՆՈՒԹԻՒՆ ԵՍԱՅԵԱՅ ՈՐԴՒՈՅՆ ԱՄՈՎԱԾՅ

Եսայեայ գլ . իգ :

Ի գիշերաց կանխէ հոգի իմ առա-
ւօտ առնել առ քեզ աստուած :

Վասն զի լոյս են հրամանք քո ՚ի վե-
րայ երկրի . ուսարուք զարդարու-
թիւն բնակիչք երկրի :

Կարկեսցի ամբարիշտն , և այլ ոչ եւս
ուսցի առնել յերկրի զարդարու-
թիւն ճշմարտութեան :

Բարձցի ամբարիշտն յերկրէ , և մի
տեսցէ զփառս աստուծոյ :

Տէր բարձր ես և բազուկ քո հզօր ,
և նոքա ոչ գիտացին :

Ծանկցեն՝ ամաչեսցեն , և նախանձ
անկցի անխրատ ժողովրդեան . և
արդ հուր զթշնամիս քո կերկրցէ :

Տէր աստուած մեր՝ տուր մեզ զխա-
ղաղութիւն քո . զի ըստ ամենայն
գործոց մերոց հատուցաւ մեզ :

Տէր աստուած մեր՝ ստացիր զմեզ , զի
բաց ՚ի քէն զայլ ոք ոչ գիտեմք , և զա-

նուն քո անուանեմք զօրհանապազ :
Իսկ արդ մեռեալք զկենդանու թիւն
այլ ոչ տեսանիցեն . և ոչ բժշկիք
յարուցանիցեն :

Վասն այսորիկ աներ հարեր սատա-
կեցեր և ջնջեցեր զամենայն արու-
մանուկ նոցա :

Յաւել տէր զչար ՚ի վերայ չարի նո-
ցա . և ան զչար ՚ի վերայ անօրինաց
երկրի :

Տէր ՚ի նեղութեան յիշեցաք զքեզ .
զի փոքր մի նեղութիւն է խրատ քո
՚ի վերայ մեր :

Որպէս երկունք յղւոյ՝ զի հասեալ
իցէ ժամանակ ծննդեան , և առ ցա-
ւրս իւր ճշիցէ :

Այնպէս եղաք սիրելւոյ քում տէր ,
յահ և յերկիւղ քո յղացեալ երկնե-
ցաք , և ծնաք զհոգի փրկու թեան քո :

Ոչ եւս կործանեսցուք մեք , այլ կոր-
ծանեսցին անօրէնք երկրի :

Յարկցեն մեռեալք և կենդանացին
ամենեքեան , որք եղեալ են ՚ի դե-
րեզմանս :

Զարթիցեն ցնձացեն , և ուրախ ե-
ղիցին դադարեալք յերկրի :

Վասն զի ցօղդ որ ցօղէ ՚ի քէն , այդ
բժշկութիւն է նոցա . բայց երկիրն
ամբարշտեալ սատակեսցի :

Խոյս տուր ժողովուրդ իմ . գնա մուտ
՚ի շտեմարանս քո . և փակեա զդրու-
նըս քո առաջի երեսաց քոց :

Փախիր և թազիր առ ժամանակ մի ,
մինչեւ անցցէ բարկութիւն տեսառն :
Փառք հօր և որդւոյ և :

Մ Ա Ղ Թ Ա Ն Ք

Խաղաղութեանց տուող քրիստոս ,
զխաղաղութիւն և զերկնային ողոր-
մութիւն քո սլարդեւեա յարարա-
ծըս քո :

Մարդասէր տէր , վասն սրբուհւոյ
անարատի մօր քոյ և կուսի , և վասն

խաչի քո սլատուականի, ընկալ զազաչանս մեր, և կեցո զմեզ:

Քարոզ և աղօթք Նշանու և իբրև կանոնացն:

Վասն ՚ի վերուստ խաղաղութեան և փրկութեան անձանց մերոց զտէր աղաչեսցուք:

Տէր ողորմեա:

Վասն լսելի լինելոյ տեառն աստուծոյ ձայնի աղաչանաց մերոց, զտէր աղաչեսցուք:

Վասն քաւիչ և ներող լինելոյ աստուծոյ ՚ի վերայ մեղաց մերոց, ըզտէր աղաչեսցուք:

Վասն թողլոյ մեզ զամենայն յանցանս մեր զկամայ և զակամայ, ըզտէր աղաչեսցուք:

Վասն զի մի ընդ խոտանան գտանիցիմք յաւուրն սլատասխանատուութեան, զտէր աղաչեսցուք:

Վասն հոգւոցն հանգուցելոց՝ որք ճշմարիտ և ուղիղ հաւատով ՚ի քրիստոս ննջեցին. զտէր աղաչեսցուք:

Եւ եւս՝ միաբան վասն ճշմարիտ և սուրբ հաւատոյս մերոյ, զտէր ա:

Չանձինս մեր և զմիմեանս տեառն աստուծոյ ամենակալին յանձն արասցուք:

Քեզ տեառնդ յանձն եղիցուք:

Ողորմեաց մեզ տէր աստուած մեր ըստ մեծի ողորմութեան քում. ասասցուք ամենեքեան միաբանութեամբ:

Տէր ողորմեա. տէր ողորմեա. տէր ողորմեա:

ԱՂՕԹՔ

Տէր տուրնջեան և գոյացուցիչ գիշերոյ, որ արարեր զտիւ ՚ի զբօսանս բարեգործութեան ՚ի փրկութիւն անձանց մերոց, և զգիշեր ՚ի հանգիստ

քնոյ տկարացեալ բնութեան մերոյ: Իսկ այժմ զարթուցեալ բացեր ըզբերանս մեր յօրհնաբանութիւն՝ ահաւոր և փառաւորեալ անուանդ քում սրբոյ: Ընկալ և այժմ զաղաչանս մեր, և յաջողեա մեզ ուղիղ հաւատով և առաքինասէր վարուք ՚ինոյն սլաշտօն քո կանխել միշտ, և նովին կանոնիւս անդադար փառաւորել զհայր և զորդի և զսուրբ հոգին, այժմ և միշտ և յաւիտեանս յաւիտենից. ամէն:

Խաղաղութիւն ամենեցուն,
Աստուծոյ երկիրպագեսցուք:

Ձքեզ, որ յամենայնի գթած և մարդասէր տէրդ ես, աղաչեմք հանապազ, զի զօրացուսցես զմեզ օր ըստ օրէ կալ ՚ի կարգի կրօնաւորութեան մերում: Թեթեւացո տէր՝ զքաղցր լուծ քո՝ զոր եդեր ՚ի վերայ մեր. զի կարասցուք կալ ՚ի սլատուիրանի քում, և զհաճոյսն առնել առաջի քո յամենայն ժամ ՚ի տուէ և ՚ի գիշերի: Հրեշտակային երգակցութեամբ զքեզ օրհնել, զքեզ գովել, և քեզ գոհութիւն և փառս մատուցանել ամենազօր տէրութեանդ այժմ և միշտ և յաւիտեանս յաւիտենից. ամէն:

ՄԱՂԹԱՆՔ

Սաղմոսիւք և օրհնութեամբ և երգօք հոգեւորօք անդադար փառաւորեմք զհայր և զորդի և զսուրբ հոգիդ այժմ և միշտ և յաւիտեանս յաւիտենից. ամէն:

Օրհնեալ տէր մեր յիսուս քրիստոս. ամէն:

Հայր մեր որ յերկինս:



Գարեաշատոռսան և ցրուեցան ան-
նայն թշնամիք ևորս.



ՍԱՂՄՈՍ 2Թ.

Աղօթք Մովսէսի ասն աստուծոյ.

Տէր ապաւէն եղեր մեր ազգէ մինչեւ յազգ. մինչեւ լերինք հաստատեալ էին, և մինչեւ ստեղծեալ էիր զերկիր և զամենայն տիեզերս: Յաւիտենից մինչեւ յաւիտեանս դու ես. մի դարձուցաներ զմարդ 'ի տառապանս. և ասացեր, դարձարուք առ իս որդիք մարդկան:

Հազար ամ յաչս տեառն որպէս օր երեկի՛ զի էանց. որպէս պահ մի գիշերոյ, և ամք նոցա անարգութեամբ եղիցին:

Ընդ առաւօտս որպէս դալարի բուսցին, ընդ առաւօտս որպէս դալարի զուարճացին և ծաղկեցին. ընդ երեկոյս թարշամեցին՝ չորացին և անկցին:

Նուաղեցաք մեք 'ի բարկութենէ քումմէ, և 'ի սրտմտութենէ քումմէ խռովեցաք:

Եղեր զմեզս մեր առաջի քո, և ըզկեանս մեր 'ի լոյս երեսաց քոց:

Ամենայն աւուրք մեր նուաղեցան. և 'ի բարկութենէ քումմէ խռովեցաք:

Ժամանակ ամաց մերոց անդադար որպէս սարդի. և թիւ աւուրց ամաց մերոց 'ի նոսա եօթանասուն ամ:

Ապա թէ առաւել եւս՝ ութսուն ամ. և որ ինչ աւելի է քան զայն, ցաւօք և հեծութեամբ:

Եկն 'ի վերայ մեր հեծութիւն, և խրատեցաք. իսկ արդ ո՞ գիտացէ զզօրութիւն բարկութեան քո, և կամ յահէ քումմէ զսրտմտութիւն քո համարեսցի:

Այսպէս ցոյց ինձ զաջ քո. և որ խոնարհ են սրտիւք զիմաստութիւնս քո: Դարձ տէր՝ մինչեւ յերբ. մխիթարեաց 'ի ծառայս քո:

Լցաք առաւօտու ողորմութեամբ քով. ցնձացաք և ուրախ եղաք զամենայն աւուրս կենաց մերոց:

Ուրախ եղաք փոխանակ աւուրցն՝ յորս խոնարհ արարեր զմեզ, և ամացն՝ յորս տեսաք զչարչարանս: Հայեա տէր 'ի ծառայս քո և 'ի գործս ձեռաց քոց, և առաջնորդեա որդւոց նոցա. եղիցի լոյս տեառն աստուծոյ 'ի վերայ մեր:

Զգործս ձեռաց մերոց ուղիղ արա 'ի մեզ տէր. և զգործս ձեռաց մերոց յաջողեա մեզ:

Տունք Ժգ.

ՍԱՂՄՈՍ 2.

Օրմնոքիւն գովոքեան դառի:

Որ բնակեալն է յօգնութիւն բարձրելոյն, ընդ հովանեաւ աստուծոյ յերկինս հանգիցէ:

Ասացէ տեառն՝ ընդ ունող իմ ես,

ապաւէն իմ աստուած , և ես յուսամ 'ինա :

Նա փրկեցեղ զիս յորոգայթէ որտղին , և 'ի բանիցն 'ի խռովութենէ : Ի թիկնամէջս իւր ընկալցի զքեզ . 'ի հովանի թեւոց նորա յուսացիս : Որպէս զէն շուրջ եղիցի զքեւ ճըշմարտութիւն նորա :

Ոչ երկիցես դու յերկիւղէ գիշերի , և ոչ 'ինետէ՝ որ թռչի 'ի տուէ : Յիրէ որ շրջի 'ի խաւարի , 'ի գայթակղութենէ դիւին 'ի հասարակաւուր : Անկցին 'ի կողմանէ քումմէ հազարք , և բիւրք ընդ աջմէ քումմէ , և առքեզ ինչ ոչ մերձեցին :

Բայց միայն աչօք քովք հայեցիս դու , և զհատուցումն մեղաւորաց տեսցես , զի դու տէր յոյս իմ ես :

Զբարձրեալն արարեր քեզ ապաւէն . զի ոչ հասցեն առ քեզ չարք , և տանջանք մի մերձեցին 'ի յարկս քո : Հրեշտակաց իւրոց պատուիրեալ է վասն քո , 'ի պահել զքեզ յամենայն ճանապարհս քո :

Ի բազուկս իւրեանց ընկալցին զքեզ , զի մի երբէք հարցես զբարի զոտն քո : Ի վերայ ի թից և քարբից գնացես դու , և առ ոտն կոխեսցես զառիւծըն և զվիշապն :

Քանզի յիս յուսացաւ , և փրկեցից զնա . հովանի եղէց նմա , զի ծանեաւ զանուն իմ :

Կարգացե առ իս , և ես լուայց նըմա . և առ նմա եղէց 'ի նեղութեան :

Փրկեցից և փառաւոր արարից զնա . երկայն աւուրք լցուցից . և ցուցից նմա զփրկութիւն իմ :

Տունք թղ :

ՍԱՂՄՈՍ ԶԱ.

Սաղմոս օրհնութեան աշուր շարաքոց 'ի դաշիբ :

Բարի է խոստովան լինիլ տեառն , և սաղմոս ասել անուան քումբարձրեալ : Պատմել առաւօտու զողորմութիւնս

քո , և զճշմարտութիւնս քո 'ի գիշերի : Տասնաղեաւ սաղմոսարանաւ , 'ի ձայն օրհնութեան գովել :

Ուրախ արարեր զիս տէր յարարածս քո , և 'ի գործս ձեռաց քոց ցնծացայց : Ո՞րպէս զի մեծ են գործք քո տէր , և յոյժ խոր են խորհուրդք քո :

Այր անզգամ զայս ոչ ծանիցէ , և անմիտն զայս ոչ առնու 'ի միտ :

Ի բուսանիլ մեղաւորաց որպէս խոտ , 'ի ծաղկիլ այնոցիկ՝ ոյք գործեն զանօրէնութիւն :

Սատակեսցին յաւիտեանս յաւիտենից . և դու բարձրեալ ես յաւիտեանս տէր :

Զի ահա թշնամիք քո տէր , զի ահա թշնամիք քո կորիցեն . ցրուեսցին աւմենեքեան՝ ոյք գործեն զանօրէնութիւն :

Բարձր եղիցի որպէս միեղջերուի եղջիւր իմ , և ծերութիւն իմ 'ի ձէթ պարարտութեան :

Ետես ակն իմ 'ի թշնամիս իմ , ոյք յարուցեալ են 'ի վերայ իմ չարութեամբ , 'ի նոսա լուիցէ ունկն իմ :

Արդարքն որպէս զարմաւենիս ծաղկեսցին . որպէս զմայրսն լիբանանու բազումք եղիցին :

Տնկեալք եղիցին 'ի տան տեառն , և 'ի գաւթս աստուծոյ մերոյ ծաղկեսցին : Եւս և բազումք եղիցին 'ի ծերութիւն պարարտութեան . գիրգք և փափուկք եղիցին 'ի պատմել . ուղիղ է տէր աստուած մեր , և ոչ գոյ 'ի նմա անիրաւութիւն :

Տունք թղ : Գորգայս խղ :

ՍԱՂՄՈՍ ԶԲ.

Յաշուրն ստացին շարաքոց , յոր հաստատեցաւ երկիր . օրհնութիւն գովութեան դաշիբ :

Տէր թագաւորեաց վայելչութիւն զգեցաւ , զգեցաւ տէր զօրութիւն ընդ մէջ իւր էած :



Հաստատեաց զաշխարհ՝ զի մի՛ սա-
սանեսցի. պատրաստ է աթոռ քո,
'ի սկզբանէ յաւիտեանս դու ես:
Ամբարձան գետք տէր, և ամբարձին
գետք զձայն իւրեանց և յարիցեն
գետք 'ի գնացս իւրեանց:
Ի ձայնէ ջուրց բազմաց, սքանչելի ե-
ղեն զբօսանք ծովու:
Սքանչելի ես դու տէր 'ի բարձունս.
Վկայու թեանց քոց մեք յոյժ հաւա-
տացաք:
Տան քում վայելէ սրբութիւն տէր
ընդ երկայն աւուրս:
Տուք զ՝

Ս Ա Ղ Մ Ո Ս Ղ Գ .

Սաղմոս դառքի. չորեքշաբաթոս:

Աստուած վրէժխնդիր, տէր աստ-
ուած վրէժխնդիր յայտնեցար:
Բարձր լեր որ դատես զերկիր. հատո
զհատուցումն ամբարտաւանից:
Մինչեւ յերբ մեղաւորք տէր, մին-
չեւ յերբ մեղաւորք պարծեսցին:
Բարբառեալ խօսէին զանիրաւու-
թիւն. խօսեսցին ամենեքեան՝ ոյք
գործեն զանօրէնութիւն:
Չժողովուրդս քո տէր խոնարհ ա-
րարին, և զժառանգութիւն քո չար-
չարեցին:
Չայրին և զպանդուխտն սպանին,
զորբան կոտորեցին և ասացին, ոչ
տեսանէ զայս տէր, և ոչ 'ի միտ առ-
նու աստուած յակօբայ:
Իմացարուք անզգամք ժողովրդոց, և
անմիտք՝ մինչեւ յերբ ոչ առնուք 'ի
միտ:
Որպէս զի թէ որ տնկեաց զունկն՝
ինքն ոչ լուիցէ, կամ որ ստեղծ զա-
կըն՝ ինքն ոչ տեսանիցէ:
Որ խրատէ զաղինս, որպէս թէ ոչ
յանդիմանեսցէ. որ ուսուցանէ մար-
դոյ զգիտութիւն. տէր ճանաչէ ըզ-
խորհուրդս մարդկան, զի են ընդու-
նայնք:

Երանի մարդոյ՝ զոր խրատես դու տէր,
և յօրինաց քոց ուսուցանես դու նմա:
Յածուցանես դու նմա զաւուրս չա-
րութեան, մինչեւ փորեցի խորխո-
րատ մեղաւորի:
Ոչ մերժէ տէր զժողովուրդ իւր, և
զժառանգութիւն իւր ոչ առնէ
անտես:
Մինչեւ դարձցին իրաւունք յարդա-
րութիւն. ընկալցին զնա ամենեք-
եան ոյք ուղիղ են սրտիւք:
Ո՞վ յարիցէ ընդիս 'ի վերայ չարաց.
կամ ո՞վ հաւասարեսցի ինձ 'ի վերայ
այնոցիկ՝ ոյք գործեն զանօրէնութիւն:
Եթէ ոչ տեսան օգնեալ էր ինձ,
փոքր մի եւս բնակեալ էր անձն իմ
'ի դժոխս:
Թէ ասէի՝ թէ ահա սասանեցան ոտք
իմ, ողորմութիւն քո տէր օգնէր ինձ:
Ըստ բազում ցաւոց սրտի իմոյ՝ մխի-
թարութիւն քո ուրախ առնէր զան-
ձրն իմ:
Մի՛ հաւասարեսցի քեզ աթոռ ա-
նօրէնութեան, ո պատճառէ զվաս-
տակս ընդդէմ հրամանի:
Որսացին զանձն արդարոյ, և զարիւն
ամբիժ սարտաւոր առնէին:
Եղև տէր ապաւէն իմ. աստուած
օգնական յուսոյ իմոյ:
Հատուցէ նոցա տէր ըստ անօրէնու-
թեան նոցա. և ըստ չարութեան նոցա
կործանեսցէ զնոսա տէր աստուած մեր:
Տուք իա՛:

Ս Ա Ղ Մ Ո Ս Ղ Գ .

Օրննորքիան գովորեալն դառքի:

Եկայք ցնծացուք 'ի տէր. աղաղա-
կեսցուք առ աստուած փրկիչ մեր:
Կանխեսցուք առաջի նորա խոստո-
վանութեամբ. և սաղմոսիւք աղա-
ղակեսցուք առ նա:
Աստուած մե՞ծ է, տէր թագաւոր
մե՞ծ 'ի վերայ ամենայն երկրի:
Ի ձեռս նորա են ամենայն տիեզերք

Երկրի, և բարձրութիւնք լերանց նորա են:

Նորա է ծով և նա արար զնա, և զցամաք ձեռք նորա ստեղծին:

Եկայք երկիրպագցուք նմա, անկցուք և լացցուք առաջի տեառնաբարչին մերոյ:

Նա ինքն է տէր աստուած մեր. մեք ժողովուրդք ձեռին նորա, և խաշնարօտի նորա:

Այսօր եթէ ձայնի նորա լսիցէք, մի խստացուցանէք զսիրտս ձեր որպէս ՚ի դառնութեան:

Յաւուրն փորձութեան յանապատին՝ ուր փորձեցին զիս հարքն ձեր, քրննեցին զիս և տեսին զգործս իմ զքառասունն ամ:

Չանացի ընդ ազգին ընդ այնմիկ և ասացի՝ միշտ մոլորեալ են սրտիւք. և նորա ոչ ծանեան զձանապարհս իմ:

Որպէս երդուայ ՚ի բարկութեան ի մում թէ մտցեն ՚ի հանգիստ իմ:

Տունք ժառ Գորղայս ԼԵ:

ՍԱՂՄՈՍ ԶԵ

Սաղմոս դաշի. ՚ի ժառնանակի զի տաւարն շինեցաւ:

Օրհնեցէք՝ զտէր յօրհնութիւնն նոր, օրհնեցէք զտէր ամենայն երկիր:

Օրհնեցէք զտէր և օրհնեցէք զաւնուն նորս, աւետարանեցէք օր ըստ օրէ զիրկութիւնն նորա:

Պատմեցէք ՚ի հեթանոսս զփառս նորա, յամենայն ժողովուրդս զսքանչելիս նորա:

Մեծ է տէր և օրհնեալ է յոյժ, և հարկու է նա ՚ի վերայ ամենայն կռոց: Ամենայն կուռք հեթանոսաց դեւք են, սյլ տէր զերկինս արար:

Խոստովանութիւն և վայելչութիւն է առաջի նորա, սրբութիւն և մեծ վայելչութիւն ՚ի սրբութեան նորա:

Մատուցէք տեառն տոհմք ազանց,

մատուցէք տեառն զփառս և զպատիւ, մատուցէք տեառն զփառս անուան նորա:

Առէք պատարագս և մտէք ՚ի սրահս նորա, երկիրպագէք տեառն ՚ի դաւիթս սրբութեան նորա, և խոռվեցի յերեսաց նորա ամենայն երկիր: Ասացէք ՚ի հեթանոսս՝ թէ տէր թազաւորեաց, հաստատեաց զաշխարհ զի մի սասանեցի, և դատէ զժողովուրդս իւր ուղղութեամբ:

Ուրախ եղիցին երկինք՝ և ցնծացէ երկիր. զուարճացի ծով լրիւ իւրով. ցընծացեն դաշտք, և ամենայն որ է ՚ինոսա:

Յայնժամ ցնծացեն ամենայն ծառք անտառի յերեսաց տեառն՝ զի գայ, և գայ նա ՚ի դատել զերկիր:

Դատէ զտիեզերս իրաւամբք, և զժողովուրդս ամենայն ճշմարտութեամբ իւրով:

Տունք ժր:

ՍԱՂՄՈՍ ԶԶ

Սաղմոս դաշի. ՚ի ժառնանակի զի երկիրն հաստատեցաւ:

Տէր թագաւորեաց՝ ցնծացէ երկիր, ուրախ եղիցին կղզիք բազումք:

Ամպ և մեգ շուրջ են զնովաւ, յիւրաւունս և յարդարութիւնն ուղղեալ է աթոռ նորա:

Հուր առաջի նորա գնացէ, և այրեցէ շուրջ զթշնամիս նորա:

Երեւեցան փայլատակունք նորա տիեզերաց, ետես և սասանեցաւ երկիր:

Լերինք որպէս մում հալեցին յերեսաց տեառն, յերեսաց տեառն անմենայն երկիր:

Պատմեցեն երկինք զարդարութիւնն նորա, և տեսցեն ամենայն ժողովուրդք զփառս նորա:

Ամաչեցեն ամենեքեան որ երկիր պագանեն կռոց, և ոյք պարծին ՚ի դրօշեալս իւրեանց:

Երկիրպագցեն նմա ամենայն հրեշտակք նորա, զի լուաւ և ուրախ եղեւ սիօն, և ցնծասցեն դստերք յուդա վասն իրաւանց քոց տէր: Ձի դու բարձրեալ ես ՚ի վերայ ամենայն երկրի. յոյժ բարձրացար ՚ի վերայ ամենայն կռոց:

Ոյք սիրէք զտէր, ատեցէք զչարութիւն. պահէ տէր զանձինս սրբոց իւրոց, ՚ի ձեռաց մեղաւորի փրկեսցէ զնոսա:

Լոյս ծագեաց արդարոց, ուղղոց սրբտից եղեւ ուրախութիւն:

Ուրախ եղերուք արդարք ՚ի տէր, և խոստովան եղերուք յիշատակի սրբութեան նորա:

Տունք ժ:

ՍԱՂՄՈՍ ԶԷ.

Սաղմոս դաշի օրննոքեան:

Օրհնեցէք զտէր յօրհնութիւն նոր, զի սքանչելիս արար:

Փրկեաց զնա աջ իւր, և բազուկ սուրբ իւր:

Եցոյց տէր զփրկութիւն իւր, առ աջի ազգաց յայտնեաց զարդարութիւն իւր:

Յիշեաց ողորմութեամբ իւրով զյակոբ, ճշմարտութեամբ իւրով զտունն իսրայելի, և տեսին ամենայն ծագք երկրի զփրկութիւն աստուծոյ մերոյ:

Ազաղակեցէք առ տէր ամենայն երկիր, օրհնեցէք ցնծացէք և սաղմոս ասացէք:

Սաղմոս ասացէք աստուծոյ մերոյ օրհնութեամբ, օրհնութեամբ եւ ՚ի ձայն սաղմոսաց:

Ի ձայն օրհնութեան կռածոյ փողոյ, օրհնութեամբ ցնծութեամբ և ՚ի ձայն եղջեր փողոյ, ազաղակեցէք առ աջի թագաւորին տեառն:

Խառնեցցի ծով լրիւ իւրով, տիեզերք և ամենայն բնակիչք նորա, և գետք ծափա հարցեն ՚ի միասին ձեռամբ: Լերինք ցնծասցեն առ աջի տեառն,

զի գայ զի հասեալէ տէր ՚ի դատել զերկիր:

Դատէ զաշխարհս արդարութեամբ, և զժողովուրդս իւր ուղղութեամբ:

Տունք ժ: Գորդայս ԼԳ:

ՍԱՂՄՈՍ ԶԸ.

Սաղմոս դաշի:

Տէր թագաւորեաց, բարկացան ժողովուրդք, որ նստիս ՚ի քրովէս, սասանեցաւ երկիր:

Տէր ՚ի սիօն մեծ է և բարձր է ՚ի վերայ ամենայն ժողովրդոց:

Խոստովան եղիցուք անուան քում մեծի, զի ահաւոր և սուրբ է, և պատիւ թագաւորի զիրաւունս սիրէ: Դու պատրաստեցեր զուղղութիւն, զիրաւունս և զարդարութիւն յակոբայ դու արարեր:

Բարձր արարէք զտէր աստուած մեր. երկիրպագէք պատուանդանի ոտից նորա զի սուրբ է:

Մովսէս և ահարօն երիցունք նորա. սամուէլ ընդ այնոսիկ, ոյք կարգան զանուն նորա:

Կարդային առ տէր և նա լէր նոցա, և ՚ի սիւն ամպոյ խօսէր ընդ նոսա: Պահէին զվկայութիւն նորա և զհրամանս զոր ետ նոցա:

Տէր աստուած մեր՝ դու լէիր նոցա, աստուած՝ դու քաւիչ լինէիր նոցա, և վրէժխնդիր ՚ի վերայ ամենայն գործոց նոցա:

Բարձր արարէք զտէր աստուած մեր. երկիրպագէք ՚ի լեառն սուրբ նորա, զի սուրբ է տէր աստուած մեր:

Տունք ժ:

ՍԱՂՄՈՍ ԶԹ.

Սաղմոս խոստովանութեան դաշի:

Ազաղակեցէք առ տէր ամենայն երկիր, ծառայեցէք տեառն ուրախութեամբ:

Մտէք առաջի նորա ցնծութեամբ ,
 ծաներուք զինաէ տէր աստուած մեր :
 Նա արար զմեզ , և ոչ մէք էաք . մէք
 ժողովուրդք և խաշն արօտի նորա :
 Մտէք ընդ դրունս նորա խոստովա
 նութեամբ , և օրհնութեամբ 'ի
 յարկս նորա :
 Խոստովան եղերուք տեառն , և օրհ
 նեցէք զանուն նորա :
 Քաղցր է տէր , յաւիտեան է ողոր
 մութիւն նորա . ազգէ մինչեւ յազգ
 է ճշմարտութիւն նորա :

Տունք 2 :

ՍԱՂՄՈՍ Ժ .

Սաղմոս դարի :

Յողորմութիւն և յիրաւունս օրհ
 նեցից զքեզ տէր . սաղմոս ասացից
 և 'ի միտ առից :
 Ճանապարհ ամբիծ մինչեւ եկեսցէ
 առիս . զի գնայի ես ամբծութեան
 սրտի իմոյ 'ի մէջ տան իմոյ :
 Աչ եղի առաջի աչաց իմոց զերս ա
 նիրաւութեան , ոյք առնէին զանօ
 րէնութիւն , ատեցի :
 Աչ մերձեցաւ առիս որ թիւրն էր
 սրտիւ . խոտորեալ յինէն անզգա
 մին , և ես ինչ ոչ փոյթ առնէի :
 Ար խօսէր գաղտ զընկերէ իւրմէ ,
 զնա բացէ 'ի բաց հալածէի :
 Ար ամբարտաւան էր աչօք և ազահ
 սրտիւ , ընդ նմա և հաց ոչ ուտէի :
 Աչք իմ 'ի հաւատացեալս երկրի , զի
 նստցին նոքա ընդ իս :
 Ար գնայր 'ի ճանապարհ ամբիծ , նա
 պաշտէր զիս :
 Աչ բնակէր 'ի մէջ տան իմոյ՝ որ առ
 նէր զամբարտաւանութիւն , որ խօ
 սէր զանիրաւութիւն , չէր յաջողեալ
 նմա առաջի աչաց իմոց :
 Ընդ առաւօտս սպանանէի զամենայն
 մեղաւորս երկրի . զի սատակեցից 'ի
 քաղաքի տեառն զամենեսեան՝ ոյք
 գործեն զանօրէնութիւն :

Տունք 4 : Գորշայս իզ :

ՍԱՂՄՈՍ ԺԱ .

Աղօթք ոչրկի . իբրեւ ձանձրասցի՝ առաջի տեա
 ւրն սփռեցէ զխնդրուածս իւր :

Տէր՝ լուր աղօթից իմոց , աղաղակ
 իմ առ քեզ եկեսցէ , և մի՛ դար
 ձուցաներ զերեսս քո յինէն :
 Յաւուր նեղութեան իմոյ խոնար
 հեցո առ իս զունկն քո . յորում ա
 ւուր կարդամ առ քեզ , վաղվաղա
 կի լուր ինձ :

Սպառեցան որպէս ծուխ աւուրք իմ ,
 և ոսկերք իմ որպէս խռիւ չորացան :
 Հարայ ես որպէս խոտ՝ և ցամաքե
 ցաւ սիրտ իմ . մոռացայ ուտել ըզ
 հաց իմ 'ի ձայնէ հեծութեան իմոյ :
 Ացեցաւ ոսկր իմ 'ի մարմին իմ . նմա
 նեցայ ես հաւալասան անապատի :

Եղէ ես որպէս բույաւերակի , տըք
 նեցայ և եղէ ես որպէս ճնձղուկ
 միայն 'ի տանիս :

Նախատեցին զիս թշնամիք իմ զօրհա
 նապազ , և գովիչք իմ ինեւ երդնութիւն :
 Զմոխիր որպէս զհաց կերի , և զըմ
 պելին իմ արտասուօք խառնեցի :
 Յերեսաց բարկութեան սրտմտու
 թեան քո , զի դու բարձրացուցեր
 և խոնարհեցուցեր զիս :

Աւուրք իմ որպէս հովանի անցին ,
 և ես որպէս խոտ ցամաքեցայ :
 Դու տէր յաւիտեան կաս , և յիշա
 տակ քո ազգէ մինչեւ յազգ :

Դու յարուցեալ գթասցիս 'ի վերայ
 սիօնի , ժամանակ գթալոյ նորա հա
 սեալ է ժամ :

Հաճեցան ծառայք քո ընդ քարինս
 նորա , և 'ի հողս նորա գթասցին :

Երկիցեն հեթանոսք յանուանէ քում
 մէ , և ամենայն թագաւորք երկրի
 'ի փառաց քոց :

Շինէ տէր զսիօն , և երեւեսցի փա
 ռօք իւրովք 'ի նմա :

Հայեցաւ նա յաղօթս խոնարհաց , և ոչ
 արհամարհեաց զխնդրուածս նոցա :

Գրեցցի այս յազգ յայլ, ժողովուրդ զոր ստացեալ է, օրհնեցէ զտէր: Հայեցաւ նա 'ի բարձանց 'ի սրբութենէ իւրմէ, տէր յերկնից յերկիր հայեցաւ:

Լսել զհեծութիւն կապելոց, և արձակել զօրդիս մահապարտաց:

Պատմել 'ի սիօն զանուն տեառն, և զօրհնութիւնս նորա յերուսաղէմ:

Ժողովիլ ժողովրդոց 'ի միասին, և թագաւորաց ծառայել տեառն:

Պատասխանի ետ նմա 'ի ճանապարհի զօրութեան իւրոյ. զնուազութիւն աւուրց իմոց ասա ինձ, և մի' հաներ զիս 'ի կէս աւուրց իմոց. զի ազգէ յազգ են ամք քո:

Ի սկզբանէ տէր զհիմունս 'երկրի հաստատեցեր, և գործք ձեռաց քոց երկինք են:

Նորա անցանեն, և դու կաս և մնաս յաւիտեան:

Ամենեքեան որպէս զձորձս մաշեցին, և որպէս զվերարկուս փոխեցես զնոսա, և փոխեցին:

Բայց նոյն ինքնես, և ամք քո ոչ անցանեն. որդիք ծառայից քոց բնակեցին 'ի նմա, և զաւակի նոցա յաւիտեան յաջողեցի:

Տունք իդ

ՍԱՂՄՈՍ ԾԲ.

Սաղմոս դարթի:

Օրհնեա անձն իմ զտէր, և ամենայն ոսկերք իմ զանուն սուրբ նորա:

Օրհնեա անձն իմ զտէր, և մի' մոռանար զամենայն տուրս նորա:

Ոքաւէ զմեզս քո, բժշկէ զամենայն հիւանդութիւնս քո:

Ո փրկէ յապականութենէ զկեանս քո, պսակէ զքեզ ողորմութեամբ և զթութեամբ:

Ո ընու 'ի բարութենէ զցանկութիւն քո, նորոգեցի որպէս արծւոյ մանկութիւն քո:

Առնէ ողորմութիւնս տէր, և իրաւունս ամենայն զրկելոց:

Եցոյց տէր զճանապարհս իւր մովսէսի, և որդւոցն իսրայէլի զկամս իւր:

Գթած ողորմած է տէր, երկայնամիտ և բազումողորմ:

Ոչ իսպառ բարկանայ մեզ տէր, և ոչ յաւիտեան պահէ ոխս:

Ոչ ըստ մեղաց մերոց արար մեզ տէր, և ոչ ըստ անօրէնութեան մերում հատոյց մեզ:

Այլ որպէս բարձր են երկինք յերկրէ, այնպէս զօրացոյց տէր զողորմութիւն իւր 'ի վերայ երկիւղածաց իւրոց:

Որչափ հեռի են արեւելք յարեւմլ տից, այնչափ հեռի արար 'ի մէնջ զանօրէնութիւնս մեր:

Որպէս գթայ հայր 'ի վերայ որդւոց իւրոց, այնպէս գթացցի տէր յերկիւղածս իւր:

Զի նա գիտաց զստեղծուածս մեր, և յիշեաց թէ հող եմք:

Մարդոյ որպէս խոտոյ են աւուրք իւր. որպէս ծաղիկ վայրի այնպէս ծաղկի:

Շնչէ 'ի նմա հողմ, և ոչ է՝ և ոչ եւս երեւի տեղի նորա:

Բայց ողորմութիւն տեառն մնայ յաւիտեանս յաւիտենից 'ի վերայ երկիւղածաց իւրոց, և արգարութիւն նորա յորդւոց մինչեւ յորդիս:

Ոյք պահեն զուխտս նորա, յիշեն զպատուիրանս նորա և առնեն զնա:

Տէր յերկինս պատրաստեաց զաթոռ իւր, արքայութիւն նորա ամենեցուն տիրէ:

Օրհնեցէք զտէր ամենայն հրեշտակք նորա՝ հզօրք զօրութեամբ ոյք առնէք զբան նորա 'ի լսել ձայնի պատգամաց նորա:

Օրհնեցէք զտէր ամենայն զօրութիւնք նորա, պաշտօնեայք և արարողք կամաց նորա:

Օրհնեցէք զտէր ամենայն գործք նո

րա, զի ընդ ամենայն տեղիս է տե-
րութիւն նորա, օրհնեա անձն իմ
զտէր:

Տունք իր: Գորգայս խը:

ՍԱՂՄՈՍ ԺԳ.

Սաղմոս դաշրի. ՚ի վերայ աշխարհագործ
արարածոց:

Օրհնեա անձն իմ զտէր, տէր աստ-
ուած իմ մեծ եղեր յոյժ:

Խոստովանութիւն և մեծ վայելչու-
թիւն զգեցար, արկեալ զլոյս որ
պէս զօթոց, ձգեցեր զերկինս որ-
պէս զխորան, և արկեր ՚ի վերայ
ջուրոց զվերնայարկս նորա:

Ողնէ յամպս զգնացս իւր, և շրջի
նա ՚ի վերայ թեւոց հողմոց:

Որար զհրեշտակս իւր հոգիս, և
զպաշտօնեայս իւր ՚ի հուր կիզելոյ:
Հաստատեաց զերկիր ՚ի վերայ հաս-
տատութեան իւրոյ, զի մի սասա-
նեսցի յաւիտեան:

Խորք որպէս զգետ վերարկու է նո-
րա, ՚ի վերայ լերանց կացցեն ջուրք:

Ի սաստէ քումմէ փախիցեն, և ՚ի
ձայնէ որոտալոյ քումմէ սարսիցեն:

Ելանեն լեռնանան և իջանեն գաշ-
տանան, ՚ի տեղի յոր հաստատեցեր
զնոսա:

Սահման եղեր՝ և ոչ անցանեն, և
ոչ եւս դառնան ՚ի ծածկել զերկիր:

Առաքեցեր զաղբ իւրս ընդ ծործորս.
՚ի միջոյ լերանց գնասցեն ջուրք:

Արբուցանել զամենայն գազանս վայ-
րի. յադեսցին ցիւք ՚ի ծարաւս իւր-
եանց:

Անդ թռչունք երկնից բոյնս դիցեն,
և ՚ի միջոյ վիմաց տացեն զձայնս իւր-
եանց:

Արբուցանէ զերինս ՚ի շտեմարանաց
իւրոց, ՚ի պտղոյ գործոց իւրոց լցցի
երկիր:

Քուսուցեր զխոտ ՚ի լերինս, զգա-

լարի ՚ի ծառայութիւն մարդկան:
Հաներ զհաց յերկրէ, զինի ուրախ
առնէ՝ իւր զուարթ, և հաց հաս-
տատէ զսիրտ մարդոյ:

Յադեսցին ծառքն անտառի, և մայր-
քն լիբանանու՝ զորս գու տնկեցեր:
Անդ թռչունք երկնից ձագս հան-
ցեն, և բոյն արագ լի ապաւէն է
նոցա:

Լերինք բարձունք են եղջերուաց,
և վէճք ապաւէնք նապաստակոց:
Արարեր զլուսին վասն ժամանակի,
արեգակն ծանեալ զժամ մտանելոյ
իւրոյ:

Արարեր զխաւար՝ և եղեւ գիշեր.
՚ի նմա գնան ամենայն գազանք ան-
տառի:

Կորիւնք առիւծուց մանչեն և յա-
փրշտակեն, և խնդրեն յաստուծոյ
զկերակուրս իւրեանց:

Ի ծագել արեւու ժողովին, և ՚ի
մօրիս իւրեանց դադարին:

Ելանէ մարդ ՚ի գործս իւր. և ՚ի
վաստակս ձեռաց իւրոց մինչեւ
յերեկոյ:

Որպէս զի մեծ են գործք քո տէր.
զամենայն ինչ իմաստութեամբ ա-
րարեր, և լցաւ երկիր ստեղծուա-
ծովք քովք:

Այս ծով մեծ և անդորր. ՚ի սմա են
սողունք՝ որոց ոչ գոյ թիւ, գա-
զանք մեծամեծք և մանունք. ՚ի սմա
և նաւք գնան. վիշապն զոր ստեղ-
ծեր խաղալ նովաւ:

Ամենեքեան քեզ սպասեն, և գու-
տաս զկերակուր նոցա ՚ի ժամու:

Տաս գու նոցա՝ և կերակրին. բա-
նաս զձեռն քո, և կերակրես զամե-
նեսեան կամօք քովք:

Գարձուցանես զերեսս քո ՚ի նոցանէ՝
և խռովին, հանես զողի ՚ի նոցանէ,
պակասին և ՚ի հող դառնան:

Առաքես զողի քո և ստանաս զնո-
սա, և նորոգես զերեսս երկրի:



Եղիցին փառք տեառն յաւիտեան ,
և տէր ուրախ եղիցի յարարածս իւր :
Ոհայի յերկիր , և տայ գողալ սմա ,
մերձեցի ՚ի լերինս , և ծխեցցին :
Օրհնեցից զտէր ՚ի կեանս իմ . սաղ-
մոս ասացից աստուծոյ իմոյ մինչեւ
եմ ես :

Քաղցր եղիցի նմա օրհնութիւն իմ ,
և ես ուրախ եղէց ՚ի տէր :
Պահասեցցին մեղաւորք յերկրէ , և
ամբարիշտք մի եւս գացին ՚ի նմա ,
օրհնեա անձն իմ զտէր :

ՏՈՒՔ 17 :

ՍԱՂՄՈՍ ԸԴ

Արեւոյս :

Խոստովան եղերուք տեառն՝ և կար-
գացէք զանուն նորա , և պատմե-
ցէք ՚ի հեթանոսս զգործս նորա :
Օրհնեցէք և սաղմոս ասացէք նմա .
պատմեցէք զամենայն սքանչելիս նորա ,
և գովեցարուք յանուն սուրբ նորա :
Ուրախ եղիցին սիրտք այնոցիկ՝ ոյք
խնդրեն զտէր . խնդրեցէք զտէր՝ և
հզօրք եղերուք . և խնդրեցէք զերեսս
նորա յամենայն ժամ :

Յիշեցէք զսքանչելիս նորա զորս ա-
րար , զարուեստս և զիրաւունս բե-
րանոյ նորա :

Զաւակք արահա՛մեան ծառայք նո-
րա , որդիք յակօբայ ընտրեալք նորա :
Նա ինքն է տէր աստուած մեր . յա-
մենայն երկրի են իրաւունք նորա :
Յիշեաց յաւիտենից զուխտ իւր , և
զբանն՝ զոր պատուիրեաց մինչ ՚ի
հաղար ամ :

Զուխտն զոր եդ ընդ արահամու ,
և զերգու՛մն իւր ընդ սահակայ :
Հաստատեաց առ յակօբ զհրաման
իւր , և առ իսրայէլ զուխտ իւր
յաւիտենից :

Ասէ՛ ձեզ տաց զերկիրն քանանու ,
զիլիճակ ժառանգութեան ձերոյ :
Զի էին նոքա թուով սակաւք նը-
ւազք և պանդուխտք ՚ի նմա :

Անկցին նոքա ազգէ յազգ , ՚ի թագա-
ւորութենէ ՚ի ժողովուրդ յայլ :
Ոչ եթող մարդկան մեղանչել նոցա ,
և կշտամբեաց զթագաւորս վասն
նոցա :

Մի մերձենայք ասէ՛ յօժեալս իմ , և
՚ի մարդարէս իմ մի մեղանչէք :
Կոչեաց սով յերկիր նոցա , և զամե-
նայն զօրութիւն հացի եբեկ :

Առաքեաց առաջի նոցա այր , ՚ի ծա-
ռայութիւն վաճառեցաւ յովսէփ :
Խոնարհ արարին ՚ի կապանս զոտս նո-
րա , և էանց ընդ երկաթ անձն նորա :
Մինչեւ եկեացէ բան նորա , և բան
տեառն փորձեաց զնա :

Առաքեաց թագաւորն և ելոյժ զնա ,
իշխան ժողովրդեան եթող զնա :
Կացոյց զնա տէր տան իւրոյ , իշ-
խան ՚ի վերայ ամենայն ստացուածոց
իւրոց :

Խրատել զիշխանս նոցա որպէս զինքն ,
և զծերս նոցա իմաստունս արասցէ :
Եմուտ իսրայէլ յեգիպտոս , և յա-
կօբ պանդխտեցաւ յերկիր քամայ :
Աճեցոյց զժողովուրդ իւր յոյժ , և
զօրացոյց զնոսա քան զթշնամիս իւր :
Դարձոյց զսիրտս նոցա ատել զժողո-
վուրդ իւր , և ՚ի նենդել զճառայս
իւր :

Առաքեաց զմովսէս ծառայ իւր , և
զահարօն ընտրեալ իւր :

Ետ նոցա զբան նշանաց իւրոց , և
զարուեստս իւր յերկիր քամայ :

Առաքեաց զխաւար և իսաւարեցոյց
զնոսա , զի դառնացուցին զբան նորա :
Դարձոյց յարիւն զգետս նոցա , և
սպան զամենայն ձկունս նոցա :

Եռաց յերկիր նոցա գորտ , և ՚ի շտե-
մարանս թագաւորաց նոցա :

Ասաց՝ և եկն շանաճանձ և մթիխ ընդ
ամենայն սահմանս նոցա :

Դարձոյց զանձրեւս նոցա ՚ի կարկուտ ,
և հուր յերկիր նոցա բորբոքեցաւ :

Եհար զայգիս և զթղենիս նոցա , և

փշրեաց զամենայն ծառս սահմանաց նոցա :

Ասաց՝ և եկն մարախ, և խառնիճ զինչ գոյր նոցա թիւ :

Եկեր զամենայն խոտ երկրի նոցա, և սպառեաց զամենայն պտուղ ան գոյ նոցա :

Եհար զամենայն անդրանիկս եգիպտացւոց, զսկիզբն ամենայն վաստակոց նոցա :

Եհան զնոսա ոսկւով և արծաթով, և ոչ գոյր յազգի նոցա հիւանդ :

Ուրախ եղեւ եգիպտոս ընդ ելանել նոցա, զի անկաւ ահ տեառն ՚ի վերայ նոցա :

Սիռեաց ամս՝ հովանի առնել նոցա ՚ի տուէ, և հրով լոյս տայր նոցա ՚ի գիշերի :

Խնդրեցին՝ և եկն լորամարգի, և հացիւ երկնից լցոյց զնոսա :

Եհար զվէմն՝ և բղխեցին ջուրք, և գնացին գետք ընդ անջրդիս :

Յիշեաց զբան իւր սուրբ, որ ընդ աբրահամու ծառայի իւրոյ :

Եհան զժողովուրդ իւր ցնծութեամբ, և զընտրեալս իւր ուրախութեամբ :

Ետ նոցա զգաւառս հեթանոսաց, ՚ի վաստակս ժողովրդոց ժառանգեցոյց զնոսա :

Զի պահեսցեն զվկայութիւնս նորա, և զօրէնս նորա խնդրեսցեն :

Տունք խոյ գորղայս հը :

ՍԱՂՄՈՍ ԺԵ

Ալեյուիա :

Խոստովան եղերուք տեառն՝ զի քաղցր է. զի յաւիտեան է ուղորմութիւն նորա :

Ո՞ խօսեսցի զզօրութիւնս տեառն, լսելի արասցէ զամենայն օրհնութիւնս նորա :

Երանի ոյք պահեն զիրաւունս, և առ-

նեն զարդարութիւն յամենայն ժամ : Յիշեա զմեզ տէր ընդ հաճոյս ժողովրդեան քոյ, և այց արա մեզ ՚ի փրկութեան քում :

Տեսցուք մեք զքաղցրութիւն ընտրելոց քոց. ուրախ եղիցուք մեք յուրախութիւն ազգի քոյ, և գովեսցուք մեք ՚ի ժառանգութեան քում :

Մեղաք մեք ընդ հարսն մեր, անօրինեցաք և յանցեաք :

Հարբն մեր յեգիպտոս ոչ իմացան զըսքանչելիս քո, և ոչ յիշեցին զբազում ողորմութիւնս քո :

Բարկացուցին զքեզ յանցանելն իւրեանց ընդ ծով կարմիր. փրկեաց ըզնոսա վասն անուան իւրոյ, զի ծանիցեն զզօրութիւնս նորա :

Սաստեաց ՚ի ծով կարմիր՝ և ցամաքեցաւ. առաջնորդեաց նոցա ընդ անդունդս որպէս ընդ անապատս :

Կեցոյց զնոսա ՚ի ձեռաց ատելեաց նոցա, և փրկեաց զնոսա ՚ի ձեռաց թըշնամեաց նոցա :

Ծածկեաց ծով զնեղիչս նոյա, և մի ՚ի նոցանէ ոչ ապրեցաւ :

Հաւատացին բանի նորա, և օրհնեցին զօրհնութիւնս նորա :

Վաղվաղեցին և մոռացան զգործս նորա, և ոչ անսացին խորհրդոց նորա :

Յանկացան զցանկութիւն յանապատի, և փորձեցին զաստուած յանջրդիս :

Ետ նոցա զխնդրուածս նոցա. առաքեաց զփութիւն յանձինս նոցա :

Բարկացուցին զմովսէս ՚ի բանակի, և զահարօն սուրբ տեառն :

Բացաւ երկիր և եկուլ զդադան, և ծածկեաց զբանակսն զաբիրօնի :

Հուր վառեցաւ ՚ի ժողովս նոցա, և բոց մաշեաց զմեղաւորս :

Արարին զօրթն ՚ի քորեբ, և երկիրպագին սպառկերի, և փոխեցին զփառս իւրեանց ՚ի նմանութիւն օրթու խոտակերի :

Մոռացան զաստուած կենարարն իւր :



եանց, որ արար զմեծամեծս իւր յեզիպտոս, և զսքանչելիս իւր յերկիր քամայ, և զահիւր ՚ի վերայ կարմիր ծովուն : Ասաց սատակել զնոսա, եթէ ոչ մովսէս ընտրեալն կայր առաջինոցա : Դարձաւ առ տէր և անցոյց զբարկութիւննորա, զի մի սատակեսցին նոքա : Անարգեցին զերկիրն ցանկալի, և ոչ հաւատացին բանի նորա : Տրտնջեցին ՚ի բանակս իւրեանց, և ոչ լուան ձայնի տեառն : Համբարձ զձեռն իւր ՚ի վերայ նոցա, հարկանել զնոսա յանապատի : Յրուեսցի զաւակ նոցա ընդ հեթաւնոսս, ցրուեսցի զաւակ նոցա ընդ գաւառս : Պղծեցան նոքա ՚ի փելփեգովր, զի կերին զզոհեալ և զմեռելոտի : Բարկացուցին զնա ՚ի գործս իւրեանց, և յաճախեաց ՚ի վերայ նոցա բեկումն : Ապա եկաց ՚ի մէջ փեռնեհէս, քաւեաց և արգելաւ մահ : Համարեցաւ նմա յարդարութիւն ազգէ յազգ մինչեւ յաւիտեան : Բարկացուցին զնա ՚ի վերայ ջուրցն հակառակութեան . չարչարեցաւ մովսէս վասն նոցա, զի դառնացուցին զոգի նորա : Հրամայեաց չրթամբք իւրովք, և ոչ սատակեցին զազգսն՝ զոր ասաց նոցա տէր : Խառնակեցան ընդ հեթանոսս, և ուսան զգործս նոցա . ծառայեցին կռոց նոցա, և եղեւ նոցա ՚ի գայթակղութիւն : Զոհեցին զուստերս և զգաստերս իւրեանց դիւաց, և հեղին զարիւն ամբիծ : Արիւն ուստերաց և գաստերաց իւրեանց՝ զոր զոհեցին կռոցն քանանու : Շաղախեցաւ երկիր յարենէ նոցա, և պղծեցաւ ՚ի գործոց նոցա, զի պռռնկեցան ՚ի գնացս իւրեանց : Բարկացաւ սրտմտութեամբ տէր ՚ի վերայ ժողովրդեան իւրոյ, և գար

չեցոյց զժառանգութիւն իւր յոյժ : Մատնեաց զնոսա ՚ի ձեռս հեթանոսաց . տիրեցին նոցա ատելիք իւրեանց, և թշնամիք իւրեանց նեղեցին զնոսա, և խոնարհ եղեն ՚ի ներքոյ ձեռաց նոցա : Բազում անգամ փրկեաց զնոսա, և նոքա դառնացուցին զնա ՚ի խորհուրդ իւրեանց, և կորացան յանօրէնութեան իւրեանց : Հայեցաւ տէր ՚ի նեղութիւնս նոցա, ՚ի լսել ձայնի աղօթից նոցա : Յիշեաց զուխտ իւր, և զղջացաւ ըստ բազում ողորմութեան իւրում . և ետ զնոսա ՚ի գթութիւնս առաջիա մենայն գերչաց նոցա : Փրկեա զմեզ տէր աստուած մեր, և ժողովեա զմեզ ՚ի հեթանոսաց : Խոստովան եղիցուք անուան քում սրբոյ, և սպարծեսցուք յօրհնութիւն իւրս քո : Օրհնեալ տէր աստուած իսրայելի, յաւիտեանս յաւիտենից : Եւ ասացէ ամենայն ժողովուրդն . եղիցի եղիցի :
Տունք խոյ :
Կանոնս Գորղայս Է : Սաղմոս ԺԷ : Տունք յԺԳ :

ԱՂՈՐԲ ԵՋԵԿԻԱՅԻ ԱՐԲԱՅԻ ՀՐԵԱՍՏԱՆԻ Ի ԺԱՄԱՆԱԿԻ ՅՈՐՈՒՄ ՀԻՒԱՆԴԱՅԱԻ . ԵՒ ՅԱՐԵԱՒ Ի ՀԻՒԱՆԴՈՒԹԵՆԷ ԻՌՄԷ .
Եսայեայ ԼԷ :

Ես ասացի ՚ի վերանալ յինէն աւուրց իմոց, թէ գնացի ես ՚ի դրունս գժոխոց : Թողի գամենայն յետին իմ, և ասացի թէ այլ ոչ եւս տեսից զփրկութիւն տեառն յերկրին կենդանեաց, և ոչ եւս տեսից զմարդ բնակչօք իւրովք հանդերձ : Պակասեցայ ես յազգատոհմէ իմմէ . այսուհետեւ թողի լքի զգամենայն զկեանս իմ : Եւ գնաց մեկնեցաւ յինէն հոգի իմ



որպէս զայն՝ որ քակէ տաղաւար . և
եղէ ես որպէս զոստայն սատարաց
մերձ 'ի հտտանիլ :

Յաւուր յայնմիկ մատնեցայ ես յա-
ռաւօտէ որպէս 'ի ձեռս առիւծու .
այնպէս խորտակեաց մանրեաց զոս-
կերս իմ , զի յառաւօտէ մինչ 'ի գի-
շեր մատնեցայ :

Որպէս ծիծառն՝ այնպէս ճշեցի , որ-
պէս զաղաւնի՝ այնպէս մնչեցի , զի
նուաղեցան աչք իմ 'ի տեսանելոյ :

Հայեցայ 'ի բարձունս առ տէր աստ-
ուած իմ՝ որ վրկեաց զիս , և փարա-
տեցոյց յինէն զցաւս անձին իմոյ :

Տէր , վասն այսորիկ սպտմեցաւ քեզ՝
զարթուցեր զանձն իմ , դարձուցեր
զհոգի իմ . մխիթարեցայ և կեցի :

Ահա 'ի խաղաղութիւն դարձաւ
դառնութիւն իմ . վրկեցեր զանձն
իմ , զի մի կորեայց . և ընկեցեր յե-
տոյ զամենայն զմեզս իմ :

Ձի ոչ թէ որք 'ի դժոխս են՝ խոստո-
վան առնին առ քեզ . և ոչ մեռեալք
օրհնեցեն զքեզ . և ոչ յուսասցին
'ի ճշմարտութիւնս քո ամենեքեան ,
ոյք իջանեն 'ի դժոխս :

Այլ կենդանիքս օրհնեցուք զքեզ
տէր . որպէս և ես այսուհետեւ
մանկունս ծնայց , որք սպտմեցեն
զարդարութիւնս քո՝ տէր վրկու-
թեան իմոյ :

Ես ոչ եւս զաղարեցայց օրհնել ըզ-
քեզ յօրհնութիւն նոր զամենայն
աւուրս կենաց իմոց յանդիման տա-
ճարիդ աստուծոյ :

Փառք հօր և որդւոյ և :

ՄԱՂԹԱՆՔ

Յոյս կենդանութեան , յոյս և ապա-
ւէն վրկութեան տէր յիսուս վրբ-
կիչ , վրկեա և փարատեցո զցաւս
անձին իմոյ : Մարդասէր տէր , վասն
սրբուհւոյ անարատի մօր քոյ և կու-

սի , և վասն խաչի քոյ սպտուականի ,
տէր , ընկալ զաղաչանս մեր , և կե-
ցո զմեզ :

Քարոզ և աղօթք երկնի և Տէր ողորմեա և կանոնացն :

Վասն 'ի գիշերի և 'ի տուրնջեան և
յամենայն ժամու խօսել մեզ զբան
տեառն , զտէր աղաչեսցուք :

Տէր ողորմեա :

Վասն շանկանելոյ մեզ 'ի փորձու-
թիւն , որում ոչ կարեմք հանդուր-
ժել , զտէր աղաչեսցուք :

Վասն անբիծ և անդատապարտ կալ
մեզ առաջի ահեղ ատենին քրիստո-
սի , զտէր աղաչեսցուք :

Վասն առաջնորդելոյ մեզ 'ի նաւա-
հանգիստն կենաց անվախձանից , ըզ-
տէր աղաչեսցուք :

Վասն արժանի լինելոյ մեզ վերին
կոչմանն և երկնից արքայութեանն ,
զտէր աղաչեսցուք :

Վասն հոգւոցն հանգուցելոց՝ որք
ճշմարիտ և ուղիղ հաւատով 'ի քր-
իստոս ննջեցից զտէր աղաչեսցուք :

Եւ եւս միաբան վասն ճշմարիտ և
սուրբ հաւատոյս մերոյ զտէր աղա-
ջանձինս մեր և զմիմեանս տեառն
աստուծոյ ամենակալին յանձն արաս-
ցուք :

Քեզ տեառնդ յանձն եղիցուք :

Ողորմեաց մեզ տէր աստուած մեր ըստ
մեծի ողորմութեան քում , ասաս-
ցուք ամենեքեան միաբանութեամբ :

Տէր ողորմեա . տէր ողորմեա . տէր
ողորմեա :

ԱՂՕԹՔ

Ի գիշերի և 'ի տուրնջեան և յամե-
նայն ժամու զքեզ աղաչեմք , և 'ի
քէն խնդրեմք մարդասէր տէր : Լուր
մեզ աստուած վրկիչ մեր . խոնար-
հեսցի ունկն քո 'ի խնդրուածս մեր ,
զի մի ունայն լիցին վաստակք ծա-
ռայից քոց . այլ համարեա զաշխա-

տուժիւնս մեր 'ի գործ արդարու-
 թեան և 'ի ստուղ աստուածայաչ-
 տուժեան: Ընկալ տէր զաղօթս և
 զերկրպագութիւնս մեր, և հատո
 մեզ զողորմութիւն քո առատապէս.
 Ճածկեա զմեզ ընդ հովանեաւ ամե-
 նազօր աջովդ քո. զօրացո զմեզ տէր
 զօրութեամբ սուրբ հոգւոյդ. սպհ-
 եա զմեզ որպէս բիբ ական, և արա
 առ մեզ նշան բարի 'ի գովեստ և 'ի
 փառաբանութիւն անուանդ քում
 սրբոյ: Զի 'ի քո փառս կատարի ա-
 մենայն արարածոց մշտնջենաւոր փա-
 ռաբանութիւն 'ի բարձունս հօր և
 որդւոյ և հոգւոյն սրբոյ, այժմ և
 միշտ և յաւիտեանս յաւիտենից.
 ամէն:

Խաղաղութիւն ամենեցուն:
 Աստուծոյ երկիրպագեսցուք:

Հովիւ քաջ հովիւ բարի և յաւիտե-
 նական, նայեաց և այց արա բանա-
 ւոր հօտի քո, զոր ժողովեցեր առ

քեզ գթութեամբ քո: Զի քո առա-
 ջի կամք տէր, և առ 'իքէն ողորմու-
 թեանցդ և գթութեանցդ ակն ու-
 նիմք: Զամենեսեան օրհնեա, զամե-
 նեսեան իմաստնացո, զամենեսեան
 լուսաւորեա, և ամենեցուն սպր-
 գեւեա զերկնից արքայութիւնդ:
 Այսն զի գու ես տէր կենաց և
 աստուած ողորմութեան. և քեզ
 վայելէ փառք իշխանութիւն և սպ-
 տիւ, այժմ և միշտ և յաւիտեանս
 յաւիտենից ամէն:

Մ Ա Ղ Թ Ա Ն Ք

Ի գիշերի և 'ի տուրնջեան և յամե-
 նայն ժամու անդադար փառաւո-
 րեմք զհայր և զորդի և զսուրբ հո-
 գիդ, այժմ և միշտ և յաւիտեանս
 յաւիտենից. ամէն:

Օրհնեալ տէր մեր յիսուս քրիստոս.
 ամէն:

Հայր մեր որ յերկինս:



Ան Գառն Աստուծոյ, որ բանայ զմեզ աշխարհի:



Եւ ՚ի քրոյթեւ և քեւաւ սրացաւ նա
՚ի բնաւ հոյճոց.



ՍԱՂԾՈՍ ԺԶ.

Արևուսիա :

ԽՈՍՏՈՎԱՆ եղերուք տեառն զի քաղցր է, զի յաւիտեան է ողորմութիւն նորա :

Ասասցեն փրկեալք տեառն, զորս փրկեաց ՚ի ձեռաց թշնամւոյն :

Յամենայն գաւառաց ժողովեաց զնոսա, յարեւելից և յարեւմտից, ՚ի հիւսիսոց և ՚ի ծովէ :

Մոլորեցան նոքա յանապատի յանջրդի ճանսոպարհի, և քաղաք բնակութեան ոչ գտին :

Քաղցեան և ծարաւեցան, և անձինք նոցա ՚ի նոսին նուաղեցան :

Աղաղակեցին առ տէր ՚ի նեղութեան իւրեանց, և ՚ի վշտաց նոցա փրկեաց զնոսա :

Առաջնորդեաց նոցա ՚ի ճանապարհ ուղիղ, զի երթիցեն ՚ի քաղաք բնակութեան իւրեանց :

Խոստովան եղիցին տեառն ողորմութեանց նորա, և սքանչելեաց նորա որդիք մարդկան :

Զի յաղեցոյց զանձինս քաղցեալս, և զանձինս կարօտեալս լի արար բարութեամբ :

Ոյք նստէին ՚ի խաւարի և ՚ի ստուերս մահու, կապեալ էին յաղքատութեան որպէս յերկաթս :

Զի գառնացուցին զբանն աստուծոյ,

և զխորհուրդս բարձրելոյն բարկացուցին :

Խոնարհ եղեն ՚ի ցաւոց սիրտք նոցա, տկարացան և ոչ ոք էր՝ որ օգնէր նոցա :

Աղաղակեցին առ տէր ՚ի նեղութեան իւրեանց, ՚ի վշտաց նոցա եհան զնոսա :

Փրկեաց զնոսա ՚ի խաւարէ և ՚ի ըստուերաց մահու, և խղեաց զկապանքս նոցա :

Խոստովան եղիցին տեառն ողորմութեանց նորա, և սքանչելեաց նորա որդիք մարդկան :

Զի փշրեաց զդրունս սղինձիա, և ըղնիգս երկաթիս խորտակեաց :

Օգնեաց նոցա ՚ի ճանապարհի անօրէնութեան իւրեանց, զի վասն մեղաց իւրեանց խոնարհ եղեն յոյժ :

Յամենայն կերակրոց գարշէին սիրտք նոցա, մերձեցան մինչեւ ՚ի դրունս մահու :

Աղաղակեցին առ տէր ՚ի նեղութեան իւրեանց, ՚ի վշտաց նոցա ապրեցոյց զնոսա :

Առաքեաց զբան իւր և բժշկեաց ըղնոսա, և փրկեաց զնոսա յասլականութենէ իւրեանց :

Խոստովան եղիցին տեառն ողորմութեանց նորա, և սքանչելեաց նորա որդիք մարդկան :

Մատուցեն նմա պատարագ օրհնութեան, և պատմեցեն զգործս նորա ցնծութեամբ:

Ոյք իջանէին ՚ի ծով նաւուք, և առնէին զգործս ՚ի ջուրս բազումս:

Նոքա տեսին զգործս տեառն և զըսքանչելիս նորա ՚ի խորս անդնդոց:

Ասաց և յարեալ հողմ և մրրիկ, և բարձրացան ալիք նորա:

Ելանէին յերկինս և իջանէին յանդունդս. և անձինք նոցա յանձինս իւրեանց մաշեցան:

Խռովեցան սասանեցան որպէս արբեալք, և ամենայն իմաստութիւն նոցա ընկլաւ:

Ազաղակեցին առ տէր ՚ի նեղութեան իւրեանց. ՚ի վշտաց նոցա կեցոյց ըզնոսա:

Դարձոյց զմրրիկն յօդս՝ և դադարեցան ալիք նորա. ուրախ եղեն զի դադարեցան, և առաջնորդեաց նոցա ՚ի նաւահանգիստ կամաց իւրեանց:

Խոստովան եղիցին տեառն ողորմութեանց նորա, և սքանչելեաց նորա որդիք մարդկան:

Բարձր արասցեն զնա ՚ի ժողովս ժողովրդոց, և յաթոռս ծերոց օրհնեցեն զնա:

Զի դարձոյց զգետն ՚ի ցամաք, և զգնացս ջուրց յերկիր ծարաւուտ:

Արար զերկիրն պտղաբեր յաղտաղտուկս, վասն չարութեան բնակչաց նոցա:

Արար զանապատն ՚ի ճահիճս ջուրց, և զերկիրն ծարաւուտ ՚ի գնացս ջուրց:

Բնակեցոյց ՚ի նմա քաղցեալս, և շինեցին քաղաք բնակութեան իւրեանց:

Վարեցին արտս և տնկեցին այգիս, և արարին ստուղ արմտեաց իւրեանց:

Օրհնեաց զնոսա՝ և բազմացան յոյժ. և անասունք նոցա ոչ նուաղեցան:

Նուաղեցան նոքա և չարչարեցան, ՚ի նեղութենէ չարեաց և ՚ի վշտաց:

Եկն անարգութիւն ՚ի վերայ իշխաւ

նաց նոցա. մոլորեցոյց զնոսա յանապատի և ոչ ՚ի ճանապարհի:

Օգնեաց տնանկին յաղքատութեան, և առաջնորդեաց որպէս խաչին ազգի նոցա:

Տեսցեն ուղիղք և ուրախ եղիցին, և ամենայն անօրէն խցցէ զբերան իւր:

Ո՞վ է իմաստուն՝ որ պահեցէ զայս, և ՚ի միտառցէ զողորմութիւնս տեառն:

Տուր իւր:

ՍԱՂՄՈՍ ձէ:

Օրհնոյ ին. Մաղմուսաց դարի:

Պատրաստ է սիրտ իմ աստուած, պատրաստ է սիրտ իմ օրհնել և սաղմոս ասել քեզ փառօք իմովք:

Զարթիք փառք իմ, զարթիք սաղմոսիւք և օրհնութեամբ, և ես զարթեայց առաւօտուց:

Խոստովան եղէց քեզ ՚ի ժողովուրդս տէր, և սաղմոս ասացից քեզ յազինս:

Մեծ եղեւ մինչեւ յերկինս ողորմութիւն քո, մինչեւ յամպս ճշմարտութիւն քո:

Բարձրեալ ես դու յերկինս աստուած, և յամենայն երկրի են փառք քո: Որպէս փրկեցան սիրելիք քո, կեցո աջով քով և լուր մեզ:

Աստուած խօսեցաւ ՚ի սրբութենէ իւրմէ, բարձր եղէց՝ բաժանեցից զսիւքէմ, և զհովիտսն յարկաց չափեցից:

Իմ է գաղափար և իմ է մանասէ, եփրեմ հզօրիչ գլխոյ իմոյ:

Յուդա թագաւոր իմ, մովաբ աւազան յուսոյ իմոյ:

Յեղովմէ ուղղեցից զգնացս իմ, և ինձ այլազգիք հնազանդ եղեն:

Ո՞ տարցէ զիս ՚ի քաղաք ամուր, կամ ո՞ առաջնորդեացէ ինձ մինչեւ յերկովմէ: Եթէ ոչ դու աստուած որ մերժեցեր զմեզ, և ոչ ելեր աստուած ընդ զօրս մեր:

Տուր մեզ օգնութիւն ՚ի նեղութեանս,

զի սուտ է փրկութիւն մարդոյ :
Աստուծով արասցուք զօրութիւն, և
նա յամօթ արասցէ զթշնամիս մեր :

Տուր թղ :

Ս Ա Ղ Մ Ո Ս Ճ Ը .

Ի կատարած. Սարկոս դաշքի :

Աստուած օրհնութեան խնոյ մի
լուեր, զի բերան մեղաւորի՝ բերան
նենդաւորի բացաւ ՚ի վերայ իմ :
Թօսեցան զինէն լեզուաւ նենդաւո-
րաւ, և բանիւ ատելութեան պա-
շարեցին զիս :

Մարտեան ընդ իս ՚ի տարապարտուց,
փոխանակ սիրոյ խնոյ մատնէին զիս,
այլ ես յաղօթս կայի :

Հատուցին ինձ չար փոխանակ ընդ
բարւոյ, ատելութիւն փոխանակ սի-
րոյ խնոյ :

Կացո ՚ի վերայ նորա մեղաւոր, սա-
տանայ կացցէ ընդ աջմէ նորա :

Ի դատաստանէ իւրմէ ելցէ դատա-
պարտեալ, և աղօթք նորա ՚ի մեղս
դարձցին :

Եղիցին աւուրք նորա նուազ, և զայ-
ցելութիւն նորա զայն այլ տարցէ :

Եղիցին որդիք նորա որբ, և կինն նո-
րա այրի. սահեսցին փոփոխեցին,
որդիք նորա մուրդք եղիցին, և ել-
ցեն ՚ի բնակութենէ իւրեանց :

Քննեցէ փոխատու դամենայն ինչս
նորա, և յափշտակեցեն օտարք
զվաստակս նորա :

Մի՛ գտցի օգնական նմա, և մի՛ ոք
ողորմեցի ՚ի վերայ որբոց նորա :

Եղիցին որդիք նորա ՚ի սատակումն,
և յազգէ ջնջեցի անուն նորա :

Յիշեցին մեղք հօր նորա առաջի
տեառն, և մեղք մօր նորա մի՛ ջնջե-
ցին, և եղիցին առաջի տեառն յա-
մենայն ժամ :

Սատակեցի յերկրէ յիշատակ նորա,
փոխանակ զի ոչ յիշեաց առնել զո-
ղորմութիւն :

Հալածեաց զայր աղքատ և զտնակ,
սարաններ զայն՝ որ խոնարհ է սրտիւ :
Սիրեաց զանէծս՝ և ելցէ նմա. ոչ
կամեցաւ զօրհնութիւն, հեռի է
զիցի ՚ի նմանէ :

Զգեցաւ զանէծս որպէս հանդերձ,
մտցէ որպէս ջուր ՚ի փոր նորա, և
որպէս ձէթ ընդ ոսկերս նորա :

Եղիցի նմա որպէս հանդերձ՝ զի ա-
գանի, որպէս դօտի՝ որ ածի հանա-
պազ ընդ մէջ :

Այս դործ է այնոցիկ՝ ոյք չարախօս
կային զինէն առ տէր, և ոյք խօսե-
ին չար զանձնէ իմմէ :

Այլ դու տէր տէր՝ արա ընդ իս
ըստ անուան քում, զի քաղցր է ո-
ղորմութիւն քո. և փրկեա զիս զի
աղքատ և տնակ եմ ես :

Սիրտ իմ խռովեցաւ ՚ի փորի իմում,
և ես որպէս ստուեր ՚ի խուսափել
իմում պակասեցայ, և թօթափեցայ
որպէս մարախ :

Ծունկք իմ տկարացան ՚ի պահոց, և
մարմին իմ այլազունեցաւ յիւղոյ :

Եղէ ես նախատ նոցա. տեսին զիս՝
և չարժեցին զգլուխս իւրեանց :

Օգնեա ինձ տէր աստուած իմ, և
փրկեա զիս ըստ ողորմութեան քում :

Ծանիցեն զի ձեռն քո այս է, և դու
տէր արարեր զայս :

Նոքա անիծանեն և դու օրհնեցես.
ոյք յարուցեալ են ՚ի վերայ իմ՝ զա-
մօթ կրեցեն. այլ ծառայ քո ուրախ
եղիցի ՚ի քեզ :

Զգեցցին զամօթ ոյք չարախօս կային
զանձնէ իմմէ, և արկցեն որպէս կրրկ-
նոց զամօթ իւրեանց զիւրեամբք :

Այլ ես խոստովան եղէց առ տէր
յոյժ բերանով իմով, և ՚ի մէջ բազ-
մաց օրհնեցից զքեզ :

Զի եկաց նա ընդ աջմէ տնակին,
ի՛ փրկել զիս յայնցանէ՝ ոյք հալա-
ծեն զանձն իմ :

Տուր թղ :

ՍԱՂՄՈՍ ԺԹ.

Ի կատարած. Սաղմոս դարի:

Ասաց տէր ցտէր իմ, նիստ ընդ աջ մէ իմմէ, մինչեւ եդից զթշնամիս քո պատուանդան ոտից քոց:

Քաւազան զօրութեան առաքեսցէ քեզ տէր 'ի սիօնէ, և տիրեսցես դու 'ի մէջ թշնամեաց քոց:

Ընդ քեզ է սկիզբն աւուր զօրութեան. 'ի վայելչութիւն սրբոց քոց յարգանդէ յառաջ քան զարուսեակ ծնայ զքեզ:

Երդուաւ տէր և ոչ եւս զղջասցի, թէ դու ես քահանայ յաւիտեան ըստ կարգին մեկքիսեդեկի, և տէր ընդ աջմէ քումմէ:

Խորտակեսցէ յաւուր բարկութեան զթագաւորս. դատէ զհէթանոսս, և բազումառնէ զհարուածս, և խորտակեսցէ զգլուխս բազմաց յերկրի: Զուղիսս 'ի ճանապարհի արբուսցէ. վասն այսորիկ և բարձրարացէ ըզ գլուխս:

Տունք զ. Գորգոյս խը:

ՍԱՂՄՈՍ ԺԺ.

Ալեյուիա:

Խոստովան եղէց քեզ տէր բոլրով սրտիւ իմով, 'ի խորհուրդս ուղղոց 'ի ժողովուրդս մեծ են գործք տեառն, և քննեալ են յամենայնի կամք նորա:

Խոստովանութիւն և վայելչութիւն են գործք նորա. արդարութիւն նորա մնայ յաւիտեանս յաւիտենից:

Յիշատակ արար սքանչելեաց իւրոց ուղղոց. ողորմած զթամծ է տէր, կերակուր տայ երկիւղածաց իւրոց:

Յիշեաց յաւիտենից զուխտ իւր, զգորութիւն գործոց իւրոց պատուիրեաց ժողովրդեան իւրում:

Տալ նոցա զժառանգութիւն հէթա նոսաց, և գործք ձեռաց նորա ար-

դարութիւն և իրաւունք են:

Հաւատարիմ են յամենայնի պատուիրանք նորա. հաստատեալ են յաւիտեանս յաւիտենից. արարեալ են ճրջ մարտութեամբ և ուղղութեամբ:

Փրկութիւն առաքեաց տէր ժողովրդեան իւրում. պատուիրեաց յաւիտենից զուխտ իւր. սուրբ և ա-

հեղ է անուն նորա:

Սկիզբն զգօնութեան երկիւղ տեառն. իմաստութիւն բարի ամենեցուն՝ ոյք առնեն զնա, և օրհնութիւն նորա մնայ յաւիտեանս յաւիտենից:

Տունք Ե:

ՍԱՂՄՈՍ ԺԺԱ:

Ալեյուիա. 'ի վերայ ապաշխարութեան Անգեայ և: Զարարիայ:

Երանեալ է այր՝ որ երկնչի 'ի տեառնէ, զպատուիրանս նորանա կամի յոյժ: Հզօր եղիցի յերկրի զաւակ նորա, և ազգ ուղղոց օրհնեսցի:

Փառք և մեծութիւն են 'ի տան նորա, արդարութիւն նորա մնայ յաւիտեանս յաւիտենից:

Ծագեաց 'ի խաւարի լոյս ուղղոց, ողորմած զթամծ և արդար է տէր:

Քաղցր այր ողորմի և տայ փոխ. յօրինէ զբան իւր 'ի դատաստանի, զի յաւիտեան նա մի՛ սասանեսցի:

Յիշատակ յաւիտենից եղիցի արդարն. 'ի համբաւէ չարէ նա մի՛ երկիցէ:

Պատրաստ է սիրտ նորա յուսալ առաստուած:

Հաստատեալ է սիրտ նորա, և նա մի՛ երկիցէ՝ մինչև տեսցէ 'ի թշնամիս իւր:

Սիւռեաց՝ և ետ աղքատաց. արդարութիւն նորա մնայ յաւիտեանս յաւիտենից, և եղջիւր նորա բարձր եղիցի փառք:

Մեղաւորն տեսցէ և բարկացի՝ զատամունս իւր կրճտեսցէ և հալեսցի. և ցանկութիւն մեղաւորաց կորիցէ:

Տունք Ժ:



ՍԱՂՄՈՍ ԾԺԲ.

Աւերուիա :

Օրհնեցէք մանկունք զտէր, և օրհնեցէք զանուն տեառն :

Եղիցի անուն տեառն օրհնեալ, յայսրմ հետէ մինչեւ յաւիտեան :

Յարեւելից մինչեւ 'ի մուտս արեւու, օրհնեալ է անուն տեառն :

Բարձր է 'ի վերայ ամենայն ազգաց տէր, և յերկինս են փառք նորա :

Ո՛վ է որպէս տէր աստուած մեր 'ի բարձունս բնակեալ, և զխոնարհս տեսանէ յերկինս և յերկրի :

Յարուցանէ զաղքատս յերկրէ, և բարձր առնէ զտառապեալս յաղբեւաց :

Նստուցանէ զնոսա իշխանս ընդ իշխանս ժողովրդեան իւրոյ :

Բնակեցուցանէ զամուլն 'ի տան ուրախամիտ որպէս մայր որդւովք բերկրեալ :

Տուր Ը :

ՍԱՂՄՈՍ ԾԺԳ.

Աւերուիա :

Յելանելն իսրայելի յեգիպտոսէ տանն յակովբայ 'ի ժողովրդենէ այլ լազգեաց :

Եղեւ հրէաստան սրբութիւն նորա, և իսրայել իշխանութիւն նորա :

Ծով ետես և փախեաւ, և յորդանան անդրէն դարձաւ :

Լերինք ցնծացեն որպէս խոյք, և բլուրք որպէս գառինք մաքեաց :

Ձի՞ է քեզ ծով, զո՞ տեսեր և փախեար. կամ դու յորդանան զի՞ դարձար անդրէն :

Լերինք՝ ցնծացէք որպէս խոյք, և բլուրք որպէս գառինք մաքեաց :

Ձի՞ է քեզ ծով, զո՞ տեսեր և փախեար. կամ դու յորդանան զի՞ դարձար անդրէն :

Լերինք՝ ցնծացէք որպէս խոյք, և բլուրք որպէս գառինք մաքեաց :

Յերեսաց տեառն սասանեցաւ երկիր, յերեսաց աստուծոյ յակովբայ :

Ո՞ դարձոյց զվէմն 'ի վտակս ջուրց, և զապառաժն յաղբերակունս :

Մի՞ մեզ տէր՝ մի՞ մեզ, այլ անուանքում տուր զփառս, վասն ողորմութեան և ճշմարտութեան քոյ :

Մի՞ երբէք ասացեն 'ի հեթանոսս, թէ ուր է աստուած նոցա :

Աստուած մեր յերկինս և յերկրի, զամենայն զոր ինչ կամեցաւ՝ և արար :

Կուռք հեթանոսաց ոսկի և արծաթ են, ձեռագործ են որդւոց մարդկան : Բերան ունին՝ և ոչ խօսին. աչս ունին՝ և ոչ տեսանեն :

Ականջս ունին՝ և ոչ լսեն. ունչս ունին՝ և ոչ հոտոտեն :

Ձեռս ունին՝ և ոչ շօշափեն, ոտս ունին՝ և ոչ գնան. և ոչ գոյ բարբառ 'ի կոկորդս նոցա :

Նման նոցա եղիցին՝ ոյք արարին ըզնոսա, ամենեքեան ոյք յուսացեալ են 'ի նոսա :

Տունն իսրայելի յուսացաւ 'ի տէր. օգնական և ընդունող է նոցա :

Տունն ահարօնի յուսացաւ 'ի տէր, օգնական և ընկերող է նոցա :

Երկիւղածք տեառն յուսացան 'ի տէր, օգնական և փրկիչ է նոցա :

Յիշեաց զմեզ տէր և օրհնեաց զմեզ. օրհնեաց տէր զտունն իսրայելի. օրհնեաց տէր զտունն ահարօնի :

Օրհնեաց տէր զերկիւղածս իւր, ըզփոքրկունս և զմեծամեծս :

Յաւելցէ 'ի ձեզ տէր, 'ի ձեզ և յորդիս ձեր :

Օրհնեալ էք դուք 'ի տեառնէ, որ արար զերկինս և զերկիր :

Երկինք երկնից տեառն են, և զերկիրս ետ որդւոց մարդկան :

Ոչ թէ մեռեալք օրհնեացեն զքեզ տէր, և ոչ ամենեքեան ոյք իջանեն 'ի դժոխս :

Այլ կենդանիքս օրհնեցուք ըզքեզ տէր, յայսմհետէ մինչեւ յաւիտեան:

Տունք իշ: Գորղայս ծբ:

ՍԱՂՄՈՍ ՃԺԴ.

Ալեյուիս:

Սիրեցի զի լուսիցէ տէր զձայն ազօթից իմոց. զի խոնարհեցոյց զունկն իւր առ իս, և ես յաւուրս իմ կարդացի առ նա:

Շրջեցան զինեւ երկունք մահու, և վիշտք դժոխոց գտին զիս:

Զնեղութիւն և զանձկութիւն գտի, և զանուն տեառն կարդացի:

Ո՞ տէր՝ փրկեա զանձն իմ. ողորմած աստուած մեր, ողորմի և սպահէ զտղայս տէր:

Ես խոնարհ եղէ՝ և տէր կեցոյց զիս. դարձ անձն իմ ՚ի հանգիստ քո, զի տէր օգնեաց քեզ:

Փրկեաց զանձն իմ ՚ի մահուանէ, զաչս իմ յարտասուաց, և զոտս իմ ՚ի գայթակղութենէ, հաճոյ եղէց առաջի տեառն յերկրին կենդանեաց:

Տունք զ:

ՍԱՂՄՈՍ ՃԺԵ.

Ալեյուիս:

Հաւատացի զոր և խօսեցայ, և ես խոնարհ եղէ յոյժ:

Ես ասացի ՚ի զարմանալ իմում, թէ ամենայն մարդ սուտ է:

Զինչ տաց տրիտուր խտեառն ընդ ամենայնի զոր և ետ ինձ:

Զբաժակ փրկութեան ընկալայց, և զանուն տեառն կարդացից:

Զաղօթս իմ տեառն տաց առաջի ամենայն ժողովրդեան նորա:

Պատուական է առաջի տեառն մահ սրբոց իւրոց. ո՞ տէր ես ծառայ քո եմ, ծառայ և որդի աղախնոյ քո:

Հատեր զկապանս իմ. քեզ մատուցից

սլատարադ օրհնութեան, և զանուն տեառն կարդացից:

Զաղօթս իմ տեառն տաց առաջի ամենայն ժողովրդեան նորա, ՚ի գաւթս տան տեառն, և ՚ի մէջքո երուսաղէմ:

Տունք ը:

ՍԱՂՄՈՍ ՃԺԶ.

Ալեյուիս:

Օրհնեցէք զտէր ամենայն ազինք. դռ վեցէք զնա ամենայն ժողովուրդք: Զօրացի ողորմութիւն նորա ՚ի վերայ մեր, և ճշմարտութիւն տեառն մընացէ յաւիտեան:

Տունք բ:

ՍԱՂՄՈՍ ՃԺԷ.

Ալեյուիս:

Խոստովան եղերուք տեառն, զի բարի է, զի յաւիտեան է ողորմութիւն նորա:

Ասացէ տունն խարայէլի՝ զի յաւիտեան է ողորմութիւն նորա:

Ասացէ տունն անարօնի՝ զի յաւիտեան է ողորմութիւն նորա:

Ասացեն երկիւղածք տեառն՝ զի յաւիտեան է ողորմութիւն նորա:

Ինեղութեան իմում ես առ տէր կարդացի, և լուաւ ինձ յանդորր:

Տէր է իմ օգնական, և ես ոչ երկեայց, զի՞ արասցէ ինձ մարդ:

Տ՛ր է իմ օգնական, և ես տեսից ՚ի թշնամիս իմ:

Բարի է յուսալ ՚ի տէր քան յուսալ ՚ի մարդիկ. բարի է յուսալ ՚ի տէր՝ քան յուսալ յիշխանս:

Ամենայն ազինք շրջեցան զինեւ, և անուամբ տեառն յաղթեցին նոցա:

Շրջելով շրջեցան զինեւ, և սլաշարեցին զիս ՚ի միասին, և անուամբ տեառն վանեցի զնոսա:

Շուրջ եղեն զինեւ որպէս մեղուք, վառեցան բորբոքեցան որպէս փուշք



Ի հուր . և անուամբ տեառն մերժեցի զնոսա :

Ի մերժելն զբողոքաց , և եղէ մերձ ՚ի գլորիլ . և տէր ընկալաւ զիս :

Չօրու թիւն իմ և օգնու թիւն իմ տէր , և եղեւ ինձ ՚ի փրկու թիւն :

Չայն ցնծու թեան փրկու թեան ՚ի յարկս արդարոց :

Աջ տեառն արար զօրու թիւն , աջ տեառն բարձր արար զիս , և աջ տեառն արար զօրու թիւն :

Ոչ մեռայց , այլ կեցից և պատմեցից զգործս տեառն :

Խրատելով խրատեաց զիս տէր , և ՚ի մահ ոչ մատնեաց :

Բացէք ինձ զգրունս արդարու թեան , զի մտից ընդ այն , և խոստովան եղէց տեառն :

Այս դուռն տեառն է , և արդարք մտանեն ընդ սա :

Խոստովան եղէց քեզ տէր , զի լուար ինձ , և եղեր ինձ ՚ի փրկու թիւն :

Վէմն զոր անարգեցին շինողքն , նա եղեւ գլուխ անկեան :

Ի տեառնէ եղեւ այս , և է սքանչելի առաջի աչաց մերոց :

Այսօր է զոր արար տէր . եկայք ցընձասցուք և ուրախ եղիցուք ՚ի սմա :

Ո՞ տէր փրկեա , ո՞ տէր առաջնորդեա . օրհնեալ որ գալոց ես յանուն տեառն , և օրհնեցաք զքեզ ՚ի տանէ տեառն :

Տէր աստուած մեր երեւեցաւ մեզ . արարէք տօնս ուրախու թեան կանխաւ , մինչեւ յանկիւնս սեղանոյ :

Աստուած իմ ես դու՝ և խոստովան եղէց քեզ . աստուած իմ ես դու՝ և բարձր արարից զքեզ :

Խոստովան եղէց քեզ տէր՝ զի լուար ինձ , և եղեր ինձ ՚ի փրկու թիւն :

Խոստովան եղերուք տեառն , զի բարի է , զի յաւխտեան է օղորմու թիւն նորա :

Տուեք իւր . Գորգայս խոյ :

ՍԱՂՄՈՍ ՃԺԸ .

Աւերուիս :

Երանեալ են ամբիձք ՚ի ճանապարհի , և ոյք զնան յօրէնս տեառն :

Երանի ոյք քննեն զվկայու թիւնս նորա , բողորով սրտիւ իւրեանց խընդրեսցեն զնա :

Ոչ թէ ոյք գործեն զանօրէնու թիւն , ՚ի ճանապարհս նորա զնասցեն :

Դու պատուիրեցեր զպատուիրանս քո ՚ի պահել ինձ յոյժ :

Երանի թէ յաջողեալ էին ինձ ճանապարհք իմ , ՚ի պահել ինձ զարդարու թիւնս քո :

Յայնժամ ես ոչ ամաչէի ՚ի զգուշանալ ինձ ՚ի պատուիրանս քո :

Խոստովան եղէց քեզ տէր յուղղու թիւն սրտի իմոյ . որպէս ուսայց զիւրաւունս արդարու թեան քո :

Չիրաւունս քո պահեցի , մի՛ թողուր զիս մինչ իսպառ :

Ի՞նչ ուղղեսցէ երիտասարդ զճանապարհս իւր , այլ ՚ի պահել զբանս քո :

Բողորով սրտիւ իմով խնդրեցի զքեզ , մի՛ մերժեր զիս ՚ի պատուիրանաց քոց :

Ի սրտի իմում թագուցի զբանս քո , որպէս զի մի՛ մեղայց քեզ :

Օրհնեալ ես դու տէր , ուստ ինձ զարդարու թիւնս քո :

Երթամք իմովք պատմեցից զամենայն իրաւունս բերանոյ քո :

Ի ճանապարհս վկայու թեանց քոց զուարճացայ , որպէս յամենայն ՚ի մեծու թեան :

Ի պատուիրանս քո հողացայ , և ըզգուշացայ ՚ի ճանապարհս քո :

Չիրաւունս քո խօսեցայ , և ոչ մոռացայ զբանս քո :

Հատո ծառայի քում , զի կեցից և պահեցից զբանս քո :

Չարթո զաչս իմ , և նայեցայց ՚ի ըսքանչելիս օրինաց քոց :

Պանդուխտ եմ ես յերկրի , մի՛ թա



դուցաներ յինէն զպատուիրանս քո :
Փախազեաց անձն իմ , 'ի ցանկալ ինձ
յիրաւունս քո յամենայն ժամ :

Սաստեցեր ամբարտաւանից . անիծեալ՝
ոյք խոտորեցան 'ի պատուիրանաց քոց :

Իբաց արա յինէն զնախատինս և զարհամարհանս ,
զի զվկայութիւնս քո խնդրեցի :

Քանզի նստան իշխանք և շարախօսէին
զինէն . այլ ծառայ քո խորհէր յիրաւունս քո :

Զի վկայութիւնք քո խօսք իմ էին , և խորհուրդք
իմ արդարութիւն քո :

Մերձեցաւ անձն իմ 'ի հող , տէր կեցո՞ղիս
ըստ բանի քում :

Զճանապարհս իմ պատմեցի քեզ՝ և լուար
ինձ . ուստ ինձ զարդարութիւնս քո :

Ի ճանապարհս արդարութեանց քոց իմաստուն
արա զիս , և քննեցից զըսքանչելիս քո :

Տքնեցաւ անձն իմ առ 'ի ձանձրանալ , հաստատեա
զիս 'ի բանս քո :

Զճանապարհս մեղաց 'ի բաց արա յինէն ,
և յօրէնս քո ողորմեա ինձ :

Զճանապարհս ճշմարտութեան քո ընտրեցի ,
և զիրաւունս քո ես ոչ մուսացայ :

Մերձեցայ ես 'ի վկայութիւնս քո , տէր մի
յամօթ առնէր զիս :

Ի ճանապարհս պատուիրանաց քոց ընթացայ ,
զի անդորր արարէր սրտի իմոյ :

Օրէնսդէտ արա զիս տէր 'ի ճանապարհս
իրաւանց քոց , և խնդրեցից զնա յամենայն ժամ :

Իմաստուն արա զիս , և քննեցից զօրէնս քո ,
և պահեցից զնա բողբոլ սրտիւ իմով :

Առաջնորդեա ինձ 'ի շաւիղս պատուիրանաց
քոց , զի ընդ նոսա հաճեցայ :

Խոնարհեցո զսիրտ իմ 'ի վկայութիւնս քո ,
և մի յագահութիւնս :

Գարձո զաչս իմ , զի մի տեսից զնանրու

թիւն . 'ի ճանապարհս քո կեցո զիս :
Հաստատեա ծառայի քում՝ զբան քո յերկիւղ քո :

Հան յինէն զնախատինս , զոր և կարծեցի .
զի դատաստանք քո քաղցր են :

Ահա ցանկացայ պատուիրանաց քոց՝ յարդարութեան
քում կեցո զիս : Եկեացէ 'ի վերայ իմ ողորմութիւն
քո տէր , և փրկութիւն քո ըստ բանի քում :

Տաց պատասխանի ոյք նախատեն զիս բանիւք ,
զի ես 'ի բանս քո յուսացայ :

Մի 'ի բացեաց առնէր 'ի բերանոյ իմմէ՝ զբան
ճշմարտութեան մինչեւ յոյժ , զի յիրաւունս քո
յուսացայ :

Պահեցի զօրէնս քո յամենայն ժամ , յաւիտեան
և յաւիտեանս յաւիտենից :

Գնայի ես յանդորրու , զի զպատուիրանս քո
խնդրեցի :

Խօսէի զվկայութիւնս քո առ աջի թաղաւորաց ,
և ոչ ամաչէի :

Խորհէի 'ի պատուիրանս քո զոր սիրեցի :

Համբարձի զձեռս իմ 'ի պատուիրանս քո զոր
սիրեցի , և խորհէի յարդարութեան քում :

Յիշեա զբան ծառայի քո , յոր և յուսացուցեր
զիս :

Սա միսիթարեացէ զիս 'ի խոնարհութեան իմում ,
զի բան քո կեցոյց զիս :

Ամբարտաւանք անիրաւեցան յիս յոյժ ,
այլ յօրինաց քոց ես ոչ խոտորեցայ :

Յիշեցի զիրաւունս քո յաւիտենից տէր ,
և միսիթարեացայ :

Տրտմութիւն կալաւ զիս 'ի մեղաւորաց ,
և ոյք թողին զօրէնս քո :

Գովելի են ինձ իրաւունք քո , 'ի տեղւոջ
պանդխտութեան իմոյ :

Յիշեցի 'ի գիշերի զանուն քո տէր , և պահեցի
զօրէնս քո :

Սա եղեւ ինձ ճանապարհ 'ի կեանս , զի զարդարութիւնս
քո խնդրեցի :

Ալեքսիս :

Բաժին իմ ես դու տէր . ասացի պա-
հել ինձ զօրէնս քո :

Ազաչեցի զերեսս քո բոլորով սրտիւ
իմով . ողորմեա ինձ ըստ բանի քում :
Խորհեցայ 'ի ճանապարհս իմ , և դար-
ձուցի զոտս իմ 'ի վկայութիւնս քո :
Պատրաստեցայ և ոչ խռովեցայ , զի
պահեցի զպատուիրանս քո :

Տուռնք մեղաց պատեցան զինեւ .
այլ զօրէնս քո ես ոչ մոռացայ :

Ի մէջ գիշերի յառնէի խոստովան լի-
նիլ առ քեզ վասն իրաւանց և ար-
դարութեան քո :

Հաղորդ էի ես ամենայն երկիւղածաց
քոց , որոց պահեալ էին զպատուի-
րանս քո :

Ողորմութեամբ տեառն լի եղեւ եր-
կիր , զարդարութիւնս քո ուսո ինձ :
Քաղցրութիւն արարեր ընդ ծառայի
քում տէր ըստ բանի քում :

Զքաղցրութիւն զխրատ և զգիտու-
թիւն ուսո ինձ , զի 'ի պատուիրանս
քո ես հաւատացի :

Մինչեւ խոնարհեալ էի ես մեղայ .
վասն այսորիկ զբանս քո պահեցի յոյժ :
Քաղցր ես դու տէր , և քաղցրու-
թեամբ քով ուսո ինձ զարդարու-
թիւնս քո :

Բազմացան յիս անիրաւութիւնք ամ
բարտաւանից . այլ ես բոլորով սրտիւ
իմով բնեցի զպատուիրանս քո :

Մածան որպէս կամիս սիրտք նոցա .
այլ ես զօրէնս քո խօսեցայ :

Բարի է ինձ զի խոնարհ արարեր զիս ,
որպէս ուսայց զարդարութիւնս քո :

Բարի են ինձ օրէնք բերանոյ քո , քան
զհազարս ոսկւոյ և արծաթոյ :

Չեռք քո արարին և ստեղծին զիս .
իմաստուն արա զիս , և ուսայց ըզ-
պատուիրանս քո :

Երկիւղածք քո տեսցեն զիս և ուրախ
եղիցին , զի ես 'ի բանս քո յուսացայ :

Ծանեայ տէր զի արդարութեամբ
են դատաստանք քո . յիրաւի խոնար-
հեցուցեր զիս :

Եղիցի ողորմութիւն քո 'ի մխիթարել
զիս , ըստ բանի քում զծառայս քո :

Եկեացեն յիս զթութիւնք քո և կե-
ցից , զի օրէնք քո խօսք իմ էին :

Ամաչեացեն ամբարտաւանք՝ որք 'ի
տարապարտուց անիրաւեցան յիս .
այլ ես հոգացայ 'ի պատուիրանս քո :

Խրատեացեն զիս երկիւղածք քո , և
ոյք ճանաչեն զվկայութիւնս քո :

Եղիցի սիրտ իմ ամբիժ յարդարու-
թեան քում , զի մի ամաչեցից :

Կարօտացաւ անձն իմ 'ի վերկութիւնս
քո , զի ես 'ի բանս քո յուսացայ :

Սպասեցին աչք իմ բանի քում . ասա-
ցի՝ երբ մխիթարեսցէ զիս :

Եղէ ես որպէս տիկ 'ի պարզի , զի
զարդարութիւնս քո ես ոչ մոռացայ :

Քանի ինչ են աւուրք ծառայի քո .
երբ արասցես ինձ իրաւունս 'ի հա-
լածչաց իմոց :

Պատմեցին ինձ անօրէնք զխորհուր-
դքս , այլ ոչ որպէս զօրէնս քո :

Ամենայն պատուիրանք քո ճշմարիտ
են . 'ի նանիր հալածեցին զիս , օգ-
նեա ինձ :

Փոքր մի եւս և կորուսանէին զիս
յերկիրի , այլ ես ոչ թողի զպատուի-
րանս քո :

Ըստ ողորմութեան քում կեցո զիս ,
և պահեցից զվկայութիւնս բերա-
նոյ քո :

Յաւխտեան տէր բան քո կայ յեր-
կինս , ազգէ մինչեւ յազգ է ճշմար-
տութիւն քո :

Հաստատեցեր զերկիր՝ և կայ .
Հրամանի քում մնայ տիւ , զի ամե-
նեքեան ծառայք քո են :

Եթէ ոչ օրէնք քո խօսք իմ էին ,
կանխաւ եւս արդ եօք կորուսեալ էի
'ի խոնարհութեան իմում :

Յաւխտեան ոչ մոռացայց զարդարու-

Թիւնս քո, զի նորօք կեցուցեր զիս :
Քո եմ ես և կեցո զիս, զի զարդա-
րու թիւնս քո խնդրեցի :

Ինձ սպասեցին մեղաւորք 'ի կորու-
սանել, զի զվկայու թիւնս քո ես 'ի
միտ առի :

Յամենայն կատարածի տեսի զվախ-
ճան . յոյժ անդորր էին ինձ պատու-
րանք քո :

Որպէս սիրեցի զօրէնս քո, զօրհա-
նապազ խօսք իմ էին :

Քան զթշնամիս իմ իմաստունն արա-
րեր զիս 'ի պատուիրանս քո, զի յա-
ւիտեան իմ էին :

Քան զամենայն ուսուցիչս իմ իմաս-
տունն եղէ, զի վկայու թիւնք քո խօսք
իմ էին :

Քան զձերսն իմաստունն եղէ, զի ըզ-
պատուիրանս քո քննեցի :

Յամենայն ճանապարհաց չարաց ար-
դելի զոտս իմ, որպէս զի սլահեցից
զբանս քո :

Յիրաւանց քոց ես ոչ խոտորեցայ,
զի դու օրէնսդէտ արարեր զիս :

Որպէս զի քաղցր են 'ի քիմս իմ բանք
քո՝ քան զմեղր բերանոյ իմոյ :

Ի պատուիրանաց քոց իմացեալ ատե-
ցի զամենայն ճանապարհս չարաց, զի
դու օրէնսդէտ արարեր զիս :

Ճրագ են բանք քո ոտից իմոց, և լոյս
տան շաւղաց իմոց :

Երդուայ և հաստատեցի, զի պա-
հեցից զամենայն իրաւունս արդա-
րու թեան քո :

Խոնարհ եղէ մինչեւ յոյժ . տէր կե-
ցո զիս ըստ բանի քում :

Ընդ կամս բերանոյ իմոյ հաճեա տէր,
և զիրաւունս քո ուսո ինձ :

Անձն իմ 'ի ձեռս քո է յամենայն ժամ,
և զօրէնս քո ես ոչ մոռացայ :

Եղին ինձ մեղաւորք որօգայթ . 'ի
պատուիրանաց քոց ես ոչ մոլորեցայ :

Ժառանգեցի զվկայու թիւնս քո յա-
ւիտեան, զի ցնծու թիւն է սրտի իմոյ :

Խոնարհեցուցի զսիրտ իմ առնել զար-
դարու թիւնս քո յաւիտեան վասն
հաստուցման :

Զանօրէնս ատեցի, և զօրէնս քո սի-
րեցի :

Օգնական և փրկիչ իմ ես դու, և
ես 'ի բանս քո յուսացայ :

Ի բաց եղերուք յինէն չարք, և քննե-
ցից զպատուիրանս աստուծոյ իմոյ :

Օգնեա ինձ ըստ բանի քում և կե-
ցո զիս, և մի՛ յամօթ առներ զիս 'ի
յուսոյ իմմէ :

Օգնեա ինձ և ասրեցո զիս, և խորհե-
ցայց յիրաւունս քո յամենայն ժամ :

Անարդեցեր զամենեւեան՝ որ ասըս-
տամբ եղեն յարդարու թեանց քոց .
զի անիրաւու թեամբ էին խորհուրդք
նոցա :

Յանցաւորս համարեցայ զամենայն
մեղաւորս երկրի . վասն այսորիկ սի-
րեցի զպատուիրանս քո :

Բեւեռեա ընդ երկիւղ քո զմարմին իմ,
զի 'ի դատաստանաց քոց երկեայց յոյժ :

Տ՝ՅՊ ԿԳ :

Ալէլուիա :

Արարի իրաւունս և արդարու թիւն .
մի՛ մատներ զիս 'ի ձեռս նեղչաց իմոց .
Ընկալ զճառայս քո 'ի բարի . զի մի՛
ամբարտաւանք զղուեսցեն զիս :

Ստասեցին աչք իմ փրկու թեան քում
տէր, և բանից արդարու թեան քո :

Արա ընդ ծառայի քում տէր ըստ ո-
ղորմու թեան քում . զարդարու թիւնս
քո ուսո ինձ :

Ծառայ քո եմ ես, իմաստունն արա
զիս, և ծանեայց զվկայու թիւնս քո :

Ժամ է պաշտել զտէր . խափանեցին
զօրէնս քո :

Վասն այսորիկ սիրեցի զպատուիրանս
քո քան զամենայն ոսկի և զտպաղիօն :
Ամենայն պատուիրանք քո յաջողեցան
ինձ, զի ատեցի ես զճանապարհս
չարաց :

Աքանչելի են վկայու թիւնք քո, փան
այսորիկ սիրեաց զնոսա անձն իմ:
Յայտնու թիւն բանից քոց լուսաւոր
և իմաստուն առնէ զտղայս:
Զբերան իմ բացի, և առի զհոգի. 'ի
պատուիրանս քո փափագեաց անձն իմ:
Նայեա առ իս և ողորմեա ինձ. ըստ
իրաւունս սիրողաց անուան քո:
Զճանապարհս իմ ուղիղ արա ինձ
ըստ բանի քում, և մի տիրեսցեն
ինձ ամենայն մեղք:
Փրկեա զիս 'ի զրպարտու թենէ մարդ
կան, և պահեցից զպատուիրանս քո:
Երեւեցո զերեսս քո 'ի ծառայս քո,
և ուստ ինձ զարդարու թիւնս քո:
Վտակք ջուրց իջին յաչաց իմոց, զի
ոչ պահեցին զօրէնս քո:
Արդար ես դու տէր, և ուղիղ են
դատաստանք քո:
Պատուիրեցեր զարդարու թիւն վկա
յու թեանց քոց, և ճշմարիտ են յոյժ:
Մաշեաց զիս նախանձ քո, զի մո
ռացան զբանս քո թշնամիք իմ:
Ընտրեալ է բան քո յոյժ, և ծառայ
քո սիրեաց զսա:
Մանուկ եմ ես և արհամարհեալ, և
զարդարու թիւնս քո ես ոչ մոռացայ:
Արդարու թիւն քո արդարու թիւն յա
ւիտենից, և օրէնք քո ճշմարիտ են:
Նեղու թիւնք և վիշտք գտին զիս, և
պատուիրանք քո խօսք իմ էին:
Արդարու թեամբ են վկայու թիւնք
քո յաւիտեան. իմաստուն արա և
կեցո զիս:
Կարգացի առ քեզ բոլորով սրտիւ ի
մով. լուր ինձ տէր, զի զարդարու
թիւնս քո խնդրեցի:
Ազաղակեցի առ քեզ և փրկեա զիս,
և պահեցից զվկայու թիւնս քո:
Կանխեցի տարածամու, ազաղակեցի,
և ես 'ի բանս քո յուսացայ:
Կանխեցին աչք իմ առաւօտու 'ի
խօսիլ ինձ զբանս քո:
Զայնի իմում լուր տէր ըստ ողոր

մու թեան քում. և յիրաւունս քո
կեցո զիս:
Մերձեցուցին յիս հալածիչք իմ զա
նօրէնու թիւն, զի յօրինաց քոց հեռի
եղեն:
Մերձ ես դու տէր, և ամենայն
պատուիրանք քո ճշմարիտ են:
Ի սկզբանէ ծանեայ 'ի վկայու թեանց
քոց, զի յաւիտեան հաստատեցեր
զնոսա:
Տես զխոնարհու թիւն իմ և փրկեա
զիս, զի զօրէնս քո ես ոչ մոռացայ:
Դատեա զդատաստանս իմ և փրկեա
զիս, և ըստ բանի քում կեցո զիս:
Հեռի է 'ի մեղաւորաց փրկու թիւն,
զի զիրաւունս քո ոչ պահեցին:
Գթու թիւնք քո բազում են տէր,
ըստ իրաւանց քոց կեցո զիս:
Բազում են, որք հալածեն և նեղեն
զիս. 'ի վկայու թեանց քոց ես ոչ խո
տորեցայ:
Հայէի յանագորոյնս և մաշէի, զի
զպատուիրանս քո ոչ պահեցին:
Տես՝ զի զպատուիրանս քո սիրեցի.
տէր՝ ողորմու թեամբ քո կեցո զիս:
Սկիզբ բանից քոց ճշմարտու թիւն
է. յաւիտեան են ամենայն իրաւունք
արդարու թեան քո:
Իշխանք հալածեցին զիս 'ի նանիր, և
'ի բանից քոց երկեալ սիրտ իմ:
Յնձացայ ես 'ի բանս քո որպէս այն՝
որ գտանէ աւար բազում:
Զմեղս ատեցի և անարդեցի, և զօ
րէնս քո սիրեցի:
Եօթն անգամ յաւուր օրհնեցից
զքեզ վանս իրաւանց և արդարու
թեան քո:
Խաղաղու թիւն բազում է այնոցիկ
ոյք սիրեն զօրէնս քո, և ոչ գոյ 'ի
նոսա գայթակղու թիւն:
Սպասեցի փրկու թեան քում տէր,
և զպատուիրանս քո սիրեցի:
Պահեաց անձն իմ զվկայու թիւնս
քո, և սիրեաց զնոսա յոյժ:

Պահեցից զպատուիրանս և զվկայու-
թիւնս քո, զի ամենայն ճանապարհք
իմ առաջի քո են:

Մերձեցցին խնդրուածք իմ առաջի
քո տէր, ըստ բանի քում իմաստուն
արա զիս:

Մտցեն աղօթք իմ առաջի քո տէր,
և բանիւ քո փրկեա զիս:

Բղխեսցեն շրթունք իմ զօրհնութիւ-
նքս քո, յորժամ ուսուցես ինձ զար-
դարութիւնս քո:

Խօսեսցի լեզու իմ զբանս քո, զի ա-
մենայն պատուիրանք քո արդարու-
թեամբ են:

Եղիցի ձեռն քո ՚ի կեցուցանել զիս.
զի զպատուիրանս քո ընտրեցի:

Յանկացայ փրկութեան քում տէր,
և օրէնք քո խօսք իմ էին:

Կեցցէ անձն իմ, օրհնեսցէ զքեզ.
և իրաւունք քո օգնեսցեն ինձ:

Մոլորեցայ ես որպէս զոչխար կորուս-
եալ. խնդրեա զճառայս քո՝ զի զպատ-
ուիրանս քո ես ոչ մոռացայ:

Տունք ծղ:

Կանոնս Գորղայս է: Սաղմոս ծղ: Տունք յկր:

ՕՐՀՆՈՒԹԻՒՆ ԵՍԱՅԵԱՅ ԿԱՅԵԱՆԱՄԱԲՈՒՐ ՍՈՒՐՐ
ՄԱՐԳԱՐԷՒՆ

Եսայեայ խր:

Օրհնեսցէք զաստուած յօրհնու-
թիւն նոր, զի իշխանութիւնն ու-
րա ՚ի բարձունս փառաւորի:

Եւ անուն նորա փառաւորեալ է ՚ի
ճագաց մինչեւ ՚ի ճագս երկրի:

Ոյք իջանէին ՚ի ծով նաւուք, կղզիք
և ամենայն բնակիչք նոցա ընդ նոսա:

Ուրախ եղիցի անապատն և ամենայն
բնակիչք իւր, ուրախ եղիցին բանա-
կըք և բակք կեդարու, և ուրախ
եղիցին բնակիչք վիմին:

Ի զլիսոց լերանց զոչեսցեն, տացեն
զփառս աստուծոյ. և զքաջութիւն
նորա կղզիք պատմեսցեն:

Տէր աստուած զօրութեանց զիմեալ
զայ զարթուցանել զպատերազմ, յա-
րուցանել զնախանձ, փող հարկանել
և գոչել ՚ի վերայ թշնամեաց իւրոց
զօրութեամբ բազմաւ:

Ուրախ եղիցին երկինք ՚ի վերուստ, և
ամպք ցօղեսցեն զարդարութիւն:

Բղխեսցէ երկիր զողորմութիւն և
զարդարութիւն՝ առ հասարակ բըղ-
խեսցէ:

ԱՂՕԹԻ ՅՈՎՆԱՆՈՒ ՄԱՐԳԱՐԷՒ

Ի նեղութեան իմում ես առ տէր
կարդացի, և լուաւ աստուած յան-
դընդոց գժոխոց աղաղակի իմում:

Լուր տէր ձայնի իմում, զի ընկեցեր
զիս ՚ի խորս ծովու, և շրջանք գե-
տոց պաշարեցին զիս:

Ամենայն զբօսանք քո և ալիք քո ան-
ցին ՚ի վերայ իմ, և ասացի թէ մեր-
ժեցայ ուրեմն յերեսաց աչաց քոց:

Արդ՝ իցէ թէ յաւելից հայիլ ՚ի տա-
ճար սուրբ քո, զի հեղան զինեւ
ջուրք մինչեւ յանձն իմ, և անդունդք
անհնարինք պաշարեցին զիս:

Եմուտ գլուխ իմ ընդ փապարս լե-
րանց. իջի ես ՚ի խորս երկրի, և տե-
սի զնիգս նորա, զի էին որպէս աղխք
յաւխտենից, և ելցեն յապականու-
թենէ կեանք իմ:

Առ քեզ տէր աստուած իմ ՚ի նուա-
ղիլ անձին իմոց կարդացի, և զքեզ
տէր յիշեցի. և մտցեն աղօթք իմ ՚ի
տաճար սուրբ քո:

Զի ոյք պահէին զունայնութիւն և
զստութիւն, յողորմութենէ իւր-
եանց մերժեցան:

Այլ ես ՚ի ձայն օրհնութեան խոս-
տովան եղէց քեզ, մատուցից պա-
տարագս տեառն, և կատարեցից
զուխտ իմ ՚ի փրկութեան:
Փառք հօր և որդւոյ և:

Մ Ա Ղ Թ Ա Ն Ք

Եկեսցեն աղօթք մեր ՚ի տաճար սուրբ քո . խոնարհեսցի ունկն քո ՚ի խրնդ-րուածս մեր :

Մարդասէր տէր , վասն սրբուհւոյ անարատի մօր քո և կուսի , և վասն խաչի քո պատուականի , ընկալ զաղաչանս մեր , և կեցո զմեզ :

Քարոզ և աղօթք Մի՛ն-ի-ն)իւր և խոնարհան կանոնացն :

Վասն ուղղելոյ զգնացս մեր ՚ի ճանապարհս խաղաղութեան , զտէր աղաչեսցուք :

Տէր ողորմեա :

Վասն ցրելոյ ՚ի մէնջ զամենայն խորհուրդս չարին , զտէր աղաչեսցուք :

Վասն պարգեւելոյ մեզ առողջ խորհուրդս և առաքինի վարս , զտէր ա :

Վասն պահելոյ զմեզ ընդ հովանեաւ ամենազօր աջոյն իւրոյ , զտէր աղա :

Վասն խորտակելոյ զհակառակորդն վաղվաղակիրնդ ոտիւք մերովք , զտէր :

Վասն հոգւոցն հանգուցելոց՝ որք ճշմարիտ և ուղիղ հաւատով ՚ի քրիստոս ննջեցին , զտէր աղա :

Եւ եւս միաբան վասն ճշմարիտ և սուրբ հաւատոյս մերոյ զտէր աղա :

Զանձինս մեր և զմիմեանս տեառն Աստուծոյ ամենակալին յանձն ա-

րացուք :

Քեզ տեառնդ յանձն եղիցուք :

Ողորմեաց մեզ տէր աստուած մեր ըստ մեծի ողորմութեան քում . ասա-

ցուք ամենեքեան միաբանութեամբ :

Տէր ողորմեա . տէր ողորմեա . տէր ողորմեա :

Ա Ղ Օ Թ Ք

Տէր երկնի և երկրի՝ արարիչ ամենայն արարածոց երեւելեաց և աներեւու-թից : Առ քեզ կարգամք յամենայն ժամ , զի ընդ ամենայն տեղիս է տե-րութիւն քո , և արքայութիւն քո ամենեցուն տիրէ : Շնորհեա մեզ երկիւղիւ ՚ի պաշտօն քո կանխել հա-նապազ . սիրել զքեզ ՚ի բոլոր սրտե-

և ՚ի բովանդակ մտաց , և յամենայն զօրութենէ մերմէ պահել զպատուի-րանս քո : Համբառնալ առ քեզ զձե-ռքս մեր ՚ի սրբութիւն առանց բար-կութեան և երկմտութեան , և զը-տանել ՚ի քէն զշնորհս և զողորմու-թիւն , և առաքինասէր գործոցն յաջողութիւն : Վասն զի դու ես տէր կենաց և աստուած ողորմու-թեան . և քեզ վայելէ փառք իշ-խանութիւն և սրատիւ այժմ և միշտ և յաւիտեանս յաւիտենից . ամէն :

Խաղաղութիւն ամենեցուն ,
Աստուծոյ երկիրպագեսցուք :

Քում ամենազօր և յաղթող տէրու-թեանդ կրկնի ամենայն ծունր յեր-կրրպագութիւն , և փառաւորի յա-մենեցունց թագաւորութիւն քո : Նայեա յերկրպագութիւնս մեր , և ուստ մեզ առնել զարդարութիւն ճշմարտութեան : Վասն զի դու ես աստուած խաղաղութեան , որ բար-ձեր զթշնամութիւն ՚ի միջոյ , և արա-րեր զխաղաղութիւն յերկինս և յերկ-րի : Հեռաւորաց և մերձաւորաց աւե-տարանեցեր զնոր պարգեւս քոյին բարեացդ : Որում և զմեզ մեծի շը-նորհացդ արժանաւորս արասցես՝ դասելով ընդ ճշմարիտ երկրպագուս քո . աստուած մեր և տէր մեր և փրկիչ Յիսուս քրիստոս : Որ ես օրհ-նեալ ընդ հօր և ընդ սուրբ հոգ-ւոյդ , այժմ և միշտ և յաւիտեանս յաւիտենից . ամէն :

Մ Ա Ղ Թ Ա Ն Ք

Յերգս օրհնութեան և ՚ի ձայն սաղ-մոսաց անդադար փառաւորեմք ըզ-հայր և զօրդի և զսուրբ հոգիդ , այժմ և միշտ և յաւիտեանս յաւի-տենից . ամէն :

Օրհնեալ տէր մեր յիսուս քրիստոս ամէն :

Հայր մեր որ յերկինս :



Առաքելս զոգի քո և ստանաւ զնորս,
և նորոգելս զերեսս երկրի.



ՍԱՂՄՈՍ ՃԺԹ.

Օրհնութիւնք աստիճանաց :

Ի նեղութեան իմում ես առ տէր
կարգացի, և լուաւ ինձ տէր.
տէր վրկեաց զանձն իմ 'ի շրթանց
նենդաւորաց և 'ի լեզուէ չարէ :
Ձի՞ տացի քեզ՝ կամ զի՞նչ յաւելցի,
լեզու նենդաւոր :

Որպէս նետք հզօրի, զի մսեալ են
կայծակամբք կաղնւոյ :

Վայ ինձ՝ զի ընդ երկար եղև սանձ
դըխտութիւն իմ, և բնակեցայ ես
վրանս Վեդարու :

Բազում անգամ բնակեցաւ անձն իմ
ընդ այնոսիկ, ոյք ատէին զողջոյն :

Ես էի խաղաղարար. յորժամ խօսեի,
մարտնչէին ընդիս :

ՏճԵ Զ.

ՍԱՂՄՈՍ ՃԻ.

Օրհնութիւնք աստիճանաց :

Համբարձի զաչս իմ 'ի լերինս, ուստի
եկեսցէ ինձ օգնութիւն :

Օգնութիւն ինձ 'ի տեառնէ եկեսցէ,
որ արար զերկինս և զերկիր :

Մի՛ տար 'ի սասանութիւն զոտն քո,
և մի՛ ննջեսցէ պահասպան քո :

Որպէս ոչ ննջէ և ոչ 'ի քուն երթայ,
պահասպանն իօրայելի :

Տէր պահեսցէ զքեզ, և տէր ընկալ
ցի աջոյ ձեռամբն իւրով :

Արեգակն 'ի տուէ քեզ մի՛ մեղիցէ,
և մի՛ լուսին 'ի դիշերի :

Տէր պահեսցէ զքեզ յամենայն չարէ,
պահեսցէ տէր զանձն քո :

Տէր պահեսցէ զմուտ և զել քո՝ յայսրմհետէ
մինչեւ յաւիտեան :

ՏճԵ Բ.

ՍԱՂՄՈՍ ՃԻԱ.

Օրհնութիւնք աստիճանաց :

Ուրախ եղէ ես՝ ոյք ատէին ցիս, 'ի
տուն տեառն երթիցուք մեք :

Հասեալ կային ոտք մեր առ դրուես
քո երուսաղէմ :

Ձերուսաղէմ շինեալ որպէս քաղաք,
և բնակութիւն իւր շուրջ զնովաւ :

Անդ ելանէին ազգք ազգք տեառն,
'ի վկայութիւն իօրայելի խոստովան
լինիլ անուան տեառն :

Անդ արկեալ են աթոռք դատաստանի,
աթոռս արկեալ են 'ի տան գաւթի :

Հարցէք զողջունէ երուսաղէմի, և
զշինութենէ՝ ոյք սիրէք զտէր :

Եղիցի խաղաղութիւն 'ի զօրութեան
քում, և շինութիւն յաշտարակս
յամուրս քո :

Վասն եղբարց և ընկերաց իմոց խօսեցայ
զխաղաղութիւն, վասն քո և վասն տան
տեառն աստուծոյ մերոյ խնդրեցաք
զբարութիւն 'ի քէն :

ՏճԵ Ը.

ՍԱՂՄՈՍ ՃԻԲ.

Օրհնութիւնք աստիճանաց :

Առ քեզ տէր համբարձի զաչս իմ,
որ բնակեալդ ես 'ի յերկինս :

Որպէս աչք ծառայի 'ի ձեռն տեա-
ռըն իւրոյ, և որպէս աչք աղախնոյ
'ի ձեռն տիկնոջ իւրոյ :

Այնպէս են աչք մեր առ քեզ տէր
աստուած մեր, մինչեւ ողորմեսցիս
'ի վերայ մեր :

Ողորմեա մեզ տէր ողորմեա մեզ, զի
բազում լցաք արհամարհանօք :

Եւս առաւել լցան անձինք մեր նա-
խատանօք, որք նախատէին զմեզ ար-
համարհանօք ամբարտաւանից :

Տունք Ե :

ՍԱՂՄՈՍ ՃԻԳ.

Օրհնութիւնք աստիճանաց :

Եթէ ոչ տէր էր առ մեզ, ասասցէ
խորայել, եթէ ոչ տէր էր առ մեզ :

Ընդ յառնել մարդկան 'ի վերայ մեր,
կենդանւոյն կամեցան կլանել զմեզ :

Ի բարկանալ սրտմտութեամբ նոցա
'ի վերայ մեր, ապա և ջուրք ուրեմն
ընկզմեցին զմեզ :

Ընդ ուղիս անցին անձինք մեր, ան-
ցին անձինք մեր ընդ ուղիս անդա-
դարս :

Օրհնեալ է տէր, որ ոչ ետ զմեզ յո-
րս ատամանց նոցա :

Անձինք մեր ապրեցան որպէս ճընձ
ղուկք՝ յորոգայթէ որսողաց :

Որոգայթք նոցա փշրեցան, և մեք
ապրեցաք :

Օգնութիւն է մեզ յանուանէ տեա-
ռըն, որ արար զերկինս և զերկիր :

Տունք Ը :

ՍԱՂՄՈՍ ՃԻԴ.

Օրհնութիւնք աստիճանաց :

Ո յուսայ 'ի տէր, որպէս լեառն սի-
օն, մի՛ սասանեսցի յաւիտեան՝ որ
բնակեալն է յերուսաղէմ :

Լերինք շուրջ են զնովաւ, տէր շուրջ
է զժողովրդեամբ իւրով յայսմհետէ
մինչեւ յաւիտեան :

Ո՛չ թողու տէր զգաւազան մեղա-
ւորաց 'ի վիճակս արդարոց, և ար-
դարք մի՛ ձգեսցեն զձեռս իւրեանց
յանօրէնութիւն :

Բարի առնէ տէր բարեաց, և այնո-
ցիկ՝ ոչք ուղիղ են սրտիւք :

Իսկ զթիւրեալն 'ի յափշտակու-
թիւն, տանի զնոսա տէր ընդ այնո-
սիկ ոչք գործեն զանօրէնութիւն :

Խաղաղութիւն 'ի վերայ իսրայէլի :

Տունք Ե : Գորդայս Խ :

ՍԱՂՄՈՍ ՃԻԵ.

Օրհնութիւնք աստիճանաց :

Ի դարձուցանել տեառն զգերու-
թիւն սիօնի, և եղաք մեք մխի-
թարեալք :

Յայնժամ լցան բերանք մեր խնդու-
թեամբ և լեզուք մեր ցնծութեամբ :
Յայնժամ ասասցեն 'ի հեթանոսս,
մեծ արար տէր զառնելն իւր ընդ
նոսա. մեծ արար տէր զառնելն ընդ
մեզ. և մեք եղաք բերկրեալք :

Գարձո տէր զգերութիւնս մեր որ-
պէս զուղիսս 'ի հարաւոյ, ոչք վարե-
ին արտասուօք, ցնծութեամբ հըն-
ձեսցեն :

Երթալով երթային և լային, ոչք
բարձեալ տանէին զսերմանիս իւր-
եանց :

Գալով եկեսցեն և ցնծասցեն, ոչք
առեալ բերիցեն զորայս իւրեանց :

Տունք Զ :

ՍԱՂՄՈՍ ՃԻԶ.

Օրհնութիւնք աստիճանաց :

Եթէ ոչ տէր շինէ զտունն, 'ի նանիր
վաստակին շինողք նորա :

Եթէ ոչ տէր պահէ զբաղաքն, ըն-
դունայն տքնին պահապանք նորա :

Ի նանիր է ձեզ յառնել կանխաւ .
արդ արիք մինչեւ էք ննջեալ ,
ոյք ուտէք զհաց ցաւոց :

Ի ժամանակի որպէս տացի քուն սիւ
րելեաց իւրոց . ժառանգութիւն աւ
ռըն որդիք են , որոյ վարձք իւր են ,
այն է պտուղ որովայնի իւրոյ :

Որպէս նետք 'ի ձեռս հզօրի , այնպէս
են և որդիքն թօթափելոց :

Երանի որ ելից զցանկութիւն իւր 'ի
նոցանէ . մի ամաչեցեն յորժամ խօ
սեցին թշնամիք նոցա ընդ նոսա
առ դրանն :

Տօնք Գ :

ՍՍՂՄՈՍ ՃԻԷ :

Օրննոքիւնք աստիճանաց :

Երանի ամենեցուն՝ ոյք երկնչին 'ի
տեառնէ , և գնան 'ի ճանապարհս
նորա :

Զվաստակս ձեռաց քոց կերիցես . եւ
րանի է քեզ , և բարի եղիցի :

Կին քո որպէս այգի վայելուչ յան
կիւնս տան քո . որդիք քո որպէս նորա
տունկ ձիթենւոյ շուրջ զսեղանով քո :

Այսպէս օրհնեցի ամենայն մարդ ,
որ երկնչի 'ի տեառնէ . օրհնեցէ ըզ
քեզ տէր 'ի սիօնէ :

Եւ տեսցես դու զբարութիւն երու
սաղէմի զամենայն աւուրս կենաց
քոց :

Տեսցես դու զորդիս որդւոց քոց ,
խաղաղութիւն 'ի վերայ խորայելի :

Տօնք Գ :

ՍՍՂՄՈՍ ՃԻԸ :

Օրննոքիւնք աստիճանաց :

Բազում անգամ մարտեան ընդիս 'ի
մանկութենէ իմմէ , ասացէ խորայել
Բազում անգամ մարտեան ընդիս 'ի
մանկութենէ իմմէ , և ինձ ոչ յաղ
թեցին :

Զթիկունս իմ հարին մեղաւորք , ընդ
երկար արարին զանօրէնութիւնս
իւրեանց :

Տէր արդար է , և խորտակէ զուրն
մեղաւորաց :

Ամաչեցեն և յետս դարձցին ամենե
քեան՝ ոյք ատեն զսիօն :

Եղիցին նոքա որպէս խոտ տանեաց ,
որ մինչեւ 'ի բուռն եկեալ չորացաւ :

Ուստի ոչ ելից զբուռն իւր հնձողն ,
և ոչ զգիրկս իւր՝ որ զորայն ժողովէր :

Ոչ ասացին ամենեքեան՝ ոյք անցա
նէին առ նոքօք , թէ օրհնութիւն
տեառն ընդ ձեզ , և օրհնեցաք զձեզ
յանուանէ տեառն :

Տօնք Ը :

ՍՍՂՄՈՍ ՃԻԹ :

Օրննոքիւնք աստիճանաց :

Ի խորոց կարգացի առ քեզ տէր ,
տէր լուր ձայնի իմում :

Եղիցին ահանջք քո 'ի լսել զձայն ա
ղօթից իմոց :

Թէ զանօրէնութիւնս իմ քննես տէր
տէր , իսկ ո՞ կարէ կալ առաջի քո ,
զի 'ի քէն է քաւութիւն :

Վասն անուան քո համբերի տէր ,
համբեր անձն իմ բանի քում . յու
սացաւ անձն իմ 'ի տէր :

Ի պահէ առաւօտու մինչեւ յերե
կոյ , 'ի պահէ առաւօտու յուսացաւ
խորայել 'ի տէր :

Ի տեառնէ է ողորմութիւն բազում ,
'ի նմանէ է փրկութիւն , և նա փրկ
կեաց զխորայել յամենայն նեղու
թեանց նորա :

Տօնք Գ :

ՍՍՂՄՈՍ ՃԻԷ :

Օրննոքիւնք աստիճանաց :

Տէր ոչ բարձրացաւ սիրտ իմ , և ոչ
զբօսան աչք իմ :

Ոչ գնացի ես ընդ մեծամեծս , և ոչ
ընդ այնոսիկ ոյք սքանչելի էին քան
զիս :

Բայց թէ խոնարհեցայ ես որպէս մա
նուկ տրբուցեալ 'ի ստենէ մօր իւ

րոյ , և դարձ նորա անդրէն 'ի նոյն ,
Այլ թէ հպարտացուցի արդեօք
զանձն իմ , այսպէս եղիցի հատու-
ցումն անձին իմոյ , յուսացաւ իս-
րայել 'ի տէր յայսմ հետէ մինչեւ
յաւիտեան :

Տունք դ . Գորղայս խդ :

ՍԱՂՄՈՍ ԺԼԱ .

Երգ չոռոց :

Յիշեա տէր զդաւիթ , և զամե-
նայն հեղու թիւն նորա :

Արպէս երգուաւ տեառն , և ուխտս
եդ աստուծոյ յակոբայ :

Թէ ոչ մտից 'ի յարկս տան իմոյ , թէ
ելից յանկողինս մահճաց իմոց :

Թէ տաց քուն աչաց իմոց , կամ նինջ
արտեւանաց իմոց , կամ հանգիստ ի-
րանաց իմոց . մինչեւ գտից զտեղի
յարկի տեառն աստուծոյ յակոբայ :

Ահա լուաք զնմանէ յեփրաթայ , և
գտաք զնա 'ի դաշտս մայրեաց :

Մտցուք 'ի յարկս նորա , երկիրպագ-
ցուք 'ի տեղւոջ ուր կացեալ են ոտք
նորա :

Արի տէր 'ի հանգիստ քո , դու և
տապանակ կտակի սրբութեան քո :
Քահանայք քո զգեցցին զարդարու-
թիւն , և սուրբք քո ցնծալով ցըն-
ծասցեն :

Վասն դաւ թի սիրելոյ քո , մի դար-
ձուցաներ զերեսս քո յօծելոյ քումմէ :

Երգուաւ տէր դաւ թի ճշմարտու-
թեամբ՝ և ոչ ստեաց նմա . 'ի պտղոյ
որովայնի նորա նստուցանել յաթոռ
նորա :

Թէ պահեսցեն որդիք քո զօրէնս իմ ,
և զվկայութիւնս իմ զոր ուսուցից
նոցա :

Արդիք նոցա նստցին յաւիտեանս յա-
ւիտենից յաթոռ քո :

Հաճեցաւ տէր ընդ սիօն , և ընտրեաց
բնակիլ 'ի նմա . ասէ՛ այս է հանգիստ

իմ յաւիտեանս յաւիտենից , 'ի սմա
բնակեցայց՝ զի հաճեցայ ընդ սա :
Չայրիս սորա օրհնելով օրհնեցից , և
զաղքատս սորա լցուցից հացիւ :

Երիցանց սորա զգեցուցից զփրկու-
թիւն , և սուրբք սորա ցնծալով ցըն-
ծասցեն :

Անդ ծագեցից զեղջիւր 'ի դաւիթ ,
պատրաստարարից զճրագ օծելոյ իմոյ :
Թշնամեաց նորա զգեցուցից զամօթ ,
այլ 'ի վերայ նորա ծաղկեսցի սրբու-
թիւն իմ :

Տունք թէ :

ՍԱՂՄՈՍ ԺԼԲ .

Երգ չոռոց :

Չի բարի կամ զի՞ վայելուչ , զի բը-
նակին եղբարք 'ի միասին :

Արպէս իւղ զի իջանէ 'ի գլուխ և 'ի
մօրուսն ահարօնի , և 'ի մօրուացն
իջանէ 'ի գրապանս զգեստու նորա :

Արպէս ցօղ զի ցօղէ 'ի հերմօնէ 'ի վե-
րայ լերին սիօնի :

Տէր անդ պատրաստեաց զօրհնու-
թիւն և զկեանս յաւիտենից :

Տունք դ :

ՍԱՂՄՈՍ ԺԼԳ .

Երգ չոռոց :

Աստ օրհնեցէք ամենայն ծառայք
տեառն զտէր , ո կայք 'ի տուն տեառն
և 'ի դաւիթս աստուծոյ մերոյ :

Ի գիշերի համբարձէք զձեռս ձեր 'ի
սրբութիւն , և օրհնեցէք զտէր :

Օրհնեսցէ զմեզ տէր 'ի սիօնէ , որ ա-
րար զերկինս և զերկիր :

Տունք դ :

ՍԱՂՄՈՍ ԺԼԴ .

Արկուռիս :

Օրհնեցէք զանուն տեառն , օրհնե-
ցէք ծառայք տեառն զտէր . ո կայք
'ի տուն տեառն , 'ի դաւիթս աստու-
ծոյ մերոյ :

Օրհնեցէք զտէր , զի բարի է . սաղմոս
ասացէք անուան նորա , զի քաղցր է :



Չյակոբ ընտրեաց իւր տէր և զիւրայել ժառանգութիւն իւր :

Ես ծանեայ՝ զի մեծ է տէր, և տէր մեծ է քան զամենայն կուռս :

Չամենայն զոր ինչ կամեցաւ և արար տէր, յերկինս և յերկրի, ՚ի ծով և յամենայն խորս :

Հանէ զամպս ՚ի ծագաց երկրի, զփայլատակունս իւր յանձրեւս արար, և հանէ զհողմ ՚ի շտեմարանաց իւրոց :

Եհար զամենայն անդրանիկս եգիպտացւոց, ՚ի մարդոյ մինչեւ յանասուն :

Առաքեաց զնշանս և զարուեստս իւր ՚ի մէջ քո եգիպտոս, ՚ի փարաւօն և յամենայն զօրս իւր :

Եհար զազգս բազումս, և սպան ըզլժագաւորս հզօրս :

Չսեհօն թագաւոր ամուրհացւոց, զովգ թագաւոր բասանու, և զամենայն թագաւորութիւնս քանաւնացւոց :

Ետ զերկիր նոցա ՚ի ժառանգութիւն, ժառանգութիւն իսրայելի ժողովրդեան իւրոյ :

Տէր անուն քո յաւիտեան, տէր յիշատակ քո ազգէ մինչեւ յազգ :

Դատէ տէր զժողովուրդս իւր, և ՚ի ծառայս իւր մխիթարի :

Կուռք հեթանոսաց ոսկի և արծաթեն, ձեռագործք են որդւոց մարդկան, Բերան գոյ՝ և ոչ խօսին, աչք են՝ և ոչ տեսանեն :

Ականջք են՝ և ոչ լսեն, և ոչ գոյշունչ ՚ի բերանս նոցա :

Նման նոցա եղիցին ոյք արարին զնոսա, ամենեքեան ոյք յուսացեալ են ՚ի նոսա :

Տուն իսրայելի օրհնեցէք զտէր, տուն ահարօնի օրհնեցէք զտէր :

Տուն զեւեայ օրհնեցէք զտէր, երկիւղածք տեառն օրհնեցէք զտէր :

Օրհնեալ տէր ՚ի սիօնէ, որ բնակեալն է յերուսաղէմ :

Տունք ի : Գորղայս խո :

ՍԱՂՄՈՍ ԺԼԵ

Աւերախա :

Խոստովան եղերուք տեառն, զի բարի է զի յաւիտեան է ողորմութիւն նորա :

Խոստովան եղերուք աստուծոյն աստուծոց, զի յաւիտեան է ողորմութիւն նորա :

Խոստովան եղերուք տեառն տէրանց, զի յաւիտեան է ողորմութիւն նորա :

Արար սքանչելիս մեծամեծս միայն, զի յաւիտեան է ողորմութիւն նորա :

Չերկինս արար իմաստութեամբ իւրով, զի յաւիտեան է ողորմութիւն նորա :

Հաստատեաց զերկիր ՚ի վերայ ջուրց, զի յաւիտեան է ողորմութիւն նորա :

Արար զլուսաւորս մեծամեծս միայն, զի յաւիտեան է ողորմութիւն նորա :

Չարեգակն արար իշխանական տուրնջեան, զի յաւիտեան է ողորմութիւն նորա :

Չլուսին և զաստեղս իշխանական գիշերոյ, զի յաւիտեան է ողորմութիւն նորա :

Եհար զերկիրն եգիպտացւոց անդրանիօք իւրովք հանդերձ, զի յաւիտեան է ողորմութիւն նորա :

Եւ եհան զիսրայել ՚ի միջոյ նորա, զի յաւիտեան է ողորմութիւն նորա :

Ի ձեռն բարձր և ՚ի բազուկ հզօր, զի յաւիտեան է ողորմութիւն նորա :

Եհերձ զծովն մեծ, և բաժանեաց յերկուս մասունս, զի յաւիտեան է ողորմութիւն նորա :

Եւ անցոյց զիսրայել ընդ մէջ նորա, զի յաւիտեան է ողորմութիւն նորա :

Ընկղմեաց զփարաւօն և զզօրս իւր ՚ի ծով կարմիր, զի յաւիտեան է ողորմութիւն նորա :

Եւ եհան զժողովուրդ իւր յանապատ, զի յաւիտեան է ողորմութիւն նորա : Եհար զազգս մեծամեծս միայն, զի



յաւիտեան է ողորմութիւն նորա :
 Եւ սպան զթագաւորս հզօրս , զի յա-
 ւիտեան է ողորմութիւն նորա :
 Զսեհօն թագաւորամուրհացւոց , զի
 յաւիտեան է ողորմութիւն նորա :
 Զուրգ թագաւոր բասանու , զի յա-
 ւիտեան է ողորմութիւն նորա :
 Ետ զերկիր նոցա ՚ի ժառանգութիւն ,
 զի յաւիտեան է ողորմութիւն նորա :
 Ժառանգութիւն իսրայելի ծառայի
 իւրոյ , զի յաւիտեան է ողորմութիւն
 նորա :

Յիշեաց զմեզ տէր ՚ի խոնարհութեան
 մերում , զի յաւիտեան է ողորմու-
 թիւն նորա :

Եւ փրկեաց զմեզ ՚ի ձեռաց թշնա-
 մեաց մերոց , զի յաւիտեան է ողոր-
 մութիւն նորա :

Ո՛ տայ կերակուր ամենայն կենդան-
 եաց , զի յաւիտեան է ողորմութիւն
 նորա :

Խոստովան եղերուք աստուծոյն երկ-
 նաւորի , զի յաւիտեան է ողորմու-
 թիւն նորա :

Տունք իշ :

ՍԱՂՄՈՍ ԺԼԶ

Սաղմոս դաւթի . ՚ի ձեռն երեմիայի . աննշան
 յեբրայեցոց :

Առ գետս բաբելացւոց , անդ նրս
 տէաք և լայաք . որպէս յիշեցաք մեք
 անդ զսիօն :

Ի մէջ ուռեաց նոցա կախեցաք ըզ-
 կտակարանս մեր :

Անդ հարցանէին գերիւնք մեր զբանս
 օրհնութեան , գերավարք մեր ստի-
 պէին զմեզ և ասէին :

Օրհնեցէք մեզ յօրհնութենէ սիօ-
 նի . իսկ զիարդ օրհնեսցուք զօրհ-
 նութիւնս տեառն յերկիր օտար :

Թէ մոռացայց զբեզ երուսաղէմ ,
 մոռացի զիս աջ իմ :

Կցեսցի լեզու իմ ՚ի քիմս իմ թէ ոչ
 յիշեցից զբեզ , թէ ոչ նախ նուա-

գեցից զբեզ , երուսաղէմ , սկիզբն
 ուրախութեան իմոյ :

Յիշեա տէր զորդիան եղովմայ յա-
 ւուրսն երուսաղէմի :

Ոյք ասէին , քակեցէք քակեցէք ,
 մինչեւ ՚ի հիմն հասուցէք :

Դուստր բաբելացւոց թշուառա-
 կան , երանի որ հատոյց զհատու-
 ցումն քո , զոր դու մեզ հատուցեր :

Երանի որ կալաւ զմանկունս քո , և
 եհար զբարի :

Տունք Ժ :

ՍԱՂՄՈՍ ԺԼԷ

Սաղմոս դաւթի :

Խոստովան եղէց բեզ տէր բոլորով
 սրտիւ իմով , առաջի հրեշտակաց սաղ-
 մոս ասացից բեզ :

Զի լուար զբանս բերանոյ իմոյ , եր-
 կիրպագից ՚ի տաճար սուրբ քո , և
 խոստովան եղէց անուան քում վա-
 սըն ողորմութեան և ճշմարտու-
 թեան քո :

Եւ՞ արարեր յամենայնի զանուն
 սուրբ քո , յորում աւուր կարդամ
 առ բեզ վաղվաղակի լուր ինձ , և բա-
 զումարացես զօրութիւնս յանձն իմ :
 Խոստովան եղիցին առ բեզ ամենայն
 թագաւորք երկրի , զի լուան զբանս
 բերանոյ քո , և օրհնեսցեն զձանա-
 պարհս քո :

Եւ՞ են փառք տեառն , բարձր է
 տէր՝ զխոնարհս տեսանէ , և զբար-
 ձունս ՚ի հեռաստանէ ձանաչէ :

Թէ գնացից ես ՚ի մէջ նեղութեանց ,
 կեցուցես զիս ՚ի բարկութենէ թըշ-
 նամւոյն :

Զգեցեր զձեռն քո , և փրկեաց զիս
 աջ քո , և տէր հատուցէ ընդ իմ :

Տէր ողորմութիւն քո յաւիտեան , ըզ-
 գործս ձեռաց քոց մի՛ անտես առներս :

Տունք Ը : Գորդայս խո :

ՍԱՂՄՈՍ ԾԼԸ.

Ի կատարած. Սաղմոս դարբի:

Տէր փորձեցեր զիս և ծանեար զիս, դու ծանեար զնստել իմ, և զյառնել իմ:

Ի միտ առեր զխորհուրդս իմ 'ի հեռաստանէ, զչաւիղս իմ և զվիճակս իմ դու քննեցեր, և զամենայն ճանապարհս իմ յառաջագոյն տեսեր, զի ոչ գոյնենդու թիւն 'ի լեզուի իմում: Ահա դու տէր՝ ծանեար զյետին իմ և զառաջին իմ, դու ստեղծեր զիս, և եղեր զձեռն քո 'ի վերայ իմ: Սքանչելի եղև գիտութիւն քո յիննէն, զօրացաւ և ոչ հանդարտեմ սմա:

Յո՞ երթայց ես յոգւոյ քումմէ, կամ յերեսաց քոց ես յո՞ փախեայց:

Թէ ելանեմ յերկինս՝ դու անդ ես, և թէ իջանեմ 'ի դժոխս՝ և անդ մօտ ես: Թէ առից զթելս իմ ընդ առաւօտըս, և բնակեցայց յերբոս ծովու:

Սակայն և անդ ձեռն քո առաջնորդեսցէ ինձ, և աջ քո ընկալցի զիս:

Ասացի՛ խաւար ուրեմն արդեօք ծածկեաց զիս, կամ գիշեր փոխանակ լուսոյ փափկութեան իմոյ:

Խաւարն 'ի քեզ ոչ խաւարեսցի, և գիշերն որպէս տիւ լուսաւոր եղիցի, և խաւար նորա որպէս զլոյս նորա:

Դու ստացար զերիկամունս իմ, և ընկալար զիս յորովայնէ մօր իմոյ:

Խոստովան եղէց քեզ տէր, զի ահեղ և սքանչելի ես. սքանչելի են գործքքո, և անձն իմ սիրեաց յոյժ:

Ոչ թազեաւ ոսկր իմ 'ի քէն՝ զոր աւրարեր 'ի ծածուկ, և կար զօրութեան իմոյ ընդ ստորինս երկրի:

Չանգործս իմ տեսին աչք քո, և 'ի գիրս քո ամենեքեան գրեցան:

Ի տուէ մոլորեցան, և ոչ ոք էր որ առաջնորդէր նոցա:

Ինձ յոյժ մեծարու եղեն բարեկամք

քո աստուած, և յոյժ զօրացան իշխանք նոցա:

Թուեցի զնոսա, և քան զաւաղ բազմացան. զարթեայ, և արդ ընդ քեզ եմ: Թէ սպանանես զմեղաւորս աստուած, արք արեան 'ի բաց եղերուք յիննէն: Ի հակառակութիւն և 'ինախանձ, առցեն 'ինանիր դքաղաքս քո:

Չատելիս քո տէր ատեցի, և 'ի վերայ թշնամեաց քոց մաշեցայ:

Յատելութիւն կատարեալ ատեցի զնոսա, և եղեն ինձ թշնամիք:

Փորձեա զիս աստուած և ծանիր ըզսիրտ իմ, քննեա զիս և ծանիր զչաւիղս իմ. և տես թէ իցեն անօրէնութիւնք 'ի ճանապարհս իմ, և առաջնորդեա ինձ 'ի ճանապարհս քո յաւիտենից:

Տուք իր:

ՍԱՂՄՈՍ ԾԼԹ.

Ի կատարած. Սաղմոս դարբի:

Ապրեցո զիս տէր 'ի մարդոյ չարէ, յառնէ անիրաւէ փրկեա զիս:

Խորհեցան զանօրէնութիւն 'ի սիրտըս իւրեանց. զօր ամենայն պատրաստեցան 'ի պատերազմ:

Սրեցին զլեզուս իւրեանց որպէս զօձի, և թոյնք իժից 'ի ներքոյ շրթանց նոցա:

Պահեա զիս տէր 'ի ձեռաց մեղաւորի, և 'ի մարդոյ չարէ փրկեա զիս: Խորհեցան խափանել զգնացս իմ. թագուցին ամբարտաւանք որոգայթ ինձ:

Լարս ձգեցին որոգայթ ոտից իմոց, շուրջ զչաւղօք իմովք եղին ինձ ըզգայթակղութիւն:

Ասացի՛ տէր աստուած իմ ես դու, ունկն գիր տէր ձայնի աղօթից իմոց:

Տէր տէր զօրութիւն փրկութեան իմոյ, հովանի գլխոյ իմոյ յաւուր պատերազմի:

Մի՛ մատներ զիս տէր 'ի ցանկութիւն մեղաւորաց, ոյք խորհեցան վասն

իմ. մի՛ ընդ վայր հարկաներ զիս :
Չի մի՛ երբէք բարձրացին , և խոր-
հուրդք նոցա մի՛ կատարեսցին . վախ-
ճան կատարածի նոցա վաստակ շըր-
թանց իւրեանց ծածկեսցէ զնոսա :
Արկցես 'ի վերայ նոցա զկայծակունս
հրոյ , և կործանեսցես զնոսա . 'ի տա-
ռապանաց մի՛ կարացեն կեալ :

Մարդոյ լեզուանոյ մի՛ յաջողեսցի 'ի
վերայ երկրի . զայր մեղաւոր չարիք
իւր որսացեն 'ի կորուստ :
Ծանեայ զի առնես տէր դատաստան
աղքատի , և իրաւունս տնանկի :
Արդարք գոհացին զանուանէ քում-
մէ , և բնակեսցին ուղիղք առաջի
երեսաց քոց :

Տունք ԺԴ :

ՍԱՂՄՈՍ ԺԽ .

Սաղմոս դաւթի :

Տէր կարդացի առ քեզ՝ և լուր ինձ ,
նայեա 'ի ձայն աղօթից իմոց 'ի կար-
դալ իմու՛մ առ քեզ :
Ուղիղ եղիցին աղօթք իմ որպէս
խու՛նկ առաջի քո տէր . համբարձու-
մըն ձեռաց իմոց պատարագ երեկոյի :
Պիր տէր պահապան բերանոյ իմոյ ,
և դուռն ամուր շրթանց իմոց , զի
մի՛ խոտորեսցի սիրտ իմ բանիւ չա-
րութեան :

Ի պատճառել զպատճառս մեղաց ընդ
մարդս , ոյք գործեն զանօրէնութիւն .
և ոչ եղէց կցորդ ընտրելոց նոցա :
Խրատեսցէ զիս արդարն ողորմու-
թեամբ և յանդիման արացէ . իւղ
մեղաւորի մի՛ օձցէ զգլուխ իմ , այլ
աղօթք իմ 'ի կամս նորա :

Արդելան մերձ առ վիմին դատաւորք
նոցա . լուիցեն բանից իմոց , և քաղց-
րացին :

Որպէս թանձրութիւն հողոյ զի սըլի-
ռեալ է 'ի վերայ երկրի . ցրուեսցին
ոսկերք նոցա մերձ 'ի դժոխս :

Առ քեզ տէր տէր են աչք իմ , 'ի քեզ

յուսացայ , մի՛ հաներ զհողի յինէն :
Պահեա զիս յորոգայթէ որ թագու-
ցաւ ինձ , 'ի գայթակղութենէ գոր-
ծողին զանօրէնութիւն :

Անկցին 'ի ցանցս նորա մեղաւորք ,
միայն եմ ես մինչեւ անցից :

Տունք ԺԵ :

ՍԱՂՄՈՍ ԺԽԱ :

Իմաստոսքիւն դաւթի . Աղօթք 'ի ժամանակի՝ զի
էր նա յայրի անդ :

Չայնիւ իմով ես առ տէր կարդացի ,
ձայնիւ իմով զտէր աղաչեցի :

Սկուեցից առաջի տեառն զաղօթս
իմ , և զնեղութիւնս իմ առաջի նո-
րա պատմեցից :

Ի նուաղիլ յինէն հողւոյ իմոյ , դու
տէր ծանեար զչաւիղս իմ . 'ի ճանա-
պարհ յոր և գնայի , թագուցաւ ինձ
որոգայթ :

Հայէի յաջմէ՝ և տեսանէի , և ոչ ոք
ճանաչէր զիս . կորեաւ յինէն փա-
խուստ իմ , և ոչ գտաւ խնդրող ան-
ձին իմոյ :

Աղաղակեցի առ քեզ տէր և ասացի ,
դու ես յոյս և բաժին իմ յերկրին
կենդանեաց :

Նայեա տէր յաղօթս իմ , զի ես խո-
նարհ եղէ յոյժ . ապրեցո զիս 'ի հա-
լածչաց իմոց , զի հզօրք եղեն քան զիս :
Տէր հան 'ի բանտէ զանձն իմ , գո-
հանամ զանուանէ քումմէ :

Եւ քեզ սպասեն արդարք՝ մինչեւ
հատուեսցես :

Տունք Ը : Գորդս ԺԶ :

ՍԱՂՄՈՍ ԺԽԲ :

Սաղմոս դաւթի . 'ի ժամանակի՝ զի հաշմեք
զնա աքիսողով որդի նորա :

Տէր լուր աղօթից իմոց , ունկնդիր
խնդրուածաց իմոց ճշմարտու-
թեամբ քով :

Լուր ինձ արդարութեամբ քով , և
մի՛ մտաներ 'ի դատաստան ընդ ծա-



ուայի քուճ. զի ոչ արդարանայ առաջի քո ամենայն կենդանի :

Հալածեաց թշնամին զանձն իմ, խոնարհ արար յերկիր զկեանս իմ. և նստոյց զիս ՚ի խաւարի որպէս մեռեալ յաւիտենից :

Չանձրացաւ յիս հոգի իմ, և սիրտ իմ խռովեցաւ յիս :

Յիշեցի զաւուրսն զառաջինս, խորհեցայ յամենայն գործս քո. յարարածս ձեռաց քոց խորհեցայ, և համբարձի առ քեզ զձեռսն իմ :

Անձն իմ որպէս երկիր ծարաւի է առ քեզ. վաղվաղակի լուր ինձ տէր, զի նուաղեցաւ յինէն հոգի իմ :

Մի՛ դարձուցաներ զերեսս քո յինէն. նմանիցիմ այնոցիկ՝ ոյք իջանեն ՚ի գուբ :

Լսելի արա ինձ առաւօտու զողորմութիւնս քո, զի ես ՚ի քեզ տէր յուսացայ :

Յոյց ինձ ճանապարհ յոր և գնացից, զի առ քեզ տէր համբարձի զանձն իմ : Փրկեա զիս ՚ի թշնամեաց իմոց տէր, զի զքեզ ապաւէն ինձ արարի :

Ուստ ինձ առնել զկամս քո, զի դու ես աստուած իմ :

Հոգի քո բարի առաջնորդեսցէ ինձ ՚ի յերկիր ուղիղ :

Վասն անուան քո տէր կեցուցես զիս արդարութեամբ քով, հանցես ՚ի նեղութենէ զանձն իմ :

Ողորմութեամբ քով սատակեա զթրշնամիս իմ. և կորո զամենայն նեղիչս անձին իմոյ, զի ես ծառայ քո եմ :

Տուր թղ :

ՍՍՂԳՈՍ ՃԽԳ.

Սաղմոս դաւթի. առ գողիաթ :

Օրհնեալ տէր աստուած իմ, որ ուսոյց զձեռս իմ ՚ի սրատերաղմ, և զմատուենս իմ ՚ի ճակատամարտ :

Ողորմութիւն իմ և ապաւէն իմ, օգն

նական իմ և փրկիչ իմ. ապաւէն իմ, և ես յուսամ ՚ի նա. ո՛հ հնազանդ առնէ զժողովուրդս ընդ ինեւ :

Տէր՝ ո՞վ է մարդ զի յայտնեցար դունմա, կամ որդի մարդոյ թէ համարիս ինչ զնա :

Մարդ նանրոյ նմանեցաւ, և աւուրք նորա որպէս հովանի անցին :

Տէր խոնարհեցո զերկինս և էջ, մերձեա ՚ի լերինս և ծխեսցին :

Փայլեա զփայլատակունս քո, և խրոպեա զնոսա. առաքեա զնետս քո, և ցրուեա զնոսա :

Առաքեա զձեռն քո ՚ի բարձանց, և փրկեա զիս ՚ի ջուրց բազմաց, և ՚ի ձեռաց որդւոց օտարաց :

Որոց բերանք իւրեանց խօսեցան ըզնանրութիւն, և աջ նոցա աջ է մեղաց :

Աստուած՝ յօրհնութիւն նոր օրհնեցից զքեզ, տասնաղեալ սաղմոսաբանաւ սաղմոս ասացից քեզ :

Ո՛ տացէ զփրկութիւն թագաւորաց մերոց, որ փրկելոց իցէ զդաւիթ ծառայ իւր ՚ի սրոյ չարէ :

Փրկեա զիս և ապրեցո զիս ՚ի ձեռաց որդւոց օտարաց :

Որոց բերանք իւրեանց խօսեցան ըզնանրութիւն, և աջ նոցա աջ է մեղաց :

Որոց ուստերք իւրեանց որպէս նորատունկ հաստատուն են ՚ի մանկութենէ իւրեանց. դստերք նոցա զարգարեալ և սլաճուճեալ ՚ի նմանութիւն տաճարի :

Շտեմարանք նոցա լի են և բղխեն ՚ի միմեանս, խաչինք նոցա բազմածինք են, և բազմանան ՚ի գնացս իւրեանց, և անդեայք նոցա սլարարտք են :

Ոչ գոյ խրամատու թիւն ցանկոյ նոցա, և ոչ աղաղակ ՚ի հրասլարակս նոցա :

Արդ երանեցից ժողովրդեան, որոյ այս այսպէս է. նա՛ երանի ժողովրդեան, որոյ տէր աստուած է նոցա :

Տուր թղ :

ՍՍՂՄՈՍ ՃԽԳ.

Օրհնութեանց Մարմառ դաշիւ

Բարձր առնեմ զքեզ աստուած իմ և թագաւոր իմ, և օրհնեմ զանուն քո յաւիտեան և յաւիտեանս յաւիտենից:

Զօրհանապաղ օրհնեցից զքեզ, և գովեցից զանուն քո յաւիտեան և յաւիտեանս յաւիտենից:

Մեծ է տէր և օրհնեալ է յոյժ, և մեծութեաննորա ոչ գոյ չափ:

Ազգք և ազգք գովեսցեն զգործս քո, և զզօրութիւնս քո պատմեսցեն:

Զմեծօլայելչութիւն փառաց սրբութեան քո խօսեսցին, և զսքանչելիս քո պատմեսցեն:

Զզօրութիւն ահի քո ասացեն, և զմեծութիւնս քո պատմեսցեն:

Զյիշատակ բազում քաղցրութեան քո բղխեսցեն, և արդարութեամբ քո ցնծացեն:

Գթած ողորմած է տէր, երկայնամիտ և բազումողորմ:

Քաղցր է տէր առ ամենեւեան, և գթութիւն նորա ՚ի վերայ ամենայն արարածոց իւրոց:

Խոստովան եղիցին առ քեզ տէր ամենայն գործք քո, և սուրբք քո օրհնեսցեն զքեզ:

Զփառս արքայութեան քո ասացեն, և զզօրութիւնս քո պատմեսցեն:

Ճանաչել որդւոց մարդկան զզօրութիւնս քո, և զփառս մեծօլայելչութեան արքայութեան քո:

Արքայութիւն քո արքայութիւն ամենայն յաւիտենից, և տէրութիւն քո ազգէ մինչեւ յազգ:

Շաւատարիմ է տէր յամենայն բանս իւր, և արդար է յամենայն գործս իւր: Շաստատէ տէր զամենայն գայթակղեալս, և կանգնէ զամենայն գլորեալս:

Աչք ամենեցուն ՚ի քեզ յուսան, և դու տաս կերակուր նոցա ՚ի ժամու:

Տաս դու նոցա և կերակրին. բանաս զձեռն քո, և լցուցանես զամենեւեան քաղցրութեամբ կամօք քովք:

Արդար է տէր յամենայն ճանապարհս իւր, և սուրբ է յամենայն գործս իւր:

Մերձ է տէր առ ամենեւեան ոյք կարգան առ նա, առ ամենեւեան ոյք կարգան առ նա ճշմարտութեամբ:

Զկամս երկիւղածաց իւրոց առնէ տէր. աղօթից նոցա լսէ, և կեցուցանէ զնոսա:

Պահէ տէր զամենեւեան ոյք սիրեն զնա, և զամենայն մեղաւորս սատակէ տէր:

Զօրհնութիւնս տեառն խօսեսցի բերան իմ. օրհնեսցէ ամենայն կենդանի զանուն սուրբ նորա յաւիտեան և յաւիտեանս յաւիտենից:

Տունք իբ: Գորդայս ծբ:

ՍՍՂՄՈՍ ՃԽԵ.

Ալեյուիա. անդեայ և զարարիայ:

Օրհնեա անձն իմ զտէր, օրհնեցից զտէր ՚ի կեանս իմ, սաղմոս ասացից աստուծոյ իմոյ մինչեւ եմ ես:

Մի՛ յուսայք յիշխանս յորդիս մարդկան, զի ոչ գոյ փրկութիւն ՚ի նոսա:

Ելցէ հողի ՚ի նոցանէ՝ և դարձցին անդրէն ՚ի հող, և յայնմ աւուր կորիցեն ամենայն խորհուրդք նոցա:

Երանի ազգի՛ որոյ տէր աստուած յակորայ օգնական է նմա, և յոյս նորա ՚ի տէր աստուած է:

Ար արար զերկինս և զերկիր, զծով և զամենայն որ է ՚ի նոսա:

Ո՛ պահէ զճշմարտութիւն յաւիտեան, և առնէ իրաւունս զրկելոց:

Տայ հաց քաղցելոց, և արձակէ զկապեալս տէր:

Տէր բանայ զաչս կուրաց, և կանգնէ զգլորեալս տէր:

Տէր սիրէ զարդարս, տէր պահէ ըզ-



պանդուխտս, զորքս և զայրիս ընդունի տէր, և զճանապարհս ամբարշտաց կորուսանէ: Թագաւորեացէ տէր յաւիտեան, աստուած քո սիօն ազգէ մինչև յազգ: Տունք Ժ:

ՍԱՂՄՈՍ ԺԽԶ.

Ալեյուիա. անգեայ և զաքարիայ:

Օրհնեցէք զտէր՝ զի բարի են սաղմոսք, աստուծոյ մերում քաղցր եղիցի օրհնութիւն:

Շինէ զերուսաղէմ տէր, և զցրուեալսն իսրայելի ժողովէ:

Բժշկէ զբեկեալ սիրտս, և պատէ զամենայն վէրս նոցա:

Ո թուէ զբազմութիւն աստեղաց, և զամենեւեան զնոսա յանուանէ կոչէ:

Մեծ է տէր և մեծ է զօրութիւն նորա, իմաստութեան նորա ոչ գոյ բաւ:

Ընդունի զհեզս տէր, և խոնարհ առնէ զամբարտաւանս մինչեւ յերկիր:

Օրհնեցէք զաստուած խոստովանութեամբ, սաղմոս ասացէք նմա օրհնութեամբ:

Ո՛ զգեցոյց զերկինս ամպովք, և պատրաստ արար զանձրեւ իւր յերկիր: Բուսոյց զխոտ ՚ի լերինս, և զգալարի ՚ի ծառայութիւն մարդկան:

Ո՛ տայ անասնոց կերակուր, ձագուց ազուաւուց՝ ոյք կարգան առնա:

Ոչ թէ ընդ զօրութիւնս ձիոյ կամեցաւ տէր, և ոչ ընդ իրանս առն հըսկայի հաճեցաւ:

Այլ հաճեցաւ տէր ընդ երկիւղածս իւր, և ընդ այնոսիկ՝ ոյք յուսան յողորմութիւն նորա: Տունք Ժ:

ՍԱՂՄՈՍ ԺԽԷ.

Ալեյուիա. անգեայ և զաքարիայ:

Գովեա երուսաղէմ զտէր: Եւ օրհնեա զաստուած քո սիօն: Զի զօրացոյց զնիզս դրանց քոց, և

օրհնեաց զորդիս քո ՚ի բեղ: Ո՛ եղ զսահմանս քո ՚ի խաղաղութիւն, սլարարտութեամբ ցորենոյ լցոյց զբեղ:

Առաքէ զբան իւր յերկիր, վաղվաղ ընթանան պատգամք նորա:

Ինէ զձիւն որպէս զասր, և զմեղ որպէս փոշի ցանեաց:

Արկանէ զսառն որպէս պատառս, առաջի ցրտոյ նորա ո՞ կարէ կեալ:

Առաքէ զբան իւր և հալէ զնոսա, շնջեցեն հողմք, և գնացեն ջուրք:

Պատմէ զբան իւր յակոբայ, զարդարութիւն և զիրաւունս իսրայելի:

Ոչ այսպէս արար ամենայն ազգաց տէր, և զգատաստանս իւր ոչ յայտնեաց նոցա: Տունք Ժ: Գորգայս ԼԲ:

ԱՂՕԹՔ ԱՄԲԱԿՈՒՄԱՅ ՄԱՐԳԱՐԷԻ Ամբակ. Դ.

Տէր, զլուր քո լուայ և երկեայ, տէր՝ նայեցայ ՚ի գործս քո և զարհուրեցայ:

Ի մէջ երկուց կենդանեացն ծանիցիս դու, ՚ի մերձենալ ամացն յայտնեցիս, և ՚ի հասանել ժամանակին երեւեցիս: Ի խռովել անձին իմոյ ՚ի ժամանակի բարկութեան, զողորմութիւն յիշեցես:

Աստուած ՚ի հարաւոյ եկեացէ, և սուրբն ՚ի փառան լեռնէ:

Յայտնեցեն երկինք զվայելչութիւն փառաց նորա, և օրհնութեամբ նորա լցան տիեզերք:

Ճառագայթք որպէս ՚ի լուսոյ հատան ՚ի նմանէ, և եղջիւրք ՚ի ձեռին նորա գտան, և անդ հաստատեցաւ զօրութիւն փառաց նորա:

Յերեսաց նորա ելցեն հարուածք, և զհետ շաւղաց նորա երթիցեն մեծամեծք ՚ի թռչնոց:

Յկաց և չափեաց զերկիր, հայեցաւ
և դիտեաց զհեթանոսս :

Լերինք հալեացին և անտառք վատ-
նեացին. ճանապարհք՝ որք 'ի սկզբա-
նէն էին, կուրացին. և 'ինմանէ դո-
ղացի ամենայն երկիր :

Տեսի զբանակս Քուշացւոց, խռովե-
ցան բնակիչք վրանացն Մադիամու :

Միթէ 'ի վերայ գետոց բարկացինս
դու տէր, կամ սրտմտութիւն քո 'ի
վերայ գետոց, կամ բարկութիւն քո
'ի վերայ ծովու :

Ելեր դու 'ի կառս քո, հեծելու թիւն
քո փրկութիւն եղել յերանէն քո :

Զարթեալ աղեղն քո, զնետս կապար-
ձից քոց արբուցեր, զգետս ցրուե-
ցեր, զերկիր դողացուցեր 'ի սաստ-
կութենէ անձրեւի, որք անցանեն
ընդ սա :

Անդունդք աղաղակեցին մեծապէս,
լոյս փայլման արեգականն արգելաւ
և ծագումն լուսնի դադարեցաւ :

Որպէս 'ինչոյս սլաքաց քոց գնաս-
ցես, և որպէս 'ի լոյս փայլատակման
սրոյ քո :

Բարկութեամբ զարթիցես 'ի վերայ
երկրի, և դողութեամբ կացցես ըզ-
հեթանոսս :

Երեւեցար 'ի փրկութիւն ժողովրդ
դեան քո, 'ի փրկել զընտրեալս քո :

Նետաձիգ եղեր 'ի գլուխս մարդ-
կան ամբարտաւանից, մինչեւ յան-
դունդս ծովու ընկղմեցան :

Խնդրեցեր զվրէժ զօրութեամբ քով
'ի զօրագլխացն մեղաւորաց, որք յու-
սացեալ էին յանդգնութիւնս իւր-
եանց զի կերին զաղբատն 'ի դաղտնիս :

Առաքեցեր 'ի վերայ ծովու զերիվարս
քո, և խռովեցան յաղթ ջուրք ան-
դընդոց :

Վացի ես՝ և դերան աղիք իմ 'ի ձայնէ
բերանոյ իմոյ, եմուտ դողումն յու-
կերս իմ, և ես յանձն իմ խռովեցայ :
Զայս սլահեցես յաւուր նեղու-

թեան, ածել 'ի վերայ ազգի ամե-
նայնի՝ որք մարտնչին ընդ ժողովրդ-
եան քում :

Թզենի ոչ տացէ զպտուղ իւր, և
յայգւոջ բեր մի՛ գտցի. ձիթենիք
սնացին, և ջերկիր մի՛ բուսուցէ
զգալարի :

Պակասեցին հօտք 'ի ճարակաց, և
եզինք մի՛ գտցին առ մտուրս :

Ես 'ի տէր յուսացայ, ցնծացայ և
ուրախ եղէց յաստուած փրկիչ իմ :

Տէր տէր ետինձ զօրութիւն, և կա-
ցոյց զոտս իմ 'ի հաստատութեան,
'ի վերայ պարանոցի թշնամւոյն կա-
ցոյց զիս, և հանգոյց զիս երագ երագ :
Փառք հօր և որդւոյ և :

ՄԱՂԹԱՆՔ

Լուր մեզ տէր լուր մեզ, աստուա-
ծային ողորմութեամբ և զթու-
թեամբ քո խնայեա յարարածս քո :

Մարդասէր տէր վասն սրբուհւոյ
անարատի մօր քոյ և կուսի, և վա-
սըն խաչի քո պատուականի ընկալ
զաղաչանս մեր և կեցո զմեզ :

Քարոզ և աղօթք՝ Ուրբե և Ինչուսիւն կանոնացն :

Վասն գտանելոյ մեզ զչնորհ և ո-
ղորմութիւն 'ի բարերար տեառնէ
մերմէ զտէր աղաչեսցուք :

Տէր ողորմեա :

Վասն փրկելոյ զմեզ 'ի զրպարտու-
թենէ մարդկան և յորոգայթից սա-
տանայի, զտէր աղաչեսցուք :

Վասն ամենայն ազգաց քրիստոնէից
և տանց հաւատացելոց, զտէր աղա :

Վասն որք 'ի լերինս յայրս և 'ի փա-
պարս բնակեալ են սուրբ հարբն
մեր, զտէր աղաչեսցուք :

Վասն որք սաղմոսիւք և օրհնու-
թեամբ կատարեն զամենայն ժամա-
նակս կենաց իւրեանց, զտէր աղա :

Վասն հողւոցն հանգուցելոց՝ որք
ճշմարիտ և ուղիղ հաւատով 'ի քր-

բիստոս ննջեցին, զտէր աղաչեսցուք: Եւ եւս միաբան վասն ճշմարիտ և սուրբ հաւատոյս մերոյ, զտէր աղաչանձինս մեր և զմիմեանս տեառն աստուծոյ ամենակալին յանձն արասցուք:

Քեզ տեառնդ յանձն եղիցուք:

Ողորմեաց մեզ տէր աստուած մեր ըստ մեծի ողորմութեան քում. աւասցուք ամենեքեան միաբանութեամբ:

Տէր ողորմեա. տէր ողորմեա. տէր ողորմեա:

ԱՂՕԹՔ

Գոհանամք զքէն տէր աստուած մեր, որ զարթուցեր զմեզ 'ի հանդստենէ քնոյ շնորհիւ ողորմութեան քո: Չարթո՞ն զմիտս մեր արդարութեամբ առ քեզ տէր աստուած մեր, զի տեսցեն աչք մեր զփրկութիւն քո: Եկեսցէ և բնակեսցէ առ մեզ աստուածութիւն քո, և ողորմութիւն քո հովանի և պահապան եղիցի 'ի վերայ պաշտօնէից քոց: Եւ զմեզ զծառայքս քո արժանի արա 'ի տուէ և 'ի գիշերի և յամենայն ժամու միշտ խորհիլ 'ի սէր պատուիրանաց քոց: Եւ գոհութեամբ փառաւորել ըզհայր և զորդի և զսուրբ հոգի, այժմ և միշտ և յաւիտեանս յաւիտենից. ամէն:

Խաղաղութիւն ամենեցուն,
Աստուծոյ երկիրպագեսցուք:

Կենդանարար զօրութիւն և աղբիւր անմահութեան, դու ես քրիստոս աստուած փրկիչ մեր: Որ շնորհեցեր մեզ 'ի մեջ գիշերի յառնել և խոստովան լինիլ առ քեզ վասն իրաւանց և արդարութեան քո: Եւ այժմ ա

ղաչեմք զքեզ տէր աստուած մեր, արա զմեզ արթունս և պատրաստս 'ի ժամ առաւօտու ընդ սուրբս քո: Եւ ընդ նոսին գոհանալով փառաւորել զքեզ ընդ հօր և ընդ սուրբ հոգւոյն, այժմ և միշտ և յաւիտեանս յաւիտենից. ամէն:

ՄԱՂԹԱՆՔ

Գոհութեամբ և ճշմարիտ խոստովանութեամբ անդադար փառաւորեմք զհայր և զորդի և զսուրբ հոգիդ, այժմ և միշտ և յաւիտեանս յաւիտենից ամէն:

Այս սաղմոս ինքնագիր Դաւթի է արտաքոյ թռոզի ի ժամանակի զի եղևս նահատակ ընդդէմ գոհիսդոս, առաջի սառնոյս եւ ամենայն զօրացն իսրայէլի:

Փոքր էի ես յեղբարս իմ, և կրտսեր 'ի տան հօր իմոյ, արածէի զխաչինս հօր իմոյ:

Չեռք իմ արարին զսաղմոսարան, և մատուներ իմ կազմեցին զգործի օրհնութեան:

Իսկ արդ ո՞ պատմեսցէ զայս տեառն իմում. ինքնին տէր ամենայնի լուսցէ զամենայն:

Եւ առաքեաց տէր զհրեշտակս իւր, և համբարձ զիս 'ի հօտէ խաչանց հօր իմոյ, և էօժ զիս յօժումն իւրոյ իւրոյ:

Եղբարք իմ մեծամեծք և գեղեցիկք, և ոչ հաճեցաւ ընդ նոսա տէր:

Ելի ես ընդդէմ այլազգւոյն, և նզովեցի զկուռս նորա:

Հանի զսուտերն 'ի նմանէ և հատի զգլուխ նորին, և բարձի զնախատինս յորդուոցն իսրայէլի:

Փառք հօր և որդւոյ և:



Յ Ա Ն Կ Ս Ա Ղ Մ Ո Ս Ա Ց

Հ Ս Տ Կ Ա Ր Գ Ի Ա Յ Բ Ո Ւ Բ Ե Ն Ի Ց

Աղաղակեցէք առ աստուած ամենայն . . . կե .
 Աղաղակեցէք առ տէր ամենայն եր . . . ղթ .
 Ապրեցո զիս տէր, զի նուազեաց . . . ժա .
 Ապրեցո զիս տէր ֆմարդոյ չարէ . . . ճլթ .
 Առ գետս բարեւազուոց անդ նստեալք . . . ճլզ .
 Առ քեզ տէր կարդացի աստուած իմ . . . իէ .
 Առ քեզ տէր համբարձի զանձն իմ . . . իդ .
 Առ քեզ տէր համբարձի զաչս իմ . . . ճիբ .
 Ասաց անդամն ՚ի սրտի իւրում . . . ժգ .
 Ասաց անդամն ՚ի սրտի իւրում . . . ծբ .
 Ասաց տէր ցտէր իմ, նիստ ընդ աջմէ . . . ճթ .
 Ասացի՛ թէ պահեցից զճանապարհս . . . լբ .
 Ասէ անօրէնն ՚ի մեղանչել ընդ միտս . . . լե .
 Աստուած՝ ահանջօք մերովք լուարք . . . խգ .
 Աստուած աստուած իմ, ես առ . . . կբ .
 Աստուած աստուած իմ նայեաց առ . . . իա .
 Աստուած աստուածոց տէր խօսե . . . խթ .
 Աստուած եկաց ՚ի ժողովս աստու . . . ձա .
 Աստուած զիրաւունս քո արքայի . . . հա .
 Աստուած մեր ապաւէն և զօրու . . . խե .
 Աստուած մերժեցեր և աւերեցեր . . . ծթ .
 Աստուած մօտն հեթանոսք ՚ի ժա . . . հբ .
 Աստուած յանուան քում կեցո զիս . . . ծգ .
 Աստուած յօգնել ինձ նայեաց, և . . . կթ .
 Աստուած օղորմեա մեզ և օրհնեա . . . կզ .
 Աստուած օ՛քեզ նմանիցի մի լուեր . . . ձբ .
 Աստուած զբէժխնդիր տէր աստ . . . ղդ .
 Աստուած օրհնութեան իմոյ մի լբ . . . ճբ .
 Աստ օրհնեցէք ամենայն ծառայք . . . ճլգ .
 Բազում անգամ մարտեան ընդիս . . . ճիբ .
 Բայց միայն աստուծոյ հնազանդ . . . կա .
 Բանից իմոց ունկնդիր տէր, և ՚ի միտ . . . ե .
 Բարի է խոստովան լինիլ տեառն, և . . . ղա .
 Բարձր առնեմ զքեզ աստուած իմ . . . ճխդ .
 Բարձր առնեմ զքեզ տէր, զի ըն . . . իթ .
 Բղխեացէ սիրտ իմ զպատգամս քո . . . խդ .
 Գոհացայց զքէն տէր բոլորով . . . թ .
 Գովեա երուսաղէմ զտէր . . . ճխե .
 Դատ արա ինձ աստուած, և իրաւ . . . խբ .
 Դատ արա ինձ տէր, զի ես յամբք . . . իե .
 Դատեա տէր զայնտիկ՝ ոյք դա . . . լդ .
 Եթէ ոչ տէր էր առ մեզ, ասացէ . . . ճիգ .
 Եթէ ոչ տէր շինէ զառունն, ՚ի նա . . . ճիզ .

Եկայք ցնծացուք ՚ի տէր . աղա . . . ղդ .
 Երանեալ են ամբիճք ՚ի ճանա . . . ճժբ .
 Երանեալ է այր՝ որ երկնչի ՚ի . . . ճժա .
 Երանեալ է այր որ ոչ դնաց ՚ի . . . ա .
 Երանի ամենեցուն՝ ոյք երկնչին ՚ի . . . ճիե .
 Երանի որ խորհի զաղքատն և զաղք . . . խ .
 Երանի, ում թողութիւն եղեւ մե . . . լա .
 Երկինք պատմեն զփառս աստու . . . ժբ .
 Զի բարի կամ զի վայելուչ, զի . . . ճլբ .
 Զի պարծի ՚ի չարութեան հզօր . . . ծա .
 Զողորմութիւնս քո տէր յաւի . . . ձբ .
 Ընդէր խառնեցան հեթանոսք և . . . բ .
 Ընդէր մերժեցեր աստուած իս . . . հգ .
 Թէ արդարեւ զարդարութիւն . . . ծե .
 Իբրեւ զի բարի է խորայէլի աստուած . . . հբ .
 Ի դարձուցանել տեառն զգերու . . . ճիե .
 Ի խորոց կարդացի առ քեզ տէր . . . ճիթ .
 Ի կարդալ իմում լուար ինձ աստուած . . . դ .
 Ի նեղութեան իմում ես առ տէր . . . ճժթ .
 Ի տէր յուսացայ, օրսէս ասիցէք . . . ժ .
 Ի քեզ տէր յուսացայ, մի ամաչե . . . լ .
 Ի քեզ տէր յուսացայ մի ամաչե . . . հ .
 Լուարուք զայս ամենայն աղգք . . . խբ .
 Լուիցէ քեզ տէր յաւուր անձկու . . . ժթ .
 Լուր աստուած աղօթից իմոց յա . . . կգ .
 Լուր աստուած աղօթից իմոց, և . . . կ .
 Լուր տէր արդարութեան, և նայ . . . ժգ .
 Թոնարհեցո տէր զունկն՝ քո՛ և . . . ձե .
 Թոստովան եղերուք տեառն՝ և կար . . . ճգ .
 Թոստովան եղերուք տեառն՝ զի բա . . . ճժե .
 Թոստովան եղերուք տեառն՝ զի բա . . . ճլե .
 Թոստովան եղերուք տեառն՝ զի քաղ . . . ճե .
 Թոստովան եղերուք տեառն՝ զի քաղ . . . ճդ .
 Թոստովան եղէց քեզ տէր՝ բոլր . . . ճժ .
 Թոստովան եղէց քեզ տէր՝ բոլր . . . ճլե .
 Թոստովան եղիցուք առ քեզ աստ . . . հգ .
 Ծափս հարէք ամենայն հեթա . . . խգ .
 Կեցո զիս աստուած, զի հասին . . . կբ .
 Հաճեցար տէր ընդ երկիր քո . . . ձգ .
 Համբարձի զաչս իմ ՚ի լերինս . . . ճի .
 Համբերելով համբերի տեառն . . . լթ .
 Հաւատացի զոր և խօսեցայ, և ես . . . ճժե .
 Հիմունք նորա ՚ի լեառն սուրբ նո . . . ձզ .



Չայնիւ խնով ես առ տէր կար հգ .
 Չայնիւ խնով ես առ տէր կար ճիս .
 Մատուցէք տեառն՝ որդիք աստ իբ .
 Մեծ է տէր , և օրհնեալ է յոյժ իտ .
 Մի նախանձիր ընդ չարս , և մի լը .
 Մինչեւ յերբ տէր՝ մոռանաս զիս ժբ .
 Յայտնի է՝ ՚ի հրէաստանի աստուած հե .
 Յարիցէ աստուած՝ և զբուեցին կէ .
 Յելանելն խորայելի յեգիպտոսէ ճժգ .
 Յիշեա տէր զդաւիթ , և զամենայն հե ճլա .
 Յողորմութիւն և յիրաւունս ճ .
 Նայեցարուք ժողովուրդք յօ հէ .
 Ողորմեա ինձ աստուած , զի կոխ ճե .
 Ողորմեա ինձ աստուած՝ ողորմեա ճզ .
 Ողորմեա ինձ աստուած ըստ մե ճ .
 Ո յուսայ ՚ի տէր , որպէս լեառն ճիդ .
 Որ բնակեալն է յօհնութիւն բարձ ղ .
 Որ հովուեսդ խորայելի՝ նայեաց հթ .
 Որպէս սիրելիք են յարկք քո տէր ճգ .
 Որպէս փափարի եղջերու յաղբերս իս .
 Ունկնդիր աստուած աղօթից խնոց ճդ .
 Ուրախ եղէ ես՝ ոչք ասելին զիս ճիս .
 Պահեա զիս աստուած իմ , զի ես ժե .
 Պատրաստ է սիրտ իմ աստուած ճէ .
 Սիրեցի՝ զի լուիցէ տէր զձայն ճժգ .
 Սիրեցից զքեզ տէր զօրութիւն ժէ .
 Տեառն է երկիր լիւ իւրով իգ .
 Տէր ապաւէն եղեր մեր ազգէ ճթ .
 Տէր աստուած իմ ՚ի քեզ յուսա է .
 Տէր աստուած փրկութեան իմոց ճէ .
 Տէր զի բազում եղեն նեղիչք իմ գ .
 Տէր թագաւորեաց , բարկացան ժո ղբ .
 Տէր թագաւորեաց՝ վայելչու ղբ .
 Տէր թագաւորեաց՝ ցնծացէ եր ղզ .
 Տէր ՚ի զօրութեան քում ուրախ ե ի .
 Տէր լոյս իմ և կեանք իմ , ես յում իգ .
 Տէր լուր աղօթից խնոց , ունկն ճիսբ .
 Տէր լուր աղօթից խնոց , աղա ճա .
 Տէր կարդացի առ քեզ և լուր ճիս .
 Տէր հովուեսցէ զիս և ինձ ինչ իբ .
 Տէր մի սրտմտութեամբ քով յան ղ .
 Տէր մի սրտմտութեամբ քով յան լէ .
 Տէր ոչ բարձրացաւ սիրտ իմ , և ճլ .

Տէր ո՞վ կացցէ ՚ի խորանի քում ժգ .
 Տէր տէր մեր զի՞ սքանչելի է ա ը .
 Տէր փորձեցեր զիս և ծանեար ճլբ .
 Յնծացէք առ աստուած . օգնա ճ .
 Յնծացէք արդարք ՚ի տէր . ուղ լբ .
 Փրկեա զիս ՚ի թշնամեաց խնոց ճբ .
 Քեզ վայելէ օրհնութիւն աստ կդ .
 Օրհնեա անձն իմ զտէր , տէր ճգ .
 Օրհնեա անձն իմ զտէր , և ամե ճբ .
 Օրհնեա անձն իմ զտէր . օրհնե ճիսե .
 Օրհնեալ տէր աստուած իմ , որ ճիսդ .
 Օրհնեցէք զանուն տեառն . օրհ ճլդ .
 Օրհնեցէք զաստուած ՚ի սրբու ճժ .
 Օրհնեցէք զտէր ամենայն ազինք ճժգ .
 Օրհնեցէք զտէր զի բարի է ճիսզ .
 Օրհնեցէք զտէր յերկնից , օրհ ճիսբ .
 Օրհնեցէք զտէր յօրհնութիւն նոր , զի ղէ .
 Օրհնեցէք զտէր յօրհնութիւն նոր , օրհ ղե .
 Օրհնեցէք զտէր յօրհնութիւն ՚ի ճիսթ .
 Օրհնեցէք մանկունք՝ զտէր . և ճժբ .
 Օրհնեցից զտէր յամենայն ժամ լգ .

ՕՐՀՆՈՒԹԻՒՆՔ

Ես ասացի ՚ի վերանալ յինէն աւուրց 85
 Զի հուր բորբոքեցաւ ՚ի բարկու 40
 Ի գիշերաց կանխէ հոգի իմ՝ առա 71
 Ի նեղութեան իմում ես առ տէր 103
 Հաստատեցաւ սիրտ իմ ՚ի տէր 55
 Նայեցարուք երկինք և խօսե 25
 Տէր զուր քո լուայ և երկեայ 113
 Փոքր էի ես յեղբարս իմ , և կրբա 115
 Օրհնեսցուք զտէր , զի փառօք է 12
 Օրհնեցէք զաստուած յօրհնութիւն 100

ԵՍՔՆ ՍԱՂՄՈՍՔ ԱՊԱՇԻԱՐՈՒԹԵԱՆ

Տէր մի սրտմտութեամբ քով յանդի ղ .
 Երանի , ում թողութիւն եղեւ մե լա .
 Տէր մի սրտմտութեամբ քով յանդի լէ .
 Ողորմեա ինձ աստուած ըստ մեծի ճ .
 Տէր լուր աղօթից խնոց , աղաղակ ճա .
 Ի խորոց կարդացի առ քեզ տէր ճիթ .
 Տէր՝ լուր աղօթից խնոց , ունկն ճիսբ .

գրադարան



29412

2417

<< Ազգային գրադարան



NL0029412

